




57

~~U. 2.~~

T. 3


(1935)

James



John R. Galton  
March, 1951

*Juvat antiquos accedere fontis.*





ARCHÆOLOGIÆ  
Philosophicæ :  
SIVE  
DOCTRINA  
ANTIQUA DE  
RERUM ORIGINIBUS.

---

LIBRI DUO.

---

L O N D I N I,

Typis R. N. Impensis Gualt. Kettilby, ad Insigne  
Capitis Episcopi in Cœmeterio Paulino,  
MDCXCII.

Philosophical:

DOCTRINE

AND

LIBEL

AND

THE  
LIBEL  
AND  
THE  
LIBEL

---

AUGUSTISSIMO PRINCIPI

GUILIELMO.

Magnæ Britanniae, Franciæ & Hi-  
berniae REGI.

**N**ISI eò me propemodùm compulisset  
grati animi & officii ratio, Sacrum  
tanti Principis nomen studiis meis quibus-  
cunq; non ausus essem inscribere. Tibi  
enim, cui debemus omnia, fortunas integras,  
libertatem, vitam ipsam: ac chariorem  
ipsâ vitâ, Religionem: parum est offerre  
tenuis ingenii, aut otii literarii, munus-  
cula. Neq; Laudibus tuis celebrandis  
pares esse possumus, qui referendis gra-  
tiis sumus impares.

Virum Magnanimum, Inclytissime  
Princeps, duæ maximè virtutes constitu-  
unt: Fortitudo & Clementia. Non Te-  
A 2 Fortem

## Epistola Dedicatoria.

*Fortem esse dicimus, sed querimur: animæq; prodigum, in quâ nostrum omnium salus, nostrum omnium capita periclitantur. Neq; Clementiam tuam prædicamus, toti Orbi notissimam: Sed nequid detrimenti capiat Respublica, ex nimia Cæsaris indulgentiâ, oramus supplices.*

*Affectent alii inanes sine Marte triumphos, sine Virtute Lauros. Sed magni Ducis, aut fortis Viri, Qui meretur honores, numeret, oportet, si non sua vulnera, saltem sua prælia: quæ gessit, quibus medius interfuit, ardens inter enses & ignes. Et qui Clementiæ laudes assequi velit, non Urbium & Oppidorum incendia aut cineres, non Agrorum devastationes, nobis posterisque ostentare debet, in suæ Clementiæ monumenta.*

*Dedecent prætereà Virum Magnum, mala fides, læsa fœdera & Sacramenta publica: quæ jus divinum & humanum, apud omnes gentes rata & religiosa esse volue-*

## Epistola Dedicatoria.

voluerunt. Degeneres animos hoc arguit,  
& frustra querunt præclarum magnanimi-  
tatis titulum, qui viri probi & honesti  
non respondent officiis. Alii autem sunt  
tui mores, Rex. Serenissime, partes aliæ:  
Testor enim totius Europæ fidem, actioni-  
bus tuis publicis, domi aut foris, in bello  
aut in pace, nullam unquam fraudis aut  
dolosæ mentis hæsisse labem, nullam  
aspergi posse maculam.

Hæ Tibi erunt Laudes: neq̃ recen-  
sere opus est, aut genus, aut proavos: lon-  
go licet ordine, gestisq̃ egregiis memorabi-  
les. Quod enim stemma Regium Nas-  
sarico illustrius, quod antiquius? aut  
suis, aut vicinis, aut orbi Christiano, salu-  
tarius? Sed Tibi sufficit tua Virtus, &  
dulcior est suo Marte quæsitæ gloria, quàm  
à majoribus repetita. Pergas, Dux In-  
victissime, secundo Numine: Britannis,  
ut pridem Batavis, servitutis jugum ex-  
cutere, pristinam in bello virtutem ac-  
cendere,



## Epistola Dedicatoria.

*cendere, & antiquam utriusq; gentis  
dignitatem novis trophæis adornare. Ac  
ut olim Ferarum & Monstrorum Her-  
cules, ita Tyrannorum Domitor, Gens  
Nassavica semper audiat.*

MAJESTATI TUÆ

Humillimè subditus

& à Sacris Famulus,

*T. Burnetius.*

---

# P R Æ F A T I O

A D

## L E C T O R E M.

**I**N historia Gentis Humanæ partem facit non exiguam Res Literaria. In historia autem rei literariæ, nihil præstantius, aut utilius, quàm cujusque gentis ingenium, cujusque placita philosophica, & quid inscientiis profecerint, exponere : Cætera, quæ historiam literariam constituere solent, Qualia sunt philosophorum vitæ, natales, obitus, laudès, peregrinationes, benè aut malè gesta, & hujusmodi plura, complent hæc quidem, ornantque materiam : sed minoris sunt momenti, cùm id agimus, ut humanæ cognitionis semina & progressus, & divinæ Providentiæ hâc in parte regimen & œconomiam, investigemus. Quare in hoc opere, quod præ manibus est, missis his minutius, aut leviter tactis, sententias Veterum.

## *Præfatio ad Lectorem.*

Veterum de *Rerum naturâ* potissimum inquirimus. Idque in laudem & vindicias Antiquitatis, ut neque fungos fuisse Majores nostros, neque nobiscum natam esse sapientiam, ostendamus.

Ab omni ævo, quousque licet pedem referre Patrum per vestigia, & præteritorum temporum revocare memoriam, constat, Gentem humanam, non tantum de summo Numine, sed etiam de Mundo naturali: De Rerum Ortu, & Occasu, & Vicissitudinibus intermediis, (Quæ Tria sunt omnia) notitias habuisse, non veras modo, sed aliquatenus divinas; Quasque adeò à Noachidis ipsis, aut à prima forsan hominis origine, potius quàm ab inventione privatâ, aut à demonstratione naturali, repetendas esse censeo.

Præterea in aliis rebus & capitibus, quæ secundam in philosophiâ classem constituent: nempe de naturâ coelorum, & coelestium corporum, Syderumque, tam Fixorum quàm Errantium, speculationes: Patet multis exemplis, de his non malè statuisse Antiquos, neque eos fugisse penitus horum Corporum materiam & compositionem. Quinetiam quod *Mundi Systema* dicitur, sive



## *Præfatio ad Lectorem.*

five Universi forma & ordo, hoc non invenisse Pythagoram suopte ingenio, sed inter ἀπόρητα Orientalia, cum multis aliis non vilioris pretii, repertum, in Græciam primum invexisse, haud temerè creditur. Denique tertiæ clâssis philosophemata, quod spectat, quæ supellectilem hujus Terræ, putâ Elementa, & corporum Terrestrium ordines & qualitates, respiciunt, fateor Antiquos in his explorandis parum profecisse, & in hac re maximè eruditioni veterum præluere philosophiam hodiernam: cui suas laudes minimè invidemus. Ut paucis dicam, A maximis exorsa est, & ad minima progreditur philosophia: ac decursu literarum, rerum, temporumque stadio, unâ cum fine mundi, si Deus voluerit, consummabitur sapientia.

Exiguum id esse fateor, quod, ex philosophiâ Barbaricâ, vel etiam inter Græcos antiquissimâ, integrum & illæsum retinemus. Sed quemadmodum ex fractis columnis & exelis marmoribus, Græcorum Architectonicam discimus & admiramur: Ita ex majusculo aliquo fragmento veteris philosophi, de cæteris partibus sui operis, secundum symmetriæ leges, & de totâ fabri-

## *Præfatio ad Lectorem.*

câ, judicium ferimus. Utcunque in his Archæologiis, veterumque dogmatis, erudendis, scriptores Classicos, Græcosque potissimum secuti sumus. Neque quicquam affinximus cuiquam, ex amore aut invidiâ. Sed prætermissis nonnunquam erroribus, quos ex narratorum inscitia, aut incuriâ, aut denique malevolentia, oriri potuisse suspicamur: Quod pulchrum, quod utile, & memoriâ dignum, id maximè in aspectum lucemque proferre, operæpretium duximus.

Denique, in antiquâ doctrinâ enarrandâ, non pauca commentati sumus de *Fabuloso Philosophandi genere*. Quod per multa sæcula, multasque gentes, obtinuit. Et licet jam exoleverit id genus orationis, locumque cesserit severiori doctrinæ, non abs re esse duxi admonere Lectores, quâ figurâ dicendi, aut quo caractere styli, sæpiusculè usi sunt veteres; ut ab eorum scriptis tenebras depellerem, aut iniqua opprobria. Illis utique non erat religio, per fabulas & honestas fraudes, instruere populum: id quod nos dicimus *officiosè* mentiri. Deos suos crediderunt humanum genus regere, non dissimili ratione quâ nos regimus infantes

aut

## Præfatio ad Lectorem.

aut pueros: ad modum sui captus & viri-  
um: celatâ sæpe veritate, aut aptis colori-  
bus fucatâ, quo melius consulant eorum sa-  
luti. His blanditiis & ornatâ Mythologiâ  
usos esse veteres, notissimum est: qui fas  
esse voluerunt Legum latoribus & sapien-  
tibus, laxare veritatis habenas ob bonum  
publicum, & pro re natâ, μετὰ τῶν πολλῶν  
συγασοφῆν. Sed ab eorum fabulis sigillatim  
interpretandis, quo nihil magis lubricum,  
manus semper abstinui; memor dicti Ari-  
stotelis, περὶ μὲν τῶν μυθικῶν σοφιστικῶν, ἐκ ἀξίων; ἀεὶ ἀφ' ἑαυτοῦ  
μετὰ σπουδῆς σκοπεῖν. Sed de hac re satis.

Animus mihi erat, post exactam *Tellu-  
ris Theoriam*, cui jam ultimam manum ad-  
jecimus: *Mundi Aspektabilis Theoriam* con-  
scribere. Non quidem universim, neque  
enim tantæ provinciæ me parem esse sensi:  
sed Theoriam *Sacram*, in usum Theologiæ  
studiosorum; ut Operum Dei magnitudi-  
nem, ordinemque: & quibus reguntur le-  
gibus, illis pro virili exponerem. Hæc eni-  
nôsse, omnium doctorum interest, & The-  
ologorum maximè: quò in rebus creatis  
Creatoris sapientiam & magnificentiam in-  
tueri, & cum ratione ac intelligentiâ cele-  
brare, valeant. Proinde scire oportet, quid  
sint,

## *Præfatio ad Lectorem.*

sint, & quâ constant materiâ, maximæ illæ  
Mundi moles, Sydera: Cœli exercitus, Dii  
Gentium. Et quas subinde mutationes &  
metamorphoses subeant, volvente tempo-  
rum Orbe. Quid inter Stellâs, Lucidas &  
Opacas, Fixas & Errantes, intersit: Et quæ  
sit utriusque origo, & quatenus in singulis  
habitetur, secundum rationes probabiles.  
Harum rerum Contemplatio animum eri-  
git & dilatat, & immensi mundi replet  
imagine. Hinc incidimus in cogitationes,  
Deo dignas, & nosmetipsos & Terrellam  
nostram, tanquam quisquilias aut ramenta  
Operum Dei, despiciamus & pro nihilo pu-  
tamus. Dein, si ad inferiora descenditur,  
operæpretium erit disquirere, unde orian-  
tur Corporum Terrestrium differentiæ,  
Quibus particulis constant Elementa, & ex  
illis particulis, quo modo singulorum vis  
& proprietates emergant. Et sic de reli-  
quo Telluris apparatu, tam animato, quàm  
inanimato. Denique, quærendum est, in  
quo consistat Corporis & Animæ, tam di-  
stinctio, quàm unio: Et quâ ratione agant  
in Corpus nostrum, Animamque, objecta  
externa. Hæc & hujusmodi generalia &  
graviora capita, quæ instar clavis esse pos-  
sunt.



## *Praefatio ad Lectorem.*

sunt ad reliqua referenda, si benè perspecta essent Theologis, nullum locum relinquerent *adversus* Philosophastris: quorum malæ causæ proficit nostra in rebus naturalibus imperitia. Jactant enim apud ignaros, explicari posse sine Numine, vel, ut aiunt, mechanicè, totam rerum naturam. Quod nihil mendax magis, aut absurdius.

Hæc olim apud me statueram seorsim tractare, & quàm poteram, dilucidè. Sed ingruit senectus, appropinquat mors, & melioris ævi dies, cùm hæc clariùs elucebunt. Juvât interea, tenue aliquod monumentum reliquisse, vitæ non otiosè peractæ: & brevi quasi functum militiâ, deinceps à laboribus requiescere.

---

---

# ELENCHUS CAPITUM.

## LIBRI I. CAP. I.

**R**atio & propositum hujus Operis. Quatenus Telluris  
Theoriam respiciat, Quatenus Historiam Philo-  
sophicam.

### C A P. II.

Conspectus Philosophiæ Antiquæ per varias Terrarum  
Gentes. Primum, de Scythiis, Celtis, & Æthiopibus.

### C A P. III.

Indorum Orientalium perlustratio. Speciatim de Serum  
& veterum Brachmanum literis & Philosophia.

### C A P. IV.

De Assyriis & Chaldeis.

### C A P. V.

De Persis, eorumque Magis.

### C A P. VI.

De Arabum & Phœnicum historiâ literariâ.

### C A P. VII.

De Hebraeis, eorumque Cabalâ.

### C A P. VIII.

De Ægyptiis & multifariâ eorum literaturâ.

C A P.

# Elenchus Caputum.

## C A P. I X.

*De Philosophiâ Græcâ, & primùm de Orphicâ.*

## C A P. X.

*De Philosophis Græcis post Orpheum: & primò de Ionicis.*

## C A P. X I.

*De Pythagorâ, & Sectâ Pythagoricâ.*

## C A P. X I I.

*De Sectâ Eleaticâ; & de Stoicis.*

## C A P. X I I I.

*De Platoniciis, Aristotelicis, & Epicureis.*

## C A P. X I V.

*De origine Philosophiæ Barbaricæ,*

---

## LIB. II. CAP. I.

**I**ntroductio & summa secundi Libri. De Chao Antiquo universalis Traditio, & de ipsius motibus in genere.

## C A P. I I.

*De formâ Telluris primigeniæ generatim, & de Mundi statu triplici.*

## C A P. I I I.

*De formâ Telluris Primigeniæ speciatim, & præcipuis ipsius differentiis ab hodiernâ. Harum differentiarum manifesta notitiæ apud Antiquos reperiuntur.*

## C A P. I V.

*De naturâ, modo, & causis Diluviorum: & potissimùm de Universalis.*

# Elenchus Capitum.

## C A P. V.

De situ Telluris primæ, ad Solem recto: & secutis inde proprietatibus; Quales sunt Ver perpetuum, siue perenne Equinoctium, per totum Terrarum orbem: Cælum Impluvium & sine Iride. Primorum hominum Longævitas.

## C A P. VI.

De mutato Telluris, Cælive, situ: olim recto, hodiè obliquo: & secutis inde phenomenis: aliorum veterum testimonia.

## C A P. VII.

De Narratione Mosaicâ circa Paradisum, & circa Naturæ rerumque humanarum statum, in Mundo novo.

## C A P. VIII.

De Rerum Originibus in primo capite Genesios expositis: & de modo interpretandi Hexæmeron Mosaicum.

## C A P. IX.

Dubiis & objectionibus occurritur, quæ ab iis, qui literæ Hexæmeri adherent, contra præfatam expositionem urgeri poterunt

## C A P. Ult.

Quæ præterea consideranda sunt, tam rerum momenta, quam Authorum testimonia, ut in hac causâ æquum judicium feramus.

## APPENDIX.

De Brachmanis hodiernis apud Indos, eorumque Dogmatibus.



## C A P. I.

*Ratio & Propositum hujus Operis. Quatenus Telluris Theoriam respiciat, Quatenus Historiam Philosophicam.*

CUM primùm ad scribendum de TELLURIE animum applicui, id tantùm mihi propositum fuit, ut ipsius Theoriam physiologicè tractarem, solâ rationis vi, & naturâ duce; Intactis omninò, aut Sacris Literis, aut Gentium monumentis. Sed, ut solent inter tractandum succrescere materia & argumenta, ita mihi contigit in illo Opere: Nam inter philosophandum nova lux suborta est, tam è Sacris Libris, quàm antiquorum Scriptis: quæ, veluti testes injusti aut invocati, suâ sponte, & inceptâ jam causâ, comparuerunt.

Quùm verò prima Naturæ fundamenta rerumque origines, repetitâ curâ & cogitatione dignissima sint: tam propter materiæ ipsius dignitatem, quàm quòd aditum nobis aperiant cæteris omnibus in naturâ cognoscendis, Operæ pretium esse duxi, hunc veluti commentarium aut appendicem, ad Telluris Theoriam, seorsim conscribere, atque ea omnia complecti, quæ, secundæ cogitationes, ex dictis utriusque generis monumentis, in memoriam revocabant.

Sunt autem in præfatâ Theoriâ duæ partes: quarum prima agit de præterito Mundi statu, altera de Futuro. Facies autem & mutationes Mundi adhuc futuræ, sunt. potissimum *Conflagratio*, & quæ hanc sequitur, *Renovatio*, sive novi Cæli, & nova Terra. De his autem tot & tanta, in tertio & quarto libro ejusdem Theoriæ, congesimus testimonia, tam ex Sacro Codice, quàm ex Gentium scriptis, ut nec pluribus, nec fortioribus opus esse videtur; præsertim cum Christiani nominis perpauci hæc capita in controversiam adducant. Prima autem pars Theoriæ, quæ de rerum Originibus, aut *mundo Originario* tractat, multorum fugit oculos & animum: Quibus nempe tenuia sunt, &, instar aëris aut umbrarum, evanida, quæ tantum θεωρητικῶς, & ex causarum contemplatione, demonstrantur. His, ut aliquo modo subveniamus, in hujusce tractatus libro secundo, *Triplicem* Mundi naturalis statum (quod unicum totam Theoriam complectitur) in sacris literis fundari, ostenditur: veterumque sapientum antiquissimâ traditione confirmari. Ut iis, qui veritatis gustum habent quovis modo, non desint, sui generis, & qualia appetunt, argumenta.

Per Mundum autem *Originarium*, cujus jam meminimus, intelligo Mundum Antediluvianum: idq; exemplo Sancti *Petri*, qui eundem appellat τὸν κόσμον ἀρχαῖον. (2 *Epist.* 2. 5.) *Mundum Originalem*, ut à Vulgatâ redditur. Per *Archæologias* itidem intelligo ea maximè quæ hunc Mundum ἀρχαῖον respiciunt. Ità tamen ut Diluvium ipsum, & quæ eò spectant, aut protinus subsequuntur, eodem nomine complectar.

Notum est, Antiquos, præteritam Mundi ætatem in tria intervalla distinxisse, ἀθλον, μυθικόν, ἱστορικόν:

ἱστορικόν: Tempus *Obscurum, Fabulosum, Historicum*. *Obscurum* erat, quod Diluvium præcessit, tenebris & oblivione, magnâ ex parte, obrutum. *Fabulosum*, quod proximè successit Diluvio usque ad Olympiadas; quod nulla sit apud veteres istius intervalli historia, præterquam incerta & fabulosa. Tertium autem, incœptis Olympiadibus, veræ historiæ subjicitur. Quæ ad duo illa spectant intervalla super-historica, satis propriè dici possunt ἀρχαιολογίαι: strictiùs autem & propriissimè ea sic dicuntur, quæ primum intervallum & Mundum primævum respiciunt.

Sed præter hæc antiquissima, historiam quandam Philosophicam conteximus: non universalem, sed quoad Dogmata: atque ea potissimum quæ ad rerum origines spectant; notato insuper cujusque gentis aut sectæ genio, & modo philosophandi, vulgari vel arcano, accurato vel fabuloso. Hæc primum Librum occupant, atque ei proposito, præter alia, inserviunt, ut, relictis fæcibus, levioribus etiam & superfluis, antiquæ philosophiæ, quod liquidum & syncerum est, retineamus.

Quemadmodum verò qui longas Navigationes instituunt, quandoque Solis luce fruuntur ad dirigendum cursum, quandoque Lunæ, quandoque cæterarum Stellarum: ut res patitur & Cœli ratio; ita cum in tempora remotissima inquirendum est, & rerum longinquarum memoriam, non eâdem ubique luce frui licet, neceossdem sequi duces; sed, pro rebus & temporibus, alia atque alia erit vis luminis, atque testium authoritas; Perpensis autem omnibus causæ momentis, in illam partem nos flecti patiamur, quâ clarior est & probabilior, si non prorsus ineluctabilis, ratio.



## C A P. II.

*Conspectus Philosophiæ antiquæ, per varias Terrarum Gentes : Primum de Scythis, Celtis, & Æthiopibus.*

**E**Xposito fine & summâ ratione hujus Operis, quærendum proximè, quæ via tenenda sit, ut eò perveniamus. Omnes omnium libros pervolvere, nec vacat, nec juvat; quare, ut argumenti nimis vagi partes inutiles amputemus, libet primum inquirere in originem & sedes antiquæ Sapientiæ, ut quibus Monumentis recondita sit, & unde petenda, paucis & compendio videamus.

In hâc autem indagatione qualicunque, non opus erit ascendere ad tempora antè-diluviana, mundique principium; nam omnis rerum Scientia à Diluvio superstes, & quæ ad nos pervenire potuit à Majoribus, latuit olim in unius *Noachi* pectore; unde ad Filios, Nepotes, Posterósque, & cum eorum sobole in Terrarum orbem, manavit. Neque etiam necesse erit harum omnium Gentium & Populorum propagines & partitiones sequi: cum ex iis paucæ, literarum aut Sapientiæ nomine claruerint; sufficit autem ad institutum nostrum, Gentes Antiquas ita dispecere, aut digerere eo ordine, qui omnes Literatas aut Sapientiâ celebres complecti possit.

*Lib. I.*

*P. 33, 34*

Distribuebant Veteres, referente *Ephoro* apud *Strabonem*, Gentes terræ in quatuor capita, secundum quatuor

quatuor Mundi plagas; idque sub nominibus *Scytharum*, in Septentrione: *Celtarum*, in Occidente: *Aethiopum*, versus Meridiem: & *Indorum*, cū nulla sit vox latior, pro cæteris, Orientem versus. Hæc sunt antiquis tritissima nomina, & cū hi populi, cultu, legibus & literis non obscuri, orbem nostrum circuitu ambiant & comprehendant, per hæc capita progrediemur ad indagandam Barbararum Gentium Scientiam naturalem. Quū verò *Indorum* nomine plures Gentes confusè intellexerint antiqui, cū eò perventum fuerit, utendum erit novo apparatu: seorsim tractando & particulatim gentes illas Orientales, ubi primas sedes suas habuisse videtur sapientia. Græci itidem in suas Classes & Scholas dispartendi sunt. Romanos autem, utpote nullo Physiologiæ genere memorabiles, intactos præteribimus.

Ex dictis autem gentibus tres priores percurramus. levi operâ, cū nulla monumenta literaria ipsi reliquerint, neque ab aliis dictum sit, nisi parcè admodum, quâ ratione philosophati sint. Quoad *Scytharum* gentem, circa eorum antiquitatem & mores non pauca occurrunt apud Veteres; sed de Philosophiâ, aut dogmatis circa rerum naturam, nihil uspiam reperio; neque satis constat tribum aliquam singularem, vel cœtum hominum, quod solet aliàs, studiis illis apud Scythas consecratum fuisse. *Solon* dicitur miratus esse *Anacharsin*. Scytham, cū eum hospitem haberet Athenis; sed opinor, propter indolem viri & sanam mentem, non ob Scientiarum notitiam. Id quidem, in honorem Gentis, notavit *Strabo*, Δια τῆτο ὃ καὶ ὁ Ἀναχάρσις, καὶ Ἀβαρις, καὶ τινὲς Lib. 7. ἄλλοι παρὰ τοῖς Ἕλλησι τοιοῦτοι εὐδοκίμουν· ὅτι ἔθνηκόν τινα χαρακτῆρα ἐπέβαινον ἐν κοιλίᾳ; καὶ τελειότητι, καὶ δικαιοσύνης. Eaque de causâ *Anacharsis*, *Abaris*, *alique*

aliique nonnulli eorum similes, apud Græcos in magnâ fuerunt existimatione, quòd Gentilitium quendam facilitatis, perfectionis ac justitiæ characterem præ se ferrent. Abaris ille dicitur Hyperboreus, & Apollinis Sacerdos, & Magica quædam præstitisse, sagittâ vectus per aërem. Sed cùm multæ fuerint artes magicæ, & Magiæ species, apud priscos, non omnes pro Philosophis habendos esse censeo qui eas exercuerint. Id verò notatu dignum est, Hunc Abarin, teste *Suidâ*, præter alia multa, scripsisse *Theogoniam*: ideoque mundi origines; nam ea conjuncta erant apud Veteres. Huic Abari associemus *Zamolxim*, *Getam*. Hos Pythagoræ coævus esse volunt Pythagorici, alii autem antiquiores. In communi omnium istius ævi Philosophorum sententiâ conveniebant, de *Animarum* nempe immortalitate & transmigratione. Hanc *communem* dico sententiam: nam, prout de Orientalibus non ambigitur, ita de Gallis, *Cæsar* & *Lucanus*; de Germanis, *Appianus* in *Celtico*; & de Getis, ex ore Trajani, *Julianus* in *Cæsaribus*; idem asserunt. Trajani verba non pigebit referre: Καὶ τὸ Γετῶν ἔθνος ἐξέειλον, οἱ τῷ πρώτῳ μαχημῶταί τε γέγονασιν, ἔχοντες ὑπὸ ἀνδρείας μόνοι τὸ σῶμα, ἀλλὰ καὶ ὧν ἔπεισεν αὐτοὺς ὁ τιμώμενος παρ' αὐτοῖς Ζάμολξις, ἵνα μὴ ἀποθνήσκουσιν, ἀλλὰ μετοικιζέσθαι νομίζοντες, ἐτοιμότερον αὐτὸ ποιοῦσιν, ἢ τὰς ἀποδημίας ὑπομῆναι. Et *Getarum* gentem penitus everti: sunt autem illi omnium, qui usquam sunt, bellicosissimi: non tantum ob corporis robur, sed propter eam, quam eorum animis defixit, opinionem, qui apud ipsos colitur, *Zamolxis*. Non enim se mori, sed in alias sedes transferri, existimantes, paratius id faciunt, quam cùm iter aut peregrinationem suscipiunt.

Nihil quidem mihi occurrit in Veterum Scriptis de Physiologiâ Scytharum, propriè sic dictâ: sive Asiaticos



Asiaticos illos intelligamus, sive Europæos ; nec, quod demum sæculo, siqua fuit olim, extincta periit : cum regiones illas à multis retrò sæculis barbaries occupaverit. Facile credo omnes gentes antiquissimas, tam naturalis Scientiæ quàm Religionis, quædam semina à *Noachidis* derivasse : sed apud nonnullas citius exolevit disciplina illa Philosophica ; & quidem sine teste nonnunquam, propter temporis diuturnitatem, ut nulla ipsius memoria aut vestigia manserint. Prodiit in lucem nuperis annis Mythologia quædam Septentrionalis, *Eddarum* nomine, quæ, præter inanes fabulas non paucas, quædam continere videtur multò altioris originis, & antiquæ Theologiæ magis affinia quàm ulla quæ supersunt apud Græcos aut Latinos, de Scytharum vel Septentrionalium literaturâ. Denique quoad Archæologias Scythicas, præter *Oracula Scythica* ab Abari conscripta, desideratur etiam *Icesus de Mysteriis* : cujus meminit *Clemens Alex.* in hoc argumento. De Scythis hæc paucula.

*Strom. I.  
p. 42.*

A Scythis ad *Celtas* progrediamur, Occidentem versus. Constat autem apud has gentes viguisse ab omni ævo Philosophos, sive hominum ordinem, nomine, studiis, & vitæ instituto, à vulgo, aliisque distinctum. Dicti sunt ab omnibus *Druide* vel *Druides* : *Semnothei* etiam ; aliisque nominibus, quæ nil faciunt ad rem nostram, distinguere solent. Horum Philosophorum manet recens fama, quasi hodiè aut heri viventium : neque tamen restant ex eorum dogmatis & doctrinâ, nisi minutæ quædam & fragmenta, quæ, tanquam rudera veterum Templorum, aliquid magni præextitisse testantur, sed non magni sunt. *Hi Terra Mundique magnitudinem & formam : motus Cæli & syderum, inquit Mela, & quid Dii ve-* *lib. 3. c. 2.*  
*lint.*

*lint scire profitentur.* Constat quidem, præter ritus sacros & jura publica, Druidas Physiologiæ etiam operam dedisse; sed præter illud, de mundi & animorum redivivâ sorte, & utriusque revolutionibus seu *παλιγγενεσία*, nullum eorum dogma Physicum superesse reperio. Doctrinam de *Periodis Mundanis*, per Aquam & Ignem, tradidisse Druidas, patet ex *Strabone*. Et quoad Animarum præexistentiam, vicesque in hoc mundo sæpiùs repetitas, id, cum omnibus Orientis Philosophis, priscisque sapientibus, commune habuerunt; Quorum Scholâ prognatos, & institutis imbutos, hos Celtigenas faciliè credo. Volunt quidem nonnulli à Pythagorâ derivatam esse hanc gentem Philosophorum, ob cognatas opiniones & modum vivendi non dissimilem. Sed oportuerat antea probare, Pythagoram antiquiorem esse Druidis. Illi erant Theologi aut Magi Celtarum, quorum origines multò superant ætatem Pythagoræ: Ut hic ab illis potius hausisse videatur, vel uterque à communi fonte. Refert *Alexander de Symbolis Pythagoricis*, Γαλατῶν ἔβραχμάνων ἀκηκοῖται ἢ Πυθαγόραν. Hos igitur Galatarum Philosophos, Druidas, audit, non docuit, Pythagoras. Et inter Gentes maximè antiquas, sapientiâ celebres, numerat Celsus apud Origenem, τὰς Γαλατῶν Δρυΐδας. Numerantur etiam Celtæ à Phornuto inter Auctores Theologiæ Mythologicæ: quæ erat omnium prima & antiquissima: ἄλλαι μὲν (μυθοποιαὶ) ἐπὶ Μάγοις γεγόνασιν, ἄλλαι γε παρ' Αἰγυπτίοις ἔκέλταις. Neque dubito Druidas fuisse ex antiquâ progenie sapientum, non Græcanicâ: Quos Gallorum *Magos*, more Orientali, appellat Plinius. Denique ortum & prima tempora Druidum non facile est indicare, sed victis Gallis, extincti fuere circa tempora Tiberii, aut, si mavis, Claudii.

Cas. Com.  
l. 6. Strab. l.  
4. Cic. de  
divin. l. 1.

lib. 4.

Diod. Sic.  
l. 5. Am.  
Marc. l. 15.

Diog. Laër.  
proam.  
Dion. Chrys.  
orat. 49.

Clem. Alex.  
Strom. l.  
p. 304.

lib. 1.

de nat.  
Deor. p. 35.

l. 16. c. 44.

Plin.  
Sueton.



Claudii. Cætera, quæ ad Druidas spectant, non sunt nostri instituti: quæ ferè collecta habes à Lescalopero, in dissertatiunculâ de *Theologiâ Gallorum*. Meminit etiam Gaulminus sui tractatûs de *Magiâ Druidum*, quem nondum vidi. Not. ad Psellum.

Ad has plagas prætereâ revocandi, & ad hanc classẽ, siqui essent apud *Germanos, Britannos, Iberos, Italosve*, veteres Philosophi. *Germanos & Britannos*, eosdem cum Gallis habuisse Druidas, verisimile est: reclamante licet Cæsare quoad *Germanos*: utpote quorum origines à Celtis esse derivandas nondum satis didicerat. Dein quoad *Iberos, Celtiberos, vel Hispanos* (unâ enim complectimur omnes) Quid literaturæ & disciplinarum habuerint ante tempora Romana, Gothica, Saracénica, ex antiquis authoribus non facile est expiscari. De hujus gentis re literariâ nihil affert *Diodorus Siculus*: *Strabo* autem aliquatenus fabulosa; ait enim *Turditanos* sive *Bœ-* lib. 3. p. 139.  
*ticos, Iberorum sapientissimos, antiquitatis commentaria, & Poëmata, & leges more metrico scriptas, à sex millibus annorum, ut ferunt, habuisse.* Hæc nimia sunt, neque etiam rem nostram attingunt, quæ veterum Scientiam naturalem & dogmata unicè scrutatur. Quoad *Italos* denique, *Hetrusci* sive *Tyrrheni* inter priscorum sapientes habiti sunt. Hos Physiologiam coluisse testatur *Diodorus Siculus*, his Verbis, lib. 5.  
*κατὰ τε καὶ φυσιολογίαν ἐξεπόνησαν ὅπῃ πλεῖστον, καὶ τὰ περὶ τῆς κεραυνοσκοπίας μάλιστα πάντων ἀνθρώπων ἐξεργάσατο.* Literis verò, & imprimis naturæ perscrutationi plurimum studium impenderunt, atque omnium maximè gentium, fulminum considerationi intenti erant. Per fulmina nempe, aliaque aëris Phænomena, artem suam divinatricem, à *Tagete* edocti, construebant: atque istius artis *Hetruscæ* sapiùs meminerunt, *Cicero*,  
C Seneca,

Ισ. Τυρ-  
ράσια.

p. 456.

*Seneca*, aliique Latini. Neque tamen in Meteoris & ostentis interpretandis toti erant, neque his terminis inclusa fuit Hetruscorum Scientia : Constat enim eos Philosophatos esse tam de mundi origine, quàm exitu : & de spatio suæ durationis, sive curriculo ; prout alibi notavimus ex Suidâ. Sed locus est multò illustrior hâc de re apud Plutarchum in *vitâ Syllæ* : Ubi periodos sive conversiones Mundanas, *Annumque Magnum*, in Philosophiâ Hetruscâ clarè ostendit. Loquitur de prodigio verè mirabili in cœlis, tempore Marii : nempe *claro & sereno cœlo vox increpuit tubæ acuta & lugubris, ut obstupescerent & cohorrescerent ejus magnitudine omnes* : Dein adjicit, Τυρρηνῶν δ' οἱ λόγοι μεταβολὴν ἑτέρου γένους ἀπεφαίνοντο, καὶ μετὰ κόσμησιν ἀποσημαίνειν τὸ τέρας· εἶναι μὲν γὰρ αὐτοῖς οὐκ τὰ σύμπαντα γένη, διαφέροντα τοῖς βίοις καὶ τοῖς ἡδέσι δι' ἀλλήλων, ἐκάσῳ δ' ἀφωρίσθαι χρόνων ἀριθμὸν, ἀπὸ τοῦ θεῶ συμπερασιμόμηνον ἐνιαυτῷ μεγάλῳ περιόδῳ. *Hetrusci sapientes mutationem in aliam atatem & genus hominum, Mundique quandam conversionem, portendi hoc ostento prædicârunt. Esse enim iis octo universim genera, vitâ & moribus inter se diversa : unicuique autem præfinitum esse à Deo certum temporum numerum, qui MAGNI ANNI periodo limitatur. Denique, religionem ritusque sacros ab iisdem Hetruscis mutuatos esse Italos, tam Romanos quàm alios, plures auctores ratum fecerunt. Et in utrâque materiâ, religionis & philosophiæ, quid dicendum esset faciliè expediremus, modò non periissent Numa Pompilii Libri, à Romanis, more barbaro, combusti. Interciderunt etiam Tagetis Libri, quorum meminit Cicero, & Am. Marcellinus l. 17. Quosque exposuit, unâ cum disciplinâ Hetruscâ, quindecim voluminibus Lubeo Antistius : prout testatur Fulgentius Placiades in expos.*

2. de  
divin.

Serm.

*Serm. ant.* ubi *Manales Lapides* interpretatur. Denique, de eâdem disciplinâ libri *Tarquitii* vel *Tarquini*, de quibus nos monuerunt *Marcellinus* & *Macrob*<sup>lib. 5.</sup>  
*bins*, itidem desiderantur. Sed de *Hetruscis* satis.<sup>lib. 3. Sat.</sup>

Peragratis leviter Septentrione & Occidente, ad Meridiem vergamus, quæsitum Philosophos. Ubi primùm occurrunt *Gymnosophistæ* apud *Æthiopes*, pristinâ literaturâ nobiles. Erat utique, tam apud *Æthiopes* quàm *Indos*, *Gymnosophistarum* natio: sed hos quidem illis prætulit, si probè memini, qui utrosque inviserat, *Apollonius Tyaneus*: nescio an satis æquus & idoneus *Judex*. Fatendum est, parum esse quod superest apud veteres, egregium & singulare, circa Philosophiam *Æthiopicam*: pauca dogmata, aut doctrinas celebres. Quod tamen libentius attribuo temporis iniquitati, quæ res difficiles & remotas facilè elabi patitur, quàm inopix materiæ, aut populorum ingeniis. Erant certè antiqui, integritatis laude clari, legibus, morum cultu, pietate, & Deorum commercio. Præterea, literarum usum habebant vetustissimum: & cum his omnibus, otium & diuturnam pacem; ut *nunquam*, si *Diodoro* fides,<sup>Ibid.</sup>  
*externum fuerint experti dominatum, sed in perpetua libertatis possessione, mutuaque concordia nexu permanferint.* Denique rerum scientiam & sapientiæ studia eos coluisse, constat ex illâ familiâ Philosophorum *Gymnosophistarum*, & ex collegiis Sacerdotum, quæ, more gentium literatarum, semper fovebant. Quinetiam duplex genus literarum, sacrum & vulgare, quod priscis sapientibus in usu erat, ipsi, ut videtur, primùm instituebant.

Hæc quidem generalia sunt: sed quoad res cœlestes, si *Luciano* fides, *Æthiopes* omnium primi, astorum motus attendebant: & *Lunarium phasæon* cau-



En Astrol.

fas scrutati, Lunam, innatâ luce destitutam, quicquid  
habet luminis, à Sole mutuari deprehenderunt. De-  
nique Astronomiæ & Astrologiæ jactis fundamentis,  
Ægyptiis ea perficienda tradidisse refert. Audi autho-  
ris verba. Πρῶτον μὲν ἐν Αἰθίοπες τὸν δεῦρ' λόγον, loquitur  
de Australi Scientiâ, ἀνθρώποισι καταστήσαιτο. αὐτῇ δὲ  
αὐτέοισι τὰ μὲν, ἡ σοφίη τῶ ἔθνεος, καὶ γὰρ τ' ἀλλὰ τῶ  
ἄλλων σοφώτεροι Αἰθίοπες, τὰ δὲ, καὶ τ' οἰκίσεως ἢ  
ὁμοιρίη-----ἰδόντες ἐν πρῶτα τ' σεληναίῳ ἐκ ἐς πᾶμπαν  
ὁμοίῳ φαινομένην, ἀλλὰ πολυεδέα τε γιγνομένην-----  
εὗρον τετέων τ' αὐτίλῳ, ὅτι ἐκ ἴδιον τῇ σεληναίῃ. τὸ φέγ-  
γος, ἀλλὰ οἱ παρ' ἡελίῳ ἔρχεται. εὗρον δ' καὶ τῶ ἄλλων  
ἀστέρων τ' φορῶν-----cum cæteris, quibus non sum re-  
petendis.

Hæc de rebus Cœlestibus: de Terrestribus nihil  
reperio, neque de mundi formâ aut origine, apud  
Æthiopas. Cum referata fuerit & excussa Abyssino-  
rum Bibliotheca, modò non sit fabula: Archaio-  
logias Æthiopicas, siquæ sunt, penitùs inspicemus.  
Intereâ, quid restet de singularum gentium philoso-  
phia, cum quæritur: ubi nihil restat, etiam illud sci-  
re, est proficere. Perdidimus quidem, in hoc argu-  
mento, ex authoribus Græcis non paucos: *Agathar-*  
*chidem* Gnidium, & *Artemidorum* Ephesium: quos  
laudat Diodorus. Scripsit etiam *Marcellus* de rebus  
Æthiopicis, à *Proclo*, in explicatione sermonis *Atlan-*  
*tici*, in testem adductus. Denique, *Bion* Solensis, refe-  
rente *Laertio*, Æthiopica tractavit. Citatur etiam,  
cum aliis, tam à *Plinio*, (l. 6. c. 29.) quàm ab *Athe-*  
*neo*, (l. 13. c. 2. p. 566.) Sed de Æthiopicis satîs, &  
de gentibus Australibus, eo nomine antiquitùs com-  
prehensis. De Ægyptiis autem, ubi ampla differendi  
læges, alibi seorsim tractabimus.

ut supra.  
In Tim.  
Plat.  
p. 55, 56.

C A P. III.

*Indorum Orientalium perlustratio : Speciatim de Serum & Brachmanum literis & philosophiâ.*

**H**Actenùs multas terras sine magno fructu percurrimus : tres mundi plagas, Septentrionem, Occidentem, & Meridiem ; & quàm pauci nobis per viam occurrêre sapientes ? Ad Indos jam ventum est ; quo nomine latè sumpto, Asiatica omnia complectemur, & nonnulla vicina. Hîc autem sedes primas habuere post diluviani homines, & in hoc generis humani instaurandi seminario sapientiæ etiam & literarum origines quærendæ sunt. Neque ignotum est aut inconcessum, harum regionum incolas, omnium primos, doctrinæ & disciplinarum famâ inclaruisse ; præter Ægyptios enim, Phœnices, Arabes, Assyrios, Indosque ulteriores, ante invec̃tas in Græciam disciplinas, rerum humanarum divinarumque scientiam non vulgarem possedisse legimus ; atque ab illis, tanquam à fontibus, per varios rivos, & diversis sæculis, ad alios atque alios populos manâsse. Age igitur, si libet, tractum terrarum qui superest versus Orientem penetremus & pervadamus, ut eæ gentes quæ maximè cultæ sapientesque habitæ fuerunt, quo jure id nomen adeptæ sint, quâ fide id credatur, aut quæ monumenta reliquerint, paucis videamus.

Atque

Atque ut à remotioribus ordiamur, in extremâ Oriente veteres *Seres*, qui hodiè *Sinæ* aut *Sinenses* dicti sunt, literis & cultu conspicui, æquum est ut invisamus. Horum apud antiquos parca est historia, nec tam ob scientiam celebrantur, quàm ob longævitatē, & serici conficiendi artificium. Hostes Christiani nominis, *Celsus*, *Porphyrius*, *Julianus*, *Hierocles*, qui gentes celebres & sapientes in exempla Christianis proponere solebant, aut ut iis exprobrarent suæ Theologiæ novitatem, aut sectæ ignorantiam, *Seres* in hunc censum non retulerunt. *Celsus*

*Lucian.  
Strab.*

*Apud Orig.  
l. 7.*

quidem eorum meminit, sed αἰθεῖς nominat, gentibusq; feris & incultis associat, εἰδὲ γὰρ Σκύθαι τῆτο, εἰδὲ Λιβύων οἱ Νομάδες, εἰδὲ Σῆρες οἱ ἄθρειοι, εἰδ' ἄλλα ἔθνη τὰ δυσάγεστα καὶ ἀνομώτατα. Nec multò aliter *Dionysius*,

*Περὶ γ.  
ver. 752.*

καὶ ἔθνεα βάρβαρα Σηρῶν. Horum tamen utrumque mitiùs interpretor; Atheos appellat *Celsus*, quòd Templis, aris & statuis non uterentur, nec operoso illo superstitionis apparatu quo ceteræ gentes. Hâc ferè ratione Christiani à Paganis dicti sunt

*Apud Just.  
Mart. Athe-  
mag. &c.*

Athei, quod neque oraculis, neque sacrificiis, neque Deorum simulacris gauderent. *Dionysius* autem gentem illam barbaram appellat, vel, more Græco, vel quod esset ἀπερομιγὲς ἔθνος, ut inquit *Stephanus*, &, ferarum instar, aliarum gentium fugiebat commercium.

*De urb.*

Utcunque, his arguitur parùm notam fuisse antiquis Serum Literaturam, quæ jam ubiq; sermone omnium percrebuit. Mercatoribus & Sacerdotibus Christianis debemus imprimis notitiam hujus gentis & regionis, antea impenetrabilis: atque ex horum fide & loci ipsius monumentis constat, ab antiquissimis temporibus stetisse hoc imperium, artibus & re literariâ florentissimum. Idque sine ullo cum gentibus litera-



literatis commercio : aut inde deductis, quod liquet, coloniis, vel gentis suæ fundatoribus ; ac si alterius essent originis à cæterâ stirpe humanâ, & à Noachi posteris : αὐτοκέφαλοι καὶ αὐτοδίδακτοι. Sunt apud ipsos, antiquitatis nobis incredibilis, annales ; queruntur tamen optimos & vetustissimos eorum libros, aliquot ante Christum natum sæculis, combustos fuisse ab Imperatore Zio, ut omnium, qui eum præcessissent, extingueret memoriam. Habent nonnullas Archæ- M. Mart.  
Hist. Sin.  
ologias Philosophicas, de *Diluvio*, de ortu rerum *ex Ovo*, & observationes cœlestes mirandæ vetustatis.

Si verò hodierni Sinenſes cùm hodiernis Europæis comparentur, non dubito nostratibus illos multum inferiores esse ; siue disciplinas Mathematicas spectemus, puras vel mixtas ; siue Physiologiam. Cùm verò quicquid habent, domi natum & suo pte ingenio excultum habuerint, non mutuatum, non ab aliis gentibus repetitum, quod de Græcis, Romanis, cæterisque ferè Europæis dici solet, id illis in singularem laudem tribuendum esse existimo, cùm, tam sapientiâ, quàm satu, *Aborigines* esse videantur.

Inter disciplinas, maximi faciunt doctrinam Ethicam ; cujus author erat celeberrimus, *Confutius*, Sinenſium Socrates ; quem etiam tempore non multum præcessit. Hoc studium liberale tanti ducunt, vitæque humanæ tam necessarium, ut ex solis philosophis omnes suos magistratus eligant ; Regemque ipsum, si degeneraverit, horum monitis liberioribus exponant. Atque hæc de Seribus.

In alterâ parte Indiæ, Austrum versus, celebres fuere ab omni ævo philosophi *Brachmanes* : genus hominum, qui contemplationi semper vacabant ; ignotæ quidem originis, sed digni quorum placita propius intueamur ; hos enim, præter mores & vi-  
vendi

I. 15 p. 719. vendi instituta, Physiologiam & Astronomiam co-  
 luisse, ex *Strabone* aliisque constat. Neque miror  
 eorum doctrinam Physicam multis insulsam visam  
 esse, cum fabulis, vel fabuloso cortice, plerumque in-  
 voluta esset. Ità ibidem *Megasthenes*, τὰ δὲ περὶ  
 φύσιν, τὰ μὲν εὐήθεα ἐμφαίνειν; ἐν ἔργοις γὰρ αὐτὸς κρείτ-  
 τος ἢ λόγοις εἶναι διὰ μύθων τὰ πολλὰ πειθεμένους. Sub-  
 dit dein *Strabo* quædam eorum nota dogmata, &  
 F. 713. cum Græcis communia, Περὶ πολλῶν δὲ τοῖς Ἕλλησιν  
 ὁμοδοξεῖν ὅτι γὰρ γαίης ὁ κόσμος, καὶ φαρτὸς, λέγειν  
 καὶ κείνους, καὶ ὅτι σφαιροειδής. Ἀρχαὶ δὲ τῶν μὲν συμ-  
 πάντων ἔτεροι, τὴν δὲ κοσμοποιῖαν τὸ ὕδωρ. Voluerunt  
 mundum genitum esse, & perituum; atque totius  
 universi alia quidem esse principia, nostri autem  
 mundi conditi, Aquam. Ita enim distinguendum  
 esse existimo τὸ σύμπαν ἀπὸ τῆς κοσμοποιῖας. Subjicit  
 præterea circa animam, παραπλέκοντι δὲ καὶ μύθους, ὡς  
 περὶ καὶ Πλάτων, περὶ τε ἀφθαρσίας ψυχῆς, καὶ τῶν κατ'  
 Ἀδύκρίσεων, καὶ ἄλλα τοιαῦτα. Vides quæ & qualia,  
 fabulas appellat. Innuit denique apud ipsos fuisse,  
 pro more antiquorum, doctrinas secretas sive ἀπόρ-  
 ρητὰ; à quibus audiendis arcere solebant uxores, ne  
 in vulgus manarent. Ταῖς δὲ γυναῖξιν δὲ γάμεταῖς μὴ συμ-  
 φιλοσοφεῖν τὰς Βραχμῶνας. ἵνα μὴ τι τῶν ἐν δαιμόνων  
 ἐκφέρειεν εἰς τὰς βεβήλους.

Hæc nobis conservavit *Strabo* circa *Brachmanas*,  
 ex *Megasthene*, *Nearcho*, *Onesicrito*, *Aristobulo* *Cas-*  
*sandro*, aliisque; unde se Indica sua sumpsisse dicit;  
 neque physiologiæ *Brachmanicæ* tantum alibi reperi-  
 mus apud omnes veteres. His addit *Clemens Alex-*  
 andrinus, τὴν παλιγγενεσίαν. Καταφρονέοντι δὲ θανάτου,  
 Strom. 3. loquitur de his philosophis, καὶ παρ' ἡμῶν ἡ γυνὴ τὸ  
 ζῆν, παύσασθαι γὰρ εἶναι παλιγγενεσίαν. Neque hîc tan-  
 tum μετεμψύχωσιν intelligo, sed etiam totius mundi  
 nostri



nostri renovationem ; cùm vox illa, φυσικῶς sumpta, id plerumque significet, tam apud philosophos, quàm patres Græcos. Diximus hanc philosophiam ignotæ esse originis ; nonnulli tamen derivatam esse volunt à Baccho Indico, quem si de Noacho interpretentur, ut solent multi, ad primum fontem nos deducunt. Sed undecunque edoctos, constat Indos ab omni memoriâ coluisse sacrum genus philosophorum, iisque primos honores detulisse in republicâ, Audiamus *Diodorum Siculum* de antiquâ Indorum politiâ. Το ὅ πᾶν πληθὺν τῶν Ἰνδῶν εἰς ἐπτά μέρη διήρτηται, ὧν ἕξ τὸ μὲν πρῶτον σύστημα φιλοσόφων· πολλοὶ μὲν τῶν ἄλλων μερῶν λειπόμηνον, τῇ δ' ἑπιφανείᾳ πάντων πρωτεύον· ἀλειτουργῆσι γὰρ ὄντες οἱ φιλόσοφοι πάσης ὑπεργίας, ἐδ' ἐτέρων κυριεύουσι, ἐδ' ὑφ' ἐτέρων δεσπόζονται· παραλαμβάνονται δὲ ὑπὸ τῶν ἰδίων εἰς τε τὰς ἐν τῷ βίῳ θυσίας, καὶ εἰς τὰς τῶν τέλεω ἡκόντων ἐπιμελείας, ὡς θεοῖς γεγονότες προσφιλέσθαι, καὶ περὶ τῶν ἐν Ἀδύα μάλιστα ἐμπείρους ἔχοντες· ταύτης δὲ τῆς ὑπεργίας ὡρᾶ τε καὶ τιμὰς λαμβάνουσιν ἀξιολόγως. *Universus Indorum populus in septem tribus distributus est. Prima ex philosophis constat, qui numero quidem ceteris sunt inferiores, nobilitate autem primas tenent. Ab omni enim ministerio publico immunes: neque dominantur ipsi, neque aliorum dominio subjecti sunt. A suis autem ad rem divinam & defunctorum exequiis adhibentur, ut qui Diis eximie sint chari, & rerum qua ad manes statumque futurum spectant, maximè periti. Pro quibus officiis dona honoresque magnificos recipiunt.* Hæc de antiquis Brachmanis intelligo ; de quorum vitâ & moribus multa occurrunt apud veteres, de doctrinâ paucissima. Neq; id miror, cùm præter suprâ laudatos rerum Indicarum scriptores, interierint alii plures, à quibus petenda esset hujus gentis historia literaria. *Bardefanes*

πρὸς ἐποχ.  
l. 4.

In voc.

Babylonius scripsit de *Gymnosophistis* Indis: ut testatur Porphyrius. Eumque citat Hieronymus *contra Jovin. l. 2.* Atque *Brachman* Rex, secundum *Suidam*, scripsit leges & instituta *Brachmanum*, & istius gentis πολιτείαν, suâ dialecto. Præterea, *Nymphidorus*, nempe ille *Amphipolites*, scripsit τὰ νόμιμα βαρβαρικὰ, *Instituta Barbarica*. In quibus probabile est eum non pauca de gentium literis & disciplinis interfuisse. Deniq; scripsit *Ctesias Cnidius* librum singularem de rebus Indicis; cæterum in Excerptis *Ctesia* apud Photium, circa Philosophos aut Philosophiam istius gentis nihil memorabile reperio.

Hæc de Antiquis. Hodierni Authores in hodiernorum *Bragmanum* historiâ alia multa philosophemata adjiciunt, fabulis plerumq; intertexta; Neq; id ab eorum more alienum esse videtur, nam vidimus ex *Strabone*, hoc vitium fuisse *Bragmanis* antiquitûs, ut doctrinâ mythologicâ nimis delectarentur. Quo quidem genere doctrinæ, impuræ licet & multis corruptelis obnoxia, tradita fuit antiquissima Theologia, tam Græca quam Barbarica. Sive id factum fuerit pro ingenio priscorum hominum, maximè Orientalium; sive ut ea quæ pulchra erant, difficilia redderent, neq; primo intuitu discernenda. Certissimum est superesse adhuc ordines & tribus Philosophorum apud Indos, atq; eos uti, in conservandâ suâ philosophiâ, linguâ sacrâ, ( hoc est, non vulgari vernaculâ ) & antiquissimâ; ut non incredibile sit mansisse per tot sæcula eandem Philosophiam, vel ejusdem philosophiæ corpus, licet variè distortum & novis fabulis quasi incrustatum. Hujus notitias aliquas nobis attulerunt viri docti, qui apud Indos diù versati sunt, & ex eorum scriptis quædam specimina, cùm opportunum fuerit, in sequenti forsân libro afferemus. Sed impræsentiarum satis.

C A P. IV.

De Assyriis & Chaldæis.

**A**B Indis ad Assyrios accedimus. Quorum erat primum Imperium magnum, quod fidem meretur, in terrarum orbe, post Diluvium. Iidem etiam populi inter antiquissimos numerantur qui literas & sapientiam coluerunt, primaque Schola publica & Imperialis in Babylone, hujus monarchiæ metropoli, statuitur; permanfitque ad tempora Nebuchadnezzaris magni, & Prophetæ Danielis. Imò devoluto ad Persas imperio, adhuc erat literarum & literatorum sedes, *Babylon*.

Apud Assyrios & Babylonios sapientes dicebantur *Chaldæi*; gentilitio nomine ad significandam hominum sectam aut ordinem translato. Dicti etiam erant *Magi*, referente Hieronymo, ante tempora Persarum. Horum Collegiis aut Academiis, ob eximiam sapientiam quâ omnes antecelluit, præficiebatur Daniel, ex mandato Regis; quam præfecturam cum non recusaret Propheta, argumento esse videtur non tantum malas artes, aut futes, coluisse hos Magos, sed honestas disciplinas etiam, & naturalem rerum scientiam. Neque tamen inficiamur Chaldæos celebrari maximè ab antiquis ob res Genethliacas & Astrologiam; quod plerumque solet esse studium hominum ἀφιλοσόφων; sed testatur *Strabo* Chaldæorum nonnullos, Philosophos & Astronomos Indi-

*Ad Dan.*  
c. II.

*Dan.* 2. 48.  
& 4. 9.  
& 5. II.

l. 16.  
p. 739.



genas, habuisse in agro Babylonico sibi propriam habitationem, neque voluisse in cætum suum recipere illos Genethliacos. Ἀφώριστο δ' ἐν τῇ Βαβυλωνίᾳ κατοικία τοῖς ἐπιχωρίοις φιλοσόφοις, τοῖς Χαλδαίοις προσ-αγορευομένοις, οἱ περὶ ἀστρονομίαν εἰσὶ τὸ πλεόν· προσωπίται δέ τινες καὶ γενεθλιαλογεῖν, ἕς ἐκαστὰ δέχονται οἱ ἑταεροι. Hos genuinos Babyloniorum Philosophos, (rejectis Astrologis) eorumque Collegium sacrum, & venerandam antiquitatem colimus; Horum quis novit Origines? nulla erat gens vetustior unde disciplinas haurire poterant; sed ab his hausērunt multi. Ad Babylonios profectus est Pythagoras, ad *perdiscendos siderum motus, originemque mundi spectandam*, inquit *Justinus*. Quæ duo sunt Philosophiæ naturalis maxima capita, & quasi cardines; κοσμοσύσεις scilicet, & κοσμογένεια. Erant autem, tempore Pythagoræ, sub Persarum imperio Babylonii & Chaldaei, sed antiquæ Academiæ Assyrio-Babylonicæ videntur esse adhuc reliquiæ. Illud dolendum est, nulla superesse scripta, nulla dogmata gentis Assyrio-Chaldaicæ; varias apud eos fuisse Astronomorum sectas refert *Strabo*, & de rebus iisdem diversa dogmata, sed nulla speciatim memorat: memorat quidem nonnulla *Diodorus* (l. 2.) sed nimis laxè. Οἱ Χαλδαῖοι ἢ μὲν τὸ κόσμον φύσιν αἰδίδιον φασὶν εἶναι, καὶ μήτε ἐξ ἀρχῆς γενέσθαι ἐξηκέναι, μηδ' ὕστερον φθορὰν ἐπιδέξασθαι· ἢ δὲ τῶν ὄλων τάξιν τὴν καὶ διακόσμησιν θεῖαν τινὲν προσωπίαν γεγονέναι, καὶ ὅν ἐκαστα τῶν ἐν ἑρανῶ γινομένων, ἕχ ὡς ἐτυχεν, ἐδ' αὐτομάτως, ἀλλ' ὡς ἐσμένῃ τινὶ καὶ βεβαίως κεκυρωμένη θεῶν κρίσει συνελεῖσθαι. Mundi materiam semper extitisse voluerunt, ipsius autem formam, ordinem & ornatum à divinâ providentiâ constitui. Cætera quæ sequuntur ad Astrologos Chaldaeos spectant magis quàm Philosophos. Sed tandem quædam subdit

Lib. 20.

c. 4.

Ibid. ἐστὶ καὶ τῶν Χαλδαίων τῶν ἀστρονομικῶν γένῃ πλείω ὥς ἀν καὶ αἰρέσεις ἀλλὰ καὶ ἀλλὰ λέγουται περὶ τῶν αὐτῶν δόγματα.



subdit circa *Tellurem*; Περὶ δὲ τῆς γῆς ἰδιωτάτας ἀποφάσεις ποιεῖται, λέγοντες ὑπάρχειν αὐτῇ σκαφοειδῆ καὶ κοιλῇ καὶ πολλὰς καὶ πιθανὰς ἀποδείξεις ὑπορῖσι; περὶ τε ταύτης καὶ περὶ τῶν ἄλλων τῶν κατὰ τὴν κόσμον. Hæc maximè desiderantur quæ suggerit potius quàm explicat, eorum κυρίαι δόξαι vel ἀποφάσεις ἰδιωτάταις circa *Tellurem*. Unum tantum exprimit, Eam *Sca-phiformem* esse & *cavam*, sive oblongam & excavatam. Cætera autem, cum suis demonstrationibus exoptatissimis, nullibi jam reperiuntur: Denique subjungit quæ tradita sunt circa eorum antiquitatem, & à quot sæculis, ante Alexandri expeditionem, hæc contemplationibus incubuissent. Hæc autem, ut cætera ferè de Gentium Orientalium antiquitate, aliena sunt à nostrâ fide & Chronologiâ.

Circumferuntur *Oracula Chaldaica*, à Michaelē Psello collecta pridem, & exposita: dein à Franc. Patricio insigniter aucta; ab Opsoπæo denique cum Scholiis Plethonis & Pselli, ex parte recusa. Psellus opus suum nuncupat, ἔκθεσιν τῶν παρ' Ἀσσυρίοις δογμάτων. *Expositionem Dogmatum Assyriorum*: Sed quo jure? Ex illis sententiolis aut versiculis quàm pauci dici possunt *Dogmata* qualiacunque? & si dogmata, quare Assyriaca? Est farrago, quæ plerumque sequitur rationes Platonicas, sed crudiores, Gnosticorum instar, aut eorum qui de rebus ignotis loqui amant, verbis tumidis & figuratis. Neque mundi ortum, neque ullum illustre Phænomenon explicant hæc scripta; ipsumque rerum systema ignorasse videtur author, aut varias sententias de eodem confudisse; plurimus est in materiâ incognitâ & rerum invisibilium ordinibus, ut solent esse ingenia istiusmodi flatuosa: videntur esse quidem cento, è veterum scriptis (neque admodum veterum, à Platone enim citata nondum reperi)

confusus

Vid. Fr.  
Patricii  
Zorast.

τὴν δὲ ἐν  
μέσῳ τι-  
θεῖς, &c.

confusus & intertextus. Crepant *numeros mysticos Iyngas, Magica*, & quadam de Triade Platonica, sed confusè : solidæ Philosophiæ nihil illic video.

Si verò Theologiam Chaldaicam gustare libet aliquantulum, prout à mystis suis exhibetur, ità ferè se habet quoad rerum divinarum ordines. Res ab iis distinguuntur in purè Intelligibiles, Intelligibiles simul & Intellectuales, & Intellectuales tantùm. In primo ordine est suprema *Trius* : Ad secundum referunt *Iyngas, Synochæas, & Teletarchas* : ad tertium, *Mentes inferiores*. Sic philosophatur Psellus. Aliam verò rerum scalam aliquando substituit. Nempe Triadem *Amilitorum*, & unum *Hupezocota*. *Fontes hi septem, post quos fontes sunt Hyperarchii, inde Azoni, dein Zoni* : post *Angeli, Dæmones, Heroes* : postremò, *Mundus Corporeus*. Quod si Plethonem consulas, paulò aliter sui mundi supellectilem disposuit ; post supremam Triadem succedit intelligibilis *Iynx* : & post hanc *Synochus, Empyreus, Ethereus & Hyleus*. Post *Synochæas* sunt *Teletarchæ* : post hos *Fontani Patres*, qui vocantur etiam *Mundi auctores*. *Horum primus dicitur semel Trans, post hunc Hecate, postea bis Trans, post hunc tres Amilioti, ultimò is qui Hupezoco vocatur*. Tædet plura transcribere, Hæc si tibi placent profuntque, Lector, gaude & fruire. Sed ad Oracula paulisper redeamus.

Ad Zoroastrem referri solent, ipsiusque philosophiam aut Theologiam, hæc Oracula ; cùm verò nondum patefiat, cujas fuerit, aut quotuplex Zoroaster : & constantior fama sit de Zoroastre Persico, quàm Assyrio, sub capite Persarum *Zoroastri* doctrinam tractabimus. Recentius invenit, aut se invenisse credidit, nescio quæ monumenta Chaldaica, *Johannes Picus Mirandulanus* ; quod latus & exultans *Marsilio Ficino*

*Ficino explicat his verbis, Chaldaici hi libri sunt, si libri sunt & non Thesauri. Audi inscriptiones, Patris Ezre, Zoroastris & Melchiar Magorum, Oracula, in quibus & illa quoque quæ apud Græcos mendosa & mutila circumferuntur, leguntur integra & absoluta. Tum est in illis Chaldaeorum sapientum brevis quidem & salebrosa, sed plena mysteriis interpretatio. Est itidem & libellus de dogmatis Chaldaica Theologiae. Tum Persarum, Græcorum & Chaldaeorum in illam divina & locupletissima enarratio. Vide, Marsili, quæ insperata mihi bona irrepererunt in sinum. Cur non ego & cornucopia jam mihi nactus videar? Magna hæc sunt, sed hi thesauri Chaldaici nondum comparuerunt, & ego tardus assentior non visis. Certè istiusmodi libri antiqui sunt veluti Mortui aut umbræ, de quibus, cùm apparere videntur, vix propriis oculis fidentur, multò minùs alienis.*

Interea dolendum maximè periisse opus *Berosi*, sacerdotis Babylonii; qui non tantum res civiles Assyriorum, sed etiam Philosophicas scriptis mandarat. Ita *Iosephus* testatur contra *Apionem*. Βηρώσις ἀνὴρ *Li. I.* Χαλδαῖος μὴ τὸ γένος, γνώριμος δὲ τοῖς περὶ παιδείαν ἀνατρεφομένοις; ἐπεὶ δὲ περὶ τε ἀστρονομίας, καὶ περὶ τῶν Χαλδαίοις φιλοσοφούμενων, αὐτὸς εἰς τὰς Ἑλλήνας ἐξήνεγκε τὰς συγγραμμάς. Præterea, cùm mos fuerit istorum temporum, Historias universales, vel etiam suæ gentis antiquitates, ab ipso ortu rerum, & à quadam *Cosmogonia*, auspicari: tam ab hoc *Beroso*, quàm à *Nicolao Damasceno*, quorum uterque historiam Assyriacam scripsit, doctrinam istius gentis de rerum Originibus, sperare liceret. Idque eo magis, quòd ex *Iosepho*, aliisque constet, Archæiologias Philosophicas suis historiis utrumque intexisse.

*Juliani* etiam, pater & filius, Chaldæi, quadam de sacris



*Suid. in  
Ioc.*

*Laert. in.  
Procr.*

*Id. in vit.  
Democr.*

sacris Chaldaicis commentati sunt, juxta *Suidam*. Et in ejusdem *Juliani* historiam Chaldæam quatuor libros scripsit *Porphyrus*. Denique Græci, qui de Magis eorumque doctrinâ scripserunt, quod à pluribus factum est, de Chaldæis proculdubio non pauca interferebant. Et λόγον χαλδαϊκὸν speciatim scripsisse fertur *Democritus*. His autem deperditis omnibus, de philosophiâ Assyriacâ vix superest quod adjici possit ad pauca illa excerpta quæ dedimus ex *Strabone* & *Diodoro*; adeò res ipsas & rerum certitudinem loci & temporis longinquitas abolevit. Relictis igitur Assyriis, motum Imperii & Literarum sequamur ad Persas.

---

## C A P. V.

### *De Persis, eorumq; Magis.*

**P**ersarum sapientes dicti erant *Magi*; nomen quidem illis cum aliarum gentium Orientalium sapientibus commune; nam apud Arabes, Assyrios, Indos, aliosque, erant Magi; sed præ cæteris illustres illi Persarum, tam in rebus agundis quàm in rerum contemplatione occupati. Regiis liberis instituendis & educandis præficiebantur. Res palatii & imperii tractabant, unde fraudi illi locus fuit, quâ, clam interfecto regni hærede, unum è suis in solium Persicum sufficiebant. Hinc secuta est, non tantùm Magi illius *Ψευδοβασιλείας*, sed aliorum multorum promiscua  
cædes,



cædes, & imminuta apud Persas Magorum autoritas.

Philosophiæ studiis operam dabant Magi, perinde ac Theologiæ. Ità Suidas, Μάγοι παρὰ Πέρσαις οἱ φιλοσόφοι καὶ φιλόθεοι. Philo- itidem, τὰ φύσεως ἔργα διερευνῶμενοι πρὸς ὑπὶ γνωσιν ἀληθείας. Idem testatur

Dion Chrysostomus, τὴ φύσεως ἦσαν ἔμπειροι, καὶ τὰ θεῶν εἶδεν ὡς δὲ θεραπεύειν. Ubi conjungit utriusque disciplinæ studia & opera: ità etiam Laertius,

Μάγους περὶ τε θεραπείας θεῶν διατρέχειν καὶ φυσίας καὶ οὐχ αἰσ---ἀποφαινεῖσθαι τε περὶ τῆς φύσεως καὶ γενέσεως, οὐ καὶ πῦρ καὶ γῆ καὶ ὕδωρ· hæc γενέσεις θεῶν, idem est ac Græcorum *Theogonia*, quâ mundi & elementorum ortum sub Deorum nominibus, explicabant; eamque à Barbaris desumptam esse vel hic ipse locus indicare videtur. Præterea, Mundi *periodos* & *Reno-*

vationem docuerunt. Denique si ab his hausit Pythagoras *Rerum principia syderumque motus*, oportuit eos & Astronomos fuisse & Physiologos. Dicitur quidem à Babyloniiis hæc didicisse, cùm verò id fuerit tempore Cyri, in Babylone tunc erant Persæ. Libenter tamen credo, spoliatis imperio Assyriis, Medisque, Chaldaeos philosophos sub dominio Persarum, adhuc substituisse. Porphyrius ait à Chaldaeis, & speciatim à Zabtrato, hæc didicisse Pythagoram, "Ἐπεὶ Βαβυλωνίοις τ' ἄλλοις Χαλδαίοις συνεγένετο, καὶ πρὸς Ζήβερον ἀφίκετο, παρ' οὗ, &c. τόν τε περὶ φύσεως λόγον ἤκουσε, καὶ τίνες αἱ τῶν ὄλων ἀρχαί. Zabtratus ille (quod nomen variè à variis effertur) Assyriusne fuerit vel Persa, quis clarè enodabit? Agathias eundem esse innuit

cum Zoroastre, Zaradumque appellat, "Οὐτὸς δὲ ὁ Ζωράστρης, ἦτοι Ζαράδης (διτλή γὰρ ἐπ' αὐτῷ ἡ ἐπωνυμία) ὁ πηνίκα μὲν ἤκμασε, &c. ἐκ ἐνεσι σαφῶς διαγινώσκει.

Theodoretus Zaradan appellat, & gente Persam. Certè Apuleius dat *Magos Persarum* Pythagoræ in

Doctores, & præcipuè Zoroastrem, omnis divini arcani antistitem. Quare satis patet, non tantùm res sacras & civiles curâsse Magos, sed etiam naturæ principia & leges perquisivisse.

Magorum princeps & coryphæus erat Zoroaster; ut multi testantur authores; sed in hujus Zoroastri vel Zoroastrorum historiâ parùm conveniunt. Alii unum, alii duos, alii multos constituunt. Nos qui veterum sapientum dogmata & doctrinas quærimus, tanquam partem optimam & desideratissimam historiæ Philosophicæ, cæteras eorum condiciones aut circumstantias minùs anxie expendimus; sed inter multa confusè dicta ab antiquis circa Zoroastros, constare videtur primò, duos fuisse, minimùm, Zoroastros, utrosque sapientiæ nomine & doctrinæ magicæ, celebres; alterum Chaldæum, aut Bactrianum, cujus plures authores meminerunt; alterum Persam vel Medo-Persam, de quo non dubitatur. Secundò, constare mihi videtur, horum duorum res, ætates, dogmata, patrias, scripta, alia, sæpe confundi & permisceri, tam ab antiquis quàm à recentioribus; id quod solet aliàs contingere in rebus aut personis Synonymis, sive Diis gentium, sive viris illustribus; dum temporis vetustas & scriptorum incuria, ex rerum similitudine, errorem & confusionem inducunt. His autem relictis, quæ scripta aut scriptorum fragmenta reliquerit Zoroaster, aut jam supersint, paucis videamus.

De *Hystaspe* & *Osthane*, quorum meminerunt plures, nihil dico: cùm de iis nihil certi, de eorum dogmatibus nihil prorsus, reperiam.

Elementa, Sydera, Cælum, pro Diis habuerunt Persæ. E Syderibus autem Solem, ex elementis Ignem, venerati sunt maximè: atque *Jovis* nomine intelligunt,

intelligunt, ἡ κύκλον πάντα τῶ ἐξανῶ, *universam cæli ambitum*. Alunt ignem perennem & immortalem in Pyratheis: ut postea Græci in suis Prytoneis; & Romani in Vestalibus: Hebræi etiam in Templo sacrum ignem jugiter nutriebant; Ægyptii pariter, aliæque gentes, hoc elementum singulari honore prosequiebantur. Hic Persarum ignis, ab *Am. Marcel. Lib. 23.* *limo* dicitur *Ignis ille cælitus delapsus, apud Magos sempiternis focolis custoditus. Porphyrius* Diis proximum *facit, aut simillimum, (θεοῖς γὰρ καὶ τὸ πῦρ ἀθάνατον φυλάττομεν ἐν τοῖς ἱεροῖς, ὃν μάλιστα αὐτοῖς ὁμοιωτάτον.)* *Stoici* denique ipsum *Jovem*, in quem omnia resolvuntur. Hæc Theologia, cùm *Physica* sit, à proposito nostro non alienam esse duxi.

Quin & totus Persarum cultus, si reliquarum gentium superstitionibus conferatur, *Philosophicus* dici meretur. Hujus compendium habes apud Herodotum, his verbis: Πέρσας ἡ εἶδα νόμοισι τοιοῖσι χρῶ- *Lib. 1. 137.* *μεναι. Ἀγάλματα μὲν, καὶ ἑλῆς, &c.* Porro ritus quibus utuntur Persæ, tales esse comperi. Neque statuas, neque templa, neque aras extruere consuetudo est: *Quin- imò* hoc facientibus insania tribuere, ob id (ut mea fert opinio) quod non, quemadmodum Græci, sentiunt Deos more hominum esse natos, aut hominum similes. Moris *ἀνθρώπων* habent, editissimis quibusdam conscensis montibus, Jovi *θεῷ* hostias immolare: omnem gyrum cæli Jovem appellantes. Soli, Luneque sacrificant, & Telluri, Igni, Aquæ atque Ventis. Hisque solis sacra faciunt jam inde ab initio.--- Sacrorum autem ritum circa hos jam dictos Deos hujusmodi quondam instituerunt. Persæ quippe sacrificaturi, nec aras erigunt, neque ignem accendunt prorsus, sed neque libamentis utuntur, aut tibiis, coronisve, aut molis. Verùm ut quisque Divis hisce sacra facere statuit, in locum mundum victimam sistens, deum illum implorat,



myrto potissimum cinctam gestans tiaram. Sacrificans verò, non pro se solo privatimque vota nuncupat, sed communiter universis Persis benè precatur; imprimis quidem Regi; & inter omnes Persas, ipse qui sacra facit, comprehenditur. Ubi verò carnem victimæ minutatim conscidit, eamque elixavit, herbam substernit quàm mollissimam, maximè trifolium. Huic impositis carnibus Magus astans, THEOGONIAM accinit. Quam illi habent pro sacro carmine aut incantatione. Ita coluerunt Deos Persæ, præ cæteris populis, castè, & sine fuco. Scio nonnulla narrari aliter de Persis à Strabone, sed vel diversas eorum sectas respicit, vel diversa sæcula. Illud notatu dignissimum est, quod, inter faciundum sacra, Magi cecinerint Theogoniam. Quæ aliud esse non potuit quàm carmen de Mundi origine. Dixerat enim antea quos Deos habuere Persæ: nempe corpora cœlestia, elementa, partes & regiones Universi. Deorum igitur Persicorum ortus, est horum corporum, cœlestium & elementarium: sive Cœli, Syderum, & Telluris, ortus. Quæ est vera Theogonia antiquo-barbara. Quam quidem postea Græculi, qui Deos ἀνδρῶποποιεῖς fingebant, in Deorum suorum geneologiam crassam convertère. Sed de his satis: redeamus ad Zoroastrem.

De Oraculis Chaldaicis, quæ Zoroastro tribuuntur, jam dictum est. Memoratur ultra à Plinio, viciescentum millia versuum à Zoroastro condita fuisse, & ab Her-  
L. 30. c. 1.  
Pocock spec. mippo exposita. Arabes prætereà referunt Zoroastrum  
Hist. Arab.  
Elmacin. tradidisse librum Magis, duodecim voluminibus con-  
Hist. Arab. stantem, quorum singula corium Taurinum integrum implerent. Hæc volumina, opinor, ritus sacros & antiquæ magiæ fontes continebant. Denique Suidas recenset plures Zoroastri libros, de Gemmis, de Prædicti-  
 onibus



onibus Astronomicis, & quatuor libros, περὶ τῆ φύσεως, de Naturâ: quos cæterorum omnium dispendio libens redimerem. Nam, siquid erat scientiæ solidæ in istoc Mago clarissimo, illius fundamenta in hisce de Naturâ libris jacienda essent. Hæc autem omnia pro deperditis habemus, si unquam extiterint; & quæcunque sub Zoroastri nomine apud nos venditantur, vel planè Apocrypha & Pseudonyma sunt, qualia notantur ab aliis: vel adeò nihil eximii continent, aut supra vulgarem Philosophorum disciplinam; ut, si genuina essent, apud me minuerent viri illius famam & dignationem. Ex ipsius genuinâ Philosophiâ fragmentum unum conservavit nobis Plutarchus, ex *Theopompo*; Alterum Porphyrius, in *De Is. & Osir.* *antro Nympharum*, ex *Eubulo*. Tertium, sed minùs mysticum, *Eusebius*, ex libro sacro Persico; quem *Præf. Evan.* *l. i. c. 7.* ipse esse Zoroastri voluit. Atque hæc pauca, cum nonnullis sententiis dispersis, maximè apud authores Platonicos, magni Zoroastri sunt exiles reliquæ.

Uti Magorum Persicorum origo & prima tempora sunt incerta, ita de eorum fine & exitu non una & constans est sententia. Cùm dolum facinûsque, occupati à Magis Imperii, ulcisci voluerunt nobiles Persæ, *Smerdis* & sociorum ipsius cæde non contenti, in omnes promiscuè Magos sæviebant; idque tanto impetu, ut, referente Herodoto, nisi noctis inter- *Li. 3.* ventu cohibiti, neminem Magorum reliquissent. In rei etiam memoriam Μαγοφορίαν instituerunt, festum solenne Persarum: quo die nulli Magorum fas erat prodire in publicum. Hinc imminutam fuisse Magorum dignitatem apud Persas facile est conjicere, non autem extinctam progeniem; hæc enim ætate posteriores erant Hostanes & Hytaspes, famigerata nomina; constatque mansisse Magos usque ad Alex- andri

Diog. in  
proem.

Agath.  
li. 11.

andri tempora ; à quo tandem hos, unà cum Imperio Persico, nonnulli deletos esse volunt. Neque adhuc his penitus assentior : nam sicut occupato à Persis imperio, non protinus interierunt Chaldæi, (eorum enim meminit Ctesias tempore Darii, cùm de ipsius sepulchro visitando ageretur) ita nec à Græcis occupato, extincti sunt Magi ; sed suis adhuc sacris præfuisse videntur usque ad tempora Heraclii, qui Πυρεῖα Persica, lucos, ignem sacrum, totamque cultûs illius supellectilem pessundedit. Huic autem religioni paulò post successit Mahometana, in quâ jam hærent, extinctâ omni antiquâ scientiâ, occæcati Persæ.

Hæc de Magis : Quorum doctrina & historia non ità difficiles essent explicatu, nisi jam periissent illius argumenti scriptores præcipui. Quales fuere *Hermippus Smyrnaus*, qui, circa Ptolomæi Euergetis tempora scripsit *de Magis*. *Pallas* etiam, referente *Porphyrio* (περὶ ἑωχ. li. 2. & li. 4.) *Mithræ mysteria* optimè collegit & explicuit. *Eusebius* (præp. Ev. p. 42.) *Ostânis Ostateuchum* citat. Adhæc *Eubulus*, incertæ ætatis author, historiam *Mithræ & Magorum* multis libris conscripsit, secundum Hieronymum & *Porphyrum* ; & diversos eorum ordines distinxit. Præterea *Theodorus Mopsuestenus* tres libros composuit, περὶ τῶν Περσίδι μαγικῶν. Denique authores quos citat *Laertius* in hoc argumento, nempe *Hermodorus* Platonicus, *Aristotelis Magicum*, sive, juxta *Suidam*, *Antisthenis* aut *Rhodonis*, quod de Zoroastro tractavit, perierunt. Et *Zanthus Lydus*, qui *Magica* scripsit, & *Magorum* à Zoroastro successionem & seriem, juxta *Laertium*, deduxisse videtur. Citat præterea in eodem argumento *Laertius Sotionem* de successionibus, *Dionem* de rebus Persicis, *Eudoxum*, *Theopompum*, *Eude*

Li. 11. adv.  
Fov. περὶ  
εωχ. li. 4.  
Pher. Bibl.  
Cod. 81.  
In proem.  
& Plin.  
ut supra.

Clem. Alex.  
Strom. 3.

*Eudemum Rhodium, & Clearchum Solensem.* Qui omnes desiderantur. Hi veteres authores si extarent, melius edocti essemus quæ vera fuit Zoroastri & Magorum Philosophia, quam omnis antiquitas celebravit. De Persis hætenus.

---

## C A P. VI.

### *De Arabum & Phœnicum historiâ literariâ.*

**A** Persis ad *Arabes & Phœnices* pergamus ; utroque antiquæ sapientiæ famâ præclaros. Sapientiæ Arabicæ æternum monumentum reliquit *Jobus*, *Mose* ipso antiquior ; Nobilis Arabs, *φιλόθεος & φιλαλήθης*, cui triplex æs circa pectus integerrimum, quod nulla Satanæ tela unquam perfodere potuerunt. Virtutis heroicæ & infractæ fortitudinis exemplum. Hunc nulla adversa, neque corporis mala, neque bonorum damna, neque ira cœli & charissimorum liberorum cædes, mente solidâ excusserunt. Non tantum sæviebant hostes, sed etiam exanimabant amici ; & quod ingenuis probisque gravissimum est, simulatæ pietatis, occulti criminis, læsi Numinis, postulabant. Ille, rupis instar, immotus stetit, neque Deum, quem novit Optimum Maximum : neque seipsum, recti conscium, incusare voluit. Quantum possit Religio naturalis, magnum & memorabile exemplar.

Qui



M. p. 10.  
C. 14.

Qui plura desiderant circa eximiam hujus viri pietatem, & in singulis serè Christianæ religionis præceptis sanctam vitæ morumque cognationem, adeat *Emsebiū* de *Demonst. Evang. l. 1. c. 5. & 6.* ubi hæc omnia sigillatim percurrit. Interea non gravabor adjicere illusterrimi viri Encomium quod occurrit apud Suidam, Ἰωβ ὁ μέγας ὄντως ἐκείνῳ, καὶ γενναῖῳ, ἢ ἀλθίας ἀγωνιστῇ. ὁ πρῶτῳ ἀνοιξας τὸ γυμνικὸν ἐκείνῳ, καὶ μέγα καὶ παγκόσμιον γάδιον. ὁ ἢ ἀντίπαλλον πάσαις ταῖς κατὰ βαλὼν ὁ μέγας καὶ τῶν ὀφέων τὰς πωληγὰς, καὶ τὰς μύλωνας εἰσδεξάμενῳ, καὶ μέγας ἀγῆστῳ ὁ σκολῶν πλήρης, καὶ γεφανίτης. ὃν εἰδὲ θάνατῳ ἴχουσε καταστῶσαι, καὶ κονίσαι τὰ ὅπιθεν, ἀλλ' ἔτι ἔσκηκεν ὥσπερ τις ἀνδρείας ἀπερίτρεπτῳ, ἢ ἄκμων ἀνήλατῳ, δι' ὅλε τῷ βίῳ κατὰ παλαιῶν, καὶ καταράσων ἢ ἀντικείμενον. ἔτῳ πρῶτῳ κατεπάλασε ἢ διάβολον. ἔτῳ ἡρατο κατὰ τῷ πικρῷ νίκης τέρπαια, καὶ νέμεα καὶ ὀλύμπια, ἰδιμίτε, καὶ πύθια, καὶ ὅσα ἑλληνικοὶ διακομπαζέουσι λόγοι, ἀγανίζόμενῳ, ἀλλὰ περὶ παίδων, καὶ κτήσεως, καὶ βοσκημάτων, καὶ θραυείας, καὶ πάσης ἢ τῷ βίῳ διαγωγῆς, καὶ πτωμάτων οἰκίας, τάφους τὰς αὐτὰς, καὶ πολυάνδρα τῶν αὐτῶν παίδων γεγεννημῶν ὁ καρτερόψυχῳ θρασυάμενῳ, καὶ ὁρμῇ ἡμέρα καὶ ὥρα ἐπὶ ἢ τραπέζης ἐνωχυνόμενος καὶ συνεδιόγας κατέτρωσε σωρηδὸν ὁ παμμίαρος----- καὶ εἰδὲ μέγας τῶν ἢ λύσσα καὶ βασκανία ἠρκέσθη τῷ ἀντιπάλῳ, ἕως αὐτὸν ἢ ἀθλητῶν γυμνὸν ἐπὶ κοπρείας ἐκκαλεσάμενῳ, καὶ κατὰ σικτον ὅλον τοῖς ἔλκεσι, καὶ πλήρη σκολῶν ἀπεργασάμενῳ, θάμα φρικτὸν τε, καὶ ξένον ὅλη τῇ ὑφ' ἡλίου κατέστησεν, ἔτεσιν ἐπὶ τοῖς ὀδύσιν ἀρδράων, καὶ τῇ γλώσῃ λικμώμενῳ ὅλον τὸ σῶμα τῷ μάρτυρος, μέγας ὅτι ἢ ἦσαν ἐφ' αὐτὸν ὁ παμμίαρος ἐνεσπάσατο, καὶ ἢ αἰχρύνην τέλεον ἐκκληρώσατο. Hæc longiuscula sunt, sed quæ debentur tanti viri meritis & memoriæ.

Præterea



Præterea Arabem nostrum fuisse virum πολυμαθῆν  
 ἢ πολυγλωσσόν, & naturalis scientiæ peritum, ex ipsius  
 historiâ liquidò constat; hanc, φυσιολογίαν ὅλης τῆς  
 κτίσεως continere, ait *Suidas*; certè tam dogmata,  
 quàm præcepta *Noachidarum*, in illis commentariis  
 reperiuntur, & ex modo quo celebratur ab iis *Tel-* cap. 38.  
*lurus origo*, ipsiusque in Diluvio dissolutio, quæ in  
 sequentibus explicanda sunt, manifestum est, utri-  
 usque doctrinam arcanam calluisse illius scripti autho-  
 rem primum & Arabicum. Dico autorem *primum-*  
*& Arabicum*; quisquis enim fuerit qui hoc opus in  
 hodiernam formam digessit, nisi totum fictitium esse  
 velimus, materiam operis ex adversariis Arabicis,  
 de vitâ *Jobi*, necesse est deprompserit. Neque id-  
 dissimulavit author, nam multos reliquit Arabismos  
 in opere suo, qui fontem sapiunt & originem unde  
 deducti sunt.

Primum hoc esto monumentum sapientiæ Ara-  
 bicæ, & vetustissimum; nulla enim gens, ex quo  
 perierint *Enochi prophetiæ*, monstrare potest anti-  
 quioris aut æquæ sapientiæ specimen; cùm non  
 sit dubium, res *Jobi* tempora Mosaica præcessisse.  
 Adeoque Literarum usum, & Scripturæ: præterea,  
 notitiam Syderum: Historiæ naturalis non pauca:  
 & denique, veri Dei cultum, ante natum *Mosem*,  
 in Arabiâ obtinuisse. Et quoad literas & discipli-  
 nam, eas, ad *Solomonis* usque tempora, inter Arabes  
 floruisse, fide dignum erit, si Reginam *Shebam*, quæ  
*Solomonem* visum venit, Arabicam credamus: prout  
 ex multis indiciis colligitur. Hæc autem, cum ex-  
 ierit regno quasi ad certamen literarium: nempe  
 ad tentandam sapientiam *Solomonis*, si famæ par esset  
 & expectationi; argumento esse potest, sapientiæ  
 studium, isthoc sæculo, tam in Aulâ regiâ, quàm in  
 F scholis

scholis Arabicis, vixisse, in laude & vincendi gloriâ  
ambitiosum: Suppetit etiam aliud, ni fallor, & re-  
centius, in sacris literis, sapientum in Arabiâ argu-  
mentum, vel exemplum: *Magos* intelligo, qui Je-  
sum infantem venerunt adoratum ex Oriente; hoc  
enim de Arabiâ libens interpretor; cum idem sen-  
serint ex Patribus plures, atque hoc ipsum subindi-  
cari mihi videatur à Prophetâ, *Psal.* 72. 10. cum  
psalmum illum propheticum ultimò respicere Messi-  
am, certum sit. Dona etiam quæ afferebant, soli  
Arabici opes erant; atque *μῆγοι ἀπὸ ἀνατολῶν* ean-  
dem gentem notare videtur ac *מְגָרִי* filii orien-  
tis, *Job* 1. 3. Quin Orientis nomine vulgò appella-  
ri à Judæis Arabiam, notat probatque *Grotius*. De-  
nique, ut nullus inde restet scrupulus, non tantum  
Persarum sapientes dicebantur Magi, sed per totum  
ferè Orientem nomen illud obtinuit, ut videre est  
apud *Lucianum* & *Plinium*; & speciatim *Hippo-*  
*cum*, Arabem, inter *Magos* numerat *Plinius*. *Bil-*  
*hamum* etiam, quem rex Moabitarum consuluit con-  
trà populum Israeliticum, (*Numb.* 22.) sive Magum  
dixeris, sive Prophetam, ex eodem hoc ordine fuisse,  
verissimile est.

Inter Arabes populos, memorabiles erant *Zabii*  
vel *Zabaisæ* (iidem, ut mihi videtur, cum *Sabeis*  
aut eorum sacerdotibus) gens perantiqua, & suo  
more religiosa. In horum fide & cultu aiunt *Judæi*  
primitus educatum esse *Abrahamum*: sed postea, ut  
unum verum Deum coleret, ab iis secessisse, atque  
dogmata eorum impugnasse. Præterea, *Mosen* in  
legibus suis formandis Zabiorum mores & ritus max-  
imè respexisse, vult *Maimonides*; ideoque Legisla-  
tore suo antiquiorem facit gentem istam, & dignam,  
unà cum *Ægyptiâ*, quam in consiliis suis intueretur,

ut

In *Matt.* 2.

*Maxeß.*  
*Plin.* l. 25.  
2. l. 30. c. 1.

*Maimon.*  
*Mor. Nev.*  
part. 3. c. 29.

vid.

ut eorum contagia effugeret. Inter hos nunquam defuisse Magos, sive pristini moris philosophos, verisimile est: & non tantum libros pervetustos & traditiones jactant, sed etiam se *Noachidas* esse gloriantur, & *fundamentum eorum religionis esse religionem Noachi*. Hanc quidem puram coluit *Jobus*, eorum conterraneus aut confinis: illi autem impuram, idololatriâ & inquinamenti magicis pollutam; colebant enim *Solem & Lunam*, & *genios indigenas*; referente *Philostorgio*. Atque eò respexisse videtur *Jobus*, cum se, Arabem, purgat à *Solis & Lunæ cultu*, cap. 31. ver. 26, 27.

Hott. Hist. Orient. p. 169, 171. ex Beidaro & Kessao, script. Arab.

Boch. Geog. l. 2. c. 26.

Quare æquum esse videtur ut admittamus, apud Arabes fuisse genuinos *Noachidas* & degeneres; ex illorum numero erant *Jobus*, cum suis amicis & cognatis; ex horum autem numero *Zabii*, aliique Arabes. Nam Arabes generatim magnam cum *Noacho* conjunctionem affectant asseruntque, & gentis suæ originem ab ipso deductam etiamnum in genealogiis ostentant. Indigenas à *Joctano*, advenas ab *Ishmaele*, repentes. Horum utrumque genus quædam *Dogmata Noachidarum* retinuerunt, quæ sapientiæ Orientalis videntur mihi radices. Præterea si ex eadem patriâ venerint *Magi Christicolæ*, quid ni credamus per totum hoc intervallum, ab ætate *Jobi* ad natum Christum, eandem doctrinam, idem Philosophorum genus, rariùs licet, apud Arabes permansisse; præsertim cum, aliquot ante Christum sæculis, eò profectus sit *Pythagoras*, tanquam ad unam è quatuor gentibus præcipuis, quas, ad comparandam scientiam, invisebat. Ἀφ' ἑλῶ δὲ καὶ πρὸς Ἀιγυπτίους; οὐ Πυθαγόρας, καὶ πρὸς Ἀραβας, καὶ Χαλδαίους καὶ Ἑβραίους, diciturque versatus esse cum Rege in Arabiâ, (regulo, opinor, Mago.) in Babylone autem cum Chaldeis

Porphyr. de vit. Pyth.



Lib. 25. 2.

dæis. & Zabtrato. *Democritus*. etiam apud *Plinium* dicitur, *Perfidis*, *Arabia*, *Æthiopia*, *Ægypti* Magos invisisse.

*Abulphar.*  
*de orig. &*  
*mor. Arab.*  
*cum notis*  
*Pocock in*  
*spec. hist.*  
*Arab. p. 164.*

Hæc de temporibus ante-Christianis ; neque literarum studiis officisse religionem Christianam supponere licet, quanquam in illâ gente, forsân iisdem non multùm profuit ; inter Patres quidem Christianos non memini ullum fuisse Arabem. Et per multa sæcula altum erat de philosophiâ Arabicâ silentium, aded ut mollioribus studiis dedita, expoliendæ linguæ, poësi, & orationum compositioni, gens illa ad leviore literas à multis inepta crederetur. Sæculo autem post Christum natum sexto præterito, exortus est Ismalismus, sive Lex Mahometis : & nescio quo facto, cum illâ religione, literarum omnium inimicâ, revixit inter Arabes philosophiæ amor & studium.

*Asimoni.*  
*Mor. Nev.*  
*par. 1. c. 69.*  
*71.*

Notum est, post ortum Mahomedis, cum novâ religione novum Imperium molitos esse Arabes sive Saracenos, atque miro progressu magnam orbis partem armis suis subjecisse. Eodem tempore, philosophandi studio, quasi redivivo, animati sunt : & cùm in Occidentem & Europam penetrâssent, philosophiam Arabibus antea incognitam & inauditam, Græanicam nempe & Europæam, imbiberunt. Cùmque per illa tempora Aristotelis doctrina in Scholis & Academicis Europæis omnium maximè invaluisset, hanc plerumque amplexi sunt Arabes : quàm postea magno studio & strepitu ubique propagârunt. Ex iis autem nonnulli in alias Græcorum Philosophorum sectas delapsi sunt, aut ex pluribus mixtam condiderunt. Denique tanto amore flagrabant. literaturæ Græanicæ, & tot eorum volumina ad se transferri & Arabicè verti curabant, ut postea apud Saracenos potius quàm apud Græcos ipsos, quærendi essent Authores.



thores Græci. Meritò mirari licet hanc gentem triplici æstro simul percitam esse, religionis, belli, & literarum. Quoad priora, infrà unius sæculi spatium multos magnosque populos sibi subjugaverant; & quoad literas, magnâ contentione & sumptibus ex omnibus locis libros Græcos & Romanos arcessi curabant. Addit præterea *Erpenius*, *Translulisse Arabes* De Ling. Arab. p. 53. *in suum sermonem nobiliores omnes authores veterum, Ægyptiorum, Persarum, & Chaldaorum; qui sapientiæ omnis ac scientiæ primi perhibentur fuisse authores.* Sed quoad *Saracenos*, aut non omnes ceperat, aut statim deferbuit iste ardor: nam cùm, captâ *Alexandriâ*, *Johannes Philoponus*, qui magnam gratiam Hott. Analec. apud ducem exercitûs consecutus esset, petiisset, ut libros philosophicos, qui in Bibliothecis Regiis invenirentur, ei concederet; re ad Imperatorem delatâ, comburendos esse jussit omnes, in calfaciendis balneis. Egregium & Imperatorium facinus! quo jam secundo periit Bibliotheca Alexandrina; cum summo damno Reipublicæ literariæ.

Librorum Arabicorum, qui supersunt, thesaurus maximus est Bibliotheca *Fessana*, quæ triginta millia voluminum Arabicè scriptorum continere dicitur. Ex sententiâ autem *Hottingeri*, qui cum libris Arabicis multùm versatus est, vix ullum reperies Analec. Hist. Theol. *annis octingentis antiquiorem; Ismalismo autem & Alcorano nullum; neque Theologum, neque Philosophum, neque Historicum.* Licet verò non adeò antiqui sint hodierni libri, continere possunt multa ex antiquioribus desumpta, & nonnullas primævorum dogmatum reliquias. *Avicenna* scripsit librum de *Philosophiâ Orientali*, Philos. Antiquæ solidæ. cujus meminit *Tophail* in suâ Epistolâ, & se ait etiam ab amico sollicitatum esse, ut de mysteriis ejusdem philosophiæ scriberet. Hi verò, cùm vive-

rent,

rent ambo multis sæculis post ortum Mahomedis, indicio est, non prorsus exolevisse apud Arabes illius temporis, pristinæ philosophiæ memoriam; sed ab alienis forsan, magis quàm suis, hauriendam monumentis.

Mr. New.

pr. 3. c. 29.

Quoad libros Zabiorum, multos recenset *Maimonides*: plerumque, opinor, supposititios. Optandum esset maximè, ut Rabbini ille clarissimus, qui, cum magno apparatu, doctrinam Zabiorum instauravit, applicuitque ad interpretandas leges Mosaicæ, probatam nobis dedisset antiquitatem, simul & auctoritatem, istorum librorum, quos vidit sequiturque in enarrandâ Zabiorum Theologîâ. Nisi enim pertigerint ad tempora Mosaicæ, & religionem ritusque retulerint *Mosico*ævos aut antiquiores, his superstructæ interpretationes carent fundamento; quippe iniquum esset, verba Legislatoris ad post-natas superstitiones propellere & accommodare. Sed hæc obiter. Cætera scripta Arabica quærenda sunt in *Bibliothecâ Orientali Hottingeri*, & aliorum, qui hanc materiam datâ operâ tractârunt. Denique, quoad Dogmata Philosophica Arabum, Philosophorum secta antiquissima, cujus suppetit memoria apud Arabes, perhibetur illa *Dahritarum*. Qui, tam de Mundi, quàm de Animarum, origine & exitu, malè sensisse videntur. Hunc enim æternum esse volunt, ex utrâque parte: illas ex neutrâ; traduces nempe, & morituras. Unde horum commune scitum erat, *Uteri pariant, Sepulchra deglutiunt*: quo rerum omnium ortum & interitum denotabant. Ac proinde Philosophos istos primæ antiquitatis titulo inter Arabes, malè ornatos esse censeo: cum illud ab *Aristotele*, alterum ab aliis recentioribus, hausisse videantur. Nisi forsan crassè nimis & incorrectè, quod sapius

Abr. Eccl.

Hist. Arab.

c. 12.

sæpius accidit, antiquorum sententias, alii post alios, repetant. Id quidem constat, post Mahometis tempora, sapientiam Arabicam in fabulas & fœditatem degenerasse. Et nisi extitissent in sacris literis specimina quædam præstantioris indolis inter Arabes, gentem illam in Philosophorum censu vix inferuissem. Constat enim, à multis sæculis, figmentis & allegoriis, ad fastidium usque, luxuriasse ingenium Arabicum. Sed de his hæcenus.

Jam ventum est ad *Phænices*; populos peranti- *Phænices.*  
quos, ad imam oram maris Mediterranei sitos; quorum magnas copias patriâ expulit Dux Israelitarum *Josbua*. Hanc gentem cum primis literatam fuisse extra dubium est; ipsæ literæ horum inventa dicuntur; Græcis saltem authores erant literarum, sub auspiciis *Cadmi*, ante bellum Trojanum. Numeros etiam invenisse dicuntur & Arithmeticam; præterea Astronomiam & Syderalem scientiam; adhuc Nauticam & nova per Oceanum itinera. Denique ipsam quodammodò Physiologiam, si *Posidonio* creditur, aut modum Philosophandi per hypotheses. Imò, ne quid eorum laudibus desit, omnigenæ philosophiæ divites ait *Strabo*, πάσης τῆ ἄλλης φιλοσοφίας εὐπορίαν *Lib. 16.*  
*πολὺ πλείστην λαβεῖν ἔστιν ἐκ τῶν τῶν πόλεων.* Loquitur autem de civitatibus Phœniciis.

Quæ gens uspiam Reipublicæ literariæ incrementis tantum contribuit? Quæ tot inventorum gloriam sibi vindicare potest; aut latius, emissis coloniis, propagavit? Præterea, *Thales* & *Zeno*, duarum apud Græcos sectarum principes, Phœnices erant, aut à Phœnicibus oriundi. Neque minùs ad Phœnices, quàm ad Chaldæos & Ægyptios profectus est *Pythagoras*, ut scientias Mathematicas addisceret. *Porph. in*  
Denique præceptor Pythagoræ, *Pherecydes*, in legen- *in. Pyth.*  
dis



Ποτ. Φε-  
ρεκύδ.

dis *secretis Phœnicum libris*, sese exercuisse dicitur: sibiipſi præceptor simul & discipulus. Ità *Suidas*, αὐτὸν δε, ἐκ ἐχρηκείται καὶ διηγήσῃ, ἀλλ' ἐαυτὸν ἀσκησάμενον τὰ Φοινίκων ἀπόκρυφα βιβλία. *Ipsū quidem*, de *Pherecyde* loquitur, non habuisse præceptorem, sed sese exercuisse, comparatis mysticis vel reconditis *Phœnicum libris*. In *Phœnicum laudes* non parum propendeo, sed illud unum tardiùs à me creditur, quod à *Strabone* fertur & à *Sexto Emperico*, Philosophum *Phœnicem*, dictum *Moschum*, *Atomorum* hypothesin, ante tempora *Trojana*, invenisse; verba *Strabonis* hæc sunt, 'Εἰ δ' εὖ Πρωσιδωνίῳ πιστεῦσαι, καὶ τὸ περὶ τῶν ἀτόμων δόγμα, παλαιὸν ἔστιν ἀνδρὸς Σιδωνίου Μόχου περὶ τῶν Τρωϊκῶν χρόνων γεγυῖσθαι. Nec

Adver. Ma-  
them. p.  
367.

aliter *Sextus*, Δημοκρίτος δὲ καὶ Ἐπίκουρος ἀτόμους (ἔλεξαν εἶναι τὰ τῶν ὄντων στοιχεῖα) εἰ μὴ τι ἀρχαιότεραν ταύτῃς δετέον ἢ δόξαν, καὶ ὡς ἔλεγεν ὁ Στωϊκὸς Πρωσιδωνίῳ, ἀπὸ Μόχου τινὸς ἀνδρὸς Φοινίκῃ κατὰ γομφύλῳ. Vides rem totam in unius *Posidonii* fidem referri, & de hujus fide utrumque authorem subdubitare; cū itaque *Atomorum* hypothesin invexisse *Leucippum*, aut *Democritum* multo plures, & probatoris fidei testes affirmant: & inter alios hujus ipsius *Posidonii* discipulus *Cicero*: his ego libentiùs assentior; maximè, cum idem *Cicero* huic philosopho falsidici notam adjicere non vereatur: *Quedam etiam Posidonius, pace magistri dixerim, comminisci videtur.*

I. de Fato.

Præterea non videtur mihi sapere indolem antiquissimorum temporum iste modus philosophandi per *hypotheses* & principiorum *systemata*; quem modum, ab introductis Atomis, statim sequebantur philosophi. Hæc Græcanica sunt, ut par est credere, & sequioris ævi. Durasse mihi videtur ultra *Trojana* tempora philosophia traditiva, quæ ratiociniis & causarum



causarum explicatione non nitebatur, sed alterius generis & originis doctrinâ, primigeniâ & πατεροπαε-  
δότη. Denique in Phœniciâ *Sanchoniathonis* philo-  
sophiâ nulla occurrit mentio aut memoria Atomo-  
rum vel dogmatis atomici; licet de rerum ortu &  
mundi primordiis disertè agatur, ubi maximè de  
hujusmodi principiis tractandi locus esset. Quare  
his expensis, credendum est potius à Posidonio hoc  
dictum esse, aut negligenter, aut per invidiam; cum  
non desint in omni ævo qui Inventorum laudes ab  
autore recenti in antiquiorem rejiciant. Sed per-  
gamus in proposito.

Circa Theologiam aut Philosophiam Phœniciam  
nihil superest, quod sciam, præter illud excerptum  
ex *Sanchoniathone* quod conservavit *Eusebius*, ex in-  
terpretatione *Philonis Biblii*. Ejusdem etiam operis Præf. E-  
vang. li. i.  
Phœnicii, & Interpretis Græci, meminit *Porphyrus*:  
qui Tyrius erat, patriâ linguâ dictus *Malchus*. Scri-  
psisse dicitur *Sanchoniathon* ante tempora Trojana à  
*Porphyrio* & *Eusebio*; quibus astipulatur, in rebus  
Phœniciis versatissimus, *Bochartus*. Quoad ingeni-  
um viri, si id rectè nobis depinxit *Philo*, aptissimum  
habuit ad Philosophiæ studium: dicitur, πολυμαθὴς καὶ  
πολυπράγμων, καὶ τὰ ἐξ ἀρχῆς, ἀφ' ἧς τὰ πάντα συνέστη,  
παρὰ πάντων εἶδέναι ποθῶν. *Multifariam doctus & cu-  
riosus, & præcipuè discendi cupidus ex quibus initiis, aut  
primordiis, omnia constituta sunt.* Hoc primum maxi-  
mumque Philosophi officium est, in rerum Origines  
inquirere. Atque patet itidem ab hoc fragmento  
authoris, eum imprimis Κοσμογονίαν instituisse, sum-  
pto initio ab antiquo Chao. Dein Ἰλὺν primigeni-  
am, tanquam materiam proximam aut seminarium  
statuisse, unde proveniebant prima rerum stamina;  
earum scilicet quæ in superficie telluris genitæ fuere.

Theor. Tel.  
li. 2. c. 7.

Hæc doctrinæ nostræ prorsus consentiunt, ut suis locis vidimus. Cum verò hanc physiologiam, ἐκ τῆς κοσμογονίας Ταύτης sumpsisse se fateatur, in sequentibus ubi de Ægyptiis tractabitur, plura quæ huc spectant adjiciemus.

Hæc suæ historiæ præmisit Sanchoniathon morè Antiquorum; qui in historiis suis contexendis pedem referre solent ad prima rerum temporumque initia. Sed scripsit etiam seorsim plura philosophica, secundùm Suidam; nempe περὶ τῆς Ἑρμῆς φυσιολογίας, & Αἰγυπτιακῶς θεολογίας. Hæc si ad manus nostras pervenissent, circa doctrinam Phœniciam aut sapientiam Orientalem exigua aut nulla esset controversia. Desiderantur præterea qui res Phœnicias scripserunt, patrio sermone, Theodotus, Hypsicrates & Mochus; Quos Græcè transtulit, secundùm Tatianum, Chetus, vel Letus. Mochum autem illum eundem esse suppono cum Μοσχο Strabonis, qui Atomorum dogma invexisse ferebatur. Cum Mochus conjungit Josephus Hestium & Hieronymum Ægyptium, rerum Phœniciarum Scriptores; Μωχὸς τε καὶ Ἑστιαῖος, καὶ περὶ αὐτοῖς ὁ Αἰγυπτιακὸς Ἱερώνυμος, οἱ τὰ Φοινικικὰ συντάξάνενοι, συμφωνῶσι τοῖς ὑπὲρ ἡμῶν λεγομένοις: loquebatur autem de Diluvio & Antediluvianorum longævitate. Speciatim quoad Hieronymum, dicit eum conscripsisse καὶ ἀρχαιολογίαν καὶ Φοινικικῶς, Phœnicum Archæologias. Quæ apud antiquos, res etiam naturales complecti solent; idque hoc ipso specimine comprobatur. Alii sunt præterea rerum Phœniciarum scriptores; Hi autem in re nostrâ, hoc est Philosophicâ, maximè desiderari mihi visusunt. Jam ad alias gentes pergendum.

Orat. contra  
Graec.

Ibid.

Li. 1. Ant.  
tiq. c. 4.

C A P. VII.

De Hebræis, eorumq; Cabalâ.

**S**uperfunt *Hebrai & Ægyptii*; Inter quos lis esse solet de primatu & antiquitate in re literariâ. Sed quem unquam Græcorum legimus adiisse Judæam ad capiendum ingenii cultum: quem non in Ægyptum descendisse? unde miratus est *Lactantius*, *Inst. li. 4.* quod cum Pythagoras, & postea *Plato*, aliiq; amore *c. 2.* indagandæ veritatis accensi, ad Ægyptum, & Magos, & Persas usque penetrâssent, ad Judæos tamen non accesserint. Argumentum non obscurum, Gentem istam, tunc temporis, literarum nomine non claruisse. Quoad Origines Judaicas, admodum ignotæ erant Gentibus: quare habiti sunt Judæi à plerisque, aut pro indigenis Ægypti, ex eâdem stirpe oriundis: aut pro inquilinis vilibus & nullius numeri. Nulla autem gens est, ex toto humano genere, cujus origo & primæva historia tam certò clarèque nobis innotescit ac gentis Judaicæ. Quod sacris literis & commentariis *Mosaicis* integrè debemus.

Quum autem omnes antiquæ gentes, saltem ex sententiâ nostrâ, sapientiæ cujusdam reconditæ custodes essent, hæc etiam inter Hebræos quærenda esse videtur. Notum est verò in disciplinis Mathematicis aut Philosophicis nunquam præcelluisse hanc gentem, neque in cæterarum artium studiis, aut id genûs ullo humani ingenii eximio fœtu. Unde illud



Jes. cont.  
Apion. l. 2.

acerbè dictum ab Apollonio, Judæos ἀφυστάτους ἔχει τῶν βαρβάρων. Καὶ διὰ τῆτο, μὴ εἶναι εἰς τὸν βίον ἔνσημα συμβεβλῆσθαι μύθους. *Barbarorum esse ineptissimos : ideoque solos illos, nullum inventum vitæ utile, peperisse.* Quæ autem apud ipsos erant Scholæ & Academiæ pristinæ, non tam ad Encyclopædiæ studia, ut solent hodiè, formatæ & compositæ erant, quàm ad religionis instituta, & dona prophetica imbibenda. Nulla enim gens per terrarum orbem, nullus populus, tantùm abundabat Prophetis, ac viris cœlesti spiritu tactis, quantum Judæi : ut ipsi solo & climati vis aliqua divina inhæsisse videretur. At præter illa effata & oracula divina, aiunt se conservasse, à temporibus *Mosis*, vel etiam ipsius *Adami*, Doctrinam quandam arcanam, dictam *CABALAM*, quæ utriusque mundi mysteria recludit, naturalis & invisibilis ; atque omnium gentium, tam antiquam sapientiam, quàm novam eruditionem, superat.

Vid. Sepb.  
Cesri.

Restat igitur id unicè quærendum quoad literaturam Judaicam, siquid solidi & sinceri extet hodiè, aut unquam extiterit, de hâc doctrinâ Cabalisticâ : Dico, *aut unquam extiterit* ; quanquam enim dubitare non liceat *Mosē* fuisse virum sapientissimum, & arcana naturæ ac divinæ providentiæ percalluisse ; quantum tamen hujus arcanæ cognitionis Israelitis impertiverit, incertum esse videtur. Certumque est, id, quantumcunque fuit, ex illo tempore multis modis depravatum esse ; & sub nomine *Cabala*, varia ingeniorum figmenta, & nugaces methodos eruendi, nescio quæ, mysteria, à malè feriatis Rabbiniis, suis discipulis quotidie obtrudi.

Quamobrem qui tentare cupiunt, siquid supersit incorrupti in Cabalâ Judaicâ, atque à genuinis spuria, à veris ficticia læcernere vellent, oportet eos amputare,



amputare, primò, Cabalam illam Literalem, vel Numeralem, vel Grammaticam; quæ ex literis Alphabeti, Divinorum nominum, aut vocabulorum in sacrâ scripturâ, nescio quos sensus arcanos condere & contexere satagit. Sed hujusmodi lusus & argutiolæ longè subsidunt infrâ dignitatem spiritûs sancti; quem non tantùm eorum conscium, sed & artificem esse, si pro veris habeantur, oportet ut supponamus. Secundò, Magica omnia & superstitiosa refecanda sunt; quæ ex abusu Cabalæ prognata, cum eâ ipsâ jam sæpiùs permiscuntur. Tertiò, notiones vulgares verbis non vulgaribus prolata, non sunt habendæ pro verâ Cabalâ. Hoc vitium irrepsit in omne genus literaturæ mysticæ, sub larvâ alicujus *numeri, symboli, vocis barbare, figuratæ aut fictitiæ*, res communes & vulgò notas, cum magnâ pompâ proponere. Quod facile videre est in nonnullis symbolis Pythagoricis, Ægyptiorum hieroglyphicis, Hermeticorum barbarissimis, & Cabalistarum quandoque philosophematis. Hisce autem omnibus refectis, exiguum est quod superest de Cabalâ Judaicâ; cujus jam partes & formam paulatim videamus.

Cabalam igitur, docendi gratiâ, in *Nominalem* & *Realem* distinguimus. Hæc res ipsas propiùs attingit, licet obscuriusculè. Altera, ut dictum est, occupatur tota in usu mystico-literarum; nominum, & numerorum: adeoque, ex notis Alphabeti, nominibus Dei, sacri textûs literis, syllabis, & dictionibus: numeris denique & numeralibus, mysteria sua exculpit. Nominalis illa distinguitur in tria genera: quæ solent appellari *Gematria*, גִּמְטְרִיָּה: *Notarikon*, נוֹטָרִיקוֹן: *Themura*, תְּמִיּוּרָה: Vocabula, quæ plus satis novitatem olent: totumque artificium arguunt figmenti humani. *Gematria* est, quæ, cum diversæ

diversæ dictiones eundem numerum literis suis exprimunt, unam per aliam secreto modo explicat. *Notarikon*, quo, alicujus vocis aut vocabuli singulas literas, totidem dictiones integras, alterius significationis, connotare observatur. *Themura* denique, est ars transmutandi dictionem unam aut plures, in alteram aut alias plures, per literarum transpositionem. Harum rerum exempla habes apud omnes authores qui hanc materiam tractant: (*Capnionem*, *Schinlerum*, *Rittengelium*, *Hottingerum*, aliosque innumeros:) quæ si perscriberem, lectori essem fastidioso. Sed ne forsân injuriâ videar hanc culpam aut has ineptias affingere Judæis, unicam periodum ex *Reuclino* adjiciam, unde satis patebit, quale sit hoc artificium Cabalisticum: tantique id facere Judæos, ut exinde repetendam esse censeant omnem sapientiam, tam *Mosis* quàm *Solomonis*. Dixit *Ramban* in *Geneseos* exordio, quod ejuscemodi omne *Mosi* traditum per portas intelligentiæ, contentum est in lege divinâ *Judaorum*, vel sensu literali vel allegorico, per dictiones, vel *Arithmeticas* supputationes, vel *Geometricas* literarum figuras, sive descriptas, sive transmutatas: vel harmoniæ consonantias ex formis characterum, conjunctionibus, separationibus, tortuositate, directione, defectu, superabundantiâ, minoritate, majoritate, coronatione, clausurâ, aperturâ, & ordine, resultantes. Et per illam legem à divino spiritu adeptus est *Solomon* omne quod noverat, & sapientiam super sapientiam omnium *Orientalium* & *Ægyptiorum*. En fontes sapientiæ Cabalisticæ. Hæc & hujusmodi, apud nos, sunt puerorum studia & deliciæ. Referunt enim maximè *Anagrammata*, & *Chronogrammatismos*, & ejuscemodi ludicra, qualia sciolis & semidoctis permittimus, sed nunquam in censum veniunt sanæ literaturæ aut sapientię.

Cab. l. 3.

entia. Illud prætereà vitio vertendum est his *δοκίμοις*, quod in rebus sacris hoc modo ludant & ineptiant. Materiam tenuem & vulgarem quovis modo tractare, discerpere, convellere, dilacerare, transponere, animi exercendi gratiâ haud vitium est; sed textui sacro, nominibusque Dei, oportet adhibere reverentiam: In his tamen duobus potissimum artem suam nugatoriam exercere solent. Quoad nomina divina, in iis latere mysteria, aut vim singularem, semper statuerunt Cabalistsæ; Tria autem potissimum ab iis celebrantur Dei nomina, nomen *Tetragrammaton*, nomen *duodecim Literarum*, & nomen *quadraginta duarum literarum*. Quoad nomen *Tetragrammaton*, notum est ei sanctitatem quandam & venerationem Judæos universim semper tribuisse, ideoque non à populo, sed à Sacerdote tantum; & non nisi in sanctuario, idque tempore solenni; hoc nomen prolatum fuisse. Denotat, ut aiunt, ipsissimam Dei essentiam, qualis est in seipso, sive in statu ante mundano, præcedenter ad omnia ipsius opera externa; ideoque vocari, ut ait *Maimonides*, *Schem Hamphorasb* Nomen expositum, quia clarè & citra ullam equivocationem, de substantiâ creatoris docet. Reliqua autem Dei nomina aliquam virtutem aut excellentiam divinam connotant, ad opera externa referendam. Quoad alia duo nomina, *duodecim*, aut *quadraginta duarum literarum*, quid sint, nullibi memoratur. Sed neutrum eorum fuisse unicum vocabulum, at sententiam, aut sententiolam, quæ totidem literis constabat, rectè videtur notasse idem *Maimonides*. Denique, quæcunque sub hoc capite occurrunt apud Cabalistas, ultra ea, quæ commentatus est *R. Moses Maimonides de nominibus Dei*, eorumque potestate, pro fictitiis aut pseudomysticis habeo,

יהוה

Mor. Nev.

par. I. c. 16.

שמחה

פרש

Ib. c. 61, 62.



habeo, quibus immorari haud operæ pretium esset.

His ita notatis de Cabalâ Verbalî, æquum esse videtur hanc partem, tanquam membrum inutile aut malè sanum, amputare à cætero corpore. Atque alteram Cabalam, sive Cabalæ partem, quam diximus *Realem*, ad examen rationis adducere : Duo sunt in Cabalâ Reali, præ cæteris, ut mihi videtur, insignia Capita : Doctrina *Sephiroth*, & doctrina *Quatuor Mundorum*, vel Systematum. Hæc utramque paginam faciunt, & ubique celebrantur in illâ philosophiâ mysticâ : ab his igitur, tanquam exemplis primariis, quid de reliquis, minoris notæ, statuendum sit, faciliè judicabimus.

*Vid. Appar.  
rat. in Lib.  
Zohar part.  
4*

*Sephiroth* Cabalistica sunt decem : & in tabulis suis disponuntur variis modis ; quandoque per modum columnarum, quandoque circularum, quandoque sub formâ & lineamentis humani corporis, quandoque aliter. Nomina autem sunt, *Kether*, *Cochma*, &c. Neque refert quo depingantur modo.

Sephir. 1.

כתר

Corona.

2.

חכמה

Sapientia.

3.

בינה

Prudentia.

4.

נרולה וחסר

Magnificencia, vel benignitas.

5.

נבונה

Severitas.

6.

תפארת

Pulchritudo.

7.

נצח

Victoria, vel æternitas.

8.

הדר

Gloria.

9.

יסוד

Fundamentum.

10.

מלכות

Regnum.

En decem Nomina aut Voces, quas *Sephiroth* appellant, & ubique crepant Cabalisticæ; sed quæ notio, qui sensus subest singulis, parùm constat. Communis significatio horum vocabulorum satis nota est: hoc autem in loco nescio quid magni & sacrosancti involvunt, aut involvere creduntur: ac si omnis sapientiæ, tam divinæ quàm humanæ, thesauri, hisce decem capsulis absconditi laterent. Aperi, quæsumus, Thesauros tuos, Mystra Cabalistiche, ut quid intus sit, videamus; primâ enim facie nihil præ se ferunt singulare aut eximium. Visne ut hæc sint totidem rerum classes & summa genera, quas vulgò appellant Categorias? Sed nimis recens est illa doctrina, neque ad hæc capita revocari possunt rerum omnium cognitarum ordines & multitudo. Visne *Platonicam* Triadem, vel etiam Christianam hinc occultari? Sed non respondet numerus, neque illud dogma recipiunt Judæi. Vis denique alias naturas divinas, & numero plures, hinc intelligi? vel divinas & humanas, simplices & compositas, superiores & inferiores? Fac tantùm ut innotescat vis cujusque *Sephiroth* clarè & distinctè, nos paratos invenies ad amplectendam veritatem, à quocunque fonte profluentem.

Consulamus igitur, si libet, harum Tabularum Expositores: atque etiam Lexica Cabalistica; ut discamus, primò, quid sibi velint *Sephiroth* in genere & complexim: Dein de singulis quæramus, Quid Nomen cujusque, Quid notio & natura ferant. Per *Sephiroth* in genere, eorumque gradus, *Emanationes* rerum à Deo, qualescunque & qualitercunque, intelligere videntur. Dico *qualitercunque*, nam indistinctè & confusè hæc omnia efferunt; & non tantum *Sephiroth*, sed etiam *Mundum Aziluthicum*, de

Port. Cæl.  
diff. 8. c. 8.

quo postea: & *Adam Cadmon* quod appellant, aliaque, per modum emanationis à Deo provenire statuunt. *Sephiroth* autem dicuntur, sive Numeri, (ex nonnullorum interpretatione) respectu Infiniti; sicut enim ab Uno numerali profluunt omnes numeri, ita *Sephiroth* emanarunt ab uno primo Infinito. Hæc præterea nuncupant *Ideas* & *Exemplaria* sapientiæ divinæ, & operationis divinæ media aut instrumenta: cum aliis innumeris characteribus incerti significatûs, in quibus repetendis horas malè collocarem. Quare id potius dispiciendum, si in singulis seorsim explicandis quicquam nos clarius doceant.

כתר

Primum *Sephiroth* est *Kether*, *Corona*: De quo, si *Lexicon Zohar* consulamus, pauca dicuntur, & frigide. Sicut *corona*, inquit, est *suprema omnium vestium corporis*, sic hic *modus summitas* est *Aziluth*, vel *circumscribit Aziluth*. *Expositoris* autem *Tabulæ Sephiroticæ* hæc sunt Verba: *Prima Sephira* est *circulus Arick Anpin*, i. e. *Longâ facie præditi*, seu *Longammi*, & *coronæ summa*, quam denotat apex literæ *jod* nominis *Tetragrammati*. Hæc circa ima emanationis suæ vocatur *Longus* & *Non-ens*, circa summa verò *Infinitum*: In medio habet tria capita, propter quæ dicitur *Antiquus Dierum*.

Ne scintillam quidem lucis hinc video. Obscura per obscuriora, Dubia per ambigua: dum explicari dicuntur, plurium rerum incertarum accumulatione magis obfuscantur. Sed quò nihil desit aut desideretur in suâ explicatione, varia cognomina & subalternas notiones ejusdem *Sephiroth*, subnectit *Author*, his verbis: *Cognomina* & *subordinata hujus Sephiræ*, sunt, 1. *Lux*: nam *אין סוף* *Infinitum*, & *אור* *Lux*, numeris equipollent. 2. *Causa causarum*. 3. *Color niger*. 4. *Lorum Phylacterii capitis dextrum*. 5. *Ehje*. 6. *Fons*  
sine



*sine fundo. 7. Misericordiarum Pater. 8. Aleph magnum. 9. Timor domini. 10. Lux inaccessibilis. 11. Dies Aternitatis. 12. Privatio. 13. Mens. 14. Tredecim oracula misericordiae. 15. Hic, Ille. 16. Nihil. 17. Oriens. 18. Caput album.*

En octodecim notas & characteres primi Sephiroth, ad illustrandum ipsius naturam & virtutes. Ego verò ingenuè fateor, per hæc additamenta aut appendices me nihil plus scire aut sapere. Hoc certè scio, Rem quampiam malè definiri aut explicari per metaphoras, allegorias, aliasque locutiones figuratas: multò magis per rationes sibi invicem oppositas & repugnantes. Aiunt autem, ut vides, hoc primum Sephiroth esse *Album, Nigrum, Lucem, privationem, Nihil*. Ecquisnam hinc instructior est à doctrinâ primi Sephiroth? aut certior factus quid negat, quid affirmat, quid in se continet? vera sint an falsa, quæ nos docet, aut docere videtur?

Quare cùm in hoc primo tentamine nihil profecerimus, age, experiamur, si placet, in secundo Sephiroth: si forte illic apertius sese explicant Cabalisticæ. Secundum Sephiroth dicitur *Cochma, sapientia*. חכמה  
*Cochma*, inquit Lexicon Zohar, est initium actuata Idealitatis: Caput & principium Aziluth. Prætereà, in doctrinâ metallicâ, inquit, *Cochma* est gradus plumbi, vel salis primordialis, in quo latet plumbum sapientum. Profit tibi, Lector, hoc quicquid est commentarii, mihi quidem inutilis. Expositorem prætereà consulamus, de cognatis & adjunctis hujus Sephiroth. *Cognomina & subordinata Cochma*, inquit, sunt, 1. *Jah*. 2. *Jod Tetragrammati*. 3. *Principium*. 4. *Primogenitura*. 5. *Voluntas*. 6. *Terra viventium*. 7. *Jesch, Ens seu Essentia*. 8. *Lux primitiva*. 9. *Triginta dua Semite Idearum*. 10. *Septuaginta legis species*.  
H 2 11. Bellum.

11. *Bellum.* 12. *Judicium.* 13. *Amen.* 14. *Liber.*  
 15. *Sanctum Sanctorum.* 16. *Informe.* 17. *Profundum cogitationis.* 18. *Cogitatio.* 19. *Formido.* 20. *Eden.* 21. *Olei unctionis scaturigo.* 22. *Vinum aservatum ab orbe condito.* 23. *Quis.* 24. *Membrum virile summum.* 25. *Verbum; seu Oratio.*

Deus bone, Quæ strues rerum & verborum! sine calce & arenâ: sine nexu, sine ordine, sine cognitione. Locutiones tralatitiæ, peregrinæ, obtortæ. Expositiones promittunt, afferunt ænigmata, aut vaga somnia: & dum se profitentur interpretes, cæcis ambagibus argumentum confundunt. Quid aliud hoc est, quàm ludibrio habere mentem humanam? & pro veritate solidâ, rerum umbras aut nuda figmenta proponere. Si bonâ fide nobiscum agere velint Doctores Cabalistici, tam in hac suâ Decade Sephiroticâ, quàm in suo Mundorum quaternione, iis duo peragenda sunt; Dicendum primò, quæ sequantur rerum notiones generales: Quæ principia, & prima fundamenta cognitionis; nisi enim in his conventum fuerit, de reliquis, quæ ab his dependent, frustra disceptabitur. Nos consuetas & ubique receptas rerum rationes amplectimur, & quæcunque cadunt in conceptum humanum distinguimus, primò, in Creatum & Increatum, Finitum & Infinitum. Creatum autem quodcunque, vel est substantia, vel modus substantiæ, vel relatio. Substantia item dividitur in Corpoream & Incorpoream: atque hæc denique in suos ordines & gradus. Hæc est communis semita, seu potius scala intellectûs humani, quâ ab imis ad summa ascenditur, atque itidem descenditur à summis ad ima. Quicquid percipimus, intra hos limites continetur: Quoties igitur definiendum est aliquid & circumscribendum, reducitur primum ad

ad suum locum in hâc scalâ, quasi ad suum genus & familiam. Dein, iis signatur proprietatibus, quibus ab aliis sui generis distinguitur. Unde oritur notitia illius rei distincta, & à cæteris omnibus separata.

Præterea, Quùm in omni arte aut scientiâ sint quædam vocabula, aut prorsus nova, aut proprii significatûs, ab usu quotidiano alieni: ne novo Lectori fraudem faciant, solent docti, in singulis ferè disciplinis, Lexica aut Glossaria componere: ubi dictionibus notis & explicitis, minùs notarum sensus & propositum exprimitur. Hâc methodo perinde utendum erat Doctoribus Cabalisticis, ut de eorum sententiâ constaret. In omni enim scientiâ, ut de principiis & notionibus summis, ità secundò de verbis, eorumque usu & acceptione, conveniendum est. Duo igitur, ut diximus, desiderantur in philosophiâ Cabalisticâ, ut, siquid valeat, necnè, dijudicemus: primò, principiorum notitia & consensus, sive Scala Logica, ut ità dicam, rerum & notionum: Dein Glossarium, de vocum & verborum expositione.

Sed ut pergamus in proposito examine: Placene ut tertium Sephiroth ordine jam prosequamur? Et dein quartum, quintumque, & sic deinceps. Sed quo duce? aut quo fructu? Hactenus enim operam lusimus in hoc studio, & apud hos interpretes: Neque clariora nobis suppeditant documenta in sequentibus, sed quo magis descenditur ad inferiora Sephiroth, eo magis inter nebulas & caliginem sese abscondunt. Vereor igitur nè tædio essem Lectori, si in his tenebris errantem diutiùs retinerem. Pergamus potiùs, si libet, ad alterum caput hujus doctrinæ Cabalisticæ, quod de *Quatuor Mundis* instituitur: & pericitemur iterum, si forte in hac parte



parte disquisitionis nostra magis ex animo succedat.

Quatuor Mundi Cabalistici sunt, *Aziluth* (אצילות), *Briah* (בריא), *Jetzirah* (יצירה), *Asbhah* (עשייה), Qui reddi solent *Mundus Emanationis, Creationis, Formationis, & Fabrica vel Factionis*. Et in horum summitate collocant *En-Soph* (Infinitum) sive, ut alii appellant, *Mundum Ensophicum* : cæterorum omnium primam radicem. Sed quæ nova Systemata, inquis? Quos novos mundos, invisos & inauditos antea, nobis affers? Mundum Increatum sive Idealem, creatumque agnoscimus: atque hunc partiri solemus in Corporeum & Intellectualem; Neque ullus prætereà rerum universarum ordo cadit in cogitationem aut intelligentiam humanam. Audiamus utcunque quid philosophantur Cabalistsæ, de naturâ, formâ, aut apparatu horum mundorum.

Quoad mundum *Aziluthicum*, Lexicon Zohar explicat, suo more, tam in genere, quam in specie, quid *per Aziluth* intelligendum sit; & ne Lectorem fraudare videamur quocunque lumine, utrumque apponendum duximus. *Aziluth* est *systema emanantium*. Evacuato primum loco pro mundis, non continebant se *Lux infiniti ambiens, & Lux vacuo immissa*: Sed *Lux infiniti in vacuum illud influebat per lineam, canalemve quendam tenuem*. Illaque *Lux* est *principium Emanativum atque Emittens*: *Lux autem qua intra vacuum est, est principium Emanans*; Quæ duo non cohærebant, nisi mediante supradictâ lineâ. Dein *Aziluth* in specie, inquit, denotat *systema primum è quatuor Olamoth*: quod exinde *Aziluthicum* dicitur: quale nimirum reperitur post factam *Restorationem*, (quam תיקון dicunt) de quo nota sequentia. Decem *Sephiroth systematis Aziluthici generalis,*

ralis, sunt decem נקודות seu puncta, quæ primùm prodierunt è vasis, ad fracturam tendentibus: ex istis facta est Restauratio. Ex primo enim puncto facta est corona Aziluthica, quæ vocatur Arich Anpin: ex secundo & tertio, Abba ve Imma: ex sex sequentibus, redintegratus est Seir Anpin: & ex ultimo formata est uxor ejus.

Manet adhuc mihi incognitus hic mundus Aziluthicus, non obstante hâc explicatione generali & speciali. Id tantum capio, per Emanationem factum fuisse ex sententiâ Cabalistarum: ut à fonte flumen. Sequitur Mundus Briathicus sive Briah: quod aiunt accipi vel de creatione hominis: ob multas rationes mysticas, quas piget recitare; vel de creatione mundi factâ per conversiones & rotationes literarum אלהים, & אחכש; & per unam & ducentas triginta portas, seu modos combinatorios. Gentem cerebrosum! quæ ex conjugatione literarum & syllabarum, ludendo mundos efficit, ut pueri domunculas ex chartis.

Tertius Mundus Jetzirah, in libro sic dicto, interprete Rittangelio, est mundus Angelorum; vel, ut inquit ille, Decem mundi Angelorum qui absconditi sunt ab oculo intellectûs corporeo. Author Philosophiæ Cabalisticæ per mundum Jetzirah intelligit substantias in subjecto productas, sive Angelos corporibus Ethereis indutos. Aitque se ore tenus à Magistro suo, R. Israele Serug, accepisse, quod natura Jetzirathicæ consistit è spiritibus Briathicis, & corporibus Asbiathicis. Per Mundum autem Asbiathicum, sive mundum Fabricæ, intelligunt mundum aspectabilem, corporeum. Neque de eâ re liq̃ erit aut controversia.

En quatuor Mundos Cabalistarum: quorum inferiores agnoscimus, superiores autem ultra omnem oculorum aut mentis aciem elati, in vacuis spatiis & regionibus supermundanis absconduntur. Absconduntur, inquam: neque enim aut suâ luce parent, aut mutuatitio lumine commentatorum. Tam Authores, quàm Interpretes, rerum umbris decepti, errores suos novorum verborum fūco obducunt. Quæcunque intelligimus ipsi clarè & distinctè, libenter aliis exponimus, modo intelligibili: Sed cùm scientiam mysticam: affectamus, fingimus mysteria ubi nulla sunt, vel sonoris & ambiguus verbis aliquid magni subesse: idque nos capere quidem, sed nolle tam sacra in vulgus spargere: credulis persuademus. Quamobrem, qui latibula quærunt, & sibi metuunt ab apertâ oratione, semper mihi suspecti sunt de ineptiis, vel imposturis. Denique, ut finem faciam, inter legendum hujusmodi scripta, Cabalistica, Theosophica, Hermetica, & omne genus Pseudo-mystica, sæpe mihi redeunt in mentem verba Christi, (*Joh. 3. 19, 20, 21.*) *Dilexerunt homines potius tenebras quàm lucem, quia sunt illorum opera mala. Quisquis enim quæ mala sunt, agit, odit lucem: nec venit ad lucem, nè arguantur opera ipsius. Qui verò dat operam veritati, venit ad lucem, ut manifesta fiant opera ipsius, quòd secundum Deum facta fuerint.* Non nescio, hoc dictum mores hominum respicere & vivendi rationes: Sed non minùs quadrat in eumentita veritatis studia, eosque reprehendit tenebriones, qui, subdolis artibus, claræ rationis examen fugiunt.

Hactenùs duo præcipua capita, vel fundamenta, Cabalæ Judaicæ perstrinximus. Sunt præterea multa alia, his quidem minoris notæ, sed tamen, apud  
 Mystago-



Myſtagogos iſtos, non exigui nominis. Cujusmodi ſunt *Triginta duæ ſemite ſapientia*: de quibus tractat Liber *Jetzirah*, cum ſuo commentario. Dein *Quinquaginta Porta prudentiæ*: per quas *Mofes*, ut aiunt, mirandam ſuam ſcientiam adeptus eſt, & in ſuo *Pentateucho* abſcondidit, artificio Cabaliſtico eruendam. Denique multa & præclara myſteria jaçant ſub titulis *Adam Kadmon*, *Seir Anpin*, *Arick Anpin*, *Attika*, cum multis aliis. Sed me tædet pudetque difficili-  
um nugarum. Et quò te earum etiam tædeat, ingenue Lector, ante oculos tibi ponam Libri nuperi Cabaliſtici titulum, qui ferè omnes in ſe complectitur. Scriptus eſt à R. *Abrahamo Cohen*, *Irira*, ad exponendam Cabalam, ſub hoc titulo: שער השמים *Porta Cælorum*. In quo Dogmata Cabaliſtica de *En ſoph*, *Adam Kadmon*, *Zimzum*, *Quatuor Mundis*, *Nomine Tetragrammato*, *Revolutionibus Alphabeticis*, *Avvir Kadmon*, *Personis Attik*, *Arich*, *Abba Viemma*, *Seir Anpin*, & uxore ejus. De *Luminibus Cranii*, *oculorum*, *aurium*, *narium*, *oris*, in *Adam Kadmon*: De *partibus Animæ*: *Literis Tetragrammati*: *Quaternario*, *Denario*, *Sephiris*, *numeris*, *menſuris*, *Pulchris*, *Vestimentis*, *confracti-  
one & lapſu Vaſorum*, *naturâ Vaſorum*, *Radiorum*, *Lucis ambientis & interna*: De *differentiis localibus in Sephiris*, & de eo quod dicitur *Longum*, *Latum*, & *Profundum in Sephiris*: De *deſcenſu Animæ in corpus*, De *Sephiris*, *Akudicis*, *Necudicis*, *Berudicis*: De *reſtitutione vaſorum*, De *conceptione*, *generatione*, *infantiâ*, *adoleſcentiâ & uſu rationis* & *Seir Anpin*: De *Bilance*: De *ſuperintectione*, vel *involutione perſonarum intra ſe in-  
vicem*, *crinibusque capitis & barbæ*, &c. *Philosophicè* *proponuntur & explicantur*. Perlecto hoc titulo, inſpectiſque capitibus, facilè dices, opinor, cum Apo-  
ſtolo: de Judæis non minùs quam de Gentibus: Rom. I. 2 I.

ἐμαίαιώθησαν ἐν τοῖς διαλογισμοῖς αὐτῶν. *Vani facti sunt in cogitationibus suis.*

Quin, obsecro, ne graveris, Amice Lector, si unico adhuc exemplo Cabalistarum ingenium ostentemus. Prodiit, haud ita pridem, Liber dictus *Cabala Denudata*: Opus laboriosum; in cuius Tomo secundo continentur aliquot Tractatus Libri *Zohar*: inter Cabalisticos antiquissimi, & autoritate maximi. Author hujus Libri dicitur R. Schimeon Jochaides, circa tempora excidii Hierosolymitani. Hunc referunt vixisse duodecim annos in speluncâ, ab omni hominum commercio segregatum. Ut haberet autem quo vesceretur, creatam fuisse in speluncâ Arborem siliquiseram, atque fontem Aquæ: Dein, ne vestes detererentur, nudum sedisse in arenâ, ad colulum usque demersum, atque ita totâ die studuisse. Horum studiorum fructus est Liber *Zohar*: in quo antiqua Cabala reviviscit, & lata mysteriorum seges.

Tractatus autem *Zohar* qui hic exhibentur, sunt, primò ספר נצחיות *Liber Occultationis vel mysteriorum*. Secundò, סדרת רבנים *Synodus magna*. Tertio, סדרת זוטות *Synodus minor*: cum aliis nonnullis. Exiguus est tractatus primus, qui, in secundo, fusiùs explicatur: dein Tertius est utriusque supplementum. Non est mihi animus hos tractatus ad examen revocare, ne læsæ patientiæ à Lectore accusarer: sed in secundo, tertioque, qui uberiores sunt, Editor apposuit titulos singulis capitibus, unde materiam cognoscere, & pretium cuiusque æstimare licebit. Tractant in genere de *Macroprosopo* & *Microprosopo*: & speciales tituli *Synodi magnæ* hi sunt.

*Seet. 1.* Ingressus & prælo-  
quium.

*Seet. 2.* De statu mundi  
Inanitatis.

*Seet. 3.* De Macroprofopo,  
& partibus ejus: In  
specie de Cranio.

*Seet. 4.* De rore seu hu-  
miditate Cerebri Ma-  
croprofopi.

*Seet. 5.* Ulteriora de cra-  
nio Macropr.

*Seet. 6.* De Meninge Ma-  
cropr.

*Seet. 7.* De Capillis Ma-  
cropr.

*Seet. 8.* De fronte Macro-  
pr.

*Seet. 9.* De oculis Macropr.

*Seet. 10.* De naso Macropr.

*Seet. 11.* De Barbâ Ma-  
cropr. in genere.

*Seet. 12.* De parte primâ  
barbæ.

*Seet. 13.* De parte secun-  
dâ barbæ.

*Seet. 14.* De parte tertiâ.

*Seet. 15.* De parte 4tâ.

*Seet. 16.* De parte 5tâ.

*Seet. 17.* De parte 6tâ.

*Seet. 18.* De parte 7mâ.

*Seet. 19.* De parte 8vâ.

*Seet. 20.* De parte 9nâ.

*Seet. 21.* De parte 10mâ.  
& 11mâ.

*Seet. 22.* De parte 12mâ.

*Seet. 23.* De parte 13tiâ.

*Seet. 24.* Conclusio de  
Macroprofopo.

Dein de *Microprofopo.*

*Seet. 25.* Ingressus de Mi-  
croprofopo.

*Seet. 26.* De Regibus E-  
domiticis.

*Seet. 27.* De cranio Mi-  
croprofopi, Et dein in  
duodecim sequentibus  
sectionibus cæteras par-  
tes Micropr. prosequi-  
tur, ad

*Seet. 39.* De corpore Mi-  
cropr. in genere, sub  
statu Androgynæitatis.

*Seet. 40.* De parte fœmi-  
ninâ Micropr.

*Seet. 41.* De membris u-  
triusque personæ sepa-  
ratis.

*Seet. 42.* De dissectione  
masculi & fœminæ, &  
copula eorum.

*Seet. 43.* De Judiciis.

*Seet. 44.* De homine su-  
perno.

*Seet. 45.* Conclusio.



Hæc sunt capita Libri *Idræ*, Synodi nempe majoris. Sequitur tertius tractatus Synodi minoris, qui eadem ferè capita prosequitur per modum auctarii. Extat præterea in hos tractatus commentarius Cabalistæ, inter recentiores celeberrimi, *R. Iizchak Lorjæ*. Atque alter è scriptis *R. Naphthali Hirtz*. Omnes tenebras & obscuritates argumenti, per hæc lumina excussum iri, meritò quis speraret. Sed res malè respondet: Luditur adhuc in Ambiguus: neque ab Authore primo, neque à commentatoribus definitur quis sit ille *Macroprosopus*, quis *Microprosopus*, quos toties crepant: dissecantque, ut vides, usque ad decimam tertiam particulam Barbæ. Sed de Barbâ si

P. 71.

quæras, respondet abundè *R. Loria*, Barba *Macroprosopi* est gloria & decus corporis superni. Ejus autem pili dicuntur duri, propter magnum disfluxum luminis in *Microprosopum*. Et sicut ex parte cervicis Patrem & Matrem contegunt tredecim cincinni capillorum alborum, qui dependent à capite *Macroprosopi* usque ad diaphragma: ut inde fiant capilli *Microprosopi* ex allusione luminis: ita per mysterium istius barbæ, demittentis radios suos, omnes copulæ sunt per duas influentias ejus, superiorem & inferiorem, quæ sibi invicem superincumbunt, seu duo barbæ apices, ad foveam pectoris usque, ad instar maris & fœminæ; quæ copulæ inferiores tunc sunt virtute luminum & cerebrorum, quæ ipsis tribuntur per hanc barbam. Dein *Microprosopi* barba à *R. Naphthali* ita describitur, Barba *Microprosopi* fit ex novem numerationibus, sapientiâ, intelligentiâ, &c. quæ ingrediuntur per novem triades, victoriæ, Gloriæ, & Fundamenti Matris, in quibus semper existunt victoriæ, gloria, & fundamentum Patris. Et intrant in novem Numerationes ipsius *Microprosopi*, & ex illis quoque sunt novem partes barbæ Sanctæ *Microprosopi*.

Hæc

Hæc de Barbâ & Barbulâ. Si præterea de naso, de cranio, cæterisque partibus interrogentur, præclaratidem respondent, & ab omni intelligentiâ humanâ non minùs aliena. Cum ratione quandoque insanimus omnes: sed est morbus animi Orientalibus communis, cum All-goriis insanire: & Judæis proprius, cum suâ Cabalâ. Quis enim novit, si clarè & apertè proposita esset Doctrina Cabalistica, an risum moveret vel admirationem. Id certè constat, vel res ipsas, vel modum proponendi esse ridiculum.

Sed quid tandem, inquires, omnibus perperensis, de Hebræorum Cabalâ statuendum erit? Nil habet arcani sensûs: nil sapientiæ reconditæ: neque olim habuit? Rabbīnorum cordatissimus, *Moses Maimonides*, ait, Olim fuisse apud Hebræos de rebus divinis multa mysteria, sed periisse: vel injuriâ temporis, & repetitis Gentis istius calamitatibus: vel ex eo quòd prohibitum fuit mysteria divina scriptis consignare: Sed audiamus, si placet, ipsius verba Latine. Scito multas egregias sententias, quæ in gente nostrâ olim fuerunt, de veritate istarum rerum, partim longinquitate temporis, partim infidelium & stultorum populorum in nos dominatione: partim etiam quòd non civis (sicut exposuimus) concessa erant mysteria, periisse, & in oblivionem devenisse. Nihil enim permissum erat literis mandare, nisi ea quæ in Libros sacros digesta & relata erant. Nosti enim Talmud ipsum inter nos receptum, olim non fuisse incertum Librum digestum, propter rationem istam, quæ tum passim obtinebat in gente nostrâ: VERBA QUÆ DIXI TIBI ORE, NON LICET TIBI SCRIPTO DIVULGARE.

Hæc est sententia *Maimonidis* de occultâ veterique Judæorum sapientiâ. Alii antiquam Cabalam

in duo capita partientes, *Berischith* & *Merkavah*, illuc philosophiam naturalem, huc Metaphysicam intelligi: atque primum in *Genesi* *Mosaicâ*, alterum in *Ezekielis* visionibus, fundari statuunt. Neque ab hac sententiâ abhorreere videtur idem *Maimonides*. Sed qui hanc viam insistant, per leves & incertas allegorias, *Mosen* & *Ezekielem* ad suas partes & ad sua proposita, contorquent & accommodant. Mihi quidem videtur fieri vix posse, ut omni careat fundamento Cabala Judaica: fœdissimè licet à Neotericis corrupta & adulterata. Etiam antiquis Fabulis aliquid subesse, fundamenti loco, plerumque conceditur; neque verisimile est, è nihilo provenisse famam & exultationem doctrinæ Cabalisticæ, à tot sæculis sermonibus hominum agitatæ, & à nonnullis omnium studiorum contentione cultæ & propugnata. Si veniam damus conjecturis, in illam opinionem facilè descenderem, Antiquam Cabalam *Realem* (nam *verbalis* est figmentum humanum) tractasse potissimum de *Rerum Originatione*, & *Gradationibus*. Sive de modo productionis aut profluxûs rerum à primo Ente, & earundem rerum gradibus & descensu à summis ad ima. Atque hæc per suos mundos, & *Sephiroth*: & *Personas* & *portas*: per sua lumina & radios, & vasa & receptacula, & cortices aliosque modos, efferunt; qui veritatis speciem aliquam aut umbram retinent. Neque mirabimur hanc doctrinam nimiam vetustate in facies degenerasse: nam, præter causas à *Maimonide* supra memoratas, notum est, Traditiones non penitus intellectas facilè perire. Sed ut est ferax ineptiarum ingenium humanum, damnum compensari solet novis additamentis, & multiplici proventu fabularum: Quibus, tanquam zizaniis, quæ supersunt bona semina, maximam partem,



tem, suffocantur. Apertè dicam: Quicquid veri solidique habuit Cabala Judaica, multas ob causas sensim imminutum aut vitiatum fuit: Doctores autem Hebræi, quò nomen antiquæ Cabalæ, & mysticæ alicujus scientiæ gloriam apud se retinerent, quod deperditum erat, suis inventis imaginariis resarciebant; &, prolabente tempore, per novos commentatores aliis aliisque superinductis figmentis, tandem tota abiit in confusionem. Quale quid est illa sarra-  
go, quam hodiè *Cabalam* appellamus.

Diximus suprâ id sibi proposuisse antiquam Cabalam, quantum conjecturis assequi licet, ut nobis exponeret Rerum omnium processum à Primâ Causâ, & earundem in primam Causam recessum. Notandum est enim, credidisse Antiquos, *ex nihilo nihil fieri*: Et quicquid est substantiæ, aliquo modo semper extitisse, semperque extitutum. Doctrinam enim de educatione rerum ex nihilo, & reductione in nihilum, Philosophis ignotam, primùm invexisse videtur Theologia Christiana: ut apud Stoïcos, Platonicos, aliosque videre licet. Neque in aliâ sunt sententiâ, ut mihi videtur, Cabalistæ: quandoquidem rerum ortum per *Emanationes* à primâ causâ explicant. Quod emanat autem ab alio, præ-existit; licet sub aliâ forsân specie aut formâ. Loquuntur itidem de retractione rerum in primum Ens, revolutione & restitutione ad primævum statum. Quasi hanc animo concepissent Ideam, primum Ens, sive *En-soph*, in se continere omnia: Et eandem semper esse Entitatis quantitatem in universo, sive sit in statu creato, sive increato. Cum est in statu increato sive antemundano, Deus est omnia simpliciter: cum autem sit mundus, non augetur quidem Entitatis gradus aut mensura, sed Deus sese explicat & evolvit, per  
emana-

emanationes & effluxus à summis ad ima: quibus constituuntur diversæ rerum creaturarum formæ & ordines. Ideoque, sæpe verba faciunt de *Vacuis*, & de *Vasis* & *Vasculis*, quasi ad recipiendos hos effluxus: & de *Radiis* effluentibus: & de *canalibus*, quibus decurrunt & propagantur. Denique, cum Deus retrahit hos radios & resorbet, perit mundus externus, atque omnia iterum fiunt Deus. *Emittis spiritum, creantur: abscondis faciem, perturbantur.*

*Idem docent  
hodierni  
Brachma-  
nes apud  
Indos.*

Dixi autem, eadem ferè docuisse veteres sapientes, de rerum origine & progressu à Deo: & vicissim de earundem regressu aut resolutione in Deum. Creatio & Annihilatio hodierno sensu, sunt voces factitiæ: neque enim occurrit, apud Hebræos, Græcos aut Latinos, vox ulla singularis, quæ vim istam olim habuerit. Præterea, quoad Philosophos, notum est, in Stoicorum Scholâ præfata dogmata obtinuisse. Aiunt enim illi res omnes, suo modo, participare Deum, animasque nostras nominatim esse *μέγιστα θεῶν καὶ ἀποσπασμάτα*: unde Seneca de Animo, *Quid est autem cur non existimes in eo divini aliquid existere, qui Dei pars est.* Et apud Ciceronem dictum est, à naturâ Deorum haustos animos & delibatos habemus, & decerptos à divinâ mente. Neque minùs in Deum refundendos esse statuunt, post certas temporum periodos. *Resoluto Mundo*, ut inquit Seneca, & *Diis in unum confusis, Jupiter, paulisper cessante naturâ, acquiescit sibi, cogitationibus suis traditus.* Credebant, Universum alternare vices: nunc in Jove, nunc extra Jovem, consistens. Secundùm illud Zenonis, *Κατὰ χρόνων ποιάς περιόδους ἀιαλίσκων εἰς ἑαυτὸν καὶ ἀπασαν ἑστίαν, καὶ πάλιν ἐξ ἑαυτοῦ γεννῶν.* Deus secundùm quasdam temporum periodos resorbet res omnes in seipsum, & dein easdem ex seipso regenerat.

*Epist. 6.*

Facilis

Facilis est comprehensu hæc Stoïcorum Hypothesis, sed nimis crassa; ad materiam enim & res materiales omnia restringunt, & per Jovem ipsum nihil aliud intelligunt quàm simplicem Æthera; in quem resolutum iri totum mundum credunt: denuò rediturum, statò tempore, in formam & faciem Naturæ; hoc est, in varias corporum formas & rerum ordines, quem *Mundum* appellamus. Sed ultra vim & ambitum Mundi materialis, alium agnoscunt *Egyptii*, *Orphici*, *Pythagorici*, *Platonici*: Qui tamen omnes, quoad rerum originem & finem, plurima habent Cabalisticis affinia. Deum esse, aliquo modo, omnia: multoties & multifariam innuunt Platonici; & per emanationes vel irradiationes sui mundum produxisse. Crediderunt veteres, cujusunque ordinis, quantum mihi constat, *ex nihilo nihil fieri*; neque aliquid in nihilum reverti posse. Idque non tantum intelligunt de *generationibus* quæ dicuntur: sive de transformationibus rerum aliarum in alias, in mundo jam factò: sed etiam, ut vocibus receptis utar, de Creatione & Annihilatione: Quasi antè Mundi ortum, aut post ultimam abolitionem, non essent prorsus nihil, rerum essentia: Sed haberent semper suum modum subsistendi in naturâ divinâ, licet sine omni distinctione individuorum. Porro, Circuitum quendam instituisse videntur, innumeris sæculis peragendum, inter hos duos rerum universarum maximè diversos ordines: statum scilicet Creatum & Increatum. Et finito mundi curriculo, refususque omnibus in primam causam, fit quædam ἀποκατάστασις καθολικὴ, & ut ita dicam, Deificatio universalis. Denique, hunc statum rerum Deificum non æternum fore autumant, sed, post immensâ æva, novum iterum oriturum esse mundum: atque has



fatorum vices & alternationes perpetuò duraturas.

Hæc propterea pluribus exposui, quòd obscura magis elucescunt comparatione rerum, vel similium, vel oppositarum. Neque ulla mihi nota est philosophia aut hypothesis, quæ propiùs accedit ad Cabalisticam, eâ quæ jam descripta est. Quod si forsân non occurrant singula apud dictos philosophos quæ ad absolvendam hypothesein adjunximus, omnium saltem fundamenta & stamina apud eos reperiuntur; & si perficere voluissent telam suam & ad exitum perducere, his filis contexenda esset. Dein quoad Cabalam, neque illa forsân explet omnes partes hujus hypotheseos: cùm circa rerum origines multò magis versetur, quàm in earum finibus & periodis explicandis. Sed quæ desunt aut vitiantur, supplenda sunt & corrigenda, secundùm analogiam principiorum, & congruenter elementis Cabalisticis: ut totum opus sibi constet, atque omnibus suis numeris absolvatur. Denique cùm aliquamdiù mecum reputâssem, siquid esset in sapientiâ veterum, sive Græcâ sive Barbaricâ, quod cognationem aliquam haberet aut similitudinem cum Cabalâ Judaicâ, nihil in utrâvis reperi, quod ipsam specie & vultu magis referre videretur, quàm præfata Hypothesis: de originatione rerum à Primâ Causâ per effluxus & emanationes: & earundem, finito circulo, in suam originem refluxu. Hæc autem mysteria, *de modo ortûs & occasûs Rerum*, in hac infimâ vitâ & umbrâ mortis, ubi jam versamur, captum humanum reverâ superant, atque ideò frustra affectantur. Quod si aliàs tibi minùs placeat hæc interpretatio, neque in his latere existimes Arcanum Cabalæ: Estò: Ego non contestabor litem. Sed me fines, itidem uti meo jure, neque à propriâ sententiâ dimo-

dimoveri: quæ hujusmodi est, Cabalam Judaicam vel esse somnium sine sensu, vel somnium sine Interprete, nisi ad hunc sensum convertatur. Et quicquid olim fuerit, hodiè est *instar salis insatuati*: Ad nihil valet amplius, nisi ut foras abjiciatur. Hæc de Cabalâ Judaicâ.

Non me pœnitet, quod diutius in hoc argumento moratus sim: cùm ex eo pendeat, quicquid à Judæis afferri solet de rerum divinarum & naturalium cognitione. Nempe nihil celebrant Judæi sapientiæ nomine, præter Legem & Cabalam: & quæ latent in Lege mysteria, vi & ope Cabalæ recluduntur. Neque tamen hæc scripsi ad doctrinam illam refellendam: refelli enim non potest quod in tenebris absconditur: Sed ut modum ostenderem, quo in lucem proferri debeat, vel ad æternas tenebras damnari. Interea ne noceat incautis, & cæco tramite in errores ducat, præmonui, & pro viribus obstiti.

— *Sapientia prima est,  
Stultitiâ caruisse:*

Primusque ad veritatem gradus, *præcavere errores*.— Ad quos evitandos, in sapientiæ studio Legis vim semper habeat, *N U L L I* Autoritati præter Divinæ: Nulli rationi præter claræ & distinctæ, fidem penitus adhibendam esse.

Sape autem ex ipsâ aviditate augendæ scientiæ, in errores delabimur; vel ob præcipitem animi assensum, ante examen peractum: vel earum rerum cognitioni inhiando, in quibus nullum examen locum habere potest. Nempe quæ viribus nostris attingi nequeunt, neque ullo lumine, vel à naturâ nobis dato, vel cœlitus admissio. Hujusmodi sunt speculationes illæ de Mundo Angelico, ipsiusque apparatus. In quot summa genera, & subalternas classes, distri-

buitur Hierarchia cœlestis: Quid agunt, quæ loca habitant. Facile credo, plures esse naturas invisibiles quàm visibiles, in rerum universitate: pluresque Angelorum ordines in cœlo, quàm sunt pisces in mari; Sed Horum omnium familiam quis nobis enarrabit? Et gradus, & cognationes, & discrimina, & singulorum munera? Harum rerum notitiam semper ambivit ingenium humanum, nunquam attigit. Theologi Ethnici multa philosophantur circa mundum invisibilem, Animarum, Geniorum, Manium, Dæmonum, Heroum, Mentium, Numinumque & Deorum. Ut videre est apud Jamblichum de *mysteriis Ægyptiorum*, apud Psellum & Plethonem in *Chaldaicis*, & passim apud Authores Platonicos. Hos etiam imitati sunt ex Christianis Theologis nonnulli, circa Angelorum ordines: & Pseudo-Christiani Gnostici, sub Æonum & Deorum nominibus, multa confinxerunt in hæc materiâ. Denique Cabalistsæ, in suo mundo *Jetzirathico*, myriades Angelorum lustrant, sub Ducibus *Sandalphone* & *Metatrone*; prout istarum rerum studiosis notum est. Sed ad quid valent hæc omnia? Quid sinceri solidique habet hæc Philosophia Seraphica? Non sum nescius, mundi Angelici meminisse Apostolum *Paulum*, & in eo distinxisse plures ordines & classes. Sed in genere tantum; de his non philosophatur; nihil speciatim docet aut disputat: Quinimò reprimendos esse censet eos, tanquam vanâ scientiâ inflatos, qui in hæc incognita & inscrutabilia temerè sese ingerunt. Juvat utique, non diffiteor, quandoque in animo, tanquam in Tabulâ, majoris & melioris mundi Imaginem contemplari: ne Mens assuefacta hodiernæ vitæ minutiis, se contrahat nimis, & tota subsidat in pusillas cogitationes. Sed veritati intereâ invigilandum est, modusque

Col. 1. 16.  
Eph. 1. 21.

Col. 2.  
8. 18.



duſque ſervandus, ut certa ab incertis, diem à nocte, diſtinguamus. Sapientis enim eſt, non tantùm, ea quæ ſciri poſſunt, ſcire: ſed etiam, quæ ſciri non poſſunt, diſcernere & diſcrimīnare.

Huic diſſertationi de Judæis finem impoſituro, venit mihi in mentem *Effenorum* ſive *Effæorum*, per-  
vetuſtæ, celebriſque olim *Seçta*, apud Judæos: Qui priſcorum Philoſophorum ſpeciem præ ſe ferebant, ipſosque Brachmanas inſtitutis & vitæ ratione imitari videbantur. Horum meminerunt Authores varii.

*Jof. contr. Ap. li. 1.*

*Plinius*, ſubridens, ex pœnitentibus & pertæſis humanæ vitæ cœtum illum compoſitum ait, neque unquam defeciſſe per aliquot annorum millia, licet *αγυρον & ἀσυνεſίατον*. Gens ſola, inquit, *Effeni*, & *Hift. Nat. li. 5. c. 17.*  
in toto orbe, præter ceteras, mira. Sine ullâ ſæminâ, omni venere abdicatâ, ſine pecuniâ, ſociâ *Palmarum*.

In diem ex aquò convenarum turba renaſcitur; frequen-  
tantibus, quos vitâ feſſos, ad mores eorum fortuna flu-  
ctus agitat. Ità per ſæculorum millia, (incredibile dictu)  
gens æterna eſt, in quâ nemo naſcitur. Tam ſæcunda  
illis aliorum vitæ pœnitentia eſt. Argutè dictum, ſi

minùs verè. Horum Philoſophorum vivam imagi-  
nem depinxit *Philo Judeus*: vitamque eorum exhi-  
buit, illi ſimillimam, quam duxerunt olim in Para-  
diſo innocui parentes: & nos iterum ducturi ſumus,  
Deo volente, in novâ Terrâ Futurâ. Oneroſum eſ-

*Quod omnis probæ liber. & de Vit. Con- templ.*

*& in Apol. pro Jud.*

ſet totum *Philonis* de hâc re ſermonem adducere: ſed, quod huc ſpectat maximè, quid de Philoſophiâ ſenſerint, ità paucis enarrat. *Φιλοſοφίας ὅ, τὸ μὲν*

*apud Eufeb. Item Jof. Ant. li. 18.*

*c. 2. & de Bel. Jud. li. 2. 12.*

*λογικόν, ὡς ἐκ ἀναγκαῖον εἰς κτῆσιν ἀρετῆς, λογοθέταις τὸ ὅ φυσικόν, ὡς μείζον ἢ κατ' ἀνθρωπίνῳ φύσιν, μετew-  
εργλῆταις ἀπολιπόντες, πλὴν ὅσον αὐτῷ περὶ ὑπάρξεως Θεῷ, & τῷ παντός γενέσεως φιλοſοφεῖται τὸ ἠθικόν*  
*εὐ μάλα διαπονεῖσι, δις. Philoſophia partem Logicam,*

ut paranda virtuti non necessariam, relinquunt verborum captatoribus. Physicam verò, ut humano captu majorem, rerum sublimium curiosis: Eâ parte exceptâ, quæ de existentia Dei, rerumque ortu, philosophatur. In morali autem se strenue exercent, &c. Pauca habent, ut vides, in philosophiâ naturali, sed gravissima, capita: de Deo nempe, mundique ortu. Sed quâ ratione Mundi Originem exposuerint, aut quatenus à Mose discefferint, non indicat *Philo*. Neque plura suppetunt, quod sciam, apud authores, Essenorum dogmata physica: modò ea adjunxeris, quæ, ex illorum mente tradit *Josephus*, de *Animarum immortalitate & futuris Paradisis*. Reliqua in suis *Libris Sacris*, quorum ille meminit, occuluerunt: & quærenda sunt maximè apud *Brachmanas*. Apud *Brachmanas* dico: cum illorum esse propaginem *Essenos*, ex *Clearcho* notârît *Josephus*. Ità enim *Clearchum* intelligo, non *Judæos* in genere, sed *Scholam Essenicam* derivatam esse à *Bragmanicâ*. Quod ex cognatis moribus & institutis non malè arguitur.

Hactenùs de *Judæis*; De quorum *Theologiâ & Philosophiâ* integrum tractatum conscribere apud se constituerat *Josephus*: ut patet ex præmio ad *Antiquitates* suæ gentis. Hunc tractatum, si absolutum salvumque haberemus, quid valuerint in *Scientiis* *Judæi*, usque ad sua tempora, unico intuitu constaret. Ex illo autem tempore, uti periêre funditus *Esseni*, ita *Cabalistæ* magis magisque degenerârunt: Et doctrina illa, per tot manus tradita, & per tot sæcula, tanquam vinum sæpiùs transfusum, tandem in vappam degit. Id quod pluribus argumentis aliunde constitit, & ex eo denique persuaderi possit, quod hi *Authores*, cum de rebus clarioribus & notitiæ nostræ subjectis philosophantur, ut de naturâ *Animæ*,  
de

*Bel. Jud.*  
*li. 2. 12.*  
*Ibid.*

*Cont. Ap.*  
*li. 1.*

*Philo etiam*  
*opus non*  
*dissimile*  
*scripsisse di-*  
*citur, Phot.*  
*BB. cod.*  
*304.*

de Cœlis, aut aliquâ parte mundi corporei, vel planè aberrant à scopo, vel nihil supra vulgus doctorum sapiant. Quantillum itaque merentur fidei, cum de rebus sublimioribus, & humano ingenio inaccessibleis, obscura, ambigua, & ambagiosa oracula proferunt? Sed de his satis, & de Literis Judaicis.

## C A P. VIII.

### *De Ægyptiis, & multifariâ eorum Literaturâ.*

**T**Andem ad *Ægyptios* perventum est. Qui in secundis tertiisque stare meruissent, si cuilibet genti locum suum, aut secundum temporis ordinem, aut dignitatis, dedissemus. Populus enim *Ægyptius* & perantiquus est & percelebris sapientiâ; quorum utrumque id testari possit, quod inter laudes & ornamenta *Mosis* numeretur, eum *Ægypti sapientiam* AR. 7. 22. calluisse. Hæc igitur erat neque *Mose* posterior, neque viro illo maximo indigna. Præterea, ad magnificandam sapientiam *Solomonis*, superâsse dicitur *sapientiam Orientalium*, atque omnem sapientiam *Ægyptiorum*; 1 Reg. 4. 30. quo planè innuitur, Ægyptiacam illam fuisse illustrem: quâ major in comparatione nominari non poterat. Hæc à sacris testibus. Idem testantur assatim Græci, non verbis tantum, sed re & operâ: eorum enim præstantissimi, quod suo loco  
expli-



explicabitur, Ægyptum petebant, tanquam Philosophorum scholam, & diviniore literaturæ fontem.

Macrob.

Som. Scip.

l. 1. c. 19.

Saturnd. l. 1.

c. 14. & l.

7. c. 13.

Romani denique, Ægyptios *omnium Philosophia disciplinarum parentes*, atque *solos divinarum rerum conscios*, nuncupabant. Qualis autem fuerit, & quod duplex illa sapientia Ægyptiaca, pluribus dicendum est.

Herod. in

Euter.

Diod. Sic.

l. 1. Laert.

proem.

Strab. l. 16,

& 17.

Plato in

Phædro.

Achil. Tati-

us ad Arat.

phæn. princ.

Jamb. de

vit. Pyth.

p. 144.

Geometria ab Ægyptiis inventa fuit, secundum communem sententiam; atque primum occupata in dimetiendis & definiendis agris, quorum terminos auctus Nilus quotannis confundebat. Huic autem causæ vel occasione si artem coævam statuunt, arguit summam scientiæ Ægyptiacæ antiquitatem. Sed ut nulli genti, nulli ævo, nimium attribuamus, facile credo hanc antiquam Ægyptiorum Geometriam, non solertem & profundam fuisse, ad omnes magnitudines Geometricas & subtiles Theorias, qualiter est hodierna, protensam; at in Geodæsiâ, quæ dicitur, aliisque documentis practicis quæ vitæ commoda spectabant, substituisse: Et quemadmodum olim

In Epinom.

p. 990.

Plato distinxit Ἀγερονόμους & Ἀγερονόμους, ita hîc distinguendum esse videtur inter Γεωμέτεας & Γεωμετρῶντας; quales fuisse antiquas gentes, initiatos scilicet, non Mystas in hac disciplinâ, illud argumento esse videtur, quod Pythagoras, qui eas omnes inviserat ad corradendam à singulis scientiam, cum redux in patriam, virtutem lateris oblongi in triangulo, rectangulo ad cetera comparati ipse excogitasset, maximum duxit & Hecatombe dignum inventum. Nequē minùs Thales, qui Geometriam in Ægypto didicit, inventâ circuli & trianguli adscriptione vel inscriptione, gaudio emotus Diis Bovem immolasse dicitur. Cum verò hæc simpliciora, pulchra licet & perutilia, in Geometriâ Barbaricâ non repererint, frustra

Laert.

frustrâ quis in eâdem quæsiisset theorematâ magis operosa, methodosque Analyticas, quæ posteris innotuere: & quæ Græcorum ingeniis, in hâc materiâ præclaris, potissimum debemus.

Astronomia etiam dicitur Ægyptiorum inventum à plerisque; quam, sereno cælo, innubi & impluvio, adjuti, cæteris gentibus prius & scèliciùs exerceverunt. Non nego tamen aliis hanc laudem attribui, & maximè *Babyloniis*; à quibus Syderum scientiam didicisse Græcos innuit *Herodotus*; uti Geometriam ab Ægyptiis: *δοκέει δέ μοι ἐν τεῦθεν γεωμετρίῃ εὐρεῖσθαι*, de Ægypto loquitur & inundatione Nili, *ἐς τὴν*

*Plat. in Epinom. Arist. Metaph. 1. 1. Laert. proæm. Diod. l. 1. Achil. Tat. ut supra Manil. Astron. 1. In Euter.*

*Ἑλλάδα ἐπανελθεῖν πόλιν μὲν γὰρ, καὶ γνώμονα, καὶ τὰ δωδέκα μέρη τῆς ἡμέρης παρὰ Βαβυλωνίων ἔμαθον Ἕλληες.* *Diodorus* autem ipsos Babylonios, cum suis artibus, traduces facit Ægyptiorum; atque ad exemplum Ægypti, sacerdotum ordines & scientiarum studia instituisse; verba ipsius apponam, *Οἱ δὲ ἐν Αἰγύπτῳ φασὶ καὶ μετὰ ταῦτα ἀποικίας πλείους ἐξ Αἰγύπτου κατὰ πᾶσαν διασπαρῆναι τὴν οἰκουμένην εἰς Βαβυλῶνα μὲν γὰρ ἀγαγεῖν ἀποίκους Βῆλον τὴν νομιζόμενον Ποσειδῶντος καὶ Λιβύης ἐν παρὰ τὴν Εὐφράτην πόλιν καθεδρυνθέντα, τὴν τε Ἱερὴν καταστήσασθαι παραπλησίως τὴν κατ' Αἰγύπτον ἀτελεῖς, καὶ πάσης λειτουργίας ἀπολελυμένης, ὅς Βαβυλώνιοι καλεῖσθαι Χαλδαῖες τὰς τε παρατηρήσεις τῶν ἄστρον τέτων ποιῆσαι, μικρὰς τὴν παρ' Αἰγυπτίοις Ἱερὴς καὶ φυσικὰς, ἐτι δὲ Ἀστρολόγους.* Quæ ita reddit interpres; *Plurimas etiam postea ex Ægypto colonias in orbem terrarum disseminatas esse, dicunt. In Babylonem Belus, Neptuni & Libya, ut creditur, filius, coloniam duxit; & delectâ apud Euphratem sede, Flamines, pro more Ægyptiorum, impensis & oneribus publicis exemptos, instituit; quos Chaldaeos Babylonii nominant. Hi stellas, sacerdotum*

*Lib. 1.*

Lib. 1. de  
Div.

in *Agypto*, *Physicorumque* & *Astrologorum* exemplo, observant. Rectè videtur *Cicero* utrosque populos in hæc re conjunxisse; *Aegyptii* & *Babylonii*, inquit, in camporum patentium æquoribus habitantes, cum ex terrâ nihil emineret, quod contemplationi cæli officere posset, omnem curam in syderum cognitione posuerunt.

Ego lites illas de primatu literaturæ inter gentes, aut primâ scientiarum inventionem, parvi facio; cum easdem à pluribus simul inventas esse nihil impediat; atque nostrâ magis intersit scire, qui auxerint adjuverintque scientias, quousque perduxerint, & quæ monumenta aut dogmata, quorum ope in iisdem excolendis proficere liceat, posteris reliquerint. Quod autem de *Geometriâ Barbaricâ* diximus, idem ferè de eorum *Astronomiâ* dicendum esse censeo, eam non accuratam fuisse, aut universalem. Sapiebant *Astronomiam* veteres, ut *Plutarchus* ait, de *Numâ Pompilio*, ἡ ψαλὸ ὃ καὶ τὸ περὶ τὸ ἐξανὸν παραγνατείας, ὅτε ἀρχαῖος, ὅτε παντάπασιν ἀδεοφύτως. Quædam cælorum phænomena observabant, sed observatu faciliora; Fixarum ortus & occasus, errantium periodos & revolutiones; & in usus Genethliacos, quibus nimium indulgebant, Zodiaci partes, & Planetarum aspectus. Præterea *Equinoctia* & *solstitia*, aliaque ad anni formam explicandam necessaria. Et quidem, si rem rectè assequor, *Agricultura*, *Genethliacæ*, & *Calendarii* rationibus, eorum *Astronomia*, aut unicè, aut potissimum, inserviebat. Planetarum Theorias, artis illius partem maximè operosam, penetrâsse veteres, aut complexos esse, non constat. Hypotheses motuum cælestium primus *Eudoxus* constituisse dicitur; atque Tabulas motuum, primus *Ptolæmus*. Methodos illas & artificia hypothesisων & calculorum *Astronomicorum* facile credo



credo à Græcorum ingeniis provenisse; minori in studiis apparatu utebantur antiqui, saltem antiquissimi.

Dices forsan & Babylonios & Ægyptios plurimorum sæculorum observationes cœlestes apud se habuisse; rectè, sed quales? pròdeant & se monstrent: de phænomenis manifestis, qualia jam attulimus, institutas esse dicimus, aut de Eclipsibus præteritis; *præteritis* dico, neque enim mihi constat, aut Ægyptium, aut Assyrium Astronomum Eclipsin Solis *futuram* suâ arte unquam annuciâsse; ob id celebratur *Thales*, quod Eclipses primus prædixerit, neque hanc illi laudem, quod sciam, Barbarorum quiquam præripuit. De Babyloniiis testatur Diodorus, eos nihil accurati scivisse de Solarium Eclipsium calculis, *περὶ τῆ κατὰ τὴν ἥλιον ἐκλείψεως, ἀθενεσάτας ἀποδείξεις φέροντες, ὃ τοιμῶσι περιλέγειν, ὃδ' ἀκριβοῦς ὑπὲρ αὐτῆς παραγράφει τὰ χρόνους.* Laert. Cicer. de div. l. 1. Plin. l. 2. c. 12. li. 2. m. fol. 117. Has nec prædicere, nec earum tempus definire, audent.

Hæc autem circa Astronomiam Barbaricam notavimus, non tam ex historiâ & certis testibus, quàm quod consequentia sint ad res notiores, neque aliunde redargui possunt. Non me latet semel atque iterum innui à *Diodoro* exactam rerum cœlestium scientiam & observationes accuratas habuisse Ægyptios; sed hoc comparatè ad cæteras gentes intelligo; cùm sine geometriâ & telescopiis harum rerum accurata scientia vix & nè vix haberi poterat. Cæterùm his non obstantibus, verum mundi systema antiquis innotuisse, syderumque tam errantium quàm inerrantium naturam & materiam, verisimile est; atque hinc suam doctrinam de mundi formâ, & de corpore Lunari, quod *Ἀντίχθονα* appellat, sumpsisse Pythagoram. Cùm eandem Lunam appellârint Ægyptii αἰ-

In Tim.  
Plat. l. 1.  
p. 45.  
Laert.  
p. 100m.

δεξιαν γῶν, teste Proclō : & τὰς ἀστέρας πῦρ <sup>ἔστι</sup> dixerint, quod de Fixis intelligo. Hujusmodi summaria doctrinarum capita, quæ faciliè & paucis tradi poterant, ad dogmata *πατερπαρόδοι* referre licet; sed methodos practicas & artes instituendi calculos ad hypotheses particulares, hæc & quæ ab his dependent, cùm traditionibus commodè transferri nequiverint, defuisse in veteri Astronomiâ non sine ratione creditur.

Diodor.  
li. 1.

Hæc de Geometriâ & Astronomiâ Ægyptiorum. Musicam etiam & Medicinam coluisse dicuntur: re-  
 cte, sed more Antiquorum, sine rerum Theoriâ. Medicina eorum fuit maximâ ex parte *προφυλακτικὴ*,  
 facili methodo instituta; & in condiendis quidem  
 cadaveribus, quàm in curandis corporibus magis stu-  
 diosi fuisse videntur. Illud autem singulare de iis re-  
 fert Herodotus, quod pro singulis morbis & partibus  
 affectis singuli essent medici; hic oculorum, ille den-  
 tium, alter alvi curam habebat, atque ita de cæteris;  
 neque alter alterius provinciam ingredi ausus sit.  
 Unde, necesse est, scateret regio illa mediciolis. De  
 Chemicâ, quæ Ægyptiis etiam à non-nullis ascribi-  
 tur, nihil habeo quod dicam, cùm eâ de re sileant  
 authores antiqui, & quæ afferri solent à recentiori-  
 bus, incertâ autoritate, conjecturis, & interpretatio-  
 nibus, aut dubiis monumentis, niti videantur. Quoad  
 Musicam, dicitur quidem Hermes invenisse tres dif-  
 ferentias tonorum, *acutum, gravem, & medium*; atque  
 etiam Lyram trichordem. Sed, referente eodem  
 Diodoro, arcebant viros à descendâ aut exercendâ  
 musicâ Ægyptiî, quod eorum animos nimis emolli-  
 ret. Multis post Hermetem sæculis Pythagoras fer-  
 tur invenisse rationes harmoniæ ex malleorum icti-  
 bus in officinâ ferrariâ; hæc illi magis profuit ad  
 hanc artem quàm tota Ægyptus, aut longa per O-  
 rientem

Diodor.

rientem peregrinatio. Atque, ut nemini suum invideamus, Græcis accepta referri debent harum scientiarum, ac ferè reliquarum omnium, forma & dispositio: In earum autem causis Physicis indagandis, quæ ultima est perfectio, adhuc laboratur: Hisce verò jam relictis, ad Physiologiam Ægyptiorum, quod maximè tendit dissertatio nostra, accedamus.

Cum Physiologiâ autem conjunxere Antiqui Theologiam suam; ac cum de rerum ortu & naturâ differebant, de Diis etiam & eorum origine tractare soliti sunt. Quare apud eos *Cosmogonia*, *Theogonia*, *Theologia*, idem ferè valent; atque hæc omnia Philosophiæ nomine jam complectimur. Quid senserint Ægyptii de rerum origine nobis explicuit *Diodorus Siculus* libro primo; nempe ex confusâ elementorum massâ, quod Græci postea *Chaos* dixerunt, mundum sublunarem formatum esse asserebant. Atque primam Telluris formam, Sacerdotes *Thebani*, ut ex *Ensebio* discimus, voluerunt esse *Oviformem*. Dein quoad mundi sublunaris interitum & rerum exitum, duplicem esse statuebant, per Aquam & Ignem; quod à Sacerdote Ægyptio apud *Platonem* refertur. Et ἀποκατάστασις, periodosque Mundanas, cum primis docuerunt. Denique, cœlos & totam rerum compagem quod spectat, systema mundi quod appellamus Pythagoricum, omnium antiquissimum esse, & ab Oriente deductum, nihil dubito; hoc autem inter Mystas reservato, alterum magis pererebuisse verisimile est.

Et reverà quæ fuerint dogmata Ægyptiorum, & quid alios docuerint, ab eorum discipulis, philosophis Græcis, rescindendum esse videtur; qui, ut notum est, relictâ patriâ, Ægyptum petere solebant ad adipiscendas literas altiores. Ita, exempli gratiâ, si *Orpheus* suam physiologiam, perinde ac sua sacra, ab Ægyptiis.



Ægyptiis hauserit, in eâ non vulgare specimen habemus sapientiæ Ægyptiacæ; cùm & Chaos, & transformationes Chaûs, & Telluris primævæ formam, eum nôsse & explicuisse constet; ut in sequentibus videbimus. Plerumque autem in expendendâ & indagandâ philosophiâ Barbaricâ, erramus, vel minoris, quàm par est, eam esse ducimus, cùm hujus aut illius phænomeni particularis explicationem quæsitum imus apud barbaros philosophos: Non enim id agebat philosophia illa antiquissima, ut rerum singularum examen institueret; frustra quæres apud Priscos unde suas vires habeat *Magnes*, aut unde suos colores cœlestis *Iris*: quæ sit materia Ignis: quales Aquæ particulæ: aut quantus compressi aëris impetus? Non rerum istarum satagebat prisca sapientia, sed in Phænomenis *MUNDANIS*, ut ita dicam, & quæ totam naturam afficiebant, occupata fuit. Quæ rerum *Origo*, quæ *vicissitudines* & *periodi*, quis *supremus exitus*? Hæc si quæras ab antiquis, responsum feres. Sed ad Ægyptios nostros redeamus.

Apud Euseb.

In Phædr.

& Phileb.

Cæs.com. 6.

Quemadmodum apud Persas *Zoroaster*, ita apud Ægyptios nominatissimus est *Hermes Trismegistus*; uterque rerum divinarum & humanarum scientiâ celebris, sed utriusque memoriam quandam, potiùs quàm historiam, tenemus. Pro eodem habeo Ægyptiorum *Thoyth*, Sanchoniathonis *Thaantum*, Platonis *Theuth*, & Druydum *Mercurium*. Sed quis fuerit, quando vixerit, quos libros exarârit, hæc inter ignota aut incerta numeranda esse censeo. Virum fuisse maximum, atque tempora *Mosaica* præcessisse, illud monstrare videtur, quòd, ex communi consensu veterum, fons esset & author sapientiæ Ægyptiacæ, quam *Mosem* edoctum esse legimus; ideoque *Mose* priorem statuit *Eusebius* in suo Chronico. Quoad li-

bros

bros *Hermetis*, qui circumferuntur sub ipsius nomine  
 supposititios esse, rectè monuerunt & monstrârunt Casaub. Exerc. 1. Sec. 11.  
 viri eruditi. Is, qui dicitur *Asclepius*, ab Apuleio, ut  
 fertur, latinè traductus, cæteris habetur antiquior, &  
 nonnulla forsan Ægyptiaca retiner. Immanis erat  
 Librorum Trismegisti numerus, referente Jamblico: De myst.  
 nempe ex Seleuci fide & computo, *duæ myriades volu-*  
*minum*: Ex Manethonis autem, *sex chiliades, quin-*  
*genti & viginti quinque, supra tres myriades.* Ægypt. c. 1. Ser. 8. c. 1, 2. Hic  
 sudant viri docti in expendendâ hâc librorum mole:  
 Alii versus intelligunt, alii papyri folia, alii orati-  
 unculas & breves sermones. Ego *Clementis Alexan-* strom. 6.  
*drini* computum libentiùs amplector, qui quadra- p. 633.  
 ginta duos numerat *Hermetis* libros, eorumque Ca-  
 talogum & argumenta exhibet. Consule locum, si  
 placet: ubi obiter Processionem antiquo-barbaram  
 Sacerdotum Ægyptiorum, non sine voluptate, vide-  
 bis. Hos *Hermetis* libros, si unquam extiterint, lon-  
 ga dies jam sustulit è medio. Ex iis, quæ nuncu-  
 pantur τὰ γενικά, de principiis rerum generalibus  
 tractabant, adeoque non exigui erant momenti. Præ  
 cæteris autem dolendum est mihi *Hermetis Cosmolo-*  
*giam*, cujus meminit Philo Biblius, periisse; unde  
 ea quæ commentatus est Sanchoniathon de *mundi* Euseb. præp.  
*origine*, & quæ Diodorus de eâdem materiâ ex men- Ev. li. 1.  
 te Ægyptiorum, traducta esse videntur. Sed de his c. 10 p. 34.  
 plura in sequentibus. Denique, quot fuerint *Her-*  
*metes*, quis primus, quis secundus, & quâ ratione  
 distinguendi sint, non discutio: Neque enim nomi-  
 na & personas quærimus, sed res & dogmata; &  
 probè novi, in id genus disquisitionibus quàm facile  
 sit ad incerta prolabi.

Hæc hæctenus: Quâ ratione antiquæ gentes barba-  
 ræ, quæ dicuntur, & potissimum Ægyptii, sapient-  
 tiam

tiam suam acquisiverint, infrâ erit dicendi locus; quomodò autem retinuerint & conservarint, non inutile erit, coronidis loco, hîc paucis exp. nere.

Diod. Sic.  
l. 1.

Chæremôn.  
apud Porph.  
de abſ.

Clem. Alex.  
strom. 1.

Porphyr. de  
vita. Pyth.

Tim. Plat.

L. 1. ver. fin.

L. 17.

Notum est, inter Ægyptios, scientiarum & disciplinarum studiis sacerdotes, omnium maximè, operam navâsse, neque tantùm religionis & rituum sacrorum, sed philosophiæ etiam curam & custodiam iis esse demandatam: οἱ γὰρ ἱερεῖς καὶ φιλοσοφίαν ἄσκειν, καὶ ἀστρονομίαν, inquit Strabo, l. 17. Unde præceptores Pythagoræ, Platonis, & Eudoxi, in Ægypto, toti Sacerdotes nominantur; & Pythagoras dicitur literas accepisse ab Amasi, Ægyptiorum rege, ad sacerdotes, ut extero literaturam Ægyptiacam ambientî faciliores essent aditu. Itâ sacerdos erat qui miranda illa & Græcis inaudita, Soloni retulit, de Atlantide primavâ: & sacerdotes Memphi, ubi Vulcani Templum, *Philosophos Memphiticos* appellat Diodorus, cum eorum sententiam de formâ tripartitâ Telluris & incrementis Nili recitat. Quid plura addam in re notâ? Discipulorum suorum, ex Græciâ adventantium, catalogos retinent & ostentant sacerdotes Ægyptii, referente Diodoro Siculo; οἱ γὰρ ἱερεῖς τῶν Αἰγυπτίων ἱεροῦσιν ἐκ τῶν ἀναγκαζῶν τῶν ἐν ταῖς ἱεραῖς βιβλοῖς, παραλαβεῖν πρὸς αὐτοὺς Ὀρφέα τε καὶ Μυσαῖον, &c. πάντων ὃ τέτων σημεῖα δεκνύουσι, τῶν μὲν εἰκόνας, τῶν δὲ τόπων, ἢ κατασκευασμάτων ὁμωνύμους προσηγορίας. Atque horum omnium ostendunt quedam signa aut monumenta, quâ imagines, quâ desumptas è regionibus aut operibus denominationes. Denique horum sacerdotum collegia erant & sedes in pluribus per Ægyptum locis; sufficit illud Heliopoli notare ex Strabone, teste oculato. Ἐν δὲ τῇ Ἡλιουπόλει καὶ οἶκος εἰδομένης μεγάλης, ἐν ᾗ διέτριβον οἱ ἱερεῖς· μάλιστα γὰρ δὴ ταύτῃ κατοικίαν ἱερέων γέγονέναι φασι, τὸ παλαιὸν, φιλοσόφων ἀνδρῶν, καὶ ἀστρο-



ἀστρονομικῶν, ἐκλέλοιπέ δὲ καὶ τὸ τοῦ νοῦ τοῦ σύστημα καὶ ἡ ἀσκησις. Ἐκεί μὲν ὅντιν ἐδίδασκεν ἡμῖν ἐδείκνυτο καὶ τοιαύτης ἀσκήσεως περὶ τῶν, ἀλλ' οἱ ἱεροποιοὶ μόνον, καὶ ἐξηγηταὶ τοῖς ξένοις τῶν περὶ τὰ ἱερά. Hic ait se vidisse domicilia in quibus egerant *Eudoxus* & *Plato*, qui per tredecim annos, ut fama erat, cum his sacerdotibus versati fuissent. Sed ut pergamus.

Hanc suam sapientiam partim columnis, partim libris sacris inscriptam, conservabant *Ægyptii*. Hæc paucis ignota sunt: Neque tantum *Ægyptii*, sed aliæ etiam gentes antiquissimæ columnis insculpere solebant res ad posteros transmittendas. Nota est de columnis *Sethianis* ante diluvium narratio *Iosephi*; *Lib. 1. c. 4.* quem penes sit fides. Sed de *Babyloniis* certior est memoria, unde observationes *Chaldæorum* circa *Eclipses* desumpsisse *Callisthenem* probabile est. *Simplin. l. 1. Epigenesq;* apud *Plinium* ait *Babylonios septingentorum & viginti annorum observationes Syderum, coctilibus laterculis inscriptas retinuisse*. *2. de cæl. l. 7. c. 56.* Præterea ex columnâ *Babylonicâ* descripsisse dicitur *Democritus* sermones *Clem. Alex. Strom. 1.* suos morales. At cæteris omnibus celebriores sunt *Hermetis* columnæ in *Ægypto*, quarum meminere plurimi & probatissimi authores. His aiunt *Mercurium* doctrinam suam antiquitus inscripsisse, eandemque expositam & elucidatam, *Mercurium* secundum multis libris complexum esse. Id saltem constat, ex his columnis multa desumpsisse & *Philosophos Græcos* & *Historicos Ægyptios*. De *Platone* notat *Proclus*, ex *Crantore*, sacerdotes *Ægyptios* affirmare quod sermonem *Atlantium* ex his columnis mutatus esset, easque ætate *Procli* aut *Crantoris* adhuc fuisse superstites. Ἐν ἑλλάδι ταῖς ἐπὶ σωζομέναις ταῦτα γεγεῖσθαι. Suam itidem *Philosophiam* hinc accepisse *Pythagoram* agnoscit *Jamblicus*, κατὰ τὰς Ἑρμῆ *De myst. Ægypt. Sc. 1. c. 2.*

παλαιὰς γῆλας, ἀ: Πλάτων ἦδ' ἡ Πυθαγόρας  
 διαγνόντες, φιλοσοφίαν συνετήσαντο: quas Plato & Py-  
 thagoras ante eum legentes, philosophiam inde constitu-  
 erunt. Alii etiam, ut Sanchoniathon, Phœnicus, iis-  
 dem monumentis usi sunt: Ille, ex Taauti libris &  
 Templorum inscriptionibus, ἀναγεγραῖς, philoso-  
 phiam suam & rerum gestarum memoriam retulisse  
 dicitur. Denique, ex eodem fonte, Manetho, scri-  
 ptor & propheta Ægyptius, suam prompsit historiam  
 sacram: ubicunque fuit illa Terra *Seriadica*, in quâ  
 positas esse has columnas asserit.

Eus. Chron.

Lib. 22.

*Annianus Marcellinus*, qui Ægyptum peragrave-  
 rat, rerum mirandarum non incuriosus spectator,  
 has *Stelas* in cavernis quibusdam aut subterraneis for-  
 nicibus, quas propriâ voce Σύνεργας dixere, recon-  
 ditas fuisse ait; idque non procul à Thebis sive Di-  
 aspoli. Addit prætereà ante Diluvium hic repositas  
 esse: ut aquarum, opinor, injuriis immunes essent.  
 Ante-diluvianas fuisse itidem asserit suas Manetho;  
 atque idem de suis *Sethianis* Josephus. Unde non  
 immeritò suspicari licet easdem esse columnas, has &  
 illas, sub alio nomine; præsertim cum non multum  
 sit discriminis inter vocem Συναδικῆ Josephi, & Ση-  
 ριαδικῆ Manethonis. Jucundum quidem esset Ar-  
 chæologias ante-diluvianas, vel monumenta literaria  
 alterius mundi, spectare & perlegere; sed cum susque-  
 deque versabantur omnia in Cataclysmo, agrè credo  
 conservari potuisse in illâ ruinâ universali, aut postea  
 integras reperiri, hujusmodi qualescunque inscripti-  
 ones. Quanquam, ut verum fatear, siqua tentanda  
 esset via; aut quarendum munimen contra vim & im-  
 petum tantæ cladis, nihil tutius esse poterat quàm  
 quod in solidâ & subterraneâ lapicidinâ aut massâ  
 saxæâ insculptum hærebat. Sed cum de re con-  
 stiterit,

stiterit, de tempore aut loco litem non movebimus.

Inscriptionibus sacris succedunt *Sacri Libri* Ægyptiorum; aliquanto recentiores, sed non minùs celebres. Horum meminerunt plerique authores qui de rebus Ægyptiis scripsere. *Diodorus*, cùm de sacerdotum Ægyptiorum studiis & officiis loquitur, inter alia, principibus adstare dicit, ἐκ τῶν ἐν ταῖς ἱεραῖς βίβλοις ἀναγεγραμμένων πράξεων, τὰς ἀφελῆσαι δυναμένας παραναγιγνώσκοντες. Et ex his Commentariis referunt nomina & Catalogum Græcorum Philosophorum, ut infra videbimus, qui sapientiam Ægyptiacam edocti fuissent, οἱ δὲ ἱερεῖς ἱστοροῦσιν ἐκ τῶν ἀναγραφῶν, τῶν ἐν ταῖς ἱεραῖς βίβλοις, &c. His usum esse *Sanchoniathonem* in opere suo Phœnicio componendo innuit *Philo Biblius*, cùm ea quæ scripserat eum contulisset ait, τοῖς ἀπὸ τῶν αὐτῶν εὐρεθεῖσιν ἀπο-

κρύφους Ἀρμένίων γεγραμμένους συγκεκλιμένοις. *Manetho* etiam dicitur Ægyptiacam suam historiam ἐκ τῶν ἱερῶν γραμμάτων μετερμηνεύειν. Neque enim ea tantum quæ ad Deorum cultum aut imperii leges spectabant, in his Libris conscripta fuere, sed historica qualiacunque majoris momenti, miscellanea etiam, & omne genus philosophica. Scilicet id pensi & curæ datum erat sacerdotibus, ut referrent in hos commentarios quicquid esset memoriâ & posteris dignum; & quæ à majoribus acceperant, in iisdem ea custodirent diligenter. Ità *Soloni* retulit *Flamen Saiticus*, Quæcunque erant memoratu digna in Templis eorum describi. Et miratur *Strabo* in hos Libros non

relatum fuisse quod de *Nili origine* & incrementis senserint illi inter Veteres qui Æthiopiam perambularent. Θάυμαστον ἔν τῳ ἐκ τῶν τοιούτων ἀφορμῶν ἡ τελέως ἐναργής ἢ ἡ περὶ ὀμβρῶν ἱστορία τοῖς τότε καὶ ταῦτα τῶν ἱερέων φιλοπραγμονέτερον ἀναφερόντων εἰς

*Euseb. præp. Evang. l. 1. c. 9. Jos. cont. Ap. l. 1.*

*In Tim. l. 17.*



Lib. 2.  
@Ethiop.

τὰ ἱερὰ γεγυμναῖα, καὶ ἀποτιθεμένων ὅσα μάθῃσιν πε-  
εῖλῳ ἐκφαίνει. *Mirum itaque est cur tantis oblatis  
investigandi occasionibus, non prorsus innotuerit imbrim  
historia ejus ætatis hominibus: præsertim cum sacer-  
dotes curiosius in SACROS LIBROS referrent  
& reponerent, quæ subtilioris aliquid haberent cognitio-  
nis. Heliodorus autem in his, ut videtur, instructi-  
or, Græcis multa percontantibus de Nili fontibus  
& inundationibus, se respondisse ait ex propriâ sci-  
entiâ, & ex iis quæ in Sacris Libris præscripta erant;  
ὅσα περὶ πόλιν τε τέτε βίβλοις ἱεραῖς ἀναγεγραμμένα,  
μόνοις τοῖς περφηλοῖς καὶ γινώσκειν καὶ ἀναγινώσκειν ἔξεστι.*

Hæc erant monumenta literaria Ægyptiorum, *Stellarum Inscriptiones & Libri Sacri.* In utroque autem genere quædam erant obvia & exposita, vulgo & peregrinis; quædam autem in Templorum adytis reservata. Hoc innuit suprà *Heliodorus*, cum ait, ὅσα μόνοις τοῖς περφητικοῖς καὶ γινώσκειν καὶ ἀναγινώσκειν ἔξεστι & *Philo* etiam τοῖς ἀπὸ τῶν ἀδύτων εὐρεθεῖσι, ἃ δὴ ἐκ τῶν πᾶσι γνώεμα. Unde Cæsar, apud *Lucanum*, ad Achorea sacerdotem Ægyptium ita loquitur,

*Quodcunque vetustis*

*Insculptum est adytis, profer.*

Duplex enim erat doctrinæ genus apud antiquas gentes, δημῶδες καὶ ἀπόρρητον, *doctrina vulgaris & doctrina arcana*; idque non tantum ob diversitatem materiæ, sed eandem sæpe materiam duplici modo tractabant, populari & philosophica. Illa facilè patebat omnibus, per monumenta publica, & præceptores communes: Hæc autem, nè inter manus populi versata, vilesceret aut corrumperetur, non uno modo occultata fuit & abscondita. Præterquam enim quod hujus doctrinæ monumenta in Templorum adytis, ut jam diximus, latebant, conscripta erant non

non vulgari genere characterum ; à morosis sacerdotibus, quibus id curæ erat, non nisi magno apparatu & exercitatione præeunte, enarranda. Quùm verò hæc non sint prorsus indigna scitu, & ad notitiam literaturæ Ægyptiacæ pertinere videantur, ad eorum explicationem pauca quædam, si placet, ulterius subiciemus.

Duplex erat, ut Doctrinæ, ita Literarum genus, apud Ægyptios, *sacrum & vulgare*. Id quod testantur *Herodotus, Diodorus, Strabo*, alique plures. Herodotus in *Enterpe*, Διασίοισι ὃ γράμμασι χρέωνται, loquitur de Ægyptiis, καὶ τὰ μὲν αὐτῶν ἱερὰ, τὰ δὲ δημοτικὰ καλεῖται. Diodorus libro primo, παιδεύουσι ὃ τὰς οὐδὲς οἱ μὲν ἱερὰς γράμματα διττὰ, τὰ τε ἱερὰ καλέμμενα, καὶ τὰ κοινοτέρων ἔχοντα ἢ μάθησιν. Quod infra repetit distinctius, atque *sacras Ægyptiacas, vulgares Ethiopicas* esse asserit ; Ἰδίων γὰρ Αἰγυπτίοις ἄντων γραμμάτων, τὰ μὲν δηλώδη περσαγορευόμενα πάντα μαθήσασθαι, τὰ δ' ἱερὰ καλέμμενα παρὰ μὲν τοῖς Αἰγυπτίοις μόνος γινώσκουσιν τὰς ἱερὰς, παρὰ τῶν πατέρων ἐν ἀπορρήτοις μαθήσασθαι, παρὰ δ' τοῖς Αἰθίοφιν ἅπαντας τέτοις χρῆσθαι τοῖς τύποις. Cum enim sue Ægyptiis sint literæ propriæ, vulgares appellatæ, ab omnibus promiscuè discuntur, sacras autem dictas soli sacerdotes cognoscunt, secretò à parentibus traditas ; his autem (Sacris) omnes indiscriminatim Æthiopes utuntur. Unde Sacerdotes illi propriè dicti sunt ἱερογραμματεῖς. Doctrinæ Hermeticæ pars vel methodus mystica, in adytis Templi *Saitici* reperta, dicitur ἀναγεγραμμένη ἐν ἱερογλυφικοῖς γράμμασι, teste Jamblico. Neque Libris tantùm, sed columnis etiam insignioribus, cum his literis sacris inscriptum erat ; ut in Sepulchro *Isidis & Osiridis* ; quod Nisæ in Arabiâ esse dicitur, Diodorus dicit ἑτήλην ἑκατέρω τῶν θεῶν ἐπιγεγραμμένην.

De myst.  
Ægypt.  
Sec. 2. c. 5.

Lib. 16.

μένον τοῖς ἱεροῖς γράμμασι & *Sesostri's* columna, quæ in confiniis Arabiæ & Æthiopiæ posita erat, his literis, juxta *Strabonem*, transitum ipsius significabat : Φασὶν ἐν ταῦθα εἶλην τῷ Σεσωσίριδι τὴν Αἰγυπτίαν, μηκύνσαν ἱεροῖς γράμμασι τὴν διάβασιν αὐτῆς.

Apud Laert.

De Mathematicis.

Neque tamen Ægyptiorum proprium erat institutum illud de duplici genere literarum, sed iis cum aliis gentibus Orientalibus commune, præsertim Æthiopibus & Babiloniis ; De quorum utriusque literis sacris scripsisse videtur *Democritus*, si ex librorum ipsius titulis, Περὶ τῶν ἐν Μεσσηνίᾳ, & περὶ τῶν ἐν Βαβυλωνίᾳ, ἱερῶν γραμμάτων, judicare liceat. Ἱερῶν λόγων ἑρμηνευτὰς, apud Babylonios memorat *Lucianus* ; & cùm ex columnâ Babilonicâ sermones morales sumpsisse dicitur *Democritus*, quod suprâ notavimus, id de eadem Babilone intelligo de cujus literis sacris scripsit ; quibus forsân signata fuit ipsa illa columna. Denique *Bragmanes* Indi, non aliis tantùm literis, sed aliâ etiam à vulgari, linguâ, utuntur ad conservandam suam philosophiam. Sed pergamus in proposito.

Vid. Plut. de Is. &amp; Osir. p. 354.

Li. 17. p. 306.

Præter has literas ignotas, sacrorum monumentorum custodes erant sacerdotes ferè inexorabiles ; qui, Draconum instar, his thesauris nocte dieque incubuerunt : Et quod in libris sacris scriptum erat, non nisi his interpretibus ad populum pervenit, aut ad Exteros. De hac difficultate quæsti sunt Philosophi Græci, qui in Ægyptum profecti ad comparandas scientias, multos annos insumpserunt in adeundis & demulcendis sacerdotibus. Audiamus *Strabonem* de Heliopolitanis, quoad *Platonem* & *Eudoxum*. Συναγέβη δὴ τῶν Πλάτωνι ὁ Εὐδοξὸς δεῖξαι, καὶ συνδιέτριψαν τοῖς ἱερεῦσι ἐκείνοι ἐν ταῦθα τρεῖς καὶ δεκά ἔτη, ὡς ἑρπῆσαι τισι· περὶ τῆς γὰρ ὄντας κατὰ τὴν ἐπιστήμην τῶν ἑλληνικῶν, μυστικῶς



μυτικῶς ὃ καὶ δυσμεταδότους, τῷ χρόνῳ καὶ ταῖς θεραπαί-  
 αις ἐξελιπώρηνσαν, ὥστε τίνα τῶν θεωρημάτων ἰστοῦναι,  
 τὰ πολλὰ δὲ ἐπεκρύφατο οἱ βάρβαροι. *Eudoxus cum*  
*Platone* ἐὸ, scil. Heliopoli, *profectus est, & ambo cum*  
*sacerdotibus tredecim annos sunt versati, ut à quibus-*  
*dam traditum est. Isti sacerdotes, cùm rerum cœlestium*  
*scientiâ prastarent, caterùm arcanam eam servarent,*  
*neque cum quoquam facillè communicare vellent: tempore*  
*& obsequiis tandem devicti, quedam exposuerunt theo-*  
*remata, plurima autem Barbari occultabant.* Sed præ  
 ceteris memorabile est exemplum Pythagoræ, quo  
 hoc *δυσπρόσιτον* sacerdotum Ægyptiorum notum  
 faciamus. Ille enim cùm iter pararet in Ægyptum,  
 rogavit Polycratem Tyrannum, ut Amasi Ægyptio-  
 rum Regi, amico & hospiti, scriberet, quò ad doctri-  
 nam sacerdotum liberiùs admitteretur; & cùm ad  
 Amasin pervenisset, literas itidem ab ipso accepit ad  
 sacerdotes, ut eorum philosophiæ particeps fieret:  
 Unde ad Heliopolitas primùm profectus, ab iis able-  
 gatus fuit ad Memphiticos, tanquam ad Seniores;  
 Memphi, eodem prætextu dimissus est ad Diospoli-  
 tas sive Thebanos; Illi autem, cùm, metu Regis,  
 causam nullam ulteriùs obtendere auderent, eum à  
 proposito detertere studebant, laboris & molestiarum  
 magnitudine: ideoque dura admodum, & à Græco-  
 rum religione prorsus aliena, ei jam novitio, injunx-  
 erunt. Cùm verò hæc omnia pertulisset, animo forti  
 & invicto: ut sacrorum & studiorum consors fieret,  
 invitis etiam extorsit. Hæc à Porphyrio narrantur,  
 ex *Antiphonte, de vitâ virorum virtute illustrium.* Ex *De Rit.*  
 his probationibus Pythagoræ una videtur fuisse *Cir-* *Pyth.*  
*cumcisso*; quam subiisse Pythagoram testatur Cle-  
 mens Alexandrinus: ἵνα εἰς τὰ ἅδύτα κατέλθῃ, καὶ ἰ. Strom.  
 μυτικῶς παρ' Αἰγυπτίων ἐκμάθῃ φιλοσοφίαν. *Ut in-* *f. 302.*  
gressus

Com. in  
Rom. c. 3.

gressus Adyta, mysticam Ægyptiorum philosophiam ad-  
disceret. Hoc quidem exigebant Ægyptii sacerdotes,  
juxta Origenem, ab omnibus qui ad sacra aut scienti-  
arum studia admissi erant. *Apud Egyptios, inquit, à  
quibus omnes prope Gentes ritus sacrorum & ceremonias  
mutuata sunt, nullus aut Geometrie aut Astronomie  
studebat, &c. nisi susceptâ circumcissione.* Multa erant  
præterea probationum genera & κακοπάθειαι, ut ap-  
pellat Porphyrius, quibus iniciandos exercebant. Fa-  
teor autem hoc aliis gentibus, plus minùs, in usu  
fuisse; Celtarum Druides, Judæorum Esseni, Græ-  
corum Hierophantæ, mysteria sua & disciplinam se-  
cretam ἀμύητοις tradere noluerunt: Quinetiam ju-  
ramento obstricti erant quandoque ἐν ἀποκρύφοις ταῦ-  
τα ἔχειν. Idem de Persis, Syris, Indis, rectè obser-  
vatur. Sed præterquam quod horum multa, originis  
Ægyptiacæ esse credantur, ad alias gentes imitatione  
traducta: si fortè in sacris aliqui, in scientiarum stu-  
diis nulli, adeò difficiles se præstitère ac Ægyptii.

Orig. con-  
tra Cels.  
l. i. p. 11.

Dénique, ad celandam suam doctrinam, hierogly-  
phicis formis, symbolis, ænigmatibus, & fabulis, mul-  
ta involvebant Ægyptii: dico *hieroglyphicis formis*,  
nam *sacras literas* prorsus distinguendas esse existimo  
ab hieroglyphicis formis: Cùm enim tot & tanta  
scripta fuerint his literis sacris, Hermetis monumen-  
ta, ad aliquot myriadas voluminum; omnes Libri  
sacri, Columnæ sacræ, & inscriptiones Templorum,  
vix à me impetrare possum ut credam tot & tam di-  
versæ materiæ argumenta, Physiologica, Theologica,  
Moralia, Historica, Politica, exprimi potuisse variis  
animalium formis, aut corporis humani membris,  
aut instrumentis mechanicis; ex hisce enim tribus  
Hieroglyphica Æthiopum & Ægyptiorum constitue-  
bantur; referente Diodoro. Quinetiam libenter  
credo

Fambl. de  
myst. Æ-  
gypt. Sec. 8.  
c. I.

Li. 3.

credo præter sacras eorum literas, & Hieroglyphica, propriè sic dicta, sacerdotibus in usu fuisse alias notas Hieroglyphicas, instar literarum Sinensium; aut Scripturam alterius formæ à vulgari. Atque huic quadrare videtur quod de triplici genere literarum apud Ægyptios tradit *Clemens Alexandrinus, Strom. 5.* Οἱ παρ' Αἰγυπτίοις παιδευόμενοι, πρῶτον μὲν πάντων ἢ Αἰγυπτίων γραμμάτων μέθοδον ἐκμανθάνουσι, ἢ ἐπιστολογραφικῶς καλουμένῳ· δευτέραν δ' ἢ ἱερατικῶς, ἢ χρωταὶ οἱ ἱεροδραμματεῖς· ὑγᾶτῳ δ' ἢ τελευταίαν, ἢ ἱερογλυφικῶς. Atque hujus rei exemplum habemus in Pythagorâ, quî, juxta Porphyrium, triplices illas Ægyptiorum literas didicit; *Γραμμάτων δ' τρισάς δια-* *De vii  
Pyth. 185.*  
*φοράς ἐξέμαθε, ἐπιστολογραφικῶν τε ἢ ἱερογλυφικῶν ἢ συμβολικῶν, τῶν μὲν κοινολογυμένων κατὰ μίμησιν, τῶν δ' ἀλληγορυμένων κατὰ τινὰς αἰνιγμάς.* Sed hæc incertiora sunt, neque magni ponderis.

Quoad symbola & ænigmata, notum est, moris fuisse gentibus antiquis sub his involucris animi sensus tradere; sive ut ingenii acumen quoddam & solertiam ostentarent, sive ut proferrent ambiguis & obscuris modis doctrinam arcanam, quam liquidò & palàm enarrare religio erat. Quoad illos lusus & concertationes ingenii per res aut sententias ænigmatikas, symbolicas, aut hieroglyphicas, eorum habemus non pauca exempla inter principes viros gentium barbararum. Rex Scythiæ, *Dario*, qui Istrum *Clem. 4.  
Strom. 5.* trajecerat, bellum minans, symbolum pro literis misit, *maurem, ranam, avem, jaculum, aratrum*: quod alio atque alio modo explicabant *Darii* interpretes. Alter Rex Scythiæ populo *Byzantino* hæc verba misit, *Nolite asferre detrimentum vectigalibus meis, nè mei equi aquam vestram bibant.* *Ibid.* Innuens, nisi desisterent, se bellum eis illaturum. Rex Ægypti cum rege

N Æthiopiæ



*Jes. 5. c. 2.* Æthiopiæ hoc modo decertabat, cum *Bias* illi explicuit quâ ratione *pontum* ebiberet. Præterea *Solomon* & rex *Tyriorum* contendebant ænigmatis; ut & *Samson* & *Philistai* in historiâ sacrâ. Apud Græcos, *Heraclitus* cum suis discipulis, obscuris sententiis delectabantur; & *Pythagoræi* symbolis. Hic autem vox *anigma* & *enigmaticum*, latè sumitur, pro sermone obscuro, involucris & ambagibus tegente rem quam designat, vel materiam quam tractat: sive sit per modum quæstionis, mandati, aut orationis simplicis. Id enim Græcis est *ἀνιγνίσθαι*, res sibi notas obscuris dictis significare; quod plures dicendi modos complecti potest. Denique apud Hebræos *מָשָׁל* & *הִנְיָה* proverbialia & *anigmata*, omnes partes sapientis explere videntur; quod sententiosè dictum est, scitè graviterque, *שֵׁל* appellatur; quod mysticè autem, ut solet doctrinâ arcana, *הִנְיָה* dicitur. Quo sensu intelligenda sunt prophetæ verba *Psalmo* 78. 2, 3. & *Evangeliæ* etiam *Matth.* 13. 35. Sunt enim in doctrinâ sacrâ, perinde ac exoticâ, mysteria sive *ἀπόρρητα*, quæ subobscurè proferuntur; tandem sub extremis temporibus apertè & in propatulo demonstranda.

*Pf. 49. 3, 4.*

*Baruc. 3. 23*

*Theol. Plat.*

*l. 1. c. 4.*

Plures erant modi Philosophiam & Theologiam tradendi apud veteres, & plerumque arcani. Faciem velabant veritati, ac si vetuisset pudor nudam ostendere populo. Hos modos ita notat *Proclus*: οἱ μὲν γὰρ δι' ἐνδείξεως περὶ τῶν θεῶν λέγοντες, ἢ συμβολικῶς, ἢ μυθικῶς, ἢ δι' εἰκόνων λέγουσιν· οἱ δ' ἀπαρκαλύπτως τὰς αὐτῶν διανοήσεις ἀπαγγέλλοντες, οἱ μὲν κατ' ἐπιτηδεύματα, οἱ δ' κατὰ τὸ ἐκ θεῶν ἐμπνεῖαν ποιεῖν τὰς λόγους. Qui enim per demonstrationem de rebus divinis tractant, vel symbolicè & mythologicè, vel per similitudines & rerum imagines loquuntur. Qui verò apertè suas cogitationes enunciant, alii quidem per scientiam,

scientiam, alii per divinum afflatum verba faciunt. Qui per scientiam aut *scientificè*, ut nunc loquimur, Philosophiam tradidère inter priscos, perpauca, aut nulli mihi cogniti. De *Gymnosophistis & Druidis*, ità *Laertius*, Καί φασι τὰς μὲν Γυμνοσοφιστὰς καὶ Δρυΐδας *In proæ.* αἰνιγματώδως ἀποφθεγγομένης φιλοσοφῆσαι. De priscis in genere ità *Phornutus*, Γεῖναι ὅτι ἐκ οἱ τυγχόντες *Denat. Denat. or. cap. ult.* ἐγένοντο οἱ παλαιοί, ἀλλὰ καὶ συνιέναι ἢ τῷ κόσμῳ φύσιν ἱκανοί, καὶ πρὸς τὸ δια- συμβόλων καὶ αἰνιγμάτων φιλοσοφῆσαι, περὶ αὐτῆς εὐεπίφοροι. *Persuasum hoc habeas, veteres non fuisse contemnenda capita, sed ad naturam mundi cognoscendam idoneos: ad eamque explicandam symbolis & figuris ingeniosè fælices.* Claudamus hoc argumentum verbis *Clementis Alexandrini*, Πάντες ἔν *stro. 5.* ὡς ἐπὶ εἰπεῖν, οἱ θεολογήσαντες, βάρβαροι τε καὶ Ἑλ- *p. 556.* ληνες, τὰς μὲν ἀρχὰς τῶν πραγμάτων ἀπεκρύψαντο ἢ ὃ ἀλήθειαν αἰνίγμασι καὶ συμβόλοις, ἀλληγορίαις τε αὐτὰ καὶ μεταφοραῖς, καὶ τοιούτοις τις ἰτέροις παραδεδώκασι. *Omnes igitur, ut semel dicam, qui de rebus divinis tractârunt, tam Barbari quàm Græci, rerum quidem principia occultaverunt: veritatem autem anigmatibus & symbolis, & allegoriis itidem & metaphoris, aliisque modis consimilibus, tradiderunt.* Ad cætera jam pergamus.

Ad *Fabulas & Mythologica* accedimus: quibus abundabat Antiquitas tam Barbara quàm Græca, & supra omnes, *Ægyptii*; in rebus enim *Ægyptiacis* explicandis nihil difficilius est quàm genuinam historiam à fabulosâ distinguere. Sed longè latè que diffusiæ erant per terrarum orbem *Theologia & Philosophia Mythologica*; multarum gentium de Diis μυθοποιίας, memorat *Phornutus*, ἀλλὰ μὲν ἑπὶ Μαίγοις *Cap. de fabi.* (μυθοποιαίαι) γεγόρασιν, ἀλλὰ ὃ παρὰ Φρυγίαι, καὶ ἡδὴ *anti. trad.* παρὰ *Αἰγυπτίοις* τε, καὶ *Κελταῖς*, καὶ *Λίβυσι*, καὶ τοῖς ἄλλοις

Vid. plures  
gentes in  
not. ad loc.  
ex Dama-  
scio.

In Macrob.

Lib. 15.

Θνεσι. *Alia à Magis compositæ sunt fabulæ, alia à Phrygibus, & ab Ægyptiis alia, & à Celtis, & ab Afris, & ab aliis gentibus.* Mythologiæ Ægyptiacæ specimen habes apud Plutarchum de *Isid. & Osir.* Phœnicicæ apud Sanchoniathonem. His adjungere licet ex Luciano *Affyrias & Arabicas* fabulas vel fabularum interpretes, Ἀσσυρίων καὶ Ἀραβίων οἱ ἐξηγήσαι τῶν μύθων. Præterea Indas vel Brachmanicas, quarum meminit Strabo, cum de iis loquens ait, διὰ μύθων τὰ πολλὰ πιστεύουσ. Hodiernos etiam *Bragmanas* fabulis scaterere, & fabuloso cortice involvere suam philosophiam, abundè patet ex relationibus doctorum virorum qui gentes illas nuper inviserunt. Et quoad Septentrionales, ut illud etiam adjiciam, consulenda est, quam antea citavimus, *Edda Islandorum*: quæ perantiqua continere videtur, & non obscurè indicat, quæ traditiones mythologicæ, & qualis fuit philosophia istarum gentium Borealium. Denique in sacro codice veteris Testamenti, quot habemus à Prophetis aliisque, sermones Mythologicos? Neque aliud sunt plurimi sermones Christi in Evangelio, quos, honestiori voce, Parabolas appellamus.

G. 3.

Vides quàm totum genus humanum, quasi cœlo tactum, impulsus fuit & incitatus ad hanc doctrinam mythologicam: Quod enim de gentibus Barbaris jam ostensum est, non minùs de Græcis patebit in sequentibus, ubi de *Orpheo* agetur. Quare hunc genium mythologicum, divinum esse arguit *Salustius de Diis & Mundo*; Ὅτι μὲν ἐν θεοῖσι οἱ μῦθοι ἐκ τῶν χρησαμένων ἐστὶν εἰπεῖν· καὶ γὰρ τῶν ποιητῶν οἱ θεόληπτοι, καὶ τῶν φιλοσόφων οἱ ἄριστοι, οἳ τε τὰς τελετὰς καταδείξαντες, καὶ αὐτοὶ δὲ ἐν χρησμοῖσι οἱ θεοὶ, Μύθοις ἐχρήσαντο. *Divinas itaque fabulas esse, ex iis qui eas usurpârunt, asserere licet; ex poetis enim numine afflati;*



ti; & philosophis, optimi quique; & qui sacra & ceremonias ostenderunt; Dii etiam ipsi in Oraculis, fabulis usi sunt. Hic autem Fabularum nomine non oportet intelligere fabulas vulgò sic vocatas, scilicet historiolas aut narrationes, tam quoad materiam quàm quoad formam, fidas; sive utiles sint, sive tantùm jucundæ: Fabulas enim è nihilo fingere, non Homericum est, inquit *Strabo*: ἐκ μηδενὸς δ' ἀληθεὺς ἀνάπτειν καὶ τὴν τετρατολογίαν, ἢ ὅτι Ὀμηρικόν. *Lib. I. f. 20.* Vix ausim id dicere, sed faciliè dico, ἢ ἐστὶ φιλοσοφικόν. Fabulæ enim Philosophicæ semper habent aliquid fundamenti in re ipsâ; stamina vera sunt, sed falsi colores superinducuntur. Rectè *Planciades Fulgentius* de diverso fabularum genere: *Fabularum, quarum nomen indicat falsi professionem, aliæ delectationis tantùm, aliæ etiam utilitatis causâ conscriptæ sunt: Eas verò quæ tantùm delectant philosophi repudiantes, alteram fabularum speciem hoc modo dividunt: Inventarum utilitatis causâ fabularum in quibusdam & materia ficta est, & per mendacia ipse relationis ordo contexitur, ut in fabulis Æsopi, elegantiam fictionis illustribus: at in aliis materiæ veritas subest, sed hæc ipsa veritas per quadam composita & ficta profertur; & hæc jam vocatur fabulosa narratio non fabula. Ut mysticæ Hesiodi & Orphei de Deorum progenie ortuque traditiones. Ex hac ergo secundâ divisione, quam diximus, prior species, quæ concepta de falso per falsum narratur, à Philosophia libris prorsus aliena est. Ex igitur tantùm sunt philosophicæ, quarum fabuloso cortici subest veritas; eaque non vulgaris. Id enim sibi proposuisse videntur philosophiæ mythologicæ authores, ut doctrinam arcanam ab interitu conservarent, neque tamen vulgo aut vulgaribus ingeniis exponerent. Providentia divina, quæ omnium sæculorum & labentis mundi*

*Præfat. ad Mythol.*

mundi habenas moderatur, cognitionem rerum divinarum & naturalium ita temperat, & latentem conservat, ut non nisi suo tempore clarè effulgeat veritas; simulque constet, ubi effulserit, eandem absconditam latuisse, & variis modis velatam inter homines, à primis mundi sæculis.

Hæc de usu Mythologiæ, inter omnes gentes literatas & sapientes diffusæ; de ipsius antiquitate quædam præterea adjicienda sunt. Philosophia Mythologica videtur mihi perantiqua, neque tamen omnium antiquissima; ut fiat umbra, oportet ut sit corpus; & imagines rerum rebus ipsis sunt posteriores. Sed perantiquam esse id probat, quod ab omnibus gentibus antiquitate conspicuis usurpata fuerit. Et apud Græcos extra dubium est, eorum Philosophos & Theologos antiquissimos, addit etiam *Strabo*, Historicos (Οἱ πρῶτοι ὅ ἱστορικοὶ καὶ φυσικοὶ, μυθολογῶνται) fuisse Poëtas, & Mythologicè scripsisse. Id de Lino testatur *Diodorus Siculus*, Λῖνον φασὶ τοῖς Πηλεσγικοῖς γράμμασι συνταξάμενον τὰς τῶ πρώτῳ Διονύσει πράξεις, καὶ τὰς ἄλλας μυθολογίας ἀπολιπεῖν ἐν τοῖς ὑπομνήμασι. *Res Bacchi*, aliasque mythologias in commentariis reliquisse. Cætera apud Græcos monumenta vetustissima, mythologica erant; Qualia fuere *Orphica*, *Θεογονίαι*, *Γιγαντομαχίαι*, atque *Cycli Epici* argumenta. Id enim opus, à multis celebratum, videtur fuisse MYTHOLOGICON MAGNUM Græcorum, ex antiquissimis poëtis compositum, qui historiam Fabularem conscripserant. Res prisca tantum continuit, & non solum sæculum μυθικόν pertransivit, sed perrexit ad ἀδήλυα principia; incœpit enim ab exordio mundi & in Ulyssæ desinebat, ut notavit ex *Proclo Photius*, Ἀρχεται μὲν ἐν τῷ Οὐρανῷ καὶ Γῆς μυθολογούμενης μίξεω·--- διεξέρχεται δὲ περὶ θεῶν,

L. 1. fol. 20.

Lib. 3.

Cod. 239.

τα τε ἄλλα τοῖς Ἑλλήσι μυθολογούμενα, καὶ περατῆται  
 ὁ Ἐπικὸς Κύκλος, συμπληρούμενος ἐκ διαφορῶν ποιητῶν,  
 μετὰ τῇ εἰς Ἰθακὴν ἀποβάσεως Ὀδυσσεύς. Itidem Cle- Strom. 1.  
 mens Alexandrinus ait, Μάλιστα ἐν τοῖς πάνυ παλαιοῖς fol. 333.  
 τῶν τοῦ Κύκλου ποιητῶν τιθέασιν. Sed de hoc opere plura Euf. præp.  
 infra. Denique Chao nihil antiquius in hoc mundo, Ev. p. 39.  
 atque ortum rerum ex Chao mythologicè tractasse pen.  
 Græcos, per modum Genealogiæ Deorum, satis alibi Lib. 2. c. 1.  
 demonstrabitur. Quare ipsi physiologiæ coævam esse  
 in Græciâ hanc Mythistoriam, & eisdem habuisse  
 authores, non negarem.

Sed à Barbaris mutuati sunt philosophiam Græci;  
 id igitur præcipuè quærendum, quàm antiqua sit  
*Mythologia Barbarica*. De Ægypto verò agitur hîc  
 præcipuè, quæ pristinæ sapientiæ nutritrix habebatur.  
 Apud Ægyptios autem nihil sanctius, nihil antiquius  
 philosophiâ *Hermetis*, quare eò redit disquisitio no-  
 stra, aut ipsius pars prima, *Sub quo genere doctrinæ*  
*tradita fuit primum philosophia Hermetis?* Nimiùm  
 multa sunt dubia circa hanc doctrinam, si discutièn-  
 da essent singula; quibus monumentis inscripta fuit,  
 Libris, an Columnis, an utrisque? Quibus literis,  
 Hieroglyphicis propriè sic dictis, aut aliis? Quo  
 scribendi genere, simplici an allegorico? Sed missis  
 cæteris, de hoc ultimo impræsentiarum breve exa-  
 men instituiamus.

Imprimis illud non dubito, utroque modo conscri-  
 ptam fuisse hanc philosophiam, diversis temporibus;  
 nam de libris *Hermetis* allegoricè scriptis fit mentio,  
 & de interpretatione horum librorum, & de eorun-  
 dem in allegorias iteratâ conversione; quare varias  
 subiisse vices & formas quoad stylum & modum scri-  
 bendi, negari non debet. Sed quoties & quo ordine  
 hoc factum, nimio plus incertum mihi videtur. Duo



tantum nobis suppetunt auctores, quod sciam, aut auctorum fragmenta, unde hæc colligi possunt, *Manetho* & *Philo Byblius*; neque horum alteruter rem distinctè explicat. *Manetho*

*Chron. p. 6. Græc.* 'Εκ ὧν ἐν τῇ Συναγωγῇ γὰρ περιέχων σελῶν, ἱερῶν, φησι, διαλέκτῳ καὶ ἱερογλυφικοῖς γράμμασι κεραρχηταισμένων ὑπὸ Θωιδ τοῦ πρώτου Ἑρμῆ, καὶ ἱερμυνευθεσῶν, καὶ τὰ κατὰ κλισίαν ἐκ τῶν ἱερῶν διαλέκτου εἰς τὴν Ἑλληνίδα φωνὴν γράμμασιν ἱερογλυφικοῖς, καὶ ἀποπεθεσῶν ἐν βίβλοις ὑπὸ τοῦ Ἀγασταίου, τοῦ δευτέρου Ἑρμῆ, πατρὸς τοῦ Τάτ, ἐν τοῖς ἀδύτοις ὧν ἱερῶν Ἀιγυπτίων.

apud *Eusebium*, & exinde apud *Syncellum*, ait, *Mercurium* primum, doctrinam suam, sacrâ dialecto, literisq; Hieroglyphicis, columnis in Terrâ *Seriadicâ* positis, inscripsisse: quæ post diluvium, ex sacrâ linguâ in Græcam, literis itidem Hieroglyphicis, versa

fuit: & scriptis commendata in Templorum Ægyptiorum adytis ab *Agathodemone*, secundo *Mercurio*, patre *Tat*. Sed præter illa duriuscula, de columnis ante-diluvianis, de Terrâ *Seriadicâ* nemini notâ, & de literis Hieroglyphicis in Græcanicâ linguâ: præter hæc, inquam, *Manethonis* sermo propositum nostrum non attingit: nam de traductione in aliam linguam agit, non in aliud styli genus; neque explicat quo genere styli, simplici vel allegorico, Autographa illa *Mercurialia* sive monumenta *Seriadica* conscripta

*Euseb. præp. Evang. l. i. c. ult.*

erant. Propius accedit ad rem nostram *Philo Byblius*; Filius *Thabionis*, inquit, primus dicitur Libros Mercuriales in allegorias convertisse, atque eâ formâ ad Græcos postea descendisse hanc doctrinam; qui pro innato sibi ingenio variè eam ornando & amplificando ex alienâ propriam fecerunt. Post multas autem generationes, *Symnelum* & *Thuro*, (ignora mihi capita,) itâ obumbratam denuò illuminâsse. Verba *Philonis* ultima hæc sunt, Μετὰ γενεᾶς πλείστας θεὸς Σουρμεβηλὸς, Θερῶτε, ἡ μετωνομαθεῖσα χέσσαρδης, ἀπολυθῆσάηες, κεκρυμμένῳ τῷ Ταύτῃ, καὶ ἀλληγορίαις ἐπισκιασμένῳ

*Ibid. seq.*

Ἐπισκοπῆσαν ἡ Θεολογίαν ἐφώτισαν. Præterea dicit *Sanchoniathonem* ante Trojana tempora hanc doctrinam contulisse cum iis quæ reperta erant in adytis reposita, arcanis *Ammonæorum* literis, atque eo modo suis fabulis eam repurgasse. Sed iterum iterumque à sacerdotibus reductam esse ad ambages Mythologicas.

Hic quidem de stylo mutato, & modo explicatio-  
nis, non de linguâ tantum aut literis, apertè agitur;  
Et licet non admodum clarè hæc à *Philone* deducta  
sint, aut ab *Eusebio* inde descripta, utcunque hinc  
patet Philosophiam *Hermetis* varias metamorphoses  
subiisse, primamque ipsius formam fuisse nudam &  
simplicem, atque à filio *Thabionis* (quisquis ille fuit,  
sive *Manethonis Agathodæmon*, sive alter aliquis) in  
methodum & institutionem artificiosam per symbola,  
æigmata, allegorias, mythologias, & imagines hie-  
roglyphicas, primò fuisse transpositam. Atque hæc  
mihi videtur origo philosophiæ larvata, ut ita dicam,  
in *Ægypto*; atque forsàn totius mythologiæ Barba-  
ricæ Græcæque; saltem ex eorum sententiâ qui cæ-  
terarum gentium philosophiam ex *Ægyptiaca* deri-  
vandam esse sentiunt. Unde omnem gentem anti-  
quam quæ suam habet mythologiam, suam olim ha-  
buisse philosophiam puram, æquum erit supponere;  
cui, tanquam nucleo, circumobductus erat postea cor-  
tex fabulosus. Studii enim & artis opus est Mytho-  
logia, aut quævis doctrina allegorica; non primus  
ingenii impetus, sed secundus tertiusve, cùm res jam  
inventæ fuerint, & celandæ sint aut ornandæ.

De fabulis & allegoriis philosophicis hic loquimur,  
iisque priscis, quibus semper aliquid subest funda-  
menti loco. Cæterum in hujusmodi allegoricis aut  
Mythistoricis interpretandis maxima cura & cautio  
adhi-

Ἐρω.  
p. 762.

adhibenda est. Præterquam enim quod suâ naturâ luxurient, & ornatûs causâ aut propter τὸ πρέπον καὶ τὸ πιθανόν, multa habeant quoad interiorē sensum superflua, toties mutantur & refinguntur, ut qualia fuerint in primâ suâ origine non facili est dignoscere; rectè notavit *Plutarchus* de Ægyptiis, Καίτοι λεπταί τινες ἀπόρροιαι καὶ ἀμυδραὶ τῇ ἀληθείᾳ ἕξει ταῖς Αἰγυπτίων ἐνδiesopαρμέναι μυθολογίαι, ἀλλὰ ἱχνηλάτε δεινῷ δέονται, καὶ μεγάλα μικροῖς ἐλεῖν δυναμῶμε. *Sunt quidem etiam in Ægyptiorum fabulis exilia quadam veritatis vestigia, sed Indagatorem desiderant acutum, & qui magna à parvis venari queat.* His igitur perpenſis, mihi statutum est ab hujusmodi argumentis nihil auctoritatis mutuari; sed cū res aliunde constiterit, & probata fuerit liquidâ ratione aut historiâ veraci, non abs re erit severiorem philosophiam hisce condimentis quandoque temperare.

De Philosophiâ Ægyptiacâ hæc dicta sunt. In quâ explicandâ eò magis abundavimus, quod hæc gens cæteris sapientior habita sit, & ab hoc exemplo de reliquis omnibus in eodem genere literaturæ idem judicium fieri possit. At videor mihi subaudire aliquem, dicentem, Quî potest explicari sapientia Ægyptiaca sine explicatione *Obeliscorum, Hieroglyphicorum, Tabularum mysticarum*, ut *Smaragdine, Isaica*, & monumentorum consimilium? In his latent mysteria Ægyptiorum, naturalis scientiæ arcana, aut etiam sacra Adeptorum ἀπόρρητα. Age sodes, videamus quid magni aut miri continent hæc pomposa monumenta; Quid nos docent, ignotum antea aut absconditum, sive in Scientiis, sive in Theologiâ antiquâ. Cedo quemvis Interpretem. Ex iis qui hoc munus susceperunt, Quis se expedivit optimè? Quem sequemur ducem? Inter antiquos, hanc tractasse materiam



teriam nullum memini præter *Orum Apollinem*, vel *Niliacum*: incertæ ætatis & originis authorem. Hunc ex Ægyptiaco in sermonem suum transtulisse dicitur Philippus quidam, sequioris ævi Græculus. Sed exigui ponderis sunt quæ nobis explicantur Hieroglyphica in isthoc tractatu. Recentiores dein, (quibus nominandis abstineo) qui de Symbolis, Hieroglyphicis, Tabulis, Obeliscis, aliisque Ægyptiacis, scripsêre, quid magni aut egregii, ex his monumentis eruerunt, vel ad elucidationem naturæ, vel scientiarum quarumcunque augmentum? Ludunt plerumque in minutis, aut operosè sudant in obscuris aut inutilibus. Proinde, si philosophiam spectes, non aliunde repetenda est sapientia Ægyptiorum, quàm ab eorum discipulis, Philosophis Græcis. Idque potissimùm ab antiquissimis, nempe Orphicis, Ionicis, Pythagoricis, Platonicisque. Patrum imagines in filiis & nepotibus intuemur: & ab his alumni disciplinæ Ægyptiacæ, ipsius effigiem qualitercunque licet depingere vel adumbrare.

Alia præterea diluenda est objectio, antequam huic dissertationi finem imponamus; scilicet, si tanta esset, ut à nobis fertur, Ægyptiorum sapientia: tanta rerum divinarum & naturalium cognitio: quâ fieri potuit ut in Idololatriam crassam, omniumque sceleratissimam hæc gens laberetur. *Fœdissimam*, inquam, cum non tantum Solem, Lunam, & Cœlestia Corpora; non tantum homines illustres & beneficos; sed etiam bestias & animalcula; imò ipsa olera, pro numinibus haberent & venerarentur. Respondeo, uti divina sapientia, ita humana stultitia, est imperscrutabilis; neque ideò negandæ sunt res certæ & constanti fide traditæ, quod Rationi non consentiant, aut aliæ aliis

opponantur. Siquis tibi exposuisset doctrinam Christianam, cultumque purum & simplicem Dei invisibilis quem suis imperat, atque in hoc cultu vetita esse simulacra; præterea dixerit populum Christianum literis & scientiis florere, & viris ingenio præstantibus præ cæteris humani generis. Alter autem subaudiens & subridens, Hæc ita se habere posse prorsus negaret, hoc fretus argumento, Quod ipse sapius vidisset hunc populum Christianum in suis Templis adorare, non quidem Solem aut Sydera, nec Bestias, aut Herbas, sed his omnibus inferiora, *albi panis frustula*, aut placentas farinaceas. Atque ea Tempia præterea defunctorum hominum Simulacris refeciri. Denique se vidisse iterum iterumque, hos bonos viros coram his simulacris & coram hac placentâ panacea venerabundos prosterni, elatis in cælum oculis manibusque, ductis ex imo pectore suspiriis, datisque signis omnibus quibus numinis præsentiam cultumve testari solent homines. His utrinque auditis, Quid facies, quæso? cui potius credes, huic aut illi, Philosopho aut Historico? aut neutri? aut utrique? Utrique certè credendum est, neque ob rei incongruentiam neganda est fides. Nam adeò vaga res est, & subdola, natura humana, ut nec rationi, nec sibi conflet, in suis moribus; sæpe absurda facit, sæpe adversa: & contrariis motibus fertur, aut ex imbecillitate, aut ex malitiâ. Et cum hæc domi videas, hodieque, quid miraris olim facta fuisse non dissimilia apud gentes barbaras. Præterea quid nobis exprobras Ægyptiorum nostrorum Idololatriam, cum totum genus humanum, exceptis paucis Judæis, infecerat illa labe; neque artium & scientiarum vis, aut obflare potuit aut mederi, huic pesti. Græcos & Romanos invasit & subjugavit, perinde ac gentes incultiores:

*Cicer. l. 1.  
de nat.*

*Deor. Sec.*

tiores : atque illis minùs infaniſſe Ægyptios, & Philoſophi & Theologi oſtenderunt.

*Clem. Alex.  
admon. ad  
Gent. p. 25.*

Sed quoad malum illud Idololatriæ, apud majores noſtros epidemicum, uti jam licet dicto Comœdi, *Facile omnes cum valemus, rectè conſilium agrotis dāmus.* Nos ſanati & immunes ab hoc morbo, miramur alios eodem tam diù laboraſſe ; cùm tam facile eſſet aut venienti occurrere, aut præſenti mederi. Sed, à nobis ad patres noſtros, quàm diſpar ſit ratio, malè interim reputamus. Judæi primùm, vivâ Dei voce, repetitis miraculis, mille minis, & mille pœnis, ab Idololatriâ depulſi & deterriti erant. Nos Judæorum oracula amplectimur, *Mofis* & Prophetarum veſtigia premimus : atque inſuper, à Chriſto & Apoſtoliſ iſſius, cultum adhuc puriorem docemur, & à ſenſibus magis abſtractum. Quibus documentis, tanquam fortioribus antidotis, contra omnes vires iſtius veneni munimur & corroboramur. Hiſtamen non obſtantibus, Eccleſiæ Chriſtianæ partem maximam, aut eminentiſſimam, ad cultum Idololatricum prolapſam eſſe querimur : veteremque morbum, ſub novâ ſpecie, invito omni cœlo, recidivum. Hæc cùm ita ſint, quid miramur, Naturam humanam, ſibi, ut olim, permiſſam, atque ſuis tenebris involutam, in eadem, aut minora, incidiſſe crimina ; atque ſuâ vi malum repellere non potuiſſe, quod ſupremo numinis auxilio nondum repulſum vidimus. Age verò, & depositis præjudiciis, de rebus humanis humanitùs loquamur : non ex voto noſtro, ſed prout rei fert natura, & multorum Sæculorum uſu deprehenſum eſt. Deus Philoſophorum eſto Numen inviſibile : Sed Numen populi, gentiſque humanæ, ſibi relictæ, ſemper erit aliquid aſpectabile. Audi, ſi vacat, hiftori-

*Abr. Eccl.  
hel. hiſt.  
Arab. c. 6.*

*Abra*



*Abrahamum, statim atque in lucem editum, à Patre, in quâdam speluncâ, quæ in montis recessu erat, absconditum fuisse, metu Chaldaeorum, qui manus illi inferre quærebant: quòd suis Diis fatalem fore, Astrologi prædixissent. Inde tandem noctu primùm prodiens, jam vir factus, cælum, ejusque innumera astra, non absque admiratione summâ contemplari cæpit: vidensque stellam Veneris fortè exorientem, & ceteras lumine, splendore, & claritate, longè superantem, ait, HIC EST DEUS MEUS, ET CREATOR MEUS. Sed cùm non multo post, Luna apparuisset, mutatâ sententiâ, dixit, HIC EST DEUS MEUS, ET CREATOR MEUS. Demùm, orto Sole, attonitus exclamavit, HIC, HIC, EST VERE DEUS MEUS, ET CREATOR MEUS: QUO SPLENDIDIUS, QUO ALTIUS, QUO PULCHRIUS, NIHIL EXCOGITARI POTEST. Sed, hæc dicenti, apparuit adstititque Angelus Gabriel, eumque docuit verum Deum, veramque religionem. Genus humanum, religionis flammâ correptum, idololatriâ prohibere, sine miraculis & cœlesti auxilio, tantum non impossibile est. A defunctorum hominum, animalium, olerumve cultu, ut cohibeamur, sufficere videtur ratio naturalis: Hæc enim nihil habent augusti aut stupendi, quo animum effascinent. At Luminaria cœlestia, omnium omninò, quæ aspectui subjiciuntur, præstantissima, tam magnitudine quàm splendore, oculos primùm percellunt: dein mentem, admirandi sui motûs constantiâ, ordine, & rapiditate, concutiunt: denique, multifariis virtutibus & beneficiis, totum hominem sibi devinciunt, & quasi obruunt. Ab horum Corporum cœlestium admiratione (quibus etiam Animas dedere veteres) nemo se temperare potuit, aut debuit: Et ab admiratione ad venerationem*

nerationem, in rebus magnis, stupendis, & inaccessis, facilis est progressus.

At verò, inquires, non Idololatriæ solùm, sed etiam *Genethliaca* & *Magia*: Huic improbæ, illi vanissimæ, arti, deditissimi erant Ægyptii; nec Ægyptii tantùm, sed omnes ferè veteres. Rectè mones: sed quoad *Genethliacam*, quid mirum Gentes illas, quæ Cælum, Solem, & Sydera, pro tot Numinibus habuere, eadem rebus humanis dominari, & suum cuique factum præscribere, aut reverà credidisse, aut, quò lucrum sibi facerent, voluisse ut id crederet populus. Illud magis miror, reperiri etiamnum, inter homines Christianos, qui eandem artem colant & tueantur. Etiam nunc, inquam, cùm non tantùm ab omni superstitione magis abhorreere debemus, sed cùm innotuit etiam, luce clariùs, Cælorum natura; nempe Planetas nihil aliud esse, quàm tot moles opacas terrestres, Fixasque tot moles igneas: Nequidèdò *Astrologia*, quæ dicitur, *Judiciaria*, ullum Theorema, in Scientià naturali fundari, vel fundari posse.

Quoad Magiam, multa sunt ipsius genera: nobis quidem Christianis solidè interdicta, ob mutatum forsan mundi invisibilis regimen. Sed lege naturæ interdictum esse quaecunque cum Geniis commercium, non tam facilè patet. Hoc autem commercium, si abusi sint nonnulli, sive in damnum humani generis, sive ad fastum & ostentationem, malitiæ quidem id arguit authores, aut vanitatis, non autem ignorantia. Denique facilè assentior iis, qui, utramque artem, Astrologicam & Magicam, primùm edoctos esse homines, aiunt, à malis Angelis. Videntur enim mihi, cum utriusque apparatus intueor, Inventa, vel Deliramenta, plusquam humana. Sed de his satis.

Cùm

Cùm hæc ita se habeant, & salva sit antiqua Ægyptiorum fama quoad literas & scientias, quâ ratione periit, & quando tandem hæc prisca sapientia paulatim extincta fuit, ultimo jam loco explicandum. Quanta est rerum humanarum inconstantia, & quàm mirandæ vices! Non tantùm Imperia mutantur, sed literæ, mores, religio, ex aliis in alias terras migrant; & cùm omnibus non liceat his simul frui, alternatim fruimur. Ità res humanæ comparantur, ac si inter præstituti temporis ambitum, singulas terras populosque, suas habituros esse vices, tam in bonis quàm in malis, decretum esset. Ab ori-ente, instar Solis, cursum suum incoeperunt literæ: ad occidentem vergentes, ubi earum luce jam diù gaudemus: Quis novit si, relictis his sedibus, ulterius progressuræ sint: vel si undique diffusæ, totum terrarum orbem suis radiis simul illustrabunt. Quoad Ægyptum, floruit olim omni disciplinarum genere, & jam extremâ barbarie obruitur. Usque ad Persarum tempora suas literas atque sua sacra inviolata tenuit, primusque Cambyse's Tempia Ægyptiaca spoliavit, diruitque; &, vulnerato Deo Api, Sacerdotes omnes contemptui habuit. At extincto Cambyse, Darius non tantùm humanissimè tractavit Ægyptios, sed erudiendum se tradidit sacerdotibus, ut earum doctrinam sacram addisceret. Ità *Diodorus*, ὁμιλῆσαι μὲν γὰρ αὐτὸν, de Dario loquitur, τοῖς ἱερεῦσι τοῖς ἐν Αἰγύπτῳ, καὶ μεταλαβεῖν τὴν τε θεολογίαν αὐτῶν, καὶ τῶν ἐν ταῖς ἱεραῖς βίβλοις ἀναγεγραμμένων πράξεων. Sed non eodem animo affecti erant erga Ægyptios & eorum sacra Reges posterii, nam, petente Ægyptum Alexandro, libenter & sine belli discrimine, in ipsius dominationem venerunt Ægyptii, idque, ut ait Historicus, quòd eos & eorum sacra malè tractassent Persæ.

*Herod. l. 3.*  
*Diod. l. 1.*  
*Justin. l. 1.*  
 c. 9.

*Lib. 1.*



Persæ. *Οἱ γὰρ Αἰγύπτιοι τῶν Περσῶν ἡσθενηκότων εἰς τὰ* Diodor. l. 17.  
*ἑξὰ καὶ βιαιῶς ἀρχόντων, ἄσχυροι περσευέξαντο τῆς Μακε-*  
*δόνας.* Sed ab hoc tempore, sub Alexandri succes-  
 soribus, sensim degenerasse videtur & sacerdotium &  
 sapientia Ægyptiaca, ita tamen ut in utroque in-  
 tervallo, sub Persis & sub Ptolomæis, descenderint in  
 Ægyptum ex Græcis philosophis multi; quotquot  
 nempe post Pythagoram (qui in Ægypto fuit eodem Sambl. de  
 vit. Pyth.  
 l. 1. c. 4.  
 tempore quo Cambyfes) iter illud susceperunt. Sed  
 debellatâ à Romanis Ægypto, & combustâ Biblio-  
 thecâ Alexandrinâ, unâ periit Literatura Antiqua.  
 Fuit autem postea Alexandriæ Schola illustris: non  
 Græcorum tantùm, sed etiam Judæorum, dein Chri-  
 stianorum, usque ad tempora Saracenica. A quibus,  
 & sequioribus Turcis, tandem ad barbariem redacta  
 fuit tota Ægyptus: priscae sapientiæ sedes olim flo-  
 rentissima.

Siqua prætereâ expetuntur, circa causas & ortum  
 sapientiæ Ægyptiacæ, occurrent infrâ, ubi in *Origine* Cap.  
*sapientiæ priscae & barbaricæ* inquiritur. Restat  
 hîc unicum addendum, ut scriptores qui potissimùm  
 desiderantur in hoc argumento, breviter indicemus,  
 quemadmodum in reliquis factum est. *Severus* qui In Voc.  
 dam, apud *Suidam*, Sophista Romanus, dicitur per-  
 agrâsse totam Ægyptum, & *libros omnes qui aliquid*  
*arcani habebant, & quoscunque reperire potuit, ex om-*  
*nibus Adytis sustulisse, & in Alexandrini monumento con-*  
*clusisse.* Hæc nobis subduxit vir invidus. Inter deper-  
 ditos eminet *Manetho*, desideratissimus author, *Fla-*  
*men sacrorum & scriba Adytorum* Ægypti, ut ipse ait  
 ad *Ptolomæum*; qui ex *columnis Mercurialibus* com- Apud Euf.  
 Chron. p. 6.  
 mentaria sua deprompsit. Historiam composuit, à  
 vetustissimis & fabulosis sæculis exorsus, & per Deo-  
 rum & semideorum imperia ad tempora notiora pro-  
 gressus

gressus est. Cumque mos esset antiquis suas historias aut archæologias à quadam Cosmogoniâ auspicari, idem à *Manethone* factum fuisse in hoc opere verisimile est. Quinetiam Theologiam Ægyptiacam seorsim conscripsit, quæ complecti solet, apud veteres, Physiologiam. Sed audiamus *Eusebium* de operibus

Præf. Ev.  
l. 2. princ.

*Manethonis*, Πασαν μὲν ἃ Αἰγυπτιακῶς ἱστορίαν εἰς πλάττει τὴν Ἑλλήνων μετέλκھے φωνῆς, ἰδίως τε τὰ περὶ τὰ κατ' αὐτὸς θεολογίας Μανετῶς ὁ Αἰγυπτίος, ὃν τε ἡ ἔγραψεν ἱερᾷ βίβλῳ, ἢ ὃν ἑτέροις αὐτῷ συγγραμμάσι. *Omnem historiam Ægyptiacam fusè, & speciatim quæ ad Theologiam hujus gentis pertinent, in Græcam transfudit linguam Manethos Ægyptius, cùm in sacro opère quod scripsit, tùm in aliis commentariis.* Memorat præterea *Suidas* τὰ φυσιολογικὰ *Manethonis*; quod opus, nisi forsân principium esset aut prolegomenon suæ historiæ, proposito nostro quàm maximè responderet. Adhæc *Laertius* citat τὸν φυσικῶν ἑπτουῶν *Manethonis*, & *Porphyrus* τὴν περὶ ἀρχαῖσμι καὶ εὐσεβείας, de antiquitate & pietate librum. Hæc singula an fuerint diversa opera, & ejusdem *Manethonis Sebenitæ*, non disputo, cùm nostra non inter sit; patet utrunque istiusmodi fuisse quæ in hoc argumento non parùm lucis conferre potuissent.

In Proæm.  
de abst. 2.  
& Euseb.  
præf. Evan.  
l. 4. c. 15.

Scriptit *Sanchoniathon*, secundum *Suidam*, περὶ τῆς Ἑρμῆ φυσιολογίας, atque etiam Αἰγυπτιακῶς θεολογίας. *Asclepiades* etiam, apud eundem, in sacris istis exercitatus, scripsit *Hymnos in Deos Ægyptiorum*: & de omnium Religionum consensu Commentarium. Scriptit adhæc *Historiam Ægyptiorum, Ogygiorum* res gestas continentem: ad tres minimùm annorum myriades. Hæc ille. *Petofiris*, cujus meminit *Juvenalis*, & *Plinius* non semel, Astrologica, & de Ægyptiorum mysteriis, è Sacris Libris, quædam scripsisse dicitur.

Vocæ Ἑρμῆ  
ἱσμος.

Deside-

Desideratur præterea *Hecataeus*, sive *Abderita*, sive *Milesius*, περὶ τῶν Αἰγυπτίων φιλοσοφίας; cujus meminit *Laertius in proæmio*, ubi etiam ex *Aristagorâ* repetit dogmata *Ægyptiaca*. Dein *Palaphatus*, referente *Suida*, Αἰγυπτιακὴ θεολογίαν conscripsit, & <sup>Voces Παι- λῶσις τῶν μυθικῶς εἰρηρῶν</sup> quæ eodem spectasse videntur: nempe ad *Theologiam* eorum *Mythologicam*. Denique *Charemon*, sacerdos *Ægyptius*, quem laudat summoperè *Porphyrus*, & è contra multis modis vilipendit *Strabo*; *Hieroglyphica* & res *Ægyptias* <sup>De abstin. l. 4. Geogr. l. I. 7.</sup> literis commisit. His addi possunt alii rei philosophicæ apud *Ægyptios* scriptores; sed quid his & illis authoribus, qui jam exciderunt, sigillatim enumerandis immorarer, cùm unico ictu perierint in *Ægypto* librorum multæ myriades; ingens, scilicet, & instructissima *Bibliotheca* *Ptolomæi Philadelphi*; in quâ non tantùm literaturæ *Ægyptiæ*, sed omnes, ut par est credere, doctrinæ *Orientalis* superstites thesauri reponebantur.



## C A P. IX.

De Philosophiâ Græcanicâ: & primò  
de Orphicâ.Laert. in  
Proëm.

**H**ÆC de *Philosophiâ Barbaricâ* dicta sunt. Sequitur *Græca*, quæ etiam tempore posterior fuit, & ab alterâ derivata. Hoc ferè apud omnes eruditos in confesso est, & res ipsa loquitur: Cum verò nonnulli, aut ex amore Gentis Græcæ, aut quod minùs seduli essent rerum antiquarum scrutatores, hoc in dubium revocârint: probationem rei primo loco asserre debemus, ut quæ dicturi sumus postea de hâc philosophiâ, majorem vim & lucem habeant, ubi de ipsius origine conventum fuerit.

Cat. præc.

Non negamus à Græcis multa inventa in scientiis, præcipuè Mathematicis; quas egregiè excoluerunt; ut supra dictum est. In Philosophicis etiam nonnulla observata, multa digesta & in formam systematicis disposita. Ut utroque modo Græca Romanis ingeniis longè anteposenda esse censerem. Sed uti disciplinarum Mathematicarum rudimenta, ita in Philosophiâ non rudimenta tantùm, sed maxima & præstantissima dogmata, à Barbaris accepisse Græcos asserimus; atque de hâc re unica lis est aut esse debet; nam circa *Geometriam*, *Astronomiam*, *Arithmeticam*, ipsos Græcos habemus testes, aut confitentes, has scientias ab exteris primùm inventas & plus minùs excultas fuisse. Ità testantur, *Herodotus*, *Plato*, *Aristoteles*.

*Aristoteles, Diodorus, Strabo, Laertius, Achilles Tatius*, aliique; unde quoad tres illas disciplinas, intrâ tres antiquas gentes, Assyrios, Ægyptios, Phœnices, (quibus *Lucianus* addit Æthiopes, quoad Astronomiam) semper stetit controversia; neque inventionis & primatûs laudem ambiebant Græci. Quapropter Græcorum defectus in observandis astris supplet *Aristoteles* (*de Cæl. l. 2. c. 12.*) ab Ægyptiis & Babyloniiis. In syderali cognitione, quantulam observationum historiam, quas speculas, quæ instrumenta Astronomica, memorantur Græci antiquitus habuisse? Babylonii, in Templo *Jovis Beli*, <sup>Herod. l. 1. fol. 75.</sup> à Reginâ *Semiramide* constructo, turris erat octuplex, sive octo turres, aliæ aliis superstructæ, in quibus sydera contemplantur Astronomi; referente *Diodoro*: Ut olim montes montibus superimpofue- <sup>L. 2. fol. 94.</sup> runt Gigantes, quò cælum peterent. *Semiramis* autem floruit annis octingentis ante bellum Trojanum, cùm nondum *litteras* haberent Græci. Præterea, captâ ab Alexandro Babylone, *Calisthenes* dicitur misisse in Græciam observationes cœlestes novendecies centenorum & trium annorum, quæ apud Babylonios in monumentis asservabantur. Has si ab Alexandri temporibus fursùm computemus, ultra *Semiramidis* ætatem assurgent; unde in hac ipsâ *Beli* turri factas esse à Chaldæis has observationes, magnam

*Simpl. l. 2. de cæl. p. 123. ex Porphyrio.*  
 ὡς Ἀειστῆλος ἐν πεντακτύῳ ἐπεὶ δὲ  
 μάλλον τοῖς ὑστερίαις, ὥς μάλλον σάξον τὰ  
 φαινόμενα, ἐκείνων μᾶλλον τελεῖας σφόν-  
 των, μᾶλλον τοιαῦτα φαινόμενα εἶδον, διὰ  
 τὸ μὲν πρὸ τῶν Καλλιμάχου ἐν Βα-  
 βυλῶνι τεταθείσας ἀστρονομίας ἀνι-  
 κῶσαι εἰς τὴν Ἑλλάδα, τὴν Ἀειστῆλος τῶτο  
 ὁπσκήσαντι ἑαυτῷ ἀστρονομίας διηγεῖται ὁ  
 Πορφύριος ἡλίαν ἐπὶ τῇ κ' ἐνισακο-  
 σίων τεταῖν, ὡς καὶ τῇ χρεωνῶν Ἀλεξάν-  
 δρου τὸ Νεκιδῶν σφόνδας. Idem *Simplicius*  
 meminerat antea (*l. 1. de cæl. p. 27.*)  
 observationum bis millennium apud Ægyptios.  
 ὡς apud Babylonios adhuc plurimum: καὶ α'  
 γ' ἐν τῇ ἑξήκοντι ἀστρονομίας ἀστρονομίας ἑ-  
 χεν ἐν τῇ γεωμετρίας ἐν ἐκείνῃ ἢ δ.  
 ἡλίαν ἐν αὐτοῖς, Βαβυλωνίους ἢ ἐν τῇ πλει-

ση. Denique, notus est immanis Babyloniorum calculus apud *Ciceronem* de divin. l. 1. qui,

partem,

partem, verisimile est. Denique, quò propiùs ad Græcos & Græcorum tempora descendamus, *Epigenes*, septingentorum & viginti annorum observationes apud Babylonios; & qui minimum notabant, *Berosus* & *Critodemus*, quadringentorum & octoginta, *l. 7. c. 56.* literis tradidêre. Verba sunt *Plinii*: *Epigenes apud Babylonios DCCXX annorum observationes syderum coëstilibus laterculis inscriptas docet, gravis author imprimis; Qui minimum, Berosus & Critodemus CCCCLXXX annorum.* Si ætatem *Epigenis*, qui *Berosum* antecessisse videtur, & apud Babylonios fuit studiorum causâ, sumamus circa tempora Alexandri, observationes ab illo memoratæ multùm superant non tantùm omnes Græcorum, sed etiam Babyloniorum illas ab Hipparcho postea collectas. Et cùm Hipparchus & Ptolomæus Græcarum observationum antiquissimas, Babyloniarum, non tantùm antiquis, quales recensuimus, sed etiam infimis & novissimis, quales sunt illæ Nabonassari, postponant, eo ipso fatentur hujus artis auctores & cultores primos fuisse exteros: à quibus cùm fundamenta quædam & initia accepissent Græci, ulterius paulatim progressi, & res plures & rerum rationes explicuerunt; rectè enim notatum est, Eclipsium, aliarumque observationum cœlestium *historiam* à Barbaris, *causas* verò & rationes & calculos à Græcis provenisse.

Sed de Mathematicis satis; cùm hoc sit quasi extra aleas vagari. Et in præcedentibus pro Græcis contra Barbaros, uti hîc pro barbaris contra Græcos certatum est. Pro causâ mutatâ, in utriusque castris militavimus; rationem secuti, non partium studium. Jam verò agendum est de disciplinis Physiologicis; quibus adjungere aut immiscere solebant gentes suam Theologiam. Et in his acriores erimus contra Græcos quàm



quàm antea, cùm non tantùm initia rerum philosophicarum, sed lectissima dogmata & notitias præclaras à gentibus acceperint: quas oblivioni tradiderunt postea, magnâ ex parte, cùm in sectas divisi fuere; & novas tentando methodos, ineptas & infrugiferas, philosophiam humano generi inutilem reddiderunt: Ut verè dici possit de utraque disciplina, si rectè judico, Græcos perfecisse Barbarorum Mathematicam, Philosophiam perdidisse.

Sed de utriusq; philosophiæ antiquitate primò tractandum est, ut hanc alterâ posteriorem esse ostendamus: idque contra sententiam Laërtii, & aliorum, *In Proœmi* qui originem hujus sapientiæ à Græcis petendam esse volunt. Si liceret uti testimoniis *Clementis Alexandrini, Eusebii Pamphili, & aliorum Græcorum Patrum*, facile esset in hâc causâ vincere; illi enim testantur, semel atque iterum, præstantissimam inter Græcos doctrinam furtivam esse, & à barbaris ereptam. Quæ nomina clariora apud Græcos *Platone & Pythagora*? Quæ philosophia diviniore? audiamus quæ de his *Clemens*; Πλάτων ὃ ἐκ ἀρρεῖται τὰ κάλιστα εἰς φιλοσοφίαν παρὰ τῆς βαρβάρων ἐμπορεύεσθαι· εἰς τε Αἴγυπτον ἀφικέσθαι ὁμολογεῖ. *Non inficiatur Plato se ea quæ sunt præstantissima in Philosophiâ mercatum esse à barbaris; seque in Ægyptum profectum esse fatetur.* Adjunge deinceps *Pythagoram*, qui inter Ægyptios non minùs profecerat. Ὁ δὲ Πλάτων δὴ λον ὧς σεμιότων ἀεὶ τὴν βαρβάρει εὐρίσκειται· μνημονεύει αὐτὸν καὶ Πυθαγόρου τὰ πλεῖστα καὶ γενναϊότατα τῆς δογματικῆς βαρβάρει μαθόντας. *Manifestum est Platonem semper magni facere Barbaros, ut qui meminisset se & Pythagoram plurima nobilissima dogmata ab iis didicisse.* Nec aliter *Eusebius*, cum peregrinationes *Pythagoræ* in Ægyptum, Babylonem, Persidem, *Indiam.*

*Strom. I.*

*Præp. Ev. l. 10. c. 4. p. 471.*

Indiamque recensuisset, addit, Καὶ ἄλλα παρ' ἄλλων συλλεξάμενος, μόνον παρὰ τῶν σοφῶν Ἑλλήνων ἔχεν εἶδεν, πενία σοφίας καὶ ἀπορία συνοικάνων· ἔμπαινον δ' ἐν τῶν ἔξωθεν αὐτῷ πεπορισμένων αἰτίῃ αὐτὸς μαθήσεω· κατέστη τοῖς Ἑλλησιν. *Aliaque ab aliis discens, à solis Græcis auferre nihil potuit : tantâ illi sapientiæ penuriâ & indigentia unâ laborabant. Contrâ, peregrinis ipse artibus ditatus, Græcis scientiæ & eruditionis author fuit. Denique citat non minùs illustre testimonium ex Porphyrii libro, opinor, deperdito, Theodoretus, his verbis, Καλχόδιος γὰρ ἡ πρὸς θεοῦ ὁδὸς, αἰσιανή τε καὶ τραχεῖα· ἥτις πολλὰς ἀτραπὺς βάμβαει μὲν ἐξηνῶρον, Ἑλληνεῖς δὲ ἀπεωλάνθησαν· οἱ δὲ κρατύντες, ἥδη καὶ διέφθειραν· ἢ ὅτι εὑρεσιν ὁ θεὸς Ἀιγυπτίοις ἐμαρτύρησε, Φοινίξιν τε καὶ Χαλδαίοις, Λυδοῖς τε καὶ Ἑβραίοις. Via quæ ad Deos perducit, ardua munita est, eademque ardua & asperissima. Cujus quidem calles quamplurimos Barbari invenerunt ; at verò Græci ab eâ longius aberrârunt. Qui vero eam tenebant eandem corruerunt. Ejus porro Inventores fuisse Deus testatur Ægyptios, Phænices, Chaldaeos, Lydios ac Hebræos.*

Serm. I. de  
sile. p. 10.

Lib. I.

Idem cum Patribus Christianis antea notavit Josephus contra Appionem, his verbis : ἀλλὰ μὲν καὶ τὰς περὶ τῶν ἑβραίων καὶ θείων πρώτους παρ' Ἑλλησι φιλοσοφίσαντας, οἷον Φερεκύδην καὶ Σύριον, καὶ Πυθαγόραν, καὶ Θαλήτην, πάντες συμφώνως ὁμολογῶσιν Ἀιγυπτίων καὶ Χαλδαίων γενομένους μαθητάς. Sed & eos qui de cælestibus & divinis primitus apud Græcos sunt philosophati, id est, Pherecydem Syrium, & Pythagoram & Thaletem, omnes concorditer confitentur, Ægyptiorum & Chaldaeorum fuisse discipulos.

Sed ne Patres Christiani & Judæi nimium Græcis invidere videantur, quid ipsi Græci de suis Philosophis senserint, audiamus. Porphyrius de vitâ Pythagoræ,

gora, idem dicit quod à nostris jam dicitur, & cùm <sup>Vid. etiam Suid. voce, ἱερατική.</sup> varias gentes retulisset, Ægyptios, Arabes, Chaldaeos, aliosque, quibuscum versatus fuit Pythagoras per multos annos, subdit, ἐκ τῆ περὶ ταῦτα τὰ ἔθνη πλά-  
ιης ὁ Πυθαγόρας τὸ πλεῖστον τῆ σοφίας ἐνεπορεύσατο. Ex peregrinatione ad hasce gentes Pythagoras potissimam sapientie partem acquisivit. Quoad Platonem, nota sunt quæ affert in Timæo de Græcis & Ægyptiis, & præcipuè dictum Sacerdotis Saitici ad Solonem, O Solon, Solon, vos Græci semper pueri estis, nec quisquam ἐ-Græcia senex. Cur istud diceret, percontante Solone, respondisse Sacerdotem, Quia juvenis semper vobis est animus, in quo nulla est ex vetustatis commemoratione prisca opinio, nulla cana scientia. Hæc contra patriam suam, nisi pro veris apud se rescivisset Plato, aut non memorâisset aut refutâset. Præterea sparsim occurrunt apud Platonem doctrinæ Ægyptiæ non pauca vestigia, quæ ad hypothesin nostram confirmandam suis locis notabimus. His consona sunt quæ notat Megasthenes, qui tempore Alexandri & deinceps vixit, & cùm diù apud Indos versatus esset, rerum Indicarum libros composuit, in quorum tertio, omnia quæ circa rerum naturam philosophantur Græci, barbaris pridem innotuisse, ait. Verba sunt apud Clementem, Ἀπαντα μὲν τοι τὰ περὶ φύσεως <sup>Sicrom. 1.</sup> εἰρημύα παρὰ τοῖς ἀρχαίοις, λέγεται καὶ παρὰ τοῖς ἔξω <sup>p. 305.</sup> τῇ Ἑλλάδι φιλοσοφεῖσι. Τὰ μὲν παρ' Ἰνδοῖς ὑπὸ τῶν Βραχμάνων, τὰ δὲ ἐν τῇ Συρίᾳ ὑπὸ τῶν καλυμνίων Ἰεδαίων.

Sed quid in his moramur, cùm tot testes habeamus literaturæ Græcæ à barbaris derivatæ, quotquot in Ægyptum descenderunt philosophi Græci ad comparandam sibi sapientiam. Horum autem non bre- <sup>Vid. ὁ Plut. de Is. & Ofir. p. 154.</sup> vem catalogum ex commentariis Sacerdotum Ægyptiorum



tiorum contexuit Diodorus Siculus, in fine libri primi; additque, ex Ægypto cuncta, quibus admiratio-  
nem illi apud Græcos sibi pepererunt, translata esse.  
Verba ipsius hæc sunt: Τέτων δ' ἡμῖν διευκρινημάτων,  
ῥητέον ὅσοι τῶν παρ' Ἑλλήσι δεδοξασμένων ὅτι συνέσει καὶ  
παιδείᾳ παρέβαλον εἰς Αἴγυπτον ἐν τοῖς ἀρχαίοις χρόνοις,  
ἵνα τῶν ἐνταῦθα νομίμων καὶ παιδείας μεταχῶσιν. οἳ γὰρ  
ιερεῖς Αἴγυπτίων ἱστορεῖσιν ἐκ τῶν ἀναγραφῶν τῶν ἐν ταῖς  
ιεραῖς βίβλοις, παραβαλεῖν πρὸς αὐτοὺς Ὀρφέα τὸν καὶ Μυ-  
σαῖον, καὶ Μελάμποδα καὶ Δαίδαλον· πρὸς δὲ τέτοις Ὀμη-  
ρον τε καὶ ποιήτην, καὶ Λυκοῦργον καὶ Σπαρτιάτην· ἐπὶ δὲ  
Σόλωνα τὸν Ἀθηναῖον, καὶ Πλάτωνα τὸν φιλόσοπον. ἐλθεῖν  
δὲ καὶ Γυθαγόραν καὶ Σάμιον, καὶ τὸν μαθηματικὸν Εὐδοξον.  
ἐπὶ δὲ Δημοκρίτον καὶ Ἀβδηρίτην, καὶ Οἰνοπίδην καὶ Χίων.  
πάντων δὲ τέτων σημεῖα δεκνύουσι, τῶν μὲν εἰκόνας, τῶν  
δὲ τόπων, ἢ κατὰσκευασμάτων ὁμωνύμους περὶ αἰωνίου.  
ἐκ τε καὶ ἐκάστῳ ζηλωθείσης παιδείας ἀποδείξεις φέρουσι,  
συριστάντες ἐξ Αἰγύπτου μελετηνοχέειν πάντα δι' ὧν παρὰ  
τοῖς Ἑλλήσιν ἐθαυμάσθησαν. *His ita à nobis expositis,*  
*recensendi sunt qui priscis illis temporibus, sapientiâ &*  
*doctrinâ celebres apud Græcos, peregrinationes in Ægyp-*  
*tum susceperunt, ut legum & disciplinarum gentis par-*  
*ticipes fierent. Etenim Sacerdotes Egyptiorum Orphe-*  
*um, Musæum, Melampodem, Dadalum, Homerum Poëtam,*  
*Eycurgum Spartanum, Solonem Atheniensem, Platonem*  
*Philosophum, Pythagoram Samium, Mathematicum Eu-*  
*doxum, Democritum Abderitam, & Oenopidem Chium,*  
*ad ipsos advenisse è sacris commentariis referunt. Sig-*  
*naque horum omnium, quæ imagines, quæ desumptas à*  
*locis aut operibus appellationes ostentant. Et ex arte aut*  
*disciplinâ quam quisque affectabat, demonstrationes affe-*  
*runt, unde probant ex Ægypto cuncta, quibus se postea*  
*admirabiles reddiderunt apud Græcos, translata esse. Au-*  
*diat mi Græcule? quæ turba peregrinantium? hos*  
*omnes*

omnes in Ægyptum profectos esse credis ad venandos crocodilos? Plato & Eudoxus, ex horum numero, Strab. l. 17. tredecim annos insumpserunt Diospoli cum Sacerdotibus. Cum Heliopolitanis & Saiticis Solon, à quibus Sermonem Atlanticum accepit. Pythagoras multa & molesta examina subiit, & circumcidi se passus est, ut fertur, à Prophetis Ægyptiis, ut ad eorum doctrinam arcanam admitteretur. Orpheum suam doctrinam, qua saxa & stipites movit, homines feros & agrestes in civitates & societatem allexit, ab Ægyptiis hausisse, hic & alibi sæpius testatur Diodorus. Denique haud facile est indicare quenquam apud Græcos, qui sapientiâ clarus evasit, sine peregrinatione inter gentes barbaras. *Thales* nullum habuit præceptorem præter Ægyptios; Authorque fuit Pythagoræ, Laert. Jamb. in vit. Sol. p. 92. & 96. cum ad eum, jam senem, venerat discendi studio, ut se in Ægyptum ad Sacerdotes Memphiticos & Diospoliticos conferret. *Pherecydes*, Pythagoræ præceptor, ex arcanis libris *Phænicum* seipsum docuisse dicitur; Suid. *ἐαυτὸν ἀσκήσαι, κτησάμενον τὰ Φοινίκων ἀποκρυφα βιβλία.* Et si nulli fuerint apud Græcos his clariores aut vetustiores philosophi, Græciam à barbaris edoctam esse, quo possumus jure, aut quibus rationibus, inficiari.

Hæc autem quæ ex Diodoro attulimus, eo fortiora esse debent, quòd propriæ suæ sententiæ circa Græcos parùm faveant; Ille enim non obscurè significat se non consentire *Ephoro*, Historico, qui Barbaros Græcis suis antiquiores esse agnoscit. Dein quoad literas & disciplinas, adeò propensus est in Græcos Diodorus, ut ex solâ fabulâ *Heliadum* in Rhodo Insulâ, Græcos primitus in Ægyptum disciplinas invexisse innuere velit: Et easdem postea cum Græcis philosophis, peregrè agentibus, quasi ex postliminio in patriam rediisse.

rediisse. Quare quæcunque apud Diodorum reperiuntur contra gentis Græcæ aut. literaturæ Græcæ antiquitatem, non ex invidiâ dicta, aut erga gentes amore, sed rerum ipsarum certâ fide extorta mihi videntur.

*Vid. Bechar.  
Can. l. i. c.  
20. & Scal.  
in Euseb.  
Chron.*

Denique si Literarum originem apud Græcos quæramus, ab alienigenâ invec̃tas esse, Cadmo, Phœnice, compertum erit; idque non multum ante tempora Trojana. Ante illud tempus autem non tantum literæ aut vocum elementa, sed literatura & disciplinæ apud multas gentes floruerunt; Assyrios, Ægyptios, Phœnices, Arabes, Æthiopes, Indos, Celtas. Moses ante tempora Cadmi edoctus erat sapientiam Ægyptiacam; Jobus, aut libri ipsius author, ante tempora Mosis, Arabicam; Abrahamus, Chaldæam & Phœniciam. Dein *Bragmanum* in Indiâ, *Gymnosophistarum* in Æthiopiâ, *Druidum* apud Celtas, nemo novit antiquitatem; sed Chronologorum calculis statui solent ante tempora Trojana. Quare expensis singulis, tam Literis quàm literaturâ, Philosophiam barbaricam & antiquiorem esse & parentem Græcanicæ, historiæ veteri, rerumque & temporum rationibus maximè respondet.

*De Abrah.  
testimonia  
concessit  
Grot. in  
Matt. 5. 31.*

His ita expositis circa origines philosophiæ Græcanicæ, philosophos ipsos & eorum dogmata jam leviter percurremus; ut quantum dictis consentiant, & explicandis mundi Archæologiis utiles esse possint: Quæ prætereà eorum scripta desiderantur, quæ supersunt, paucis videamus. Philosophiæ Græcæ duplex est intervallum, ante sectas inductas & postea; post sectas inductas auctasque, exolevit philosophia antiqua, & quæ ei successit, in scholis Græcorum magis artificiosa fuit, quàm solida. Pauca illa & præclara capita circa mundi ortum & occasum, & varian-

tis



tis naturæ ordinem, quæ priscis sapientibus instar  
omnis Physiologiæ erant, sectarii Græci neglectui  
ferè habuerunt; & ex rerum notionumque minu-  
tiis philosophiam quandam condidère, alendis dis-  
putationibus, quàm veritati investigandæ, magis  
idoneam. Hos igitur minores Græcorum philoso-  
phos non multùm morabimur, & cùm inter secta-  
rum ultimas & infimas fuerit Peripatetica, infra  
Aristotelem non descendendum; quod enim eò usq;  
subsedit, in re Philosophicâ antiquitatis nomen non  
meretur.

Intervallum illud ante-sectarium adhuc distingui  
potest in tempus Poëtarum & Philosophorum; qui  
quidem re & argumento sæpe conveniebant, genere  
scribendi diversi. Antiquissimi qui apud Græcos  
philosophabantur, erant Poëtæ, secundum illud *Plu-*  
*tarchi*, περὶ τέσσερις μὲν ἐν ποιήμασιν ἐξέφερον οἱ φιλόσοφοι *rac. p. 402.*  
τὰ δόγματα καὶ τὰς λόγους, ὥσπερ Ὀρφεὺς καὶ Ἡσίοδος, &c. *de et. p. 383.*  
Nec tantùm carmine, sed etiam mythologicè ple-  
rumque scripserunt philosophiam. Ità enim mihi vi-  
dentur scripsisse *Thamyras Thrax*, *Linus*, *Orpheus*,  
& *Musæus*, perinde ac *Hesiodus*. Carmine autem  
scripserunt præterea philosophi, *Thales*, *Zenophanes*,  
*Empedocles*, *Parmenides*, alique, quorum nonnulla  
fragmenta poëtica philosophica collegit *Stephanus*.  
Quoad philosophos illos Mythologicos, videntur om-  
nes, præter *Homerum*, ut hoc obiter notem, *Cosmogonia*,  
sive de ortu mundi, poemata scripsisse. Ità *Tha-*  
*myras* ille, cujus meminere *Plato*, *Plutarchus*, *Clemens*  
*Alexandrinus*, *Suidas*, *Zetzel*, *Cosmogoniam* compo-  
suit πεντάκισι χιλίοις εἰχοις, præter aliud opus de bêl-  
lo *Titanum*. *Linus* etiam *Cosmogoniam* scripsit, cu-  
jus initium erat,

Ἦν ποτὶ τοι χεῖρ, ὅτ' ἐν ᾧ ἅμα πάντ' ἐπαύετο.

*Olim*

Olim tempus erat, simul indigesta jacebant,

Ῥοοcuncta.

In proæm.

Additque Laertius hinc Anaxagoram sententiam suam accepisse, πάντα χρήματα γεγονέναι ὁμῶς, Νῦν δὲ ἐλθόντα αὐτὰ διακοσμήσαι. *Omnia simul erant, mens autem accedens ea in ordinem adduxit.* Hæc Chaos indicant unde ortus est mundus, sive ornata rerum compages. Præterea Musæus *Theogoniam* scripsit; quod idem valet ac *Cosmogonia*, ut jam satis notum est; & Barbarorum *Cosmogonias* mutasse mihi videntur in *Theogonias* Mythologici Græcorum Philosophi. *Musæum* scripsisse physicè, sive doctrinam naturalem, constat ex eodem Laërtio, cum subdit, φάναι τε ἐξ ἑνὸς τὰ πάντα, καὶ εἰς τὸ αὐτὸν ἀναλύεσθαι, Eum statuisse ex uno omnia fieri, & in idem resolvi. Hesiodi *Theogonia* nota est; & quâ ratione interpretanda sit, cum cæteris Græcorum, infra videbimus. Restat *Orpheus*, qui etiam de rerum ortu philosophatus est; sed de Orpheo plura statim sunt dicenda.

Sunt autem adhuc plures poëtæ veteres Græci, ut *Eumolpus*, *Amphion*, *Melesander*, aliique; qui, cum incertum sit quid scripserint, à nobis sunt prætereundi. Numerare autem debemus hoc loco inter Mythologos Archæologicos *Cycli Epici* scriptores; quorum nomina posuit *Proclus* in suâ *Crestomathiâ*. Illud opus πολυθρύλλητον, cujus antea meminimus, quoddam erat syntagma historiæ mythicæ; non tam dignum lectu ob elegantiam, quàm quod integram & cohærentem rerum seriem complecteretur; unde & *Cyclus* dictus. Ità *Photius*, Τῷ Ἐπικῷ Κύκλῳ τὰ ποιήματα διασώσεται καὶ σπευδάζεται τοῖς πολλοῖς, ὅχι ὅτι διὰ τὴν ἀρετὴν, ὡς διὰ τὴν ἀκολοθίαν τῶν ἐν αὐτοῖς πραγμάτων. Atque à Chao, rerum omnium primordio, incepisse hoc opus, ex eodem *Photio* antea monstra-

monstratum est; unde ad tempora Trojana, vel circiter, historiam mythicam ordinatè deduxit. Quale opus, fabulosum licet, periisse, maximè quidem dolendum est. Sed ad Orphea nostrum jam redeamus.

Quoad hunc virum celeberrimum, tantum abest *De Orpheo.* ut pro nullo habeam, aut inani nomine, quod visum est nonnullis; ut pro maximo Græcorum semper eum habiturus sim. Hunc si ab umbris revocare liceret, ut ille olim suam Euridicem, ad probandam doctrinam nostram circa rerum origines, unus valeret multos testes. Quis non novit Orpheum antiquum Chaos cecinisse, & ejusdem discretionem varias & metamorphoses? Orbemque jam completum, intus & extra, Ovo assimulasse? Quod Ovum Orphicum, apud gentes ferè omnes mundi symbolum, est viva quædam imago Telluris primigeniæ, & propositæ à nobis Theoriæ compendium. \* Exposuisse \* *Cedren. ex Timot. p. 57.* dicitur Θεογονίας, καὶ κόσμου κτίσιν, καὶ ἀνδρώπων πλατυσουργίαν, maxima capita. Vixit Orpheus haud multum post tempora Mosaica, atque primus in Græciam doctrinam Orientalem invexisse videtur, eorum antiquissimus qui Ægyptum adierunt. Hunc æmulabatur Pythagoras, & ab eo multa sumpsit, id faciente Iamblico; ὅπως ὁ φασι Πυθαγόραν ζῆλω τῶν γενέσθαι τῷ Ὀρφείῳ ἐρμηνείας τε καὶ διαθέσεως, καὶ τιμᾶν τοὺς θεοὺς Ὀρφεὶ παραπλησίως. & postea addit, ἐτι ὁ φασι καὶ συνδέτον αὐτὸν ποιῆσαι τὴν θεῶν φιλοσοφίαν καὶ σεραπείαν. ἃ μὲν μαθόντα παρὰ τῶν Ὀρφικῶν, ἃ δὲ παρὰ τῶν Αἰγυπτίων, &c. Dixisset etiam in præcedentibus τὸν ἱερὸν λόγον Pythagoricum desumptum esse, aut compositum, ex imitatione Orphicorum: καὶ ἐτι ὁ ἐν ἀμφίβολον γέγονε, τὸ τὰς ἀφορμὰς παρὰ Ὀρφείῳ λαβόντα Πυθαγόραν, συντάξαι τὴν περὶ θεῶν λόγον.



λόγον, ὃν καὶ ἑεὶ δὴ διὰ τὸ ἀπεργάζεσθαι, ὡς ἂν ἐκ  
 τῶ μυστικωτάτου ἀπευδυμένου περὶ Ὀρφεὶ τόπου. Præ-  
 terea notum est hunc Philosophum, & Theologum Le-  
 gillatoris vices etiam peregrisse, populumque ferum &  
 ἄθρον, ad cultum, mores, & religionem deduxisse.

De hoc con-  
 sensu doctri-  
 nae Orphicæ  
 & Pytha-  
 goricae scri-  
 psere tam  
 Syriani  
 quam Pro-  
 clus. Hic  
 etiam in  
 suis com-  
 mentariis

” Sylvestres homines, sacer, interpretq; Deorum,

” Cadibus & fædo victu deterruit Orpheus;

” Dictus ob hoc lenire Tigres, rabidosq; Leones.

ad Timæum, & in Theologiâ Platonici idem testatus est sapius, (Bib. Ep. 291. & Bib. Di-  
 ult.) ad Timæum inquit, Πυθαγόρει & ὡν ὁ Τιμαῖος ἐπεὶ ταῖς Πυθαγορείων ἀρχαῖς  
 αὐτῷ δέειπνεν ὅτι Ὀρφεὶς ἀπὸ τῶν ἀπὸ τῶν μυστικῶν πα-  
 ραδέδωκε, ταῦτα Πυθαγόρεος ἐξέμαθεν, ὁρμαδεῖς ἐν λεβύδοις τοῖς θεαταῖς.  
 Dein, in Theol. Plat. omnem ait Theologiam Græcicam, interveniū Pythagoræ & Plato-  
 nis, ab Orpheo deductam esse. Ἄσπασα γὰρ ἡ παρ’ Ἑλλήσι θεολογία τῷ Ὀρφικῷ ἐκ  
 μυσαγωγίας ἔκρινεν, πρῶτον μὲν Πυθαγόρεος παρ’ Ἀγλαοφρόνους τὰ περὶ θεῶν ὅρμα  
 διδασκόντων, δευτέρου δὲ Πλάτωνος ἀποδεχάμενος τὴν παντελὴν περὶ τέτων ἐπιστήμην.  
 ἐκ τῆς αὐτῆς Πυθαγορείων καὶ αὐτῶν Ὀρφικῶν γραμμάτων. Denique Syriani l. 2. in  
 commentariis ad Aristotelis Metaphysica, hæc habet, Et tot quidem de Pythagoreis prin-  
 cipiis: quod idem est ac si dicas de Orphicis & Platonici. Idem etiam innuit Hero-  
 dotus, l. 2. c. 81.

Hæc dum mecum revolve, fingere mihi soleo Or-  
 pheum apud suos Thraces, instar Moſis cujusdam  
 apud suos Hebræos; utrumque novæ religionis Pa-  
 trem: Hunc Judaicæ, illum Græcæ aut Ethnicæ;  
 Sic magnis componere parva solebam. Et quemad-  
 modum non incusamus Moſen superstitionis aut ig-  
 norantiæ, licet multas ceremonias, onerosas & inu-  
 tiles, ut nobis videntur, religioni Judaicæ inferuerit,  
 cū populi indoles & animus ferre non poterant  
 præstantiora; ita oportuit etiam Orpheum populi  
 sui mores & ingenium in consiliis habere, neque id  
 quod reipsa optimum erat, aut quod sibi optimum  
 visum sit, instituere, sed optimum eorum quæ gens  
 aspera & agrestis, cū proposita essent, amplecte-  
 retur. Quemadmodum Solon rogatus ecquid opti-  
 mas

mas leges populo Atheniensi scripſiſſet, reſponſiſſe dicitur, *ὅτι ἂν πεποδῆξαιτο τὸς ἀρχαίους.* *Optimas* Plutar. in Solon. *quas accepturi illi erant:* atque idem Solon varia ſacra inſtituit, ex conſilio Periandri, non quod ſibi place- rent, ſed quod populo. Non itaque conſtat Orpheo unquam ex animo placuiſſe Polytheiſmum, quem Juſt. de Morarc. ante obitum palam abdicâſſe dicitur: nec ritus & Theoph. ad Autol. l. 3. ſacra quæ colebat; ſed cùm homines ſylveſtrès in ſocietatem allicere, & aliquali religione imbuere princ. ſtuderet, ineptum & inutile fuiſſet puri numinis Cyriſ. cont. Ful. l. 1. purum cultum his, hominibus dicam, an animanti- bus, proponere. Pura numinis doctrina puruſque cultus ſenſus non tangunt, neque animam affectuſque commovent, ſolâ mente & intellectu percepti. Et cum gentibus moratis excultiſque difficile eſſet hu- juſmodi religionem induere, in homines planè bar- baros quid profeciſſet? Eò res redit, ut verbo di- cam, non quale voluit numen, aut cultum, ſed qua- lia potuit, prædicavit & inſtituit Orpheus.

Moſes autem tantis non laborabat anguſtiis: præter- quam enim quod populum habuit, ignarum licet he- betemque, ſocietati tamen legibuſque non inaffue- tum: miraculis pollebat, & vi divinâ, quibus populo ſuo terrorem incutere, aut auxilium cœlitùs afferre, poterat. Hoc autem inſtar omnium eſt ad ſectendos in quaſcunque partes animos affectuſque huma- nos, cùm divinitùs nocere aut juvare poſſumus. Orpheus autem hâc divinâ potentiâ deſtitutus, qui- bus armis terreret populum, aut quibus artibus at- traheret? Primùm, muſicâ, quâ pollebat, convoca- vit, & coëgit feros homines, & ad auſcultandum dictis diſpoſuit: Dein collectos & audiendi avidos paſcebat fabulis & jucundis narrationibus, quibus ali- quid veri interſperſit. Poſteà cùm mirari & colere

R

coeperint

cœperint suum Orpheum, ausus est ad veritatem propius accedere, ad disciplinam, præcepta & morum culturam, sed cum aliquo semper fabularum condimento; πρὸς τὸ δημαγωγεῖν καὶ τελευτᾶν τὰ πλῆθη. quemadmodum de suo Homero inquit *Strabo*. Tùm Deos & eorum fulmina memorare cœpit, & colendos esse suasit, tanquam rerum omnium dominos; tam ut mala averterent quibus obnoxia est vita mortalis, quàm ut lætam fortunam à cœlo cuique mitterent. Denique Inferos cecinit, Camposque Elysios, impiorum & beatorum sedes; ut extinctâ hâc vitâ haberent adhuc quod metuerent & quod sperarent. Hoc modo, atque his gradibus Theologiam quandam condidit, sed fabulis refertam; & cultum quandam instituit, sed admodum superstitiosum. Neque enim jam optima molitur Orpheus, sed è malis minima. Ac uti vera religio immensè præstat superstitioni, ita superstitio quàm maximè præstat barbariei & vitæ morumque feritati: Neque ab hoc infimo gradu ad supremum ferè ascenditur, nisi per illum medium.

Quoad fabulas, quibus refertam esse doctrinam Orphicam non negamus, earum quidem usus jam exolevit, & nuda veritas omnibus exponitur; credique vix potest hodiè, quanta fuerit olim hujus generis doctrinæ utilitas dicam, an necessitas. Animi inculti & solis sensibus assueti, instar hominum è tenebris aut carcere nuper e ductorum, ferre non possunt clarum veritatis lumen: Sed per fabulas, tanquam per nubem, intueri gaudent. Nec ad morum honestatem & vitæ disciplinam, nec ad religionem & Deorum cultum, rectâ se duci patitur plebs rudis & insulsa, sed ducenda est per ambages. Appositè ad hanc rem, & ad probandam Orphei institutionem *Strabo*, de usu fabularum loquens, *Ὅτι γὰρ ὁχλον τε*



γυναικῶν, καὶ παντὸς χυδαίου πλήθους ἐπαγαγεῖν λόγῳ Lib. 1.  
 δυνατὸν φιλοσόφῳ, καὶ περσκαλίσσασθαι πρὸς ὠσέθειαν,  
 καὶ ὁσιότητα, καὶ πίσιν, ἀλλὰ δεῖ καὶ διὰ δεισιδαιμονίας.  
 τὸ δὲ ἐκ ἀνευ μυθοποιίας καὶ τερατείας. Κερραυνὸς γὰρ, καὶ  
 αἰγὴ, καὶ τελαίνα, καὶ λαμπαδες, καὶ δράκοντες, καὶ θυρσό-  
 λογχα ὅτι θεῶν ὅπλα, μῦθοι. Καὶ πᾶσα θεολογία ἀρ-  
 χαϊκή· ταῦτα δ' ἀπεδέξαντο οἱ τὰς πολιτείας καταστη-  
 σάμενοι, μορμολύκας τινὰς πρὸς τὴν νηπιόφροναν· *fieri enim non potest ut mulierum & promiscuae turba multi-  
 tudo Philosophicā oratione excitetur ducaturque ad reli-  
 gionem, pietatem, & fidem: sed superstitione praterēa  
 ad hoc opus est; quae incuti sine fabularum portentis  
 nequit. Etenim fulmen, agis, tridens, faces, angues,  
 hastaque Deorum thyrsis praefixa, fabulae sunt, atque to-  
 ta theologia prisca. Hac autem recepta fuere à civita-  
 tum authoribus, quibus veluti larvis insipientium ani-  
 mos terrerent. Vides itaque non tantum poetas lusu  
 quodam ingenii, sed Legumlatores virosque sapien-  
 tissimos, ex consilio & ratione, usos esse fabulis & do-  
 cumentis mythologicis, ad constituenda initia vitæ  
 civilis & religionis. Neque pigebit, in hunc finem,  
 alium locum ejusdem authoris adscribere, ubi ratio-  
 nes reddit non ineptas, & utilitatis & voluptatis fa-  
 bularum.* Καὶ πρῶτον, ὅτι τὰς μύθους ἀνεδέξαντο οὐχ οἱ Lib. 2.  
 ποιηταὶ μόνον, ἀλλὰ καὶ αἱ πόλεις πολὺ πρότερον, καὶ οἱ νο-  
 μοθέται, τῷ χρησίμῳ χάριν, βλέφαντες εἰς τὸ φυσικὸν πά-  
 θος τῷ λογικῷ ζῶν. Φιλειδήμων γὰρ ὁ ἀνθρωπῶ· προοί-  
 μιον δὲ τέτυκε τὸ φιλομυθόν· ὀντεῦθεν ἔν ἀρχεται τὰ παι-  
 δία ἀκροᾶσθαι καὶ κοινωνεῖν λόγων ὅτι πλεον. Αἴτιον δ'  
 ὅτι καινολογία τις ἔστιν ὁ μῦθος, καὶ τὰ καθεστηκότα φε-  
 ζων, ἀλλ' ἕτερα παρὰ ταῦτα· ἥ δὲ ἢ τὸ καινόν, καὶ ὁ μὴ  
 πρότερον ἔγνω τις· τὸ δὲ αὐτὸ ἔστι καὶ τὸ ποιεῖν φιλειδή-  
 μονα. Ὅταν ἢ περὶ καὶ τὸ θαυμαστὸν καὶ τὸ τερατῶδες,  
 ὅπτιναι ἢ ἡδονῇ, ἢ περὶ ἔστι τῷ μαυθάνειν φίλτερον. Pri-  
 mi

mum quidem non poëta tantum fabulis receperunt, sed multò ante Civitates & Legumlatores id fecere, utilitatis causâ nimirum, respicientes ad naturales affectus hominis; sive animalis ratione præditi. Cupidus enim cognitionis est homo, ad quam fabularum amor aditum ei parat; hinc namque incipiunt pueri audire, & sermonibus frui magis magisque. Causa autem est, quod fabula novarum rerum narratio est; non ea quæ consuetæ & constituta sunt, sed alia ab his diversa, recensens. Jucundum autem est quod novum & antea ignotum, hocque ipsum cognitionis cupidos efficit. Quod si admirabilia & portentosa fabulis admisceantur, augetur voluptas; voluptas autem, instar philtri, discendi amorem ingenerat. Hujusmodi erat de fabularum usu veterum opinio. His adde; si libet, sententiam *Plutarchi*, quod philosophica fabulis mixta meliùs imbibantur. Ὅτι ἡ τῆς ἐν φιλοσοφίᾳ λεγομένη οἱ σφόδρα νέοι, τοῖς μὴ δοκῶσι φιλοσόφως μηδ' ἐκ τῆς σπουδῆς ἀγεῖσθαι, χαίρουσι· μάλ्लον δὲ παρέχουσιν ὑπηκόους ἑαυτοὺς καὶ χειρότεροι, δὴλόν ἐστιν ἡμῶν ἐν τῷ μόνον τὰ Αἰσώπεια μυθώματα καὶ τὰς ποιητικὰς ὑποθέσεις διερχόμενοι, ἀλλὰ καὶ τὰ περὶ τῶν ψυχῶν δόγματα μεμιγμένα μυθολογία μετ' ἡδονῆς ἐνθουσιῶσι. De hoc autem nobis constat, adolescentulos magis gaudere, libentiùsque obsequi, & tractabiliores se præbere iis philosophiæ dictis quæ philosophicè & seriò dicta non videntur. Non enim tantum *Æsopicas* fabellâs & poëtica argumenta perlegentes, sed etiam de Animabus dogmata, fabulis permixta, divino quodam furore & gaudio corripiuntur. Denique, *Dion Halicarnassensis*, licet fabulas non usquequaque probet, varios tamen affert usus τῶν μύθων Ἑλληνικῶν &, inter cætera, illud, ὅτι δεικνύσθαι τὰ τῆ φύσεως ἔργα διὰ ἀλληγορίας, opera Nature per allegorias explicare. Ab his satis constat quid senserint antiqui de fabularum utilitate, si commodè adhibeantur;

De aud.  
Poët.

Ant. Rom.  
2. p. 91.

antur; tam in religione & philosophiâ, quàm in societate civili constituendâ: Quæ autem de adolescentulis, mulieribus, & vulgò, hîc dicunt, multò magis valuissent Orphei temporibus, cùm pars melior gentis humanæ supra vulgus hodiernum vix assurgebat; cæteris ferarum instar, vitam infociatam agentibus. Longoque post Orpheum ævo, à castis sacrisque apologis non abstinuit Legislator Evangelicus. Sed de his satis.

Hæc, quæ jam diximus, de Orpheo Politico & Legislatore intelligenda sunt. Quid apud se senserit, ut Philosophus, de rebus divinis, de Deo & naturâ, alia planè est quæstio. Moris erat olim viris sapientibus, duplicem habere doctrinam, *δηωδην* & *ἀπορρητον*, *vulgarem & arcanam*: Aliud in pectore, aliud ad populum. Atque hunc duplicem docendi modum habuisse Orpheum, dubitare non licet, cùm, non obstantibus iis quæ in propatulo prædicasset aut instituisset, multa reconditoris Theologiæ & Philosophiæ capita in doctrinâ Orphicâ reperiantur: multaque veterum testimonia & laudes, ipsius, in rerum contemplatione, solertiæ & acuminis, nos certiores faciunt. Facile credo, nihil ab ipso Orpheo scriptum, jam superesse: quod notavit dudum *Origenes ad Cel. Lib. I. sum.* Sed quæ laudantur ab antiquis Carmina, aliave fragmenta, pro *Orphicis*: sive ab Onomacrito, sive Cercope, aut quocunque alio composita: Ea doctrinam Orphicam plurimùm amplecti, non immeritò censentur. Prout *Aurea Carmina*, licet nihil remanserit à Pythagorâ scriptum, ipsius Theologiam & institutionem eatenus exhibere non ambigimus. Ità Thaletis & aliorum Veterum, quorum Scripta perierunt, opiniones & dogmata, ab aliis transmissa, retinemus.



Quæ à Poëtis referantur de Orpheo, non multùm moramur ; quod feras domuerit, quod sylvas & saxa traxerit. Aliaque hujusmodi. Hæc illum in arte musicâ præcelluisse testantur, sed, quoad cætera, mythologicè intelligenda sunt ; prout Horatius rectè exposuit. Quæ verò ab Historicis Philosophicis de Orpheo traduntur, eandem ac reliqua, quæ ab iisdem authoribus tradita sunt, merentur fidem. Referunt autem Orpheum, præter vim admirandam in poësi & cantu, aliaque fœliciter inventa, vitæ civilis, & Religionis initia constituisse. Ita *Pausanias in Bæoticis*,  
 πισερόμην. Ὁρφεὺς εὐρεκένας τελετάς θεῶν, καὶ ἔργων ἀνοσιῶν καθαρμῶς, νόσων τὲ ἰάματα, καὶ τρωπῶς μνημάτων θεῶν. *Deorum initia, & nefariorum facinorum expiationes, creditus est adinvenisse Orpheus : Morborum etiam remedia, & iratorum numinum placationes.*

P. 586.

P. 588.

Quapropter ipsius carmina *Homericis* prætulit, quod religionem magis scaperent. Τιμῆς ἐν τῷ θεῷ, καὶ ἐς πλεόν ἐκείνων ἔχουσι. Sparsit utique primus religionis semina inter Græcos, populosque contiguos, Orpheus : cultumque sacrum jussit. Hoc testantur tam Philosophi, quàm Historici Græci : notantque nonnulli in ipsâ voce *Θρησκεία*, hujusce rei hæreere memoriam. Ita *Suidas*, λέγεται γὰρ ὡς Ὁρφεὺς Θραξ ἐπρωτὶ ἐτεχνολόγησε τὰ Ἑλλήνων μυθήματα, καὶ τὸ τιμᾶν θεόν, Θρησκεύειν ἐκάλεσεν ὡς Θρακίας ἔσης τὴ εὐρέσεως. *Fertur enim Orpheus Thrax primus initia Græcorum instituisse, & Deum colere, vocasse Θρησκεύειν, quasi Thracium esset id inventum, Denique, vitam futuram, ejusque, Deos & virtutem colentibus, fœlicitatem, primus in Græciâ aperuisse videtur : cùm, præcepta sua observantibus, μετὰ τὴν τῷ βίῃ τελευτῶν, εὐδαιμονίαν promiserit. Quod sacrosanctum arcanum, vir divinus, Moses, vix ausus est recludere suis Hebræis. Ὁρφεῶς τελεταὶ*  
 autem

Voc. Θρη-  
σκεύειν.

autem semper, sibi & suis, beatitudinem post obitum polliciti sunt. Hujusce rei index est dictærum *Philippi* in pauperem Orphicum, de beatâ immortalitate differentem: quod *Plutarchus* hoc modo refert. *Προς Φίλιππον ὁ Ὀρφεὺς λέγων παντελῶς πτωχοῦ ὄντα, λέγοντα δ' ὅτι οἱ παρ' αὐτῷ μυηθέντες μετὰ τὸ βίῃ τελευτῶν, εὐδαιμονῶσι, τί ἔν ᾧ αἰσίουτε, εἶπεν, ὃ τῷ ταχίστην ἀποθνήσκεις, ἵνα ἀναπαύσῃ κακοδαιμονίαν τε καὶ πέναν κλαίων; Orphei Sacerdoti, admodum pauperi, dicentique, BEATOS FORE POST MORTEM OMNES, qui ipsius sacris initiati essent: Cur igitur, fatue, inquit *Philippus*, non statim moreris? ut paupertatem tuam & miseriam tandem desinas plorare. Quidni igitur assentiamur *Diodoro*, *Orphea* nostrum, inter Græcos Poëtarum & Theologorum maximum, celebranti his verbis; περὶ τῆ παιδείαν ἀχοληθεῖς, καὶ τὰ περὶ τῆ θεολογίας μυθολογέμενα μαθὼν, ἀπεδήμησε μὲν εἰς Αἴγυπτον, καὶ κεῖ πολλά προσεπιμαθὼν, μέγιστον ἐγένετο τῶν Ἑλλήνων, ἐν τε ταῖς τελεταῖς, καὶ ταῖς θεολογίαις, καὶ ποιήμασι, καὶ μελωδίαις. *Disciplinarum studiis addictus*, de *Orpheo* loquitur, *Cum non vulgarem in Theologiam veterum scientiam comparasset, in Aegyptum profectus multa insuper didicit; ita ut inter Græcos omnes, tum initiationum & Theologia peritiâ, tum poematum & melodiarum artificio, præstantissimus haberetur.* Denique, quod antea dictum est de præmiis & pœnis post mortem, ait hunc Philosophum primum in Græciam induxisse: Τὰς καὶ τῶν ἀσεβῶν ἐν Ἀδύ τιμωρίας, καὶ τὰς τῶν εὐσεβῶν λευκώνας.-----*

Ejusdem rei testes sunt Patres Christiani, qui Theologiam Orphicam præ cæteris celebrem agnoscunt. Ità *Athenagoras*, περὶ εὐλαίαν παρ' αὐτοῖς ἀληθῆς θεοῦ θεολογεῖν. In explicandis rebus divinis cæteris fide dignior visus est *Orpheus*; aut propius ad veritatem accedere.

Lacon. A-  
poth.p.224.

Lib. 4. p.  
162. vel  
232.

L. 1. p. 26.

accedere. Et si excerpta Orphei, quæ occurrunt apud Patres, contuleris : adjunctis, quæ leguntur, sparsim vel collectim, apud Authores exoticos : tot & tam præclara Theologiæ naturalis capita, à Thrace isto, ab antiquitate panè *Mosaicâ*, digesta & constituta, meritò admiraberis. Unum summum Numen agnovit : idque ut nonnulli volunt, Triunum. Neque tamen ignoro, superstitiosa multa, & impura nonnulla, eidem Orpheo objectari à Patribus. Quibus equidem libenter assentior, quoad superstitiones. Neque enim aliter fieri potuit eo quo vixit ævo, eoque cum populo. A rudimentis incipiendum est in omni disciplinâ : ac uti à pueritiâ ad ætatem virilem, ità à superstitione ad castam sanamque religionem, progrediuntur homines. Sed neque humanis sacrificiis, qui mos erat multarum gentium : neque animalium sanguine, Deorum aras conspergebat Orpheus : Ut testis est *Plato*. Eodem etiam respicere videtur *Aristophanes*, his verbis, Ὀρφεὺς μὲν γὰρ τελετὰς δ' ἡμῖν κατέδειξε, φόνων τ' ἀπέχεσθαι. In sacris, pecorum cædibus parcere nos docuit. Quinetiam qui vitam Orphicam ducebant, in communi mensâ abstinerunt ab animalibus. Similemque vivendi modum, Deosque colendi, totamque Theologiam, teste *Jamblico*, ab Orpheo accepit *Pythagoras*. Præterea, non fingebat Deos humanâ formâ Orpheus, ἀλλὰ τῷ παντὶ τὸ φύσιν, & τὸ μορφῇ ὁμοίαν ἔχοντας. Sed *Universo similem, naturam formamque habentes*. Quod animi magni, & supra vulgus elati, indicium erat. Denique, notum est, Tam Orphea, quàm ipsius sequacem, *Pythagoram*, duplici usos esse disciplinâ, vulgari & Philosophicâ : adeoque à sermonibus aut institutis popularibus, sanctiora ipsorum dogmata, sensusque interiores, non esse metienda. Φθέγξομαι οἷς δέμεις ἐστὶ. Δύρας δ' ἐπιθέσθαι

De Leg. 6.  
p. 782.

Ranactra.  
Sc. I.

Vit. Pyth.  
c. 28.  
Id. Ibid.



ὁμοθεοὶ βέλῃλοι, inquit Orpheus, res diviniore pro-  
secuturus; Atque ex iis quæ ibidem sequuntur, cre-  
dit *Justinus* poenituisse Orpheum sui erroris, omnisque De Mon.  
Dei. 104.  
in Deum aut homines contumeliæ. Sed quoad mores  
impuros, quod à nonnullis objicitur, culpam non con-  
stare arbitror. At quemadmodum Christianis mul-  
tas res nefandas & ficta crimina intentabant Ethni-  
ci, ità vicissim Christiani, ficta non dicam, sed levi  
famâ recepta, in Philosophos retorquebant oppro-  
bria; neque, effusis in adversarios Ethnicos vitupe-  
riis, se malè meritos existimârunt de religione no-  
strâ. Sed de hac re satis.

Reliquum est, ut pauca quæ supersunt de Physio-  
logiâ Orphicâ, breviter attingamus. *Universum* ex  
Æthere, Tellurem à Chao, orta esse voluit. De  
utroque hæc occurrunt apud *Suidam*, ex sermonibus  
Orphicis περὶ θεογονίας, desumpta. Εἶπε γὰρ Ὀρ-  
φῆς, ὅτι ἐξ ἀρχῆς ἀνεδείχθη ὁ αἰθήρ ὑπὸ τῆς θεῆς δι-  
μυρρηδαίς. Καὶ ἐντεῦθεν καὶ κείθεν τῆς αἰθέρος, ὡς χάος,  
καὶ νύξ φοβερά πάντα κατέχευε, καὶ ἐκάλυπτε τὰ ὑπὸ τῆς  
αἰθέρος. *In rerum initio primum exhibitus est Æther,*  
*à Deo factus & dispositus. Huic adjacebat, hinc & il-*  
*linc, Chaos: & nox dira tenuit omnia, & occultavit*  
*qua sub æthere erant. Ità Syrianus ait (in Arist. Metaph.*  
*c. 2.) Æthera & Chaos ab Orpheo habita pro prin-*  
*cipiis. His duobus præmittit Tempus, secundum Sim-*  
*plicium, ut omnis generationis mensuram. Μετὰ γὰρ τῆς*  
*μῆαν τῶν πάντων ἀρχῆς, ὡς Ὀρφεὺς καὶ χρόνον ἀνυμνεῖ,*  
*ὡς μέτερον ἦσαν τῇ μυθικῇ τῶν θεῶν γενέσεως αἰδέρα καὶ*  
*τό πελώριον χάσμα παρελθεῖν φησί. Post unum omnium*  
*principium, quod tempus esse, Orpheus carmine celebrat,*  
*tanquam mensuram fabulose Deorum generationis, ait*  
*productum esse Æthera & ingens Chaos. Hæc ità in-*  
*telligi possunt, ac si voluisset Orpheus Æthera &*  

SChaos

Voc. Ὀρφ.  
Apud Ce-  
drenum (p.  
57.) ex Ti-  
motheo an-  
tigno scri-  
ptore, &  
Procl. in  
Tim. 1. 1.  
p. 117.

In Lib. 4.  
φυσ. ἀκούσα.

Chaos fuisse coæva; cui sententiæ ego non astipulor. Sed apud antiquos, aut authores subsequentes qui antiquorum placita nobis retulerunt, Rerum universitas sæpe confunditur cum mundo sublunari: & quod ad alterum duorum separatim spectat, de alterutro, vel ambobus, promiscuè dicitur. Ex Æthere facta est cœlestis & prima rerum fabrica: ex Chao mundus sublunaris; sive Tellus nostra, aliæque similes; idque post multa sæculorum intervalla. Hæc autem quæ seorsim tractanda essent, tam propter materiam quàm tempus, in unum sæpe compulerunt imperiti authores. Sed ad apparatus cœlorum duplicem, errantium & inerrantium, progrediamur.

Plac. ph.  
2. 13.

Stellas fixas ex æthere aut igne compactas crediderunt veteres: & Telaugis Pythagorici discipulus, *Empedocles*, principia Orphica & Pythagorica secutus, modum explicuit quo Fixæ constantur ex æthere; His verbis apud Plutarchum. Ἐμπεδοκλῆς πύρινα τὰ ἀστὲρα ἐκ τοῦ πυρώδους, ὅπερ ὁ αἰθήρ ἐν ἑαυτῇ περιέχων, ἐξέθλιψε κατὰ τὴν πρώτην διάκρισιν *Igneas esse stellas voluit Empedocles; eo ex igne factas, quem in se continens æther, in primâ secretionem eliserit.* Nempe Fixæ constantur ex illis particulis igneis, quas materia cœlestis vel æthereæ, motu circulari acta, deprimit & detrudit ad centrum orbis. Et cum hujus ætheris aut ignis ingens massa collecta est in centro alicujus orbis, hæret ibi immobilis, radiosque emittens undequaque, Stellæ Fixæ vim, formam, & proprietates omnes induit.

Id.

Prætereà statuit Orpheus, Quamlibet stellam esse mundum, in infinito æthere suspensum. Idem Pythagorici asseruerunt. Ἐκαστον τῶν ἀστέρων κόσμον ὑπάρχειν· ταῦτα δὲ τὰ δόγματα ἐν τοῖς Ὀρφικοῖς φέρεται· κοσμοποιῆσι γὰρ ἕκαστον τῶν ἀστέρων. Ut refert

Plut.

*Plutarchus.* Hæc verò de Errantibus libentius intelligo quàm de Fixis: licet has animatas esse, probè nôrim, ex veterum sententiâ. Planetas autem apertius Mundorum nomine insignire solent: saltem si ab exemplo Lunæ de cæteris statuamus. Quid de Lunâ statuere veteres, erudito & eleganti tractatu explicuit *Plutarchus.* Hanc Pythagorici dixere *Terram* *Ætheream* vel cœlestem: etiam Ἀντίχθονα, alteram *Terram nobis oppositam.* Et doctrinam illam Lunarem Orpheo acceptam tulit Pythagoras. Orpheus enim inter Græcos, primus Lunam habitabilem dixit, omnique instructam supellectile orbis habitabilis, tam naturali, quàm artificiali; secundum illa carmina quæ nobis conservavit *Proclus.*

*De fac. in orb. Lun.*

*In Tim.  
Plat. Gi. γ.  
p. 154.*

Μήσατο δ' ἄλλην γαῖαν ἀπείρατον, ἣν τε σελήνην  
Ἀθάνατοι κλήζουσιν ὀπρχθόνιοι δέ τε μήνην.  
Ἡ πολλὰ ἔρε' ἔχει, πολλὰ ἄστρα, πολλὰ μέλαθρα.

*Altera Terra vaga est, quam struxit: quamque Selenem  
Dii vocitant, nobis nota est sub nomine Lunæ.  
Hæc montes habet, ac urbes, adesque superbas.*

Hæc de cœlo, secundum Orphicos. Quoad Tellurem, notum est, eam è Chao excitasse Orpheum, Ovoque similem formasse. Id quod satis expositum est in libro secundo Theoriæ Telluris. Adjiciendum hoc loco, ejusdem Telluris *Incendium*, & post incendium *Renovationem*, pariter dogmata esse Orphica. De priori ita *Cleombrotus*, Anti-stoicus, apud *Plutarchum.* Ὅρῳ ἢ Στωϊκῶς ἐκπύρωσιν τὰ Ἡρακλίτου ἢ τὰ Ὀρφείως ἐπνευμορξήν ἐπη. *Video hanc conflagrationem Stoicam Heracliti & Orphei versus invasisse & invertisse.* Ad posterius, sive rerum instaurationem

*De defect. Or.*



nem futuram, respexisse creditur Orpheus his versibus, apud *Proclum*, aliosque :

In *Tim. St.*  
C. p. 99.  
Cl. *Alex.*  
Str. 5.

Πάντα τὰ δὲ κρύψας, καὶ τοῖς φάσκει ἐς πολυγηθῆς  
Μέλλεν ἀπὸ κραδίης προφέρειν, πολυθέσκελα ῥέζων.

*Quæ prius occultuit, dulces in luminis oras,  
Divino, deprompta sinu, sermone reducet.*

De Physiologiâ Orphicâ, quoad corporum Mundanorum materiam & origines, hæc sufficiant.

De *Nat.*  
Deor. l. 1.

Substitisset hic dissertatio nostra de rebus Orphicis, nisi scrupulum, nimio plus odiosum, injecisset; nonnullorum temeritas aut invidia; Eorum nempe, qui pro nullo haberi volunt, aut inani nomine, τὸ πᾶν Ὀρφέα. Adeoque, in ipsius dogmatis eruendis aut explicandis, perditum iri quicquid operis impendimus. Hujus rei meminit pridem *Cicero* inter philosophandum contra Epicureos: & eandem renovavit nuper vir optimus & eruditissimus, *Ger. Vossius*: & rationes excogitavit qualescunque, ut opinioni suæ fidem faceret, Orpheumque nostrum, non tantum è Poetarum & Philosophorum, sed etiam ex hominum numero deleret & obliteraret. Orpheo

De *art.*  
Pœt. c. 13.

adjungit Musæum & Linum, his verbis: Puto enim *Triumviros* istos pœstos, Orpheæ, Musæum, Linum, non fuisse: sed esse nomina ab antiquâ Phœnicum linguâ, quâ usi *Cadmus*, & aliquamdiu posterius. Sanè *Λινὸν* carmen sive canticum, ac præcipue lugubre, ut ex *Athenæo*, *Eustachio*, *Suidâ*, constat. Nomen ut puto, non quia Linum eo deplorarent, quod Grammaticum est commentum, sed ab Hebræo *לרנ* murmurare, unde *לרננה* telounah, *QUERELA*, *MURMURATIO*: ut *Linus* nomen pœtæ sit lugubria canentis. Musæus absque

absque dubio à Musa, sive מֹשֶׁה, quod à מֹסַר Mosar, ARS, DISCIPLINA. Orpheus itidem à scientiâ nomen habuerit; sanè ARIFA Arabibus est SCIRE, NOVISSE: unde ARIF, sciens, eruditus, doctus. De Lino & Musæo impræsentiariùm non agitur. Id tamen notare licet, tres gentes torsisse virum doctissimum, Phœniciam, Hebræam, & Arabicam, ut ex eorum ore, aut visceribus, hæc tria nomina eliceret. Quem non ex antiquis, hâc arte aut licentiâ, ad figmentum redigere licet? modò sufficiat, nominis etymon qualecunque ex aliquâ linguâ Orientali extundere, atque ea ratione proprium in appellativum liquefacere. Quid si Cadmum, quem memorat vir doctissimus, nomen inane esse dixerò, atque fictum à voce קֶדֶם *Antiquum*? certè aptius respondet vox voci, quàm Arif, Orpheo: neque in Arabiam quæsitum proficiscimur vocis originem, ut ille pro nostro Thrace. Dein, quoad historiam, multò plures meminerunt Orphei, quàm Cadmi. Poëtæ, Græci & Latini: Patres, Græci & Latini: Historici & Philosophi, Græci & Latini. Cui non dictus Orpheus? Imò gentes barbaræ hunc virum non tacuerunt: Ægyptii enim, ex fide Diodori, in sacris commentariis nomen Orphei retinent, præficiuntque sapientum Græcorum agmini, qui ad augendam scientiam, in Ægyptum descendere. Cæterum in hâc re testes optimi sunt Patres Christiani, quotquot contra Gentes scripserunt: quandoquidem eorum interfuit maximè hunc hominem è medio tollere, si minimæ suspicioni locus fuisset. Hunc hominem, inquam, Theologiæ Græcicæ caput & coryphæum: quem ipsi Christo comparârunt aut prætulerunt Ethnici. Neque tamen è patribus quemquam, Orpheum abnegasse, aut celebre illud nomen in dubium revocasse, legimus.

legimus. Denique, res apertior est in Origene & Celsò quàm ut eludi possit ullo modo. Celsus enim semel atque iterum immodicè laudat Orpheum, facitque majorem Mose aut Christo, & præstantiorem

L. 1. p. 14.

L. 7. p. 359.

§ 367.

ὁ δὲ ἦν ὑμῖν ἄμεινον, ἐπειδὴ γε καινοτομήσαι τι ἐπιθυμήσατε, περὶ ἄλλον τινὰ τῶν γενναίως ἀποθανόντων, καὶ θεῶν μῦθον διέξαδαι δυναμῶν, σπουδᾶσαι; φέρε, εἰ μὴ ἤρεσκεν Ἡρακλῆς, καὶ Ἀσκληπίου, καὶ οἱ πάλοι δεδοξασμένοι, Ὀρφεῖα εἶχετε, ἄνδρα ὁμολογούμενως ὁσίῳ χρησάμενον πνεύματι. *Quanto satius esset, si innovare aliquid affectatis, de alio quopiam præclarè mortem perpe-  
so, & divinâ fabulâ digno, cogitâsse? Et si non placuit Hercules aut Æsculapius, aut alii inter præscos gloriam adepti, Orpheum habebatis: VIRUM SINE  
CONTROVERSIÂ SANCTO AFFL-  
TUM SPIRITU.* Vehemens Oratio: Quid his respondet Origenes? Si Orpheum nunquam fuisse credidisset, in promptu esset regerere, Quid mihi objicis, bone vir, umbram hominis? Quid mihi cum tuo Orpheo, quem Sol nunquam vidit? nomen fictitium & fabulare effers, vocem & prætereà nihil. Hoc utique non reponit vir gravissimus; negat Orphei libros jam extare, non hominem ipsum unquam extitisse. Criminatur, quod Deos fecisset ἀνθρωποπαθεῖς: Sed vixisse & claruisse Orpheum, lacessitus non negat.

At docuit *Aristoteles*, inquires, Orpheum non fuisse: teste *Cicerone*, ut supra. Sed ubinam id docuit Aristoteles! quo libro, aut capite? nullus jam extat locus quod sciam, apud Aristotelem, qui hoc testatur. De scriptis quidem Orphicis dubitâsse videtur, atque id forsan ad hominem transtulit *Cicero*. Sed quid denique dicendum de Doctrinâ Orphicâ?

Hæccine

*De Anim.*

L. 1. c. 7.

§. 12.



Hæccine nullum habuit Authorem, nullam originem? neque divinam, neque humanam? Antiquior erat Pythagorâ: hanc enim ille secutus est & excoluit, fatentibus ipsis Pythagoreis. Neque tot unquam fuissent supposititia scripta sub nomine Orphei, nisi verus olim fuisset Orpheus. Quis enim sui operis authorem nuncuparet Hippocentaurum vel Chymæram; nomen inane intelligo, vel rem fictitiam. Si nunquam extitissent Sibyllæ, neque Moses, Solomon, Patriarchæ, tot libros Apocryphos, Pseudonymos, interpolatos, mutuatitiis & ementitis titulis non habuissimus: Uti, sine corporibus, non essent umbræ. Sacra *Orphica* non memoro: Quis ea constituit, ritusque Religionis & Theologiam invexit primus in Græciam non quæro. Sed de Scrip-  
 toribus rerum Orphicarum quid statuendum? Viros bonos planè delirâsse? *Syrianus* & *Proclus* scri-  
 psere in *Theologiam* Orphei: & præterea de con-  
 sensu doctrinæ Orphicæ & Pythagoricæ. Collegisse  
 dicitur Orphei scripta *Pherecydes* Atheniensis. *He-  
 rodotus* Orphei & Musæi historiam scripsit: teste  
*Photio*, cod. 80. Et *Epigenes* denique περί τῶν Ὀρφικῶν P. 191.  
 ποιήσεως: teste *Clemente Alexandrino*. Hos scripto-  
 res aliosque similes, sua nobis narrare somnia crede-  
 mus, de quodam Orpheo? vel istos potius ineptire,  
 qui, virum clarissimum, ab omni ævo populoque,  
 recognitum & celebratum, è natorum hominum cen-  
 su expungere, aut eradere, satagunt. De Orpheo  
 & Orphicis satis.

*Suid. Vcc.*

*Syr. &  
Proc.*

*He. Suid. in Vcc.*

*P. 191.*

*Strom. 5.  
p. 571.*

## C A P. X.

De Philosophis Græcis post Orpheum :  
& primò de Ionicis.

**H**ÆC de Philosophis Græcorum antiquissimis, qui Poëtæ & Mythologi erant, dicta sunt. Sequuntur reliqui, qui sine fabulis, & plerumque sine carmine scripserunt; adeoque à plurimis unicè intelligi solent *Philosophorum nomine*. Hujusmodi sunt, *Thales* cum suis *Ionicis*, *Pherecydes*, *Pythagoras*, *Zenophanes*, *Parmenides*, *Leucippus*, *Democritus*, *Empedocles*, *Plato*, aliique; usque ad *Epicurum* & *Aristotelem*, in quibus desinit antiquitas Philosophica; nisi forsàn apud *Stoicos* aliquid antiquorum dogmatum reperiamus. Solent autem Philosophi Græci dispecsi in suas classes aut scholas, sub totidem Sectarum principibus; sed cùm instituti nostri sit eos tantùm revisere qui philosophiam naturalem coluerunt, tres aut quatuor percurrisse fatis erit, *Ionicam*, nempe, *Italicam*, *Eleaticam*, &, si vacat, *Stoicam*. Idque eo potissimùm fine, ut quid statuerint de *rerum originibus*, brevi discussione pateat: & quæ dogmata primæ inter Græcos philosophiæ poëticæ, quæ antiquo-barbaræ, retinuerint.

Quoad *Thaletem* & classem *Ionicam*, ut inde exordiamur, reliquis antiquiorem, semimillennio vel circiter, à captâ *Trojâ*, florebat: ut lucem cæteris ferre non immeritò videatur. Unus erat è philo-  
sophis

sophis peregrinantibus, ac inter primos, Thales: <sup>Famb. de vit. Pyth. c. 2.</sup> suavitque Pythagoræ, ut eâdem viâ sapientiam quæreret: non domi, sed apud Ægyptios sacerdotes, *Memphiticos & Diospoliticos*, ubi ipse institutus fuisset. Imò, referente *Laertio*, nullum, præter Ægyptios sacerdotes, præceptorem habuit, *ἔδεις τε αὐτὸ καὶ διηγήσατο, πάλιν ὅτ' εἰς Αἴγυπτον ἐλθὼν τοῖς ἱερεῦσι συνδιέτριψε.* Quin ipse Thales exterus erat origine, *Phoenix* scilicet, vel ex familiâ *Phœniciâ*; ac proinde *Arctos minor* sive *Cynosura*, ab ipso pri- <sup>Hygin. Astr. poet. l. 2. c. 12.</sup> mum observata, dicta est *Phœnice*. Triplicem aut quadruplicem, apud Græcos, in literis primatum obtinuit, in Geometriâ, Astronomiâ, Physicâ, & denique quod animos immortales esse primus dixerit. Hoc autem Orphicis potius dandum esse videtur, qui in futurâ vitâ felicitatem suis pollicebantur. Quoad Geometriam verò, & Astronomiam, facili-credo Thaletem in his scientiis non tantum Græcos anteriores, sed etiam Ægyptios gentesque barbaras præcelluisse: non quod ille perfecerat ea studia, aut magnoperè provexerat, sed quæ parva sunt incrementa, si ad hodiernam Mathematicam comparentur, rudis adhuc Græciæ, atque etiam exterarum gentium mathemata, faciliè superabant. Quod triangula circulis inscripserit aut circumscripserit, circulo solve triangulis: Quod æquinoctia & solstitia notaverit: Quod Eclipses Solis prædixerit: Hæc illi data sunt eximie laudi; quæ tamen in hodiernis studiis mediocria habentur. Denique quoad scientiam Physicam, quæ propius accedit ad propositum nostrum, dicitur Thales de hac primus dissertationes instituisse; *πρῶτον δὲ καὶ περὶ φύσεως διελέχθη, ὥς τινες.* <sup>A Laert.</sup> nonnullis fertur, eum primum de Naturâ disseruisse. Quod non aliter intelligendum esse cenſeo, quàm si dixisset



dixisset Thaletem fuisse primum Philosophum Physicum, *proprium & genuinum*. Plures ante Thaletem de naturâ differuerant inter gentes barbaras, & inter Græcos nonnulli, quos jam jam recensuimus, sed vel mythologicè scripserunt, vel physiologiam suam cum Theologiâ permiscebant, ut soliti sunt veteres; Thales autem primus de naturâ purâ putâ differuit, sine fabulis aut commentationibus Theologicis. Cum itaque apud Aristotelem, aliosque veterum, οἱ φυσικοὶ & οἱ θεολόγοι distinguuntur, inter Theologos, primum locum habet Orpheus, ipsiusque sequaces: inter Physicos Thales, & qui, more Thaletis, de rebus naturalibus nudè & simpliciter philosophantur.

Sed de dogmatis physicis hujus Philosophi nihil superest notatu dignum, præter illud de *Aquâ*, rerum omnium principio. Ἀρχὴ τῶν πάντων ὕδωρ. ὕποψήσατο, inquit *Laertius*: sive, ut *Galenus* habet, ἐν τῷ ὕδατι συνεστάναι πάντα. Nempe in hoc mundo sub-  
 2 Pet. 3. lunari. Quod affine est philosophiæ Sancti Petri Apostoli, qui mundum primigenium, ἐξ ὕδατος, & δι-  
 1 Metaph. ὕδατων συνεστάναι voluit; *Aristoteles* memorat hoc  
 6. 3. dogma de *Aqueis rerum primordiis* priscis viris & primævis Theologis adscriptum esse; cum de hâc re verba faciens ait, εἰσὶ δὲ τινες οἱ καὶ τὴν παμπάλαιον, καὶ πολὺ πρὸ τῆ νῦν γενέσεως, καὶ πρώτης θεολογήσας ἔως οἰόνται περὶ τῆ φύσεως διαλαβεῖν. Neque quidem ab-  
 ludit *Moses*, Theologorum antiquissimus, ab hâc senti-  
 tentiâ. Sed non integram Cosmogoniam complecti-  
 tur hoc Thaletis Decretum, cum mundi *materiam* tantum notet, non compositionis modum, aut quam-  
 tandem formam assecuta sit hæc materia fluida. Qua-  
 re ut pedem paulò ulterius promoveamus, non abs re-  
 erit *Anaximandrum*, *Anaximenem*, *Anaxagoram*, *Ar-  
 chelaum*, ipsius Sectatores, consulere. *Anaxagoras*  
 huic

huic materiæ fluidæ præfecit *Mentem*, ducem & præfidem; Nota est ipsius sententia, Libri, quem scripserat, initium; Πάντα χρήματα ὡς ὁμίᾳ, εἴτα ἑὸς ἐλθὼν αὐτὰ διεκόσμησε. *Omnia simul confusa erant, dein MENS superveniens ea ordine disposuit.* Hinc à suis & à posteris appellatus est ἑὸς, sive *MENS*. Titulus, me iudice, honorificentior, quàm *AFRICANUS*, aut *ASIATICUS*. Unde de eodem meritò dictum est, εἰς δὲ πρῶτον διήρθρωσε τὴν περὶ ἀρχῶν λόγον· ἔγδ' μόνον περὶ τῶν πάντων ἐστίας ἀπεφάνητο, ὡς οἱ περὶ αὐτοῦ, ἀλλὰ καὶ περὶ τῶν κινήσεων αὐτῶν αἰτίαι. *Hic primus rectè ordinavit doctrinam de Principiis.* Neque enim de universi tantum naturâ, sive rerum omnium materiâ, uti priores illo, sed etiam de motû ipsius causâ & auctore philosophatus est. Hoc utique, sive à *Lino* acceperat, ut vult *Laërtius*: sive aliunde, viam aperit ad veram Cosmopœiam; nam, sine causâ efficiente, iners & stupida res est materia. Euseb. præp. Ev. l. i. c. ult.

Modum verò & ordinem quo hanc massam digessit, ὁ λόγος δημιουργός, ex solâ ratione gravitatis explicuit *Anaxagoras*, his verbis, Νῆν μὲν ἀρχὴν κινήσεως τῶν δὲ σωμάτων τὰ μὲν βαρέα, καὶ κάτω τοπων, ὡς τὴν γῆν· τὰ δὲ κῆφα, καὶ ἄνω ὅπως αἶν, ὡς τὸ πῦρ· ὁ δὲ ὕδωρ καὶ τὸ ἀέρα, καὶ μέσον. *Motûs quidem initium à Mente proficisci: Corporum verò que gravia sint, ea inferiorem locum obtinere, ut Terram; Levia autem superiorem, ut Ignem. Aerem verò & Aquam, medium.* Rectè quidem; En quatuor elementa disposita secundum suas sedes naturales; sed ubinam habitabimus, in quâ parte aut regione hujus mundi, nos & animantes? Terra est nucleus hujus globi elementaris, atque aquis totâ cooperta: ut sicca fiat, quâ ratione efficiet? quibus causis, aut machinis, aut instrumentis? Hic semper hæsit aqua Græcis philosophis: Hâc difficultate nun-

quam se expedire potuerunt ; Ità scilicet disponere elementa, maximè aquam, ut superesset Terra habitabilis. Θεὸν ἀπὸ μηχανῆς hīc accersivit *Moses*, ad dissipandas aquas ; & rectè quidem, quū ei apud populum res agenda esset. At si rationis & philosophicæ castra non deseramus, quā vi aut arte excutiemus hanc aquarum molem ? Nequeunt, nec Aristoteles, nec Epicurus, nec Græcorum quisquam, hunc nodum solvere. Tentârunt quidem, excavando terram internam, vel fingendo, nescio quas lacunas ; sed gratis & ἀριλοσόφως. Quin ipse Anaxagoras idem tentasse videtur, neque magis aptè : sequitur enim apud Laërtium, ἦτοι γὰρ ὅτι τῇ γῆς πλατείας ἔστι, καὶ θάλασσαν ὑπερσῆναι, διατυμδιέντων ὑπὸ τοῦ ἡλίου τῶν ὑγρῶν. Quid hoc sibi vult, ὅτι τῇ γῆς πλατείας ἔστι, non facillè pater. Sententiam ità reddidit Aldobrandinus, sic enim in terrâ, quæ lata sit, mare subsidere, humore à sole extenuato. Sed quid confert ad subsidentiam maris, Terræ latitudo ? si dixisset, quod profunda sit, aut quod cava sit, causam aliqualem indigitaasset : Quare facillè suspicor mendum esse in vocæ πλατείας, & legendum βαθείας ; ὅτι τῇ γῆς βαθείας ἔστι καὶ θάλασσαν ὑπερσῆναι. Quam conjecturam eò libentiùs amplector, quod Anaxagoræ discipulus, Archelaus, ita rem intelligere videatur ; sic enim ait, Τὴν γὰρ θάλασσαν ἐν τοῖς κοίλοις διὰ τῇ γῆς ἡθυμένην συνεστάναι. Neque aliter sensisse Anaxagoram ex Aristotele & Seneca colligere licet. Sed hoc obiter.

*Meteor.* l. 2.  
c. 7. *Sen.*  
l. 6. c. 9.

Esto, in profundis & cavernis terræ voluisse Anaxagoram mare sive Oceanum substituisse. Sed quid excavavit terram ? sive illum nucleum terrestrem, tot tunicis & operculis, aquæ, aëris, & ignis, munitum ? Cū ab initio omnia essent confusa fluidaque juxta hanc philosophiam Ionicam, & particulæ gra-

viores



viores descenderent versus medium, à cæteris omnibus circumstipatæ, illud corpus medium, integrum & indivisum, spissumque fore, intus & extra plenum, & uniforme, quis non videt? Quod etiam à nobis alibi *Theor. Saturni l. 1. c. 11.* ostensum est fufus. Quare frustra sunt qui in hâc Terrâ subaquaneâ & uterinâ, ut ita dicam, cavernas, & montes, cæterasque hodiernæ telluris inæqualitates quærunt. Atque hunc errorem errârunt omnes Græci, semperque in hâc parte Cosmopœiæ laborârunt; dùm scævo & inani consilio derivare aquas cuperent in nescio quas cavitates, cum non derivandæ essent, sed novo terrarum orbe, vel fornice, cooperiundæ; quod unicum est τῆς κοσμοποιίας mysterium. Ait *Stelenus*, *Anaxagoram* dixisse, *cæli fornicem lapideum* esse, & conversionis celeritate contineri, ne ruat: casurum verò ubi remittetur motus. *Philosophia* crassa & *Anaxagorâ* indigna, nisi hanc, fornicis superioris, aquis circumstructi, mutilatam esse memoriam, & per historici imperitiam & ἀφιλοσοφίαν, quod apud *Laërtium* non infrequens esse existimo, corruptam, & in cælum translatam, supponamus. Certè *Anaxagoras*, nec formam cæli, nec motus astrorum, in primævo mundo, ignoravit; quarum rerum non vulgarem notitiam produnt verba quæ proximè sequuntur apud *Laërtium*. Τα δ' ἄστρα καὶ ἀρχὴς μὲν διολοιδῶς ἐνεχθῆναι, ὥστε κατὰ κορυφὴν τῆ γῆς τὸ αἰὲ φαινόμενον εἶναι πόλον, ὥστερον δ' ἢ ἐγκλισιν λαβεῖν. Ubi illa πορὰ διολοιδῶς astrorum, & dein πόλον ἐγκλισιν; primam cœlorum formam, vel Telluris situm, indicant, & quæ postea accessit, mutationem. Quod suo loco satis probatur.

Hæc de mundi sublunaris & inanimati ortu: Quoad animatum, addidit præterea *Archelaus*, Τα ζῶα ἐκ τῆ ἰλύος γεννηθῆναι: quod verè antiquum est; ἰλὺς

ἰλὺς πρωτογενῆς, & Ægyptiis, & Phœnicibus, aliis verbis memoratur. Et quæ sequuntur verba, γενναῖα δαί τὰ ζῶα ἐκ θερμῆς τῆ γῆς, καὶ ἰλὺν παραπλησίαν γάλακτι, οἷον τροφήν, ἀνείσης, solum Ægyptiacum sapiunt. Tota quidem hæc ζωογονία philosophiæ antiquo-barbaræ non malè respondet; neque sacræ repugnat, si Anaxagoræ *Mentem* his omnibus præesse & præsidere recordemur.

Ut hæc de Archelao claudamus, liceat hic obiter mendum in Laërtio, ut antea in Anaxagoræ vitâ, notare, quo planè pervertitur sententia. Ex humore deducit omnia elementa Archelaus, idque attenuando vel conspissando, quod his verbis protulit Laërtius, Τηκόμλον, φησί, τὸ ὑγρὸν ὑπὸ τῆς θερμῆς, καθὼς μὲν εἰς τὸ πυρῶδες συνίσταται, ποιεῖν γῆν. Καθὼς ὅ περὶ ῥῆς, ἀέρα γεννᾷν. Quis non videt mentem Archelai? Humor spissatus Terram constituit, laxatus & diffluens, aërem. Laërtii autem verba, si verè reddantur, ita sonant, *Humorem, inquit, calore liquefactum, in quantum in naturam igneam concrevit, Terram facere, &c.* Qualis, quæso, sententia? Estnè concretio, cùm Aqua transit in Ignem, qui tenuior est? & an ignis factus, immediatè constitueret Terram? quare pro πυρῶδες scribendum omninò πηλῶδες. Atque ita clara sunt, & cohærent omnia.

Sed ut progrediamur; Illud unum de *MENTE*, rerum omnium præside, & motûs omnis principio, manet; æternumque manebit, hujus philosophiæ decus & ornamentum. Luce charior est illa sententio-  
la, Νῦν μὲν ἀρχὴν κινήσεως: *Omnis motûs in materiâ mentem esse principium.* Quod ita retulit Aristoteles, φησί

*Phys. auscul.*

*l. 8. c. 1.*

ἢ Ἀναξαγόρας ὁμῶς πάντων ὄντων καὶ ἡρεμένων τὸ ἄπειρον χερόνιον, κίνησιν ἐμποιῆσαι τὸ νῦν καὶ διακρίναι. Notandum enim duo contineri in illâ doctrinâ Anaxagori-  
câ,

câ, primùm *Mentem* esse principium omnis motus in materiâ; quæ ex se iners & immobilis est. Secundò *Mentem* esse authorem omnis ordinis in hoc motu; ideòque τ διακοσμήσεως, pulchræ & ornatae compositionis mundi; quam alii, aut casui fortuito, aut necessitati, temerè attribuerunt. Τοῖς ὅλοις πρώτῳ. εὐτυχὴς ἐδ' ἀνάγκην διακοσμήσεως ἀρχὴν, ἀλλὰ νῦν ἐπέτρεψε. Inquit *Plutarchus* de *Anaxagorâ*. In Pericle.

Quare in hoc argumento præclarè se expedierunt philosophi Ionici, quoad mundi causam efficientem & intellectualem; quoad principium ipsius materiale, id aliter atque aliter exprimunt; sed in eo conveniunt omnes, hanc materiam primam particulis minutis, atque variè motis, constituisse. Hanc fluidam esse voluit *Thales*, & appellavit *Aquam*: volatilem *Anaximenes* & nominavit *Aerem*; Neque refert utrum dixerint, cùm ex hoc aut illo reliqua elementa constituerint. Atque has particulas alii similes, alii dissimiles esse voluerunt: idque innumeris modis. Hæc opinionum discrimina, quæ variè à variis recitantur, nullius sunt momenti: cùm inter philosophandum, ubi paululùm progressus fueris, eodem redeant; nomine magis quàm re diversa. Quare pro doctrinâ hujus Sectæ circa rerum ortum, satis erit constituere particulas minutas, & mobiles, easque primùm confusas, postea in ordinem adductas à mente divinâ.

Præterea, hanc materiam fluidam in vortices disposuit *Anaxagoras*, vel à mente motrice ita dispositam statuit. Hoc nos docet *Plato* in *Phædone*, ubi P. 99. *Socrates*, causarum physicarum ignarus & fastidiosus, ingenium philosophicum *Anaxagoræ* inscitè fugilat: & inter alia, vorticem ab eo Telluri circumpositum, per ludibrium, memorat. Hanc doctrinam

Anaxa-



Anaxagoræ explicitiùs memorat, & eodem ferè animo, *Clemens Alexandrinus* : his verbis, ἐπεὶ καὶ Ἀναξαγόρας πρῶτον ἐπέστησε τὸ νῦν τοῖς περὶ γμασιν· ἀλλ' ἐδέετο ἐτήρησε τὸ ἀξιόν τὸ ποιητικόν, δίδως τινὰς ἀνοήτους ἀναζωγραφεῖν, σὺν τῇ τῷ νῦ ἀπραξίᾳ τε καὶ ἀνοίᾳ. *Primus enim Anaxagoras Mentem rebus adjecit : sed nec ille dignitatem servavit causæ efficientis, Vortices, nescio quos, amentes describens, cum mentis ab agendo cessatione, & quasi amentia. Ludit in vocibus νῦς, εἰόντες, ἀνοία : Mens, Amens, Amentia. Id autem vitio dat Anaxagoræ, quod in mundo condendo, rerum materiâ in vortices compositâ, mentem, quam introduxerat, otiosi finat. Nempe id sæpe accidit viris optimis, Socratis & Clementis similibus, ut ex amore causarum divinarum, inferiores & materiales negligant & fastidiant. Quæ tamen locum suum habent, & taceri non debent, in ordinatâ rerum explicatione.*

Denique quoad cælos & corpora cælestia, mirum quantum profecerant in eorum cognitione Ionici. Regiones cælestes æthere constare : Planetas esse corpora opaca, atque Fixas ignea, quod summa est physicæ cælestis, videntur rescivisse. Itâ Animaxander, Τὴν τε σελήνην Ψευδοφαῖν, καὶ ἀπὸ ἡλίου φωτίζεσθαι. Idemque Anaximenes, apud Theonem \*. Progreditur ultrâ Anaxagoras, asseritque Τὴν σελήνην οἰκίσαις ἔχειν, ἀλλὰ καὶ λόφους καὶ φάραγδας. *Habitari in Lunâ, sed & esse in eâ colles & valles. Quare Plato in Apologiâ Socratis, Miletum sic alloquitur, ἐπεὶ τὸ μὲν ἥλιον, λίθον φησὶν εἶναι, τὴν δὲ σελήνην γῆν. Ἀναξαγόρου οἷε κατηγορεῖν. Rectè igitur Plutarchus, ὁ γὰρ πρῶτον σαφέστατον γε πάντων καὶ θαρραλεώτατον περὶ σελήνης καταυγασμῶν καὶ σκίας λόγον εἰς γραφὴν καταδέδωκε Ἀναξαγόρας.*

Denique idem ait in genere de Thalete : Θαλῆς καὶ οἱ

*Sicrom. 2.  
P. 364.*

*Vid. Plut.  
de Orac. de-  
sect. p. 435.*

*Arist. Meteor. 1. 3.  
Plut. de plac. Phil.  
2. 13.  
Laert.  
\* In Astron.*

*In Nicia  
P. 538.*

*De Plat.  
philos. 1. 2.  
c. 28.*

ἀπὸ αὐτῆς, ὑπὸ τῆς ἡλίου φωτισεῖσθαι ἢ σελέην. *Thales*, & qui ejus sequuntur decreta, aiunt, à Sole illustrari Lunam. Quoad Fixas & Solem, notum est Anaxagoræ dictum, quod ei vitâ penè constitit apud Athenienses, Solem esse μυσθὲν διάπυρον, *massam ignitam & candentem*; quod quidem materiam ardentem, sed crassam solidamque indicare videtur. Anaximander autem asseruit solem esse καθαρώτατον πῦρ, liquidum-purissimumque ignem. His observatis, si, quæ de Lunâ statuerunt, ad cæteros Planetas; & quæ de Sole, ad cæteras Fixas, extendantur: Et nobiscum-repetamus, quo tempore vixerint hi philosophi, Græcorum vetustissimi, veram cælorum physiologi-  
am, quam nuperis sæculis restitutam vidimus, anti-  
quis sapientibus non ignotam, gratulabimur. Addam denique, in laudes Anaxagoræ, non tantum gene-  
ralem cælorum doctrinam, sed etiam veteris novi-  
que formam, atque motuum discrimina: sive ex cau-  
sarum intuitu, sive priscâ traditione, ei innotuisse;  
prout antea notavimus.

Hæc cum ita sint, quî poterant ignorare, inquis, motum Telluris, verumque mundi systema, hi philosophi Ionici? Neque id ignorasse mihi videntur. Nam qui cælos fluidos esse statuunt, orbisque singulos more vorticum circumferri, impedire nequeunt quo minus unâ volvantur corpora quæ hisce vorticibus implicita sunt. Et speciatim quoad Tellurem, huic vorticem hujusmodi circumposuit *Anaxagoras*, διὴν περιεῖδὲς τῇ γῇ, ut dicitur apud *Platonem*. Quamobrem non potuit non rotari circa suum axem Tellus. Dein quoad motum annuum, dixit *Anaxi-* ut supra  
*mander*, referente Theone Smyrneo, ὅτι ἔστιν ἡ γῇ μετέωρη, ἣ κινεῖται περὶ τὸ τῆς κόσμου μέσον. Quod Terra in sublimi pendeat, & moveatur circa mundi  
U medium.

*medium.* Quod de motu ipsius circa Solem facillimè intelligitur. Hæc quidem aptè cohærent, tam inter se, quàm cum sententiâ-Pythagoræ, qui hunc Thaletem, primum habuit studiorum ducein. Sed in colligendis & interpretandis antiquorum dogmatis, erunt semper quædam dubia & incerta.

Hæc de philosophis Ionicis; Quorum doctrinam de cælo & universitate rerum, miraberis forsân tam prope accedere ad hodiernam: aut me reum ages *ἐλαρχαίτην*, quasi ex affectu studioque erga veteres, illorum philosophiam nimis adornâssem. Fateor me, quâ potui, tam in hac quàm in aliis dissertationibus, favisse antiquis: ac è multis sententiis quæ sub eorum nomine circumferuntur, quam duxi optimam & veritati proximam, præ cæteris semper elegisse. Idque æquum esse videtur: consumptis enim pluribus, aut vitatis, longinquitate temporis, siquid præclari superest, tanquam è naufragio ereptum, amplecti & gratulari debemus. (Præterea notandum est, Philosophos Gentiles sæpenumerò celasse sua dogmata, metu vulgi: idque maximè, cum de rebus cœlestibus ageretur: ne, libertate nimîâ, Deorum maiestatem læsisse viderentur. Quamobrem, cùm de Sole, & Lunâ, cæterisque stellis, liberiùs loqui apud populum periculosum esset, curâ illis fuit, ut de his, non nisi parcè, & privatim, ac inter amicos differeretur: ne, in sui & suorum damnum, foras proreperent secretiores animi sensus. Hoc optimè animadvertit, loco *in Nicia.* suprâ citato, Plutarchus, & exemplis confirmavit. Audiamus, si placet, ipsius verba. Cùm dixisset Anaxagoram, doctrinam de illuminatione & obumbratione Lunæ, primum scriptis prodidisse, hæc subdit, *ὃ δ' ὁ λόγος ἐνδοξός ἐστι, ἀλλ' ἀπὸ ῥῆτῃς ἐτι καὶ δι' ὀλίγων, καὶ μὲν ἐυλαβεία τινὸς ἢ πίστεως βαδίζων· καὶ ἡ νεύουσα*



χοῖο τὰς φυσικὰς καὶ μετεωρολογίας τοτὲ καλεσμένους, ὡς εἰς αἰτίας ἀλόγους καὶ δυνάμεις ἀπεροσώτους, καὶ κλῆνα γαστρὶα πάθη, διατρίβουσαν τὸ θεῖον. *Non erat celebris aut famosa illa doctrina, sed abdita & arcana: atque versabatur cum cautione, vel sub fide, inter paucos. Neque enim ferebant Physicos, & de rebus cœlestibus philosophantes: quòd, ad causas rationis expertes, cœcasque potentias, & effectus involuntarios, divinum numen astringere viderentur.* Dein hujus odii popularis in Philosophos exempla subjecit, his verbis, ἀλλὰ καὶ Πρωταγόρας ἔφυγε, καὶ Ἀναξαγόραν εἰρχθέντα, μόλις περὶ εὐνοίας Περικλῆς καὶ Σωκράτης, ἐδὲν αὐτῶ τῷ γε τοιούτων προσήκον, ὅμως ἀπώλετο διὰ φιλοσοφίαν· ὅψε δ' ἡ Πλάτωνος ἐκλάμψασα δόξα, διὰ τὸ βίον τῷ ἀνδρὶ, καὶ ὅτι τὸ θεῖον καὶ κυριώτερας ἀρχαῖς ὑπέταξε τὰ φυσικὰς ἀνάγκας, ἀφῆλε τὸ τῷ λόγων τέτων διαβολὴν, καὶ τοῖς μαθήμασιν εἰς ἀπαντία· ὁ δὲ ἐνέδωκεν. *Quin & Protagoras in exilium ivit: & Anaxagoram in vincula conjectum, non sine magno labore liberavit Pericles. Socrates etiam, licet nihil illi cum istis commune, tamen Philosophiæ nomine sublatus est. Tandem verò effulgens Platonis gloria, tam propter vitam virtutemque viri, quàm quod divinis & potentioribus causis necessitatem physicam subjecerit, hanc calumniam deterisit, omnibusque ad disciplinas viam aperuit. Causas Physicas rerum cœlestium ferre non potuit antiquum vulgus: nec dum ferre potest Solis quietem, Terræque motum, tam doctorum quàm indoctorum vulgus. In omni ævo, ut vides, veritas odium parit: & incommoda res est, liberè philosophari. Non immeritò igitur Doctrinam arcanam apud se retinuerunt præci sapientes: non tantùm quòd esset supra captum vulgi, sed etiam contra affectum geniumque. Hinc etiam licet conjectare, Antiquæ Philosophiæ historiam,*

non modò per injurias temporis, sed etiam metu & concilio Scriptorum, mutilam esse magnâ sui parte: Eâque præstantiori, arcanâ scilicet, & minùs vulgari. Et siquid verum rectumque sit, *ὃν τοῖς σωζομένοις*, siquid pulchrum aut eximium in hisce reliquiis, Id quidem genuinum esse fœtum primi Authoris: non ab Historico vel commentatore genitum, sed conservatum, æquum erit credere. Siquid verò secus fuerit, & à ratione alienum, non pari jure id primo authori adscribitur: cùm ex multis causis, & mille modis, oriri possit vitium & corruptela: nec sit verisimile, Eum, qui Historici vices egit, accuratiorem, quàm ipsos Philosophos, de rerum naturâ doctrinam adinvenisse. Denique, ut propositum ab initio sermonem claudamus, Quoad Cœlos & Sydera, extra dubium est, Antiquissimos Philosophorum statuisse Stellâs esse Igneas, (de quo postea erit dicendi locus). Lunamque, Terrestrẽ: ut minimè mirum esse possit, idem sensisse Ionicos, Physicorum præcipuos. Quapropter eorum nomine, & maximè Anaxagoræ, reliquos omnes mordet *Tatianus*, cùm ait, *πὼς περὶ ἡμῶν τοῦ λέγοντι μύθεον τὸ ἥλιον, καὶ τὸ σελήνην γινώ;* *Qui credam dicenti Solem esse bolum ignitum, & Lunam esse terram, vel terrestrem?*

Cont. Græc.  
m. p. 164.

De Philosophiâ Ionicâ plura dicenda essent; nisi in hâc, ut in cæteris antiquis, periissent præcipua monumenta. *Galenus* memorat Librum *Thaletis*, *περὶ ἀρχῶν*: nisi forsan error sit: alii enim *Thaletem* nihil scriptis reliquisse aiunt. Sed *Anaxagoræ* syntagma, cujus modò præclarum initium retinemus, exitit olim literis mandatum. Sua etiam placita *Anaximander* summatim conscripta reliquit: teste *Laërtio*. Atque suam *Physiologiam* *Archelaus*: teste *Suidâ*. Denique, non minùs desiderantur quæ

περὶ ἡμῶν  
Thaletis.  
Oy. 15.

ab.

ab aliis tradita & lucubrata fuerunt in hac philosophiâ, maximè à Theophrasto, qui de Anaximene, <sup>Laert. in</sup> <sup>Theophr.</sup> Anaxagorâ, & Archelao, eorumque dogmatibus, commentarios edidit. Hæc autem cùm exciderint omnia, Philosophiæ Ionicæ non nisi tenuis notitia apud posteros remansit. Hactenus de Thalete. suisque Ionicis.

## C A P. XI.

### De Pythagora, & sectâ Pythagoricâ.

SEquitur Pythagoras, & Philosophia Italica ab eo constituta: sæculo ante natum Christum, sexto vel septimo. Cùm verò, aut prorsus nihil scriptum reliquerit hic philosophus, ut volunt plures: vel nihil quod diù superstitit: Nulla ferè dogmata physica hujusce Sectæ ad tempora nostra pervenerunt. Unus erat è Græcis peregrinantibus Pythagoras, neque eorum quisquam plus temporis insumpsit, aut plus laboris & molestiæ subiit, in antiquâ apud gentes exteras sapientiâ investigandâ. Suum ad Ægyptios iter suscepit suasu & consilio Thaletis, qui, in maximum virum, illum evasurum esse prædixit, si his præceptoribus uteretur. Audiamus Jamblicum hanc <sup>Vin. Pyth.</sup> de re. Μεταδὲ: ὁ Θαλῆς ὅσον ἠδύνατο μαθημάτων, τὰς γῆρας τε τὸ ἐαυτῷ αἰτιασάμενος, καὶ τὴν ἐαυτοῦ ἀδίνειαν, περιέβητο εἰς Ἀιγυπτίον διαπλεῦσαι, καὶ τοῖς ἐν Μέλφαι,



καὶ Διὸς μαλίστα, συμβαλεῖν ἱερεῦσι.---ἂ μὴ τοσέτων γε  
 προτερημάτων, ἢτε φυσικῶς, ἢτ' ὑπὸ ἀσκήσεως; ὅπτε-  
 τυγχίναται ἑαυτὸν ἔλεγεν, ὅσων τ' Πυθαγόραν καθώ-  
 ρισεν· ὥστε ὅκ παῖς ἐυηγελίζετο, εἰ τοῖς δηλημένοις  
 ἱερεῦσι συγγένοιτο, θεοτάτον αὐτὸν καὶ σοφώτατον ὑπὲρ  
 ἀπαντὰς ἔσεσθαι ἀνθρώπων. *Postquam Thales, quantum*  
*poierat, in disciplinis ei contulisset, senectutem suam*  
*corporisque imbecillitatem causatus, in Ægyptum ipsum*  
*trajicere, & cum Memphiticis, ac maximè Jovis, sacer-*  
*dotibus, versari & conferre, adhortatus est. Se quidem*  
*aiebat non tam excellentium prerogativarum factum esse*  
*participem, vel à naturâ vel ab exercitatione, quantis*  
*præditus erat Pythagoras. Quare semper annunciabat,*  
*aut, cœu fœlix faustumque nuncium predicabat, Pytha-*  
*goram, si cum dictis sacerdotibus versaretur, divinissi-*  
*imum, & mortalium omnium sapientissimum, evasurum*  
*esse. Magnificum satis elogium, & vaticinium: &*  
*à viro verè magno profectum. Qui, præconis in-*  
*star, lætum nuncium affert de futuro Prophetâ, se*  
*quidem multò majore, & tantum non supra sortem*  
*humanam surrecturo.*

*Fambl. de*  
*vīt. Pyth.*  
*c. 4.*

Consilio monitisque Thaletis obtemperavit Py-  
 thagoras, & suscepto in Ægyptum itinere, per vi-  
 ginti duos annos inter sacerdotes, gentis istius Phi-  
 losophos & Theologos, studiis incubuit. Quantâ  
 autem diligentia, quibusque artibus, sacram & ar-  
 canam Ægyptiorum doctrinam exquirere & expiscari  
 contendit, ex dictis antea de sacerdotibus Ægyptiis,  
 & de Thalete, jam satis patuit. Neque Ægyptios  
 tantum, sed Arabes etiam, Hebraeos, Babylonios, Per-  
 sas, Phœnices, suâ peregrinatione philosophicâ, qua-  
 draginta plus minùs annorum, velut prædo literarius,  
 invisit & expoliavit. Denique, quò se magis insinu-  
 aret in singulorum adyta & arcana, omnium ferè, tam  
 Græcorum

Græcorum quàm Barbarorum, sacris initiatum fe-  
runt. Hæc, & hujusmodi multa, legere est apud <sup>Laert. de Pyth.</sup>  
*Laertium, Jamblicum, Porphyrium*, aliosque. Multi-  
faria enim narrantur de Pythagorâ: de quovis phi-  
losophorum vix plura: Quæ verò maximè quis ex-  
peteret; eorum paucissima retinentur. Intellego dog-  
mata Physica, & Physiologiam Pythagoricam. Py-  
thagoræ natales, patria, peregrinatio, reditus, mo-  
dus vivendi, modus etiam docendi, discipulorum  
classes, disciplina & instituta: denique, facinora:  
non pauca, quæ perpetravit, mirabilia & à fide alie-  
na: Hæc & hujusmodi, fusè narrantur. At sum-  
mæ illius scientiæ, quâ claruit olim, & huc usque  
celebratur, pauca nobis exhibent specimina: saltem  
in scientiâ naturali.

Unum, fateor, retinuerunt, scientiæ naturalis  
fundamentum, *Systema Pythagoricum*: de Terrâ mo-  
bili, & Sole fixo in cœli nostri medio. Prætereà Lu-  
nam esse ἀστὴρ ὅρα, sive Terram nostræ oppositam,  
& à Sole illustratam. Hæc doctrina, quam notavi-  
mus antea in scholâ Ionicâ, postea magis emicuit  
in Pythagoricâ; ut, tam de Fixis quàm Errantibus,  
utraq; rectè sensissè videatur. Dein quod Com-  
etas, hos, extra aërem nostrum, inter errantes mini-  
mum, posuisse tam Anaxagoram, quam Pythago-  
ram, ex Aristotele discimus. <sup>Meteor. I. 2. 6.</sup> Licet aliàs circa causas  
& indolem istorum Phænomenon, forsân errave-  
rint. Denique cœlos fluidos & æthereos statuisse,  
singulasque stellas pro mundis totidem numerasse  
Pythagoricos, diximus antea ex *Plutarcho*. Atque <sup>Plac. Phil. I. 2. 13.</sup>  
hæc ferè de rebus cœlestibus.

Quoad cætera, Telluris physiologiam, mundique  
sublunaris ortum, ut erat propensior ad res abstractas  
& intellectuales Pythagoras, Antiquorum ἀπομόνοια.

ναι in ψυχρονίαν quendam convertisse videtur; saltem si ex *Timæo Locrensi* & *Platone*, Pythagoræ sententiam conjectare liceat. Illi enim mundi ortum descripturi, sese occupant maximè in explicandâ compositione *Anima Mundanæ*; id quod faciunt per rationes quasdam *Harmonicas*, ex individua formâ & dividuâ, Eodem & Altero: ita enim loqui amant. Et quoad compagem mundi corporei, ex quibusdam congruentiis corporum Geometricorum, terminos, sedes, & intervalla, elementorum, disponere & adaptare satagunt. Δεπλόλογήματα, quæ ad scientiam naturalem nihil conferunt, neque in eisdem fundantur. Id tamen notandum, Chaos quoddam, sive materiam inordinatè motam, supponere hos Pythagoreos: eique mentem præficere, ut in ordinem formamque mundanam ritè adducatur.

Est aliud scriptum Pythagoricum, *Ocelli Lucani*, qui de universo & rerum originibus multò aliter tractavit. Mundum enim æternum esse statuit, tam quoad formam, quàm materiam: neque minùs genus humanum. Quapropter, nisi hunc hominem Pseudo-pythagicum esse, aut hoc opusculum Ψευδοπειραφον, dicamus, doctrina Pythagorica circa rerum origines, aut nulla est, aut malefana. Nihil autem reperies in istoc scripto *Ocelli* quod ingenium redolet Pythagoricum: & in diversas partes abiit Plato, Pythagoricorum sequax; Plutarchus denique aliud testatur, Γυθαγόραν & Πλάτωνα γενητόν υπό

Plac. Phil.  
L. 2. 4.

θεῶ τ' κόσμον, & φθαρτόν μὲν ὅσον ὅτι τῇ φύσει. Pythagoras & Plato genitum à Deo mundum aiunt: & quod ad naturam attinet, corruptibilem. Id quod confirmat Ari-

De Cæl.

L. I. c. III.

stoteles, cum, veterum sententias de mundi origine relaturus, ait, Γερόμῃον μὲν ἔν' ἅπαντες ἔειπασιν· οἱ μὲν αἰδίοι, οἱ δὲ φθαρτόν. Genitum quidem omnes asserunt.

alii



*alii autem perpetuum fore, alii perituum.* His tamen non obstantibus, fatendum est, tam Pythagoricos quam Platonicos, veterumque alios, propendisse in illam sententiam, *Rerum substantiam esse æternam: Formas & modos, fluxos & instabiles.*

Ulcunque sit, in his, multisque aliis, non diffitemur doctrinam Pythagoricam incertò & obscurè traditam receptamve posteris. Quod à multis causis provenisse arbitror. Primò, non unica erat doctrina Pythagoræ: alia *vulgaris*, alia *arcana*, atque alia, ut quidam dicunt, *media*. Dein variæ erant Discipulorum classes: quarum singulas, pro captu & ingenio, non tantum in differentibus materiis exercebant, sed etiam in eâdem materiâ aut argumento, alio atque alio modo. Exempli gratiâ, cùm de formâ & systemate mundi tractandum esset, hos in vulgari systemate, positâ *Terrâ* in mundi centro, erudiebant: Alios in vero & arcano, posito *Sole* in mundi centro, vel in hujus Orbis magni meditullio. Pariter si de numeris agendum esset, hos usum vulgarem, alios mysticum docebant. Atque ita de cæteris: prout animus erat, Catechumenos, ut ita dicam, instituere, aut adeptos: ut nil miri sit, dispares sententias, aut forsân contrarias, ex eâdem scholâ prodiiisse sub nomine Pythagoræ. Prætereà, Cùm suam philosophiam Pythagoras symbolicè & sub involucris proposuerit, maximam partem: & non nisi suis notam esse vellet, cæteris hominum, instar ferarum, habitis: utroque modo oblivioni & interitui facta est obnoxia: tam propter obscuritatem rei, quàm quòd paucis custodienda traderetur. Unde, quod thesauris quandoque accidit, dum nimis abscondidit, latendo posteris periit. Ad hæc denique accedit, ex antiquioribus non paucos authores (quorum infra memi-

nerimus) qui de rebus dogmatisque Pythagoricis scripserant, nobis excidisse, temporis hominumve injuriâ abreptos.

Convenit utcumque inter omnes qui hanc materiam qualitercumque tractârunt, *numerus*, symbolisve numericis, summoperè usum esse Pythagoram in tradendâ suâ philosophiâ. Veteres ante Pythagoram fabulis involvère suam Theologiam aut Philosophiam: quâ ratione, periit plerumque, progressu temporis, vera doctrina, fabularum mole oppressa. Pythagoras, rejectis fabulis, numeros substituit. Neque fœliciori exitu. Evanuerunt enim paulatim istæ rerum umbræ, & fugère sensus nostros. Quis enim sapientior unquam evasit ex numeris Pythagoricis? aut veritatem sibi antea ignotam exinde didicit? Certè quas mihi contigit hætenus, aut apud veteres aut recentiores, numerorum Pythagoricorum interpretationes inspicere, notitias vulgares exhibent, quales aliunde facilè esset addicere: aut tenues argutias de rerum principiis, absque fundamento & sine fructu.

Inter hæc numerorum mysteria semper præcelluit *Tetractys*: Cruxingeniorum per multa sæcula. *Quin-* & *Septenarius* non ignobilis est: *Denarius* autem nobilissimus dicitur, & plenè perfectus: quod omnem numerum diversæ virtutis & perfectionis, intra se habeat. Esto: sed nil præter numeros in se continet; Non Cælum, & Terras, & res alias, à numeris quantumcunque diversas. Imò omnia, inquit nonnulli: alii verò modestiùs, non quidem in numeris latere res omnes tanquam in suis causis, sed veluti in tot capsulis memorialibus, quibus uti liceat ad revocandum in mentem rerum capita, vel doctrinam Pythagoricam sub istis capitibus contentam:

Unde

Unde singulis numeris varios titulos, cognomina, significationes, & rerum ordines, subnectunt: quemadmodum faciunt Cabalistsæ in suis *Sephiroth*: ut materiam studiorum dispescant in loca & classes. Quod si hoc modo interpretemur numeros Pythagoricos, ex instituto tantum significant, non suâ vi & suâ naturâ. Pythagoras verò *παγὰν ἀενάου φύσεως*, rerum ipsarum fontem, suam Tetractyn nuncupat: & ex consensu omnium veterum, Numeros rerum *principia, radices, origines*, statuebat Pythagoras: Prout infra dicitur.

Quoad numerum *septenarium*, celebris est, potissimum inter Hebræos & Christianos; idque primum, si rectè conjicio, ratione *Sabbathi*, septimo quoquò die: & *Sabbatismi*, in septimo millennio, celebrandi. Unde tanquam à fonte, multa alia septenaria typica, in scriptis utriusque sœderis, manâsse mihi videntur. Oblitus eram *Ternarii*, numeri Platonici, *τῆς τριῶν ὑποστάσεων* commemorativi. Nam quod velint nonnulli, *Principium, medium & finem*, designare, frigidum est & vulgare. Sed cùm numerus aliquis à causâ sacrâ dignitatem adeptus est, alia accumulare solent secundaria & minoris momenti additamenta, & interpretamenta, quorum multitudine primus character sæpe obruitur. Succedit denique Numerus *Quaternarius*, Pythagoricus; ab iis enim potissimum, si non unicè, colitur & consecratur hic numerus. Hunc illi, sub nomine *Tetractyos*, tanti olim faciebant, ut Sacramenti loco habuerint, & per ipsum, & ipsius authorem, alii aliis fidem sanctissimam dederint.

Ναὶ μὰ τὴν ἡμετέραν ψυχὰν παρὰ δόνητα Τετρακτύν,  
 Παγὰν ἀενάου φύσεως.



*Per Eum, qui nobis tradidit Quaternarium,  
Fontem perennis naturæ.*

Jurabant Pythagoram, & mysterium quod eos docuit maximum, *Tetractyn*. Nomen tacebant, præ modestiâ, ut inquit *Jamblicus*, & doctrinâ designabant virum : αἰδῶ μὲν ποιυμένων ὀνομάζειν Πυθαγόραν, De vit. Pyth. c. 28. ὥσπερ καὶ θεῶν ὀνόμασι χρῆσθαι πολλὰ φειδῶ ἐποιεῖντο : διὰ τὸ εὐρέσεως τὸ τέτρακλιν. δηλέων τὸ ἄνδρα. *Præ pudore quidem Pythagoram non nominant, ut Deorum quoque nominibus parcè admodum utebantur : Sed per Tetractyos inventionem virum indicant.* Hierocles ad temperandum hoc juramentum ἴδιον appellat; quasi aliter per Deos immortales jurarent Pythagorici, aliter per Pythagoram : Quem Divinum quidem, Deum neutiquam, habebant. Ὡς καὶ κατὰ τὸ τοῦ ἔποι. ἀκ. τι, ἰδίᾳ μὲν τηρεῖσθαι τὸ Σέβει ὄρκον, ἐπὶ τῶν αἰεὶ καὶ ὡσαύτως ἐχόντων θεῶν ἰδίᾳ δὲ νῦν ὀμνύσθαι κατὰ τὴν παραδόντων ἡμῖν τὸ τέτρακλιν διδασκάλου, ὃς ἐκ τῶν ἐκ τῶν ἀθανάτων θεῶν, ἐδὲ τῶν φύσει ἡρώων, ἀλλ' ἀνθρώπων, ὁμοιώσει θεῶν κοσμηθεὶς, καὶ πρὸς τὰς αὐτῶν θεῶν ἀποσώζων ἐκόντα ὅθεν καὶ ἐνορκοῦν αὐτὸν ἐπὶ τῶν ἔτιω μεγάλων ποιῆται, λεληθότως ἐπεμβάλλων τὸ περὶ Πυθαγόραν τῶν ἀκρωτῶν σέβας καὶ τὴν ἀξίαν αὐτῶν δεικνύς δι' ὧν παραδέδωκε μαθημάτων. Ità ut istâ ratione dicat aliquis, peculiari quidem modo servari præceptum de colendo jurejurando in Diis, qui semper eodem modo existunt : Et modo item peculiari hîc per Magistrum jurari, Qui nobis *Tetractyn* tradidit : Qui nec erat ex Deorum immortalium numero, nec ex Heroum genere, sed homo, Dei similitudine præditus, divinaque imaginis auctoritatem apud suos retinens. Unde fit ut in magnis adeo rebus ipsum adhibeat in juramentum : tacitè innuens, quâ ratione Pythago-

*Pythagoras à suis auditoribus coleretur, quantumque sibi dignitatis, disciplinis, quas tradiderat, peperisset.*

Hæc de Homine & de juramento, sed de *Tetractæ* quid dicendum? Hunc nodum solvere tentârunt, tam veteres quàm recentiores: sed nondùm mihi occurrit quisquam cujus explicationi firmiter assentiri & acquiescere potui. Ex antiquis consului *Philonem, Plutarchum, Hieroclem, Theonem Smyrnaum, Proclum, Nicomachum, Sextum Empiricum, Suidam, Martianum Capellam, Macrobius*, aliosque: qui, vel datâ operâ explicuerunt, vel obiter perstrinxêre, hoc argumentum. Horum autem omnium interpretationes non tantùm laxæ mihi videntur, sed etiam plerumque leves, & exigui ponderis, si veræ essent: Quæque, nec Mysterii nomen, nec vim juramenti, nec Inventoris gloriam, sustinere possunt. Laborârunt etiam in eodem argumento è recentioribus non pauci: quorum conjecturas si referrem singulatim, nimii facerem. Præcellere videtur illa, quæ de *Tetragrammato* Judæo Pythagoricam *Tetractyn* exponit. Quæ est utriusque Pici *Mirandulæ, Johannis Seldeni, & Gotofridi Wendelini*, sententia: Eandem etiam dudum tetigerat *Philo* in *vitâ Mosis*. Quamobrem verò, aut quam rationem mysterii habere poterat apud Pythagoricos hoc *Tetragrammaton*? num quod doceret, *unum esse summum Deum*? Hoc docuerunt Orphici; à quibus hausit Pythagoras, ex consensu omnium, suæ Philosophiæ & Theologiæ partem non exiguam; Vel quòd doceret Deum Israelitarum esse illum summum Deum, & religionem Mosaicam ab ipso unicè institutam? Hoc si credidisset Pythagoras, nefas illi fuisset, alium Deum colere, alium cultum instituire, quàm Israeliticum; Ceremonias autem, ritusque Mosaicos, in Scholâ Pythagoricâ obtinuisset nullibi.

nullibi legimus, quin potius Orphicos. Denique, si dixeris non tam in re, quàm in nomine, in voce, in literis Tetragrammati, hæsisse mysterium, & rationes Cabalisticas secutum esse Pythagoram in hujus nominis arcanis eruendis, parùm consulis dignitati tui Pythagoræ: Neque constat, ullo indicio, ita sensissè Philosophum. Scio *Reuclinum* in secundo libro *Artis Cabalisticæ*, Pythagoram traxisse ad partes Cabalistarum: sed argumentis frigidis, aut argutiolis & exemplis istiusmodi, quæ nullam vim habent ad flectendos prudentum animos. Malo fato interciderunt *Telaugis* Pythagorici libri quatuor, *περὶ τῶν τελεσίων*, qui hanc litem facilè diremissent. Interea, qui in hac vexatâ materiâ plura desiderant, adeant, præter dictos modò authores, Joh. *Meursium*, Fab. *Paulinum*, & Petrum *Bongum*, qui veterum de numeris subtilitates vel nugamenta ad fastidium usque congestère. Denique, ut verbo complectar omnia, cùm numeros constituebant Pythagorici rerum causas & origines, ipsosque Deos, Mentis, & res omnes materiales è numeris excitabant, vel aliam habuerunt Numerorum Ideam quàm nos habemus hodiè, vel pro Junone nubem amplexi sunt: Ingeniique sui figmenta & veritatis idola pro veritate ipsâ, sibi & posteris malè obtrudebant.

Quod verò *numeros* pro rerum Principiis habuerit Pythagoras, testantur omnes veteres, *Plato*, *Aristoteles*, cum suis commentatoribus Græcis: *Plutarchus*, *Sextus Empiricus*, cæteri: neque testantur modò, sed eâ de re, ut notâ & confessâ, variè differunt, discutunt, exponunt, refellunt. Caret tamen, tam fundamento quàm ordine, hic modus philosophandi; *Numeri* enim sequuntur Res, Rerumque divisionem: Neque, si antecederent, aut Corporibus molem, aut Anima-

*Suid. in  
voc. Τηλ.*

*De Denar.  
Pyth. De  
num. Sept.  
De num.  
myster.*



Animabus & Mentibus cogitationem, conferre poterant, cum utrisque destituantur. Manifestum est, Numeros, præter numeros, nihil posse generare: Nullam habent ultrà vim aut efficaciam. Possunt quidem repræsentare, suo modo, rerum gradus & genera, sed efficere non possunt: neque vices materiæ supplere in rerum effectione. Quin age, mi Pythagorice: si negas, experiamur paulisper: fac mihi è tuis numeris, non Deum, aut mentem, ut tu jactare soles: sed corpusculum aliquod: Lapidem, exempli gratiâ: vel, si mavis, Lutum. Accinge te ad opus, Quos numeros habes aptissimos ad hoc propositum? Pares vel impares: mares vel fœminas? pro tuo ingenio, quos velis, accipè. Sed steriles sunt omnes, mihi crede: & ad generandum Lapidem æque inepti. Quid si, mutato consilio, numeros planos vel solidos adhibeas: vel forsân quadratos. Nihil hinc efficies præter figuras quasdam imaginarias: & ex Nihilo, quadrato vel cubico, plano vel solido, nihil fit. Denique si *unitates* compingas: si *binarium*, *ternarium*, *quaternarium*, cæterosque, cum suis mirificis virtutibus: adde, subtrahè, divide, compone: in omnes facies verte, omnes vires exprome: Numeri sunt adhuc, & præterea nihil. Nihil Lapideum emergit, multo minus humanum, aut Divinum. Hæc ludendo diximus, sed res eò redit: *Nihil pariunt numeri præter numeros*: gignuntque semper sui similes, & more, ut aiunt, *univoco*. Quapropter cum omnia ex numeris composuit Pythagoras, subintelligere non potuit causas *Efficientes*, neque *Materiales*, (quod pace aliorum dictum sit) sed aliquo modo *Exemplares*; imagines quasdam rerum è suis causis exorientium. Quemadmodum enim numeri progrediuntur ab unitate, sive monade, omnium simplicissimâ radice, in

magis

magis magisque compositos : novasque induunt proprietates in illo progressu : Ità à Deo simplicissimo recedunt gradatim rerum productarum classes, retinentque characteres aliquo modo suis numeris analogos. Id certè constat, Philosophorum & Theologorum *μυσικώτατος* multùm sudâsse in hoc argumento, nempe ut rerum ortum & emanationem à primo Ente, progressumque per varios ordines, à summis ad ima, si non ratione explicitâ, saltem per Symbola & similitudines, explicarent.

Nec tamen dissimulandum est, ingenium Pythagoricum, Platonicumque, hoc vitio laborâsse, quod res Physicas in rationes Mathematicas, numeros & proportionales, resolverit : uti postea Aristoteles in rationes Logicas. Uterque peccavit nimîâ subtilitate, dum tenuibus aranearum filis Divam Naturam tenere studerent, quæ non nisi ferreis aut adamantinis catenis, ratione rigidâ fidisque observationibus, se constringi patitur. Palam est, hos philosophos aptiores fuisse, magisque assuetos, contemplationibus abstractis quàm naturalibus : Neque habuit schola Pythagorica, ut mihi videtur, ullam Physiologiam stabilem, & toti sectæ communem : sed pro libitu quisque, & suo modo, de rebus elementaribus philosophabatur. At si ad hanc classẽ revocemus *Pherecydem*, Pythagoræ præceptorem : & *Empedoclem*, semipythagoricum : antiquæ physiologiæ vestigia, rerumque origines, apud hos reperiemus. *Pherecydes Theogoniam* scripsit, more prisco & mythologico : ut patet ex *Suidâ*, & *Maximo Tyrio*. Eumque

*Dissert. 29.*

*Apud Laërt.* ait *Theopompus* Πρῶτον περὶ φύσεως καὶ θεῶν Ἑλλήσι γενέσθαι : quod tamen plures Thaleti tribuunt ; forsàn illè primus Theogoniam scripsit oratione solutâ ; cujus scripti initium hoc nobis dedit Laërtius, Ζεὺς  
μῦθος,

μῆρ, καὶ χεῖρ. εἰσάει, καὶ χθὼν ὡς. χθονὶν δ' ὄνομα ἐγένετο Γῆς, ἐπειδὴ αὐτῇ Ζεὺς γλῶ γέρας διδοῖ. In verbis penultimis γλῶ γέρας mendum esse non dubito, quod sententiam corrumpit. Suspicio fuisse ὠγῆνον vel ὠγῆνα quod antiquitus Oceanum significabat. Certe ex Pherecyde citat Clemens Alexandrinus hæc verba, Strom. 6. Ζεὺς ποιεῖ φάρος μέγα τε καὶ καλὸν. καὶ ἐν αὐτῷ ποικίλλεται. γλῶ, καὶ ὠγῆνον, καὶ ὠγῆνε δώματα. Jupiter facit pallium; magnum pulchrumque: & varietate quadam in eo describit Terram, & Oceanum, & domos Oceani. Quod ad eandem, cum illâ Laërtii, Pherecydis Cosmogoniam spectâsse, dubitare vix licet.

Quoad Empedoclem, hunc semipythagoricum diximus: licet enim Pythagoræ fuerit auditor, Ionicorum, qui aptiori erant ingenio ad scientiam naturalem, imitatus est physiologiam. Id notavit ex Alcidamâ Laërtius, Τὸν δ' de Empedocle loquitur, Ἀναξαγόρου διακῆσαι καὶ Πυθαγόρου, καὶ τῷ μὲν ἢ σεμνότητα ζηλωσαι, τῷ τε βίῃ καὶ τῷ σχήματι, τῷ δ' ἢ φυσιολογίαν. Hunc Anaxagoræ & Pythagoræ fuisse auditorem: quorum unius vita & habitus gravitatem, alterius physiologiam, adamavit & secutus est. Solem πυρὸς ἀΐρεισμα μέγα, magnum ignis acervum vel molem: καὶ πυρρὰ ἑῖς τὰ ἀστρα, & stellas esse igneas, cum utroque suo præceptore, statuit. Quoad Terram & sublunaria, ex quatuor elementis, quæ, more antiquorum, Deorum & Dearum nominibus insignivit, omnia composita esse voluit: nota sunt ipsius carmina,

Ζεὺς ἀργῆς, Ἥρῃ δὲ φερέσβι, ἠδ' Ἀΐδωνεύς,  
Νῆϊς δ', ἢ δακρύοις ὀπηπικροῖ ὄμμα βρότειον.

Hæc exposuit Laërtius, alique, per quatuor elementa.



menta. Inquit, Δία μὴ τὸ πῦρ λέγει, Ἥρην δὲ ἡ γῆν, Αἰδωνέα δὲ τὴν ἄερα, Νηΐτιν δὲ τὸ ὕδωρ. Atque horum elementorum coalitionem in mundum habitabilem, *Amorem* & *Amicitiam* appellavit. Cū verò ita se fugerent & ab invicem secederent ut nulla esset mixtio commoda, aut rerum generatio, *Litem*, *odium*, & inimicitia statum dixit. Unde adjicit idem Author, φιλίαν δὲ ἢ συγχέρεται, καὶ νῆκθ' ὧ διαχέρεται. *Amicitiam* appellavit, cū conjuncta essent: *Litem* & contentionem, cū separata. Hoc autem alibi explicuimus, ubi de Chao antiquo & dispescendis elementis in rerum ortu, tractatum est.

Theor. Tell.  
l. 2. c. 7.

De Pythagoricis hæc dicta sunt, idque paucis, ob inopiam materiæ physiologicæ in istâ sectâ, atque etiam Authorum qui Pythagorica tractârunt; periit pars maxima scriptorum qui in hoc argumento versati sunt, & imprimis ipsorum Pythagoricorum monumenta desiderantur. Quoad *Pythagoram* ipsum, scripserit aliquid, necne, lis adhuc pendet: Sed de *Philolao*, *Archytâ*, *Eudoxo*, aliisque, non dubitatur. Libros *Philolai* ab ipsius propinquis in Sicilia Platonem emisse, memoratum est: idque centum minis; Charos non habuit auro contra. Hos libros *Philolai* appellat Laertius, τὰ διαβητὰ βιβλία, & ex iis primū ait innotuisse doctrinam Pythagoricam, Μέλει δὲ Φιλολάου ἐκ τῶν τι γινῶναι Πυθαγόρειον δόγμα· ἔτι δὲ μόνον ἐξήνεγκε τὰ διαβητὰ τρία βιβλία, &c. Neque aliter *Jamblicus* in vita *Pythagoræ*, ἐν τοσαύταις γενεαῖς ἐτῶν ὅδεῖς ὁδὸν φαίνεται τῶν Πυθαγορείων ὑπομνημάτων περὶ τετυκηνῶς περὶ τὸ Φιλολάου ἡλικίας, ἀλλ' ὅτι πρῶτον ἐξήνεγκε τὰ θρυλλόμενα ταῦτα τρία βιβλία, &c. Per tot annorum ætates & curricula, in quicquam Pythagoricorum commentariorum incidisse quæquam ante *Philolai* ætatem, non constat. Sed is primus

Laert. in  
vit. Philos.  
in Pythag.

c. 31.

primus in lucem edidit hosce tres vulgò satis jactatos libellos. Denique Proclus, eundem Philolaum doctrinam Pythagoræ de Diis, & rerum à Deo progressu, mirasque de iisdem notiones, prodidisse ait. Et ab his suum Timæum aliaque contexuisse, accusatur Plato. Sed de Philolao satis.

Theol. Plat.  
l. 1. c. 5.  
Τζετζες  
Chil. 10.  
hif. 355. &  
Chil. 11.  
362.

Archytæ, Pythagorici, & egregii. Mechanicorum Magistri, plura numerantur opera. Ejus Ἀρμονικὸν Nicomachus allegat. Librum περὶ παντός Simplicius. Cujus etiam meminit ipse Archytas in Epistolâ ad Platonem sub titulo τὰς τῶν πάντων γείεσι. Scripsisse etiam περὶ τῶ ὄντος. περὶ τῶν ἀρχῶν. item περὶ τῶ νῦ, & περὶ αἰδιόσεως, ex Stobæo, aliisque constat. Quæ omnia nobis surripuit invida ætas, & Moralia non pauca. Extat tantum fragmentum περὶ τῆ Μαθηματικῆς. Dein Eudoxus, ex philosophis peregrinantibus unus, varia scripsit. Τὰ ἀστρολογήματα, & γεωμετρήματα, & ἕτερα αἷτα ἀξιολόγα. ut ex Hermitippo refert Laertius, aliique ex aliis. Γῆς περίοδος, præ cæteris claudit, à pluribus celebratus liber, & ampliori titulo à Strabone (l. 1.) dicitur, ἡ περὶ Εὐδόξου ἱστορία: ut meritò videatur historiæ naturalis & gentium res quasdam comprehendisse. Tredecim annos versatus est Eudoxus in Ægypto, cum sacerdotibus istius gentis: optimis si Thaleti credimus, studio- rum præfectis: & qui, Platone judice, præ cæteris gentibus, vetustissimarum rerum memoriam conservabant. His denique deperditis accensendus Empedocles, cujus tres libri de rerum naturâ, à veteribus iterum iterumque citantur, & à nobis desiderantur.

L. 1. c. 1.  
Ἀειδ.  
de Cat. in  
p. 157.  
Par. 1557.  
offavo.  
Suid.  
Procl. in 1.  
Euclid.  
Strab. l. 17.

Hæc Pythagorici scripserunt, sed desunt præterea authores non pauci, qui hujus sectæ historiam & dogmata tradiderant, ab eâ licet alieni. Aristoteles imprimis, qui plures libros composuit circa philosophi-

am Pythagoricam & Pythagoreos, teste Laertio in ipsius vitâ ; ubi memorat περὶ τῶν Πυθαγορείων unum, alterum περὶ τῶν Πυθαγορείων. Item tres libros, περὶ τῆς Ἀρχαίας φιλοσοφίας, & περὶ τῶν Ἀλκμαίωνων ; Denique τὰ ἐκ τῆς Τιμαίου καὶ τῶν Ἀρχυτέων. Erat autem Aristoteles parùm æquus in veteres philosophos : quorum opiniones & dogmata plerumque eo animo referebat, ut invidiâ oneraret & refelleret. Multos prætereà allegat Laërtius in philosophorum historiis, qui Pythagorica tractârunt : *Aristoxenum*, *Heraclidem*, *Neanthem* & *Hermippum*. *Jamblici* collectionem Dogmatum Pythagoricorum citat *Syrianus*. Adhæc *Didymus* scripsit de philosophiâ Pythagoricâ, referente *Clemente Alexandrino* : & *Eudorus*, apud *Simplicium*. Item *Moderatus Gaditanus* de vitâ plasticisque Pythagoræ commentatus est, ut testatur *Stephanus* in voce Γάδια, *Porphyrus* apud *Eusebium*, & *Hieronymus* adversus *Ruffinum*. Denique symbola Pythagoricâ exposuerunt *Alexander Polyhistor*, & *Andronicus*, aliique. Hos proptereà recensui authores, quo minùs miretis, philosophiam Pythagoricam parùm nobis innotescere, cum tot scriptores exciderint è quorum monumentis haurienda esset. Quin & plures adhuc desiderantur minorum subselliorum, quibus immorari non duxi operæ pretium. De Pythagorâ & Pythagoricis hæc dicta sunt.

In Arist.

Metaph. c.

12. m. p. 90.

Strom. 1.

Ad prim.

cor. d. p.

Hist. Eccl.

l. 6. c. 19.

vel 13. l.

Fam. de vit.

Pyth. c. 28.



C A P. XII.

De Sectâ Eleaticâ: & de Stoicis.

**P**hilosophiam Orphicam, Ionicam, Pythagoricam perlustravimus, maxima suorum temporum lumina: Sequitur *Sectâ Eleatica*, à *Zenophane* Colophonio, sub temporibus Anaximandri & Archelai philosophorum, constituta: postea verò nomen sortita à discipulis Eleaticis. Videtur composita ex philosophis inter se diversis, gente, moribus, & dogmatibus: Schola miscellanea. Neque ideò sub unicâ ideâ aut uniformi principiorum serie exhiberi potest: quapropter, quid statuerint de rerum naturâ unus atque alter eorum, qui præstantiores fuerint, satis erit indicasse. De cœlo corporibusque cœlestibus in decretis Zenophanis, id tantùm notatu dignum reperiò, quod mundos voluit esse innumerabiles, & ἀπείρους ἢ λίους ἔϊναι & σελήνας, & infinitos esse Soles in immenso cœlo, & infinitas Lunas, nostræ non dissimiles. *Nostramque habitari instar terræ*; ità enim testatur Cicero (*Academ. quæst. 4.*) *habitari ait Zenophanes in Lunâ, eamque esse Terram multarum urbium & montium*. Hæc quidem non malè, sed hos mundos æternos esse voluit, & ἀπαράλλακτους, ideoque sine ortu. Quem errorem cùm erraverit, in cæteris quid statuit de rerum naturâ, parùm refert quoad propositum nostrum.

Parmenides autem rerum ortum admisit, idque ex igne & terrâ tanquam elementis, additque Laertius, eum voluisse, *γένεσιν τε ἀνθρώπων ἐξ ἡλίου πρῶτον γενέσθαι*, itâ vulgò legitur. Sed quid hoc rei est, *Homines nasci ex Sole*, tanquam ex materiâ suâ aut elemento? Legendum omninò pro *ἐξ ἡλίου*, *ἐξ ἡλύου*, quemadmodum se habet editio Basiliensis & in margine Romanæ adscriptum est. Neque aliter legisse Aldobrandinum constat, cùm itâ verba transtulerit, *atque hominum ortum è limo primum extitisse*. Quæ quidem erat inter antiquos sententia communis, & inter Ionicos maximè, è quibus Anaximandrum & Archelao à nonnullis dicitur audivisse Parmenides; prorsusque mihi videtur habuisse eadem, tam numero quàm naturâ, principia & sententiam cum Archelao, circa rerum ortum, nempe τὸ ψυχρὸν ac τὸ θερμὸν, ut ex utriusq; verborum comparatione facilè patebit; itâ enim de *Archelao* Laertius, *ἔλεγε ὅτι δύο αἰτίαι εἴη γενέσεως, θερμὸν καὶ ψυχρὸν. καὶ τὰ ζῶα ἀπὸ τοῦ ἡλύου γεννηθῆναι*, &c. Dein de *Parmenide*, *δύο τε εἴη στοιχεῖα πῦρ καὶ γλῶ· γένεσιν τε ἀνθρώπων ἐξ ἡλύου πρῶτον γενέσθαι· αὐτῷ δὲ ὑπάρχειν τὸ θερμὸν καὶ τὸ ψυχρὸν, ἐξ ὧν τὰ πάντα συνίστανται*. Denique cùm multi aucthores, præter Laertium, uti Aristoteles, Plutarchus, Empiricus, alique, Parmenidem & ipsius dogmata memorârint, illud de *ortu Solari hominum*, si ipsius fuisset, ut maximè *παράδοξον* & præcæteris memorabile, non præteriissent.

Parùm igitur recesserunt ab Ionicis Eleatici quoad rerum ortum; si quem rerum ortum statuerunt; id enim de omnibus non constat. Et cùm motum è rebus sustulerint eorum nonnulli, hos in physicorum censum non admittit Aristoteles, idque rectè; nam sine motu nulla esset generatio aut corruptio imò,

imò idem essent omnia, nulla corporum diversitas, nulla compages, aut ornatus, aut aliud quicquam quòd *Mundum* appellare liceret. Ut mirum videri possit, quid sibi proposuerint Parmenides, Melissus, aliique, cùm è naturâ motum auferre, aut *apparentem*, non *verum*, esse vellent. Hoc accedit ad ingenium Pythagoricum & Platicum, qui res sensiles, aut rerum sensilium formas, quod fluxæ, caducæ, & instabiles essent, instar phantasmatum, aut instar nihili, habebant; ideoque ad rationes abstractas & immutabiles, veluti *numeros*, *proportiones*, aut *Ideas*, pro rerum principiis confugiebant.

Ad hanc sectam Eleaticam aggregari solent *Leucippus* & *Democritus*, viri celebres & eximii, qui hypothesein *Atomorum* invexerunt: Quæ, licet, meâ sententiâ, falsa sit & malè fundata, dedit tamen occasionem philosophandi strictiùs & accuratiùs. Hi enim non quærunt corporum principia, aut agendi vires inter *numeros*, *proportiones*, *harmonias*, *ideas*, *qualitates*, aut *formas elementares*, ut ab aliis factum est: sed ipsa adeunt corpora, eorumque conditiones. Physicas & Mechanicas examinant, motum, figuram, partium situm, tenuitatem aut magnitudinem, & similia: & ex his cujusque virtutes æstimant, actiones definiunt, effecta explicant, idque rectè solidèque, ut mihi videtur, hucusque. Quod verò has minutias indivisibiles esse vellent, aut innatum impetum habere, aut inclinationes ad certa loca, aut denique inanibus spatiis disjungi, hæc & hujusmodi, non tantùm gratis dicta sunt, sed etiam claræ rationi refragantur. Utcunque, cum viam aperuerint ad saniozem differendi methodum circa res physicas, & in hac parte de republicâ literariâ non malè meruerint, illos laude suâ ne fraudemus.

Agnovit



Agnovit Leucippus motum Terræ circa suum axem; & in primâ Telluris origine & formatione, cùm massa fluida in corpus globosum subsidebat, ait hunc globum membranâ quadam circumductum fuisse, cætera omnia continente: eaque primùm uda & limosa, postea induruit. Hanc membranam primigeniam Leucippi facilè interpretari licet de primæ Telluris crustâ, molliori adhuc & tenerâ: quæ membranæ instar, Abyssus circumducta, cætera omnia involvebat; eademque aucta exteriùs, & exiccata, in primum orbem habitabilem cessit; Juxta ea quæ de ortu Telluris in Theoriâ nostrâ explicuimus. Quùm autem Philosophica narrantur à viris parùm philosophis, qualis fuisse mihi videtur Laertius, nil mirum si quædam mutilatè, quædam perturbatè, recensentur, atque ipsa sententia Philosophi sæpe pereat. Ità quæ de hâc Cosmogoniâ Leucippeâ referuntur à Laertio, neque consistere, neque cohærere mihi videntur, nisi laxè admodum singula exponamus. Sæpè etiam propter menda, quibus scatet hic liber, sensus corrumpitur. Id tantùm prætereà notandum de Leucippo, quod *situm Terræ* mutatum esse memoraverit: quod ex Plutarcho simul & Laertio discimus. Neque id ei esset conceptu difficile, cùm Terram pendulam & circa suum axem rotatam agnoverit.

Leucippum audivit Democritus, & in Physicis secutus est. Hunc virum magnum in scientiarum studiis plurimùm profecisse, tam ex libris ipsius, quàm ex peregrinationibus, quas ad gentes ferè omnes sapientiâ claras, susceperat, conjicere licet. Præterquam enim quod à pueritiâ Magis quibusdam quos Xerxes apud patrem ipsius reliquerat, in rerum divinarum scientiâ & in cognitione syderali instructus & institutus esse dicitur; versatus est postea cum sacerdotibus

bus in Ægypto, & cum Chaldæis Babylone, in Per-<sup>Suidas</sup>  
sida cum Magis, & ad mare rubrum descendit, ut <sup>Ælian.</sup>  
cum Arabibus, opinor, literarium commercium ini-<sup>Var. Hij. Di-</sup>  
ret; ita enim *Plinius* de *Democrito*, peragratis *Persi-*<sup>odor. Sic.</sup>  
*dis*, *Arabie*, *Æthiopie*, *Ægyptique Magis*. Referunt  
eum denique ad *Gymnosophistas*, tam in Indiâ, quàm  
*Æthiopiâ*, profectum esse; ac seipso teste, apud Cle-<sup>Strabo.</sup>  
mentem Alexandrinum, plures terras peragravit  
quàm Philosophorum quisquam alter. Quoad Li-<sup>l. 25. 2.</sup>  
bros ipsius, quamplurimos conscripsit, quorum sep-  
tuaginta quinque numerat *Laertius*, præter dubios:  
multifariam Authoris eruditionem hæc scripta ar-  
guunt, omnia quidem exoptatissima; at si *Physica*  
illa *Diacosmus major*, & *Diacosmus minor* superessent,  
& *Astronomica* quædam, cæterorum jacturam æqui-  
ori animo ferremus.

De Physiologia Democriti non opus est seorsim  
disseramus; cum illam Leucippi amplexus fuerit.  
Dicitur Lunam habuisse pro alterâ Terrâ sive corpore  
*Terrestri*; Quod non tantum *Ionici*, sed *Zenophanes*  
etiam hujusce sectæ conditor asseruit. Occurrit  
apud authorem, φιλοσόφῃ ἰσοθείας, ubi de Luna.  
Ἀναξαγόρας καὶ Δημόκριτος τρεῖς μὲν διαύωνες, ἔχον  
ὃν εὐρυτὴν πεδίον καὶ ὄρη καὶ φάραγγας. *Anaxagoras* &  
*Democritus* voluerunt Lunam esse Corpus solidum  
ignitum, in quo sunt campi, montes, & valles. Ignitum,  
opinor, intelligunt in certis locis, quemadmodum  
est Terra nostra. Idem senserunt Stoici de Lunâ.  
ἦν δὲ τὸ μὴ ἥλιον εἰδικμένον πῦρ ----- γεωδεξέραν δὲ  
τὸ σελήνην. & postea, τὸ σελήνην ἐκ ἴδιον ἔχειν φῶς, ἀλλὰ  
παρ' ἡλίου, λαμβάνειν ἐπιλαμπρομένην. quod *Laertius*  
refert in *Zenone*. Et generatim quidem Philosophi  
antiqui, *Ionici*, *Pythagorici*, *Eleatici*, usque ad tem-  
pora *Aristotelis*, & postea *Stoici*, non malè statuisse  
Z videntur

Laert. in  
Theoph.  
Suid.

videntur de materiâ cœlorum, de Lunâ, de Solē & Fixis, & de spatiis cœlestibus. Illam, opacam & terrestrem esse plerumque voluerunt; Hos, igneos; & repleti æthere spatia vel intervalla cœlestia. Hæc, inquam, ad tempora Aristotelis, qui novam faciem, vel potius larvam induxit philosophiæ. De Democrito, unde digressi sumus, & ipsius decretis, scripsit Theophrastus. De ipsius Libris Callimachus, de utrisque nuperus author Chrysostomus Magnenus. Et de Sectâ Eleaticâ hæc breviter, satisque; nam in his repetendis facile est nimium temporis impendere.

Pergamus ad Stoicos; recentiores quidem multis aliis Græcorum sectis, *Cyrenaicis, Cynicis, Pyrrhoniis*, aliisque, sed quæ in re physiologicâ non sunt memoratu dignæ. Et quoad *Epicuream, Platoniam, & Peripateticam*, de iis ultimo loco sententiam feremus. Stoici quidem disciplinâ Morali, quàm Physicâ, celebriores erant, hanc autem non prorsus neglectui habuerunt, & in eâdem recolendâ, totaque philosophiâ Stoicâ, non exiguam operam collocavit Justus Lipsius.

Inter Physica dogmata Stoicorum notissimum est illud de *mundi conflagratione*; quid verò de *Mundi ortu* senserint, in quo res nostra agitur, non adeò clarum est. Voluerunt quidem Deum esse rerum omnium opificem; Quem idè Λόγον δημιουργόν & τεχνιόν appellabant; oraculis sacris cognatam dictionem, neque minùs frequentem apud Platonicos Stoicosque Philosophos; Patribusque Græcis, qui ex utroque fonte hauriebant, familiarem. Dein huic principio actiuo & opifici subjecerunt *Materiam*, purè passivam, ut dicunt, & inertem: sine vi, sine motu, aut actione quâcunque; sed quæ ab actione  
divinâ,



divinâ, Mentis aut λόγος, moveri, agitari, & in omnes formas deduci poterat. Hæc quidem rectissime à Stoicis, & juxta antiquam doctrinam Ionicam, ut nihil dicam majus. Sed in explicandâ hâc materiâ, mundoque condendo, distinguunt inter *Elementa* & *Principia*: atque hæc pro ingentis & incorporeis habent. Διαφέρειν ὃ φασὶν ἀρχάς καὶ στοιχεῖα τὰς μὲν γὰρ εἶναι ἀγενήτους, ἀφθάρτους· τὰ δὲ στοιχεῖα κατὰ τὴν ἐκπύρωσιν φθίρεσθαι. Ut Laetius in *Zenone*. *Principia* & *Elementa* inter se differre aiunt; illa enim & nunquam orta esse, & nunquam interitura, *Elementa* autem in *Mundi* exustione peritura esse. Dein subjungit aliam differentiam, Ἀλλὰ καὶ ἀσώματους, ita enim lego juxta Suidam, εἶναι τὰς ἀρχάς καὶ ἀμόρφους· τὰ δὲ μετὰ μορφῶσθαι. Præterea *principia* incorporea esse & *formarum* expertia, *Elementa* autem *formam* habere.

Quid per has ἀρχάς, hæc *initia* aut *principia*, Stoici intellexerint, non facile est definire. Alii quidem præter Stoicos distinxerunt *Elementa* & *principia*, sed ratione simplicitatis tantum; quod de Platoniciis, & Aristotelicis, addere etiam potuit, Epicureis, contra Thaletem notavit *Plutarchus*, Οἱ μὲν ἐν περὶ *De Plat.* *Ἀριστοτέλην* καὶ *Πλάτωνα* διαφέρειν ἡγόνται ἀρχὴν καὶ *Phil. l. 1.* *στοιχεῖα*. Θαλῆς δὲ ὁ Μιλήσιος τούτων νομίζει ἀρχὴν καὶ *c. 2.* *στοιχεῖα*. Πλεῖστον δὲ ὅσον διαφέρει ἀλλήλων· τὰ μὲν γὰρ στοιχεῖα ἐστὶ σύνθετα, τὰς δὲ ἀρχάς φασιν εἶναι ἢ τε συνδέτερες, ἢ τε ἀποτελέσματα. *Principia* nec *composita* esse, instar *elementorum*, nec *complete effecta*. At Stoici non formâ aut gradu, sed toto genere differre voluerunt, cum hæc *principia* incorporea & immortalia dixerint, ac si intellexissent *Numeros* aut *proportiones*, ut Pythagorici; vel *Ideas*, aut λόγους *σπερματικούς*. Neque enim ullam substantiam penitus incorpoream esse crediderunt Stoici; quod pluribus

*Physiol. Stoi.* monstravit Lipsius: Sed illis vocibus σώματα & ἄσώ-  
*l. 2. c. 45.* ματα usi sunt quandoque nimis indistincte.

Quare, si non placent illa principia Pythagorica aut Platonica, ac dictas voces laxiùs interpretemur, ipsam ὕλην, nudam & simplicem, ἀμορφον ἢ ἄποιον: Quatenus elementis opponitur & corporibus perfectis, σώματος dixisse Stoiicos, non improbabile erit, neque aliud per τὰς ἀρχὰς intellexisse. Hoc utique respondet iis quæ postea habet Laertius ex Zenone & Chrysippo, ubi ὕλην & σῶμα distinguit, atque illam eandem facit cum ἐσὶα, rerumque omnium fundamentum: ἐσὶαν δὲ φασὶ τῆς ὄντων ἀπάντων πρῶτην ὕλην. ὕλην δ' ἔστιν ἐξ ἧς ὅτιδήποτε τὴν γίγεται: καλεῖται δ' διχῶς, ἐσὶα τε καὶ ὕλη. σῶμα δ' ἔστι κατὰ αὐτὴν ἢ ἐσὶα καὶ πεπερασμένη. *Corpus secundum eos est substantia definita & terminata: quæ non est materia prima, ideoque ἀσώματ' dicta.*

Denique, quod has ἀρχὰς & hanc ὕλην, ἀγενή-  
 τες καὶ ἀφθάρτους dixerint, nihil miror; Fatendum est enim, statuisse ex antiquis plurimos, *Materiam* simplicem, informem & immotam, ab æterno extitisse, æternūque extituram. Sed Mundum ortum esse & corruptibilem, vel ut alii distinguunt, Mundum *inconditum* æternum esse aiunt, *conditum* verò ex

*Psar. Euseb.*  
*l. 15. c. 15.*

neutrâ parte æternum. Ita *Didymus* apud Eusebium hunc duplicem mundum distinguit, signatque his verbis. Τὸ ἐκ πάσης τῆς ἐσὶας ποῖον, καὶ τὸ τῆς διακόσμησιν τῆς τοιούτης καὶ διάταξιν ἔχον, διὸ κατὰ μὲν τῇ προτέρᾳ ἀπόδοσιν, αἰδίων τῆς κόσμου ἔστι φασὶ κατὰ δὲ τῇ διακόσμησιν, γεννητὸν καὶ μεταβλητὸν. Ubi pro voce ποῖον legendum esse videtur ἄποιον, est enim materia ἄποιον, vel substantia ἄποιον quæ est æterna. Verba itaque sic redduntur, *Mundus est; vel rerum omnium simplex massa, seu ex omni substantiâ*  
 massa

massa qualitatum expers, vel illud quod ornatum & ordinationem jam talem habet; ideò, priore significatione, mundum aeternum dicunt: posteriore, natum & mutabilem. A mente scilicet superveniente aeternae moli, indito motu, in varias rerum formas simplex illa massa deducta est. In eâ fuisse sententiâ mihi videntur Ionici, Pythagorici, Platonici, Stoici; ceterique omnes qui non deterius aliquid, & à ratione magis alienum statuebant; ut Epicurei & Peripatetici; nam materiam, è nihilo productam, tum primùm extitisse cùm Tellus condita fuit: aliquot nempe retrò millenniis: videtur esse dogma gentibus & philosophis prorsus ignotum, & inopinabile. Sed redeamus ad Stoicos.

Positis his quibuscunque rerum principiis, è corporibus ignem primò factum esse supponunt, & ex igne cetera Elementa, uti ex elementis omne genus corpora mixta. Hoc ità retulit ex *Zenone* & *Chrysippo*, aliisque Laertius, *γίνεσθαι τὸ ὅλον κόσμον, ὅταν ἐκ πυρὸς ἢ ὑσίου τραπήῃ δι' αἰέρος εἰς ὑγρότητα, εἴτα τὸ παχυμερές αὐτῷ συστάν ἀποτελεσθῇ γῆ· τὸ δὲ λεπτομερές ἐξαερωθῇ, καὶ ταῦτ' ὅτι πλέον λεπτόν ἐστιν πῦρ ἀπογενήσῃ· εἴτα κατὰ μίξιν ἐκ τούτων, φυτά τε, καὶ ζῶα, καὶ τὰ ἄλλα γένῃ.* Ab igne incipiunt & ad eundem redeunt. Sed cùm Elementa se disponant, atque suas sedes capebant, ordine gravitatis, alias aliis superiores, Aqua propterea occuparet & circumiret totam Terram, ut Aer aquam: quâ igitur emerfit Terra, & aquis superior evasit? quomodo nudatum est solùm, cessitque in orbem habitabilem? Hic labor, hoc opus est. Cùm verò Cosmologia Stoica eousque non pertingat, eam in hac parte imperfectam; aut per authores qui supersunt non satis explicatam; relinquimus.

Quid.



Quid de cœlis sensere Stoici, sparsim nonnulla in antecedentibus præfati sumus. Solem esse πῦρ εἰλικρινές. Lunam γεωδετέραν, atque cætera astra πυρινά; ex sententiâ Zenonis notavit Laertius. Præterea, ibidem dicitur quoad motus Astrorum, τὰ μὲν ἀπλανῆ συμπεριφέρεσθαι τῷ ὅλῳ ὕραν, τὰ δὲ πλανώμενα κατ' ἰδίαν κινεῖσθαι κινήσεις. *Astra non errantia cum universo cælo unâ circumvolvunt: errantia verò propriis motibus cieri.* Hæc non usquequaque verâ sunt, sed Aristotelicis & Ptolomaicis veriora. De Fixis denique illud rectè statuerunt, *Non omnes esse in eadem superficie, sed alias aliis altiores.* Ità intelligo Stobæi verba, Ξενοκράτης κατὰ μιᾶς ἐπιφανείας ὁιεται κινεῖσθαι τὰς ἀτέρας· οἱ δὲ ἄλλοι εὐοίκοι πρὸ τῆς ἐτέρων ἐτέρως ἐν ὕψει καὶ βάθει.

Ed. Phys.  
c. de Sph.  
nat. 2<sup>a</sup>.

Denique quoad *periodos Mundanas, Fatumque Stoicorum*, hæc notiora sunt, quàm quæ deceant repetitis sermonibus explicari. De periodis istis, vide, si libet, *Theor. Tell. l. 4. c. 5.* Et quoad fatum Stoicum, nihil aliud est, quàm rerum omnium immobilis & immutabilis ordo. Vel, ut idem pluribus enunciemus, est vicissitudo necessaria mundi creati & increati: unâ cum ordine rerum omnium in mundo creato, tam Intellectualium quàm Corporalium: per omnia sæcula, omnes revolutiones, formas, & facies, donec regressus fiat ad statum Mundi Increati. Hoc est, secundum eos, donec omnia resolvantur in Deum. A Jove enim suo mundum ordiuntur, & in eundem, completo Temporis orbe, omnia refundunt. Ab hac sententiâ non abludere videtur illud *Perictiones* (quisquis fuit ille, vel illa, philosophorum) de consummatâ sapientiâ dictum, apud Stobæum: ὅστις ἐν ἀναλῦσαι οἶσιν ἔστι πάντα γένη ὑπὸ μίαν καὶ τὰν αὐτὴν ἀρχάν, καὶ πάλιν ἐκ ταύτης συνθεῖσθαι καὶ ἀειδιδμάσασθαι, ἔστι.

Deum. 1.  
2.7.

ἐπὶ τοῦ δοκεῖν καὶ σοφώτατος ἔστι, καὶ ἀληθεύειν. ἔτι δὲ καλὰν σκοπὴν αἰετηρῆσαι, ἐφ' ἧς δυνατόν ἐστὶν τὸν θεὸν κατόψεσθαι, καὶ πάντα τὰ ἐν συστοιχείᾳ τε καὶ τάξει, τὰ ἐκείνῃ κατακεχωρισμένα. *Quisquis igitur resolvere potis est omnia genera ad unum idemque principium, iterumque ex eo singula componere & enumerare, Hic & sapientissimus & veri maxime compos videtur; Quin & pulchram speculam invenisse, in qua poterit & Deum contemplari, & cetera omnia, in serie & ordine ab ipso se juncta.* Sed de his satis.

Libros quàm plurimos scripsere Stoici, qui jam perierunt omnes. *Zenonis, Sphæri, Chrysippi* volumina enumerat *Laertius*, & *Cleanthis* καλλίστα βιβλία præclaros libros, ut appellat; inter quos erant tractatus, Περὶ τῆς Ζήνωνος φυσιολογίας, περὶ θεῶν, περὶ γυμνίων Ἀρχαιολογία. Ex quibus si extarent, spes esset eruendi, tam certiora, quàm præstantiora, circa physiologiam Stoicam, & circa rerum Origines. Citat præterea *Laertius* libros *Posidonii, Archedemi, Boethi, Antipatri, Apollodori*, & aliorum Stoicorum, quos nimis essem si recenserem. Pro his omnibus utinam saltem extaret publicè *Apollōnius Tyrius*, qui ante natum Christum, scripsit historiam sectæ Stoicæ, (ut testatur, præter *Laertium, Strabo*) libro inscripto *Πίναξ τῶν ἀπὸ Ζήνωνος φιλοσόφων καὶ τῶν βιβλίων*, quòd scriptum latere aiunt in nonnullis Bibliothecis ineditum. Cùm hæc secta, numerosa & scripturiens, cæteris diutius duraverit, & apud gentem Romanam in æstimatione fuerit, mirum est omnia ipsius monumenta Græca, quæ Physicam spectabant, excidisse. Hæc de Stoicis.

L. 15.

## C A P. XIII.

*De Platoniciis, Aristotelicis, & Epicureis.*

**S**uperfunt Platonici, Peripatetici, Epicurei; de quibus paucâ tantùm summam: cùm satis notum sit, in re ferè qualibet, quid horum unusquisque statuit. Diximus antea Platonicos & Pythagoricos parum scèliciter exercuisse physiologiam; quasi alio sydere nati essent, ad contemplandum rerum rationes à materiâ abstractas magis idonei, quàm res ipsas corporales, earumque proprietates physicas. Hujus rei exemplum manifestum habemus in Timæo Platonis de ortu mundi, ubi singulis elementis figuras geometricas affingit, & componit locatque geometricè. Sed modum, si placet, quo philosophatur, videamus.

Primò, numerum & dispositionem Elementorum hoc modo demonstrat; Cùm oporteat mundum esse visibilem & tangibilem, nihil autem sit visibile sine igne, nihil tangibile sine Terrâ, corpore solido, hæc duo elementa imprimis erant necessaria; ut verò cohaereat mundus & quid unum sit, opus esset ut hæc duo extrema per aliquod medium proportionale conjungerentur: *Solida* autem non uno, sed duobus semper mediis inter se copulantur. Deus igitur Ignem inter & Terram, aërem aquamque disposuit, tanquam proportionalia; ideòque ex quatuor elementis,



mentis, hoc modo dispositis, mundus necessariò conflatus est.

Dein cùm corpora solida resolvantur in plana, & plana iterùm, juxta Platonem, in Triangula, ideò elementa hæc ex triangulis composita esse voluit; Et proratione figuræ quam cuilibet elemento attribuit, ex his aut illis triangulis, pluribus aut paucioribus, contextum arguit. Ità Ignem ponit esse figuræ Pyramidalis, propter penetrationem, & compositum ex quatuor triangulis. Terram figuræ Cubicæ, propter soliditatem, ideòque genitam ex sex planis, quorum unumquodque constat quatuor triangulis. Aerem facit octoëdram, productum ex octo superficiebus, quarum unaquæque in sex scalenos dispartitur. Denique Aquam facit Icosaëdram, ex viginti triangulis conditam, è scalenis itidem unoquoque compacto. Qualis hæc, quæso, Physiologia? quis instructior evadit in naturâ Ignis aut Terræ, Aquæ aut Aeris, ab hæc eorum genesi aut compositione? Et cùm Mundi Corpus hoc modo construxerat, *Animam* ei Mathematicam, ex numeris & proportionibus conflata, inserit & associat.

Hanc *Animam Platoniam* multis explicuere Platonis Interpretes, Chalcidius, Proclus, & quotquot in *Timæum* commentati sunt. Præterea Plutarchus, tractatu singulari, fusè differuit *De procreatione Animæ* secundum Platonem. Sed his lectis omnibus, nihil proficies; nisi quod id forsitan magis persuasum habueris, operam prorsus luisse quotquot sudârunt in hac arenâ. Nihil aliud mihi videtur illa *Ψυχολογία* Platonica, quàm lusus ingenii: vel Regia magica in aëre constructa, cujus fundum frustra quærimus. Cui notus est iste *dialogus Timæi*, fatis erit apponere, non meam, sed nuperi Philosophi, eâ de

re expostulationem. Si Plato suam illam de Anima naturâ, communibus verbis exposuisset sententiam : Ecquid putas grande, aut quod certò posset probare, dicere visus fuisset ? Et fac jam illum in vivis esse : fac rogari ut sese clarè explicet : ut suum illum Chiasmum declaret ? ut quid sit Idem, quid Diversum, quid tertia, ex divinduo individuoque, natura, exponat. Quî illæ Geometricæ Harmonicæque proportionēs in Animâ agnoscantur, aperiat. O quàm aberit, ut propterea Anima naturam nobis perspectam faciat : quæ & illiusmet auditores, quos inter fuit etiam acutissimus Aristoteles, latuit : & manet etiamnum incomperta. Sed nempe, quia suam sententiam miris implicuit ambagibus, idcirco obtinuit, id quod velle potuit, ut putâ quod illam propterea miremur, suspiciamusque, & revereamur, tanquam insigne mysterium : opinemurque, nisi perfectè Animæ naturam noscamus, causam esse, quod non in mentem divini viri penetremus : nobisque imputemus, quod homunciones cùm simus, tantum consequi Heroem non possimus ; Et cùm nobis oculi Nocturnæ, illi Aquilæ, fuerint, ad illud jubar caligemus, quod ipse clarè perspexerit. Sed redeamus ad propositum.

Quoad Principia rerum secundum Platonem, duo Ench. Plat. affert Laërtius, Deum & Materiam. Δύω γ' ἄρ' πάντων ἀπέφηνεν ἀρχάς, θεόν κ' ὕλην, ὃν κ' νῦν προσαγορεύει κ' αἰτίον. Ἐν δ' ἡ ὕλην ἀρχημᾶτις-ον κ' ἄπειρον, ἐξ ἧς γίνεσθαι τὰ συγκείμενα· ἀτάκτως δέ ποτε αὐτῷ κινεμένην, ὑπὸ τοῦ θεοῦ, φησιν, εἰς ἓνα τόπον συναχθῆναι, τάξιν ἀταξίας κρείττονα ἤησαμένα. Rerum omnium duo principia, Deum & Materiam, constituebat. Quem quidem, & Mentem, & causam, appellat. Materiam autem ex se figurarum expertem esse, atque infinitam : & ex eâ gigni omne quod concretum est. Hanc olim inordinatè motam, Deus unâ collegit, ordinem confusione præferens.

*præferens.* His habes simillima in Timæo: Neque aliud utrobique proponitur, quàm primum *Chaos*, laxiori modo descriptum.

Sed duobus aliis principiis Platoniciis, *Deo & Materia*, alii adjungunt tertium, non minùs Platicum: nempe *ιδέα*n sive causam exemplarem. Ità *Chalcidius* in Timæum, *sunt initia, Deus & Sylva & Exemplum.* De Plac. Ph. l. I. c. I. Neque aliter Plutarchus: Socrati & Platoni ait, *Τρεῖς εἰς ἀρχαίς, ἡ θεὸν, ἡ ὕλην, καὶ ἡ ἰδέαν.* ἔτι δὲ ὁ θεὸς ὁ γὰρ, ὕλη δὲ τὸ ὑποκείμενον πρῶτον γενέσκει καὶ φθορᾷ, ἰδέα δὲ ὅτι αὐτὴ ἀσώματος, ὅν τοις νοήμασι καὶ ταῖς φαντασίαις τῆς θεᾶς. Atque hanc fuisse sententiam Platonis apertè constat in Timæo, cum de Mundi Exemplari loquitur; apertiùs adhuc apud *Timeum Locrum*, in principio: *τὰ δὲ σύμπαντα, ἰδέαν, ὕλαν, αἰδηλόν τε, οἷον ἐκγονον τελέων,* &c. Neque aliud voluisse Laertium verisimile est, ut rectè notavit vir doctissimus. Sed Menag. ad loc. in Laertio nostro, non mutila tantùm, & confusa, sed & perversa & distorta multa.

At nimis vagamur extra terminos Physiologiæ, in quâ parùm claruit Platonis ingenium. Platonis inquam, quem, in Theologiâ & Disciplinâ morali, meritò *Divinum* nuncupamus. Utì *non omnis fert omnia tellus*, ita mentis nostræ tantilla vis est, ut unam in multis præcellere, saltem in omnibus, non sit fortis humanæ. Sed præter res purè divinas, cum diù versatus fuerit in Ægypto hic Philosophus, retulit Archæologias non paucas: prisce sapientiæ priscique mundi vestigia, in *Timæo*, *Politico*, *Phædone*, aliisque dissertationibus impressa. Hæc, inquam, ex Ægypto retulit, ut patet in Timæo: & secundum Jamblicum, ex ipsis *Hermetis* columnis desumpsit. Has De Myst. Ægy. Dec. I. c. 2. *ἀρχαίας παραδόσεις*, quæ non sunt hujus loci, in progressu operis non negligenter inferemus, & elu-



1. 2. c. 5. cidabimus. Interea de Platone hæc breviter dicta sunt.

Quoad Scriptores Platonicos, non pauci supersunt. *Plotinus*, Platonorum Coryphæus, *Porphyrus*, *Jamblicus*, *Proclus*, *Maximus Tyrius*, *Alcinous*, *Chalcidius*, *Apuleius*, aliique. Periit *Crantor*, antiquissimus Platonis interpres: *Taurus*, *Amelius*, & *Numenius*, cujus habes nonnulla apud Eusebium. Præterea, *Olympiodorus* & *Syrianus*, qui in *Alcibiadem* & *Rempublicam* scripserunt. Sed his recensendis aut examinandis non immoramur, cum ipsius Platonis opera supersint; neque rivos rivulose sequimur, cum fontem adire licet. Hæc de Platone.


*Peripat.* &  
*Epicur.*

Ad sæces philosophiæ jam ventum est: ad Epicuream nempe & Aristotelicam. A temporibus Platonis ad initium currentis sæculi, totum illud intervallum ἀφιλόσοφον mihi habetur; cum neque priscam retinuerit sapientiam ætas illa intermedia, neque novam invenerit: nisi garrulam quandam, & sine fruge loquacem. In Platone desit antiquitas philosophica: Sequiores illi Græcanica tantum sapient, & nullius sunt numeri inter veteres: Quoad Aristotelem, ipsiusque Scholam, in eo argumento, quo versamur, nempe de rerum originibus, nihil habent sani aut solidi. Volunt mundum esse Æternum, tam quoad formam, quam materiam. Neque tantum cœlorum compagem, & Telluris molem, sempiternas fuisse: sed nos etiam misellos homines, & animalcula quæque in suo genere; marem & sceminam, genuisse & genita esse, sine primogenito aut principio. Arbores præterea, & prata, & flores, & fruges, totamque Terræ supellectilem, nunquam non extitisse. Dogma non modo irreligiosum, sed tantum non ridiculum. Hoc tamen ille tanti fecit, ut hujus decreti, tanquam

tanquam sibi proprii, laudem asciscere voluit, atque omnibus antiquis præripere. Ait enim, de mundo L. 1. de cal. c. 10. *γενόμενον μὲν ἐν ἅπασι τοῖς θεοῖς, ἀλλὰ γένόμενον οἱ μὲν αἰδίων, οἱ δὲ φθαρτόν.* Omnes antiqui factum esse dicunt mundum: sed alii Immortalem factum, alii corruptibilem. Ille autem, ut singulari notâ emineret, ne factum quidem esse voluit.

Præterea, non videtur sibi convenire in suis placitis, de rerum ortu & primævo statu, Aristoteles. Ait enim elementa suâ naturâ esse gravia & levia: & se-

cundum hanc gravitatem & levitatem, suos habere situs & dispositiones naturales: ut in hoc Schemate. Quæro igitur, unquamne fuerint Elementa in hoc situ, vel non? si nunquam fuisse dicas, quid impedivit? Quid ob stare potuit naturæ & motibus naturalibus Elementorum? Omnia fiunt secundum leges



naturæ, nisi aliquid extranei & violenti intercesserit. Si verò olim fuerunt in hoc situ nativo, Quid turbavit ordinem? quare non in eodem permansere ad hodiernum diem: Stetitque Terra, aquis adhuc obruta, & inhabitabilis? Præterea, si dixeris fuisse quidem primùm Elementa omnia in situ naturali, & postea mutasse situm, causis novis supervenientibus: diruis hypothesin Aristotelis, qui mundum nunquam non habitabilem & habitatum esse asserit.

Repetamus, si placet, hoc argumentum, aliis verbis: quo eadem sententia, non impia modò, sed inepta & absurda, demonstretur. Supponamus, cum

Aristotele,

Aristotele, Solem & Terram fuisse ab æterno, ideoque coævus: Quæro, sub quâ formâ erat Tellus coæva æterno Soli? Sub formâ Elementari, (itâ enim appello formam illam simplicem, in schemate exhibitam, quâ singula elementa suas tenent regiones) vel sub hodiernâ, terraqueâ & habitabili? Si prius dixerit, Terramque transiisse, actione Solis, vel aliarum causarum, è formâ Elementari in hodiernam, mundi sublunaris exordium agnoscit, propriamque destruit sententiam. Sin posterius, Quæ de elementorum naturâ, legibus, & locis, tradiderat, funditus evertit: & seipsum denuò suâ manu interficit. His se difficultatibus irretitum sensisse videtur Aristoteles: Ubi, in *Meteoris*, de *situ Terræ & Aquæ*, & de *generatione maris*, verba facit. Nam levissimè tangit istam materiam, refugitque statim, quasi vivos carbones tetigisset. Sed de hâc re satis.

L. 2. c. 1.  
& 2.

Hæc de rerum ortu: De rerum naturâ quid sensit Aristoteles: & primùm de cœlis? Cœlos adamantinos esse voluit: atque Stellâs, instar clavorum aureorum, in laquearibus Orbium defixas. Figmentum, quod Poëtâ decet magis quàm Philosophum. Dein omnes simul Orbes invicem catenatos, totumque Universum, quantum quantum, singulis viginti quatuor horis, raptu primi cujusdam Mobilis, circumvolvi. Atque hunc circulum iterari quoquo die, in sæcula sæculorum. Ad hæc, Planetas simul ferri contrariis motibus: tam in Orientem, quàm Occidentem, eodem tempore. Denique materiam cœlorum ab omni sublunari penitus aliam esse statuit: non gradu tantùm & qualitativis, sed toto genere, ut altera in alteram nec mutetur unquam, nec mutari possit.

Si infra Lunam descendamus, statim incidimus in *Ignem Elementarem: Ignem plus quàm Fatuum: cum*  
tam



tam luce,quàm calore careat. Ad mediam aeris regionem delapsi, *Galaxiam & Cometas* Aristotelicos reperiemus. Hæc enim pro meteoris habet bonus ille philosophus, plebeiis oculis naturæ phænomena contemplatus. Deniq; in ipsâ Terrâ, ne generalia quidem explicuit Aristoteles: Qualia sunt motus maris, Phænomena magnetica, Metallorum & Mineralium vires & compositiones. Et quoad corpora singularia, ad explicandum eorum actiones & virtutes, abdicato motu locali, verisque materiæ & ipsius partium differentiis, *Formas*, nescio quas, *substantiales*: & *Qualitates specificas*, introduxit. Verba inania: quæ non magis valent in rebus naturalibus, quàm quæ rejecerat antea, Pythagoricorum *Numeri & Harmonia*. Ac uti agunt in se invicem corpora per has formas & qualitates, ita in sensus nostros agunt, si Diis placet, per *species intentionales*; fucata ignorantix suæ alysa.

Hæc cum ita sint, atque talis fuerit Philosophia Aristotelis, satis admirari non possumus Orbis Christiani stuporem: qui, per tot sæcula, hanc disciplinam unice amplexus est: laudibus ad cælum extulit, omnibusque Scholis & Academiis publicè docendam & prælegendam commendavit: Imò sancivit auctoritate, & in dissentientes ab Aristotele, aut novam molientes Philosophiam, tanquam in Hæreticos & religionis Christianæ hostes, grassabatur. Hinc tardis scientiarum progressus: & à tot sæculis, quibus invaluit hæc philosophia, nulla inventa, nulla commoda attulit humanæ vitæ. Quot volumina Commentariorum, magna & inutilia? Quot præclara ingenia, hoc servile jugum ferre coacta, in colendo solo infrugifero frustrà laborârunt. Sterilescibat orbis Christianus, quasi arenâ conspersus, ubicunque hæc philosophia disseminata fuit.

Erro-

## Errorum Aristotelis brevis conspectus.

Mundum Æternum esse statuit, ex utrâque parte :  
Ingenitum & incorruptibilem.

Cœlos solidos, & eodem tempore in contrarias  
partes actos.

Materiam Cœlorum esse divinam, Quintessentia-  
lem, & immutabilem.

Fixas esse densiores partes suorum orbium : & Pla-  
netas lucidos suâ naturâ.

Lucem non esse corpus, aut qualemcunque motum  
corporum.

Sub concavo Lunæ latere Ignem Elementarem.

Galaxiam esse Meteorum : & Cometas itidem, ul-  
tra mediam aëris regionem non evectos.

Terram hærare immobilem in centro Universi.

Sursum & deorsum in naturâ fundari, secundum  
rationes immutabiles.

Formas rerum animatarum esse substantiales : Et  
qualitates sive affectiones corporum ab eorum  
modis prorsus distingui.

Sensationem fieri per species intentionales. Rare-  
factionem & condensationem per incrementum  
& decrementum extensionis in materiâ.

Providentiam infra Lunam non descendere.

Animam esse *ὀψιλέχεια*, (vocem barbaram & am-  
biguam) & immortalitatis dubiæ.

- Genium hominis si quæras, videtur lividus & *μικρό-  
ψυχος* : in veteres philosophos plerumque iniquus :  
quos in magnis præterit, in minutis refellit. Vale  
Stagirita, semper mihi eris *malus Astronomus, Theolo-  
gus pejor, Physiologus pessimus.*

Sequitur

Sequitur *Epicurus* cum suo grege, Vir parùm eruditus, sed ingenio non vulgari : ità tamen sensibus addicto, ut exinde, supremam veritatis normam & indicem semper desumendam esse putaverit. Gaudet ille suis sensibus omniscientibus : suo Sole sesquipedali : suâ Terrâ, non pendulâ, sed radicatâ deorsum in infinitum : Recurrente sole, qualibet nocte, per terrarum latera ad carceres Orientales. Hæc si philosophum decent, qualia sunt illa quæ decent vulgus & idiotas ? suam illis scientiam, suas voluptates, utrasque sensibiles, non invideo : Digni, qui cum corporibus vivant pereantque, Animi.

De hujus viri philosophiâ nihil habeo commemoratione dignum. Democriti & Leucippi dogmata corripit potiùs quàm emendavit : Antiquo-barbara & vetustissima ignoravit, nobis inveniendis impar. Philosophatur laxè & per rationes fluctuantes, quæ non constringunt animum, neque ad assensum impellunt, nisi, suâ sponte, in partes indolemque Epicuri, propendeat. Quoad mundi ortum, quod proximè accedit ad argumentum nostrum, eâ in re se pessimè expedit *Epicurus* ; nam præterquam quod Atomorum illi motus, quos introduxit, tam *descensus* quàm *declinationis*, sunt fictitii, cum his figmentis rem suam necdum conficere potuit. Cum enim, in formandâ Tellure, præteriisset membranam illam Leucippi (cujus supra meminimus) orbemque primigenium levem & æquabilem, & ad hodiernam Terræ formam protinus aptare voluerit suam Cosmogoniam, planè excidit proposito, atque frustra fuit ; cum neque maris, neque montium, neque cavitatum Terræ, aut cæterarum, quas in ipsius formâ conspiciamus, inæqualitatum, causas reddere poterat, aut verisimiles aut tolerabiles. Quare huic suæ do-



Strinæ, de mundi origine, discutiendæ, non esset operæ pretium plus temporis impendere ; cætera autem Epicuri sunt notissima, & in iis excolendis, Laertius olim, & nuper *P. Gassendus*, satis superque laborârunt : ad quos Lectorem φιλεπίκτειρον remitto. Denique quoad Libros Epicuri, erat enim πολυγενῶτατα, catalogum habes apud Laertium ; sed è trecentis, quæ scripsisse dicitur, voluminibus, nulum hodiè integrum superest.

HÆC de Sectis Græcorum Philosophorum, & de Philosophis ante-sectariis & Mythicis, dicta sunt. Quæ paucis perstrinximus, pro ratione argumenti nostri. De his sectis Græcorum permulti auctores scripserunt, nobis hodiè deperditi : quales fuere *Eratosthenes*, *Panetius Stoicus*, *Clitomachus*, *Apollodorus Atheniensis*, & incertæ ætatis *Hippobotus* & *Theodorus*, à Laertio citati. De quibus figillatim videre licet diligentissimum hac in re scriptorem *Joh. Fonsium*. Præterea, qui de vitis & dogmatis Philosophorum generatim scripserant, innumeri exciderunt : Quales fuere inter antiquos *Chrysippus* Stoicos, πρὸς τὴν ἀρχαίων φυσιολόγῳ. *Apollodorus Ephellus*, Stoicus etiam, qui εἰσαγωγὰς εἰς τὰ δόγματα scripsit. Dein *Porphyrus* scripsit τὴν φιλοσοφὴν ἱστορίαν & *Damascius* similem & sub eodem titulo. Scripsit præterea Hierocles φιλοσοφῆμα παρὰ τῶν φιλοσόφων. His adjungere licet incertioris ætatis scriptores de vitis Philosophorum, uti *Actium*, ( nisi forsan idem sit

cum

Quid. in  
voc.

Hist. Phil.

cum authore τ φιλοσόφῳ ἰσοείας, quæ Galeno datur.) *Aristoclem* peripateticum, *Celsum* quendam: qui, referente Augustino, *opiniones omnium philosophorum qui sectas varias condiderunt, usque ad sua tempora, sex non parvis voluminibus absolvit.* *Dioclem* prætereà, à Laertio sæpius citatum: *Latum* etiam *Ta-* *Præfat. lib. de Hæres. Cont. Græc.*  
*tiani* τὸς βίος τῷ φιλοσόφῳ ἐπ' ἀκριβὲς πραγματευ-  
*σάμενον.* Præter alios minoris notæ, de quibus singulis supra laudatum authorem, & commentatores Laërtii consulere licet.

Denique, cùm ex antiquis philosophis multi, iique maximè, qui ex Oriente sua dogmata petiverant, duplicem habuerint doctrinam, *δημώδη καὶ ἀπόρρητον, popularem & arcanam*: qui hanc secretiorem & sanctiorem tractârunt, uti pluris sunt æstimandi, ita seorsim recenferi merentur. Scripsit autem *Pythagoras Zacynthius* τὰ ἀπόρρητα τῆ φιλοσοφίας, referente Laertio. Et *Porphyrus* exposuit τῷ φιλοσόφῳ τὰ ἀπόρρητα, teste Eunapio in ejus vitâ. *Numenius* etiam scripsit, τὰ παρὰ Πλάτωνα ἀπόρρητα: ut testatur *Eusebius*, adducto ipsius fragmento. Neque de hoc argumento desideratissimo plures mihi hætenus occurrerunt: quod iis religio esset, in publicum spargere sua mysteria: aut sacra, aut philosophica. *L. 8. de Pyth. Præf. Ev. l. 13. c. 4, 5.*

Ultimo loco, antiquos *Polyhistoras*, qui cum suis historiis gentium archæologias & prisca dogmata tradiderunt, intercidiſſe querimus. In hoc genere non pauca scripsit *Theopompus*, ut ex ipsius fragmentis aut excerptis judicare licet. Tale est illud de *Zoroastri* *De Is. & Osir.*  
*doctrinâ* apud Plutarchum, ex Theopompo. Et *Midæ & Sileni* historia, apud *Ælianum*, ex eodem. *Vâr. hist. l. 3. c. 18.*  
 Præter corpus Historiarum, scripsit Theopompus *Epistolarum* volumen, quas ἀρχαϊκὰς appellavit: eâ forsân ratione, quod de rebus antiquis tractârint.

Neque multum id moror, quod Strabo, in censuris paulò liberior, Theopompum incredibilia narrare dicat. Id enim accidit quandoque, ob materiam non vulgarem, aut propter Lectoris imperitiam. Theopompus ab *Athenæo* dicitur φιλαλήδης: virtus prima Historici. Et à *Dion. Halicarnassæo*, inter authores optimos, & quos imitemur dignissimos, numeratur. Audi utriusque verba. Ità *Athe-*

L. 3. c. 8.  
*Ed. Casaub.*  
in loc.

neus, μαθήτω καὶ παρὰ Θεοπόμπου. τῷ Χέν, ἀνδρὸς φιλαλήδους, καὶ πολλὰ χρήματα καταναλώσαντος. εἰς τὸ

p. 128.

περὶ τῆς ἱστορίας ἐξέτασιν ἀκρίβη. Dein *Halicarnassæus*, in Epistola ad Pompeium, cum *Herodotum*, *Thucydidem*, *Zenophontem*, *Philistum* & *Theopompum*, nominârat, subdit, τέττες γὰρ ἐκκρίνω τὸς ἀνδράς εἰς

p. 131.

μίμησιν ὁππότε διοτάτες. Et postea in eâdem Epistolâ laudes ipsius magis magisque exaggerat. Denique ob dicendi libertatem & in res absconditas diligenter inquisitionem, eundem alibi magnoperè laudat.

*Ἀρχαίων*  
ἐκστ. β. 70.

Hæc obiter in vindicias Theopompi Polyhistoris. *Phavorinus* de *omnifariâ historiâ*, sive περὶ παντοδαπῆς ὅλης ἱστορικῆς, desideratur inter Polyhistoras: eo enim sæpe sapiùs usus est *Laertius* in *Philosophorum* vitis & dogmatis explicandis. Item *Alexander* dictus *Polyhistor* excidit: Et *Diodori Siculi*, in rebus antiquis singularis eruditionis & diligentia viri, è quadraginta libris quindecim tantùm supersunt. Denique, apud Romanos, *M. Terentius Varro*, vir multifariâ doctus, rerum humanarum & divinarum antiquitates scripsit; Hunc laudat sequiturque *Dion. Halicarnassæus*, & in *Archæologicis*, & in *Theologicis*. Veterum utique *Theologiam*. *Physicam* explicavit *Varro*, & tractatus de *viris doctis*, aliosque quàm plurimos, adornavit. E quibus, si extarent, Antiquorum placita & literaturam investigantibus, spes esset.



esset non parum lucis affulsurum. Sed pluribus superfedeo.

Quemadmodum in singulis Gentibus, & Sectis, authores proprios qui desiderantur, in hujus operis decursu, indicavimus: ita, coronidis loco, hos scriptores generales & miscellaneos de re philosophicâ, visum est paucis superaddere: quo minus miremur, rerum antiquarum notitias, unâ cum suis custodibus, in eodem naufragio, magnam partem, periisse. Neque id mihi quispiam vitio vertat, quod ex Anti. quorum sterquiliniis aliquas gemmas collegerim, relictis sordibus: id enim æqui animi & consilii esse videtur; cum ipsa temporis diuturnitas, per impuros canales decurrens, fæces & sordēs auxerit, & ad imum detruserit. Præterea cum hoc opus qualecunque, ad purgandam veterem Philosophiam, institutum fuerit: satis esset, optima quæque seligere & conservare, cæteris in oblivionem datis: ut, quem majoribus debemus, salvo honore, ex eorum rectè dictis & inventis, quantum licet, proficiamus.

Atque ita tandem Gentes literatas, per terrarum orbem, & præcipuas Philosophorum Sectas, perstravimus. Memorantur præterea quædam magna nomina, Sapientum aut Mystarum, hæc illuc sparsa; Sed de quibus, præter nomina, nihil magni reperio. Hujusmodi sunt *Atlantii* vel *Atlantici*, in Libyâ: *Idæi Dactyli*, vel *Corybantes*, in Phrygiâ: *Cabirorum* Mystæ, in Samothraciâ: *Telchines*, & postea *Heliadæ*, L. 5. in Rhodo, secundum Diodorum. Denique, *Hyperborei*, & Apollinis sacerdotes, in extremitate Terræ. Apud horum singulos, aiunt nonnulli, reconditam sapientiam.

sapientiam & arcana maxima olim latuisse. Sed latent adhuc, neque ullibi occurrunt diligentius indagantibus. Qui verò crepant mysteria, & nulla monstrant, gaudent sibi, non profunt aliis: & siquid habent veræ scientiæ, id nobis inter deperdita numerandum est. Nos verò apertè & in propatulo, ex scriptis monumentis, agimus: & ex singularum gentium thesauris, qui supersunt, Literariis, quasi communi censu aut Symbolo, aliquid, ad incrementum Scientiæ, colligimus. Neque in hâc brevi rerum & temporum recensione, nos, ullum populum Sectamve, veteres, & philosophiâ celebres, tacuisse aut prætermisisse arbitramur.

---

## C A P. XIV.

### *De origine Philosophiæ Barbaricæ.*

**H**ÆC de Philosophiâ veterum, tam Græcâ, quàm Barbaricâ, summatim diximus; & de eâ parte potissimum, quæ Mundi nostri ortum & occasum respicit. In origines utriusque philosophiæ à multis inquiritur, nec immeritò: est enim dignus vindice nodus. De Græcanicâ, minor quidem lis est aut quæstio: cùm partim eam ab exteris derivatam esse, partim ab ipsis Græcis inventam, auctamve, multa veterum testimonia, multæque rationes, fidem faciant. Prout supra vidimus, *capite nono*. Unde verò Ægyptii, Æthiopes, Chaldæi, Phœnices, Arabes, Indi, aliique Orientales, suam hauserint Philosophiam, atque sua dogmata antiquissima, non adeò facile est explicatu. Dux sunt opiniones, maximè communes,  
de

de Philosophiæ Barbaricæ origine. Nonnulli statuunt ab ipsis illis gentibus, suoque ingenio, inventam fuisse: alii ab Hebræis deductam & derivatam ad ceteras gentes: à Mosè scilicet, aut Abrahamo: omnium scientiarum, ut volunt, principibus. Ægrius assentior harum alterutri opinionum. Quoad primam, quis tantum ingenii acumen, & rationis vim, & differendi facultatem & exercitationem, in priscis illis viris mihi commonstrare poterit? quæ naturæ examina, & observationes, & experimenta, posteris prodiderunt? Cedo mihi aliquot exempla & specimina, in Ægyptiis, in Chaldæis, in Bracmanis, cæterisque, hujus præclaræ & inventricis indolis: ut sua vi, atque suis ratiociniis, tantarum sibi rerum comparâsse scientiam, non temerè credamus. Sua dogmata tradunt plerumque nudè & simpliciter, nullâ præeunte dissertatione, nullis munita rationibus: ab ipso nutu & autoritate docentis recipienda. Vel si fortè rationes afferant, sunt vagæ & instabiles: quæ plus minùs valent, ad Lectoris affectum & arbitrium. Mundi futura CONFLAGRATIO, est dogma perantiquum: à gentibus ad Græcos deductum; sed neque ab his aut illis probatum legimus, nec tam diræ sententiæ causas aut modos exposuerunt. Quod si argumentis à naturâ rerum petitis, & ratiocinativo, ut aiunt, orationis genere, in hujus rei notitiam pervenissent, iisdem usi essent ad persuadendum aut revincendum alios, quos eâdem doctrinâ imbuere. Sed nudè accepta, nudè retulerunt: ut solent transferri πατερπαρόδοτα. Præterea, veterum dogma celeberrimum, circa *periodos mundanas*, vicissitudines, & renovationes rerum, nullis demonstrationibus nititur, sed autoritate repetitâ & irrefragabili. Atque, ut alterius generis exemplum afferam, doctrina μετεωρολογίας:



χρῶσεως, sive de *præexistentiâ & revoluzione Animarum*: pervetusta & universalis, siquæ alia: cùm non tantùm per Orientem ubique, sed etiam in Occidente, ut apud Druidas & *Pythagoreos*, obtinuerit. Hæc, inquam, doctrina, quasi cælo demissa, ἀπάτωρ, ἀμήτωρ, ἀγενεαλόγητος, totum terrarum orbem pervagata est: necdum probare possumus, rationibus Physicis, Animas præexistere corporibus, aut in eadem sæpiùs reverti. Denique, ut plura non addam, Antiquorum κοσμογονίαι, sive doctrina de ortu mundi ex *Chao*, prisca licet & latè diffusa, nunquam exposita & probata fuit philosophicè, & per rationes justas. Rerum procreationem alii explicuerunt μυθικῶς, sub nomine & genealogiis Deorum: alii ἠθικῶς, per *Amorem & Inimicitiam*: alii quidem φυσικῶς, per rationes Levium & Graviorum, sed laxas, vagas, & inexpletas: quibus consummare opus, atque suum Chaos, à carceribus ad metam, à confusâ mole in formam orbis habitabilis, perducere nunquam poterant.

Plura exempla non referam. Qui enim in literaturâ & lectione veterum, vel mediocriter versati sunt, satis nôrunt, moris non fuisse priscis illis sapientibus, *Theorias* condere, neque dogmata sua per Causas aut Effecta demonstrare, ut solent hodierni Philosophi. Minus operosa fuit primorum hominum Philosophia, cùm nondum instructi essent tanto rerum apparatu ad observationes instituendas, vel in cœlis, vel in terris, vel in mari: vel circa aërem, aut aquam, aut circa ea quæ fiunt, ignis vi, in alia corpora. Utî mores hominum, & vita humana, ita cognitio pariter, in primis sæculis, simplicior erat, & paucis contenta. Rectè notat Clemens Alexandrinus, Philosophiam antiquo-barbaram fuisse facilem brevemque, per quæ sita & responsa: non argumentativam & contentiosam,

ſam, ut erat poſtea Græca. 'Αλλ' ἐδὲ οἱ παλαιῶται *Siron. 8.*  
 τῶν φιλοσόφων ὅτι τὸ ἀμφισβητῆν καὶ ἀπορεῖν ἐφεροῖτο. *Princ.*  
 -----οἱ μὲν γὰρ νεώτεροι τῶν παρ' Ἑλλησι φιλοσόφων,  
 ὑπὸ φιλοτιμίας κενῆς τε καὶ ἀτελεῖς, ἐλεγχτικῶς ἅμα καὶ  
 ἐριτικῶς, εἰς τὸ ἀχρηστὸν ἐξάγονται φλυαρίαν· ἔμπροσθεν  
 τῇ βάρβαρῳ φιλοσοφίᾳ τὴν πᾶσαν ἔχον ἐκβάλλουσα, Ζη-  
 τᾷτε, εἰπεν, καὶ εὐρίσσετε, κρᾶετε καὶ ἀνοιγήσεται ὑμῖν, &c.  
*Sed neque antiquissimi Philosophi ad contendendum fere-*  
*bantur. & ad dubitandum. Recentiores autem Græcorum*  
*Philosophi, inani irritaque laudis cupiditate commoti,*  
*argutando & contendendo, ad nugacitatem deducuntur*  
*inutilem. Contrà autem barbara Philosophia, omnem*  
*expellens contentionem: Querite, inquit, & invenietis,*  
*pulsate & aperietur, petite & dabitur vobis, &c. Nem-*  
*pe per breves interrogationes & responsiones rem su-*  
*am expedit. Non erat artificiosa, & ἐπετημοτικῶς com-*  
*posita, εἰς κύκλους καὶ συστήματα: quod à Græcis postea*  
*factum est.*

Hinc satis constare videtur, Priscorum Philosophi-  
 am fuisse traducem sive traditivam; Sed à quâ de-  
 mum origine, quæres? Ab Hebræis inquirunt non-  
 nulli: atque *Mosi* aut *Abrahamo* acceptam referunt  
 omnem sapientiam antiquo barbaram. Quoad *Mo-*  
*sem*, constat ex sacris literis eum fuisse posteriorem  
 sapientiâ *Ægyptiacâ*; Et Discipulum potius quàm  
 Doctorem istius gentis literatæ; dicitur enim instru-  
 ctus & institutus à pueritiâ in sapientiâ *Ægyptiorum*.  
 Verba Sancti Stephani hæc sunt, 'Ανέλατο αὐτὸν ἡ  
 θυγάτηρ Φαραὼ, καὶ ἀνεθρέψατο αὐτὸν ἑαυτῇ εἰς υἱόν. Καὶ  
 ἐπαιδεύθη Μωσὴς πάση σοφίᾳ Αἰγυπτίων. *Expositum*  
*autem illum sustulit filia Pharaonis, & enutrivit eum sibi in*  
*filium. Et eruditus vel institutus fuit Moses in omni sapi-*  
*entiâ Ægyptiorum.* Hæc igitur sapientia non nata est  
 primum cum *Mose*: natales ipsius præcessit, ab altiori  
 origine repetenda.

Similiter quoad sapientiam *Arabicam*, Jobus, Arabs πολυκλαῖος & πολυμαθής: in cujus hiltoriâ multa occurrunt antiquæ sapientiæ vestigia, antiquior habetur Mose. Idque multis patet indiciiis, primò, quod nullibi meminerit rerum à Mose gestarum: sive in Ægypto, sive in exitu, sive in deserto: licet multus frequensque sit in celebrandâ Dei magnitudine; neque magis earum meminerunt ipsius Amici, in recolendâ Dei justitiâ & potentiâ; Cùm tamen nulla fuerit hiltoria, post Diluvium, unde supremi Numinis, justî & potentis, gloria, aptiùs illustrari potuisset, quam ab illâ Ægyptiacâ. Secundò, quod, cùm vir pius & veri Numinis cultor fuerit, Legi Moisaicæ contraiverit, in sacrificiis faciendis. Sacerdotis officio ipse functus est, jure quodam naturali & primitivo, quo Pater-familias Rex erat & Sacerdos apud suos; ad exemplum Noachi, Abrahami, Jethronis Midianitæ, & aliorum, qui, ante Legem latam à Mose, sicra faciebant. Tertio, Ex ætatis & vitæ suæ mensurâ, in tertio, plus minus, à Diluvio sæculo, collocandus esse videtur. Vixit enim ultra ducentos annos. Adhæc, in hiltoriâ Jobi, summam quandam vetustatem redolent omnia. Cum de idololatriâ loquitur, memorat primum ipsius genus, Solis & Lunæ adorationem. Cum de conscribendis suis malis & miseris verba facit, vetustissimum scriptionis genus, sculpturam scilicet, indicat. Ex re pecuariâ numerantur ipsius opes, & ex liberorum multitudine, felicitas. Præterea, in enarrandis Dei operibus, quod sapiùs fit in hoc scripto, Mundi molitionem & Diluvium celebrat author, recentiora nulla. Neque Sabbathi, neque ullius Legis factitiæ meminit: in moribus & pietate *præcepta Noachidarum* secutus. Denique, post formatam Rempublicam Judaicam, secre-

tamque

Cap. 31.  
26, 27.

Cap. 19.24.



tamque à cæteris gentibus, per instituta propria & Legem à Deo datam : non facilè credo, hanc sanctam gentem, ejusdem temporis & sæculi alienam, vel hominem Gentilem, in exemplum pietatis proposituram, aut ipsius acta & historiam in sacros eorum codices relaturam. His omnibus adducor ut credam, Mosi Jobum tempore anteisse.

Quoad Æthiopas, præcelsè literis Ægyptios, secundum *Diodorum* : & secundum *Lucianum*, in rerum cœlestium cognitione. Prout antea notatum. *Cap. 2.* Quantum ad Phœnices, Sanchoniathonis ætas incerta est : sed ante tempora Cadmi floruisse literas in Phœniciâ, non dubitatur. Denique, quoad Babylonios, Assyrios, Chaldæos, eorum observationes cœlestes, ipsumque Imperium, multò altius natalibus Mosi ascendunt. Et, si forte non erraverit Justinus, apud Bactrianos *L. 1.* erant *Magi*, tempore *Nini*, qui mundi principia, syderumque motus, diligentissime spectabant.

Harum rerum, ut videtur, conscius, Flavius *Josephus* : nempe Ægyptios, Arabes, aliasque gentes sapientiâ celebres, atatem Mosi præiisse : maluit ad Abrahamum referre originem omnis sapientiæ antiquo-barbaræ, & præsertim Ægyptiacæ. Sed quo, quæso, prætextu ? quibus ductus argumentis hoc asserit ? Hocce in historiâ sacrâ traditum est ? Hocce in exoticâ legimus ? Et si ratione agas, quantulum fuit in Ægypto Abrahamus : quî potuit, infra biennium, peregrinus homo, sermonis alieni, gentem instruere scientiis, ut volunt, naturalibus & Mathematicis, earum antea ignaram & inassuetam ? Quamobrem propriam gentem non prius instruxit & edocuit has artes : filium suum & nepotes ? Neque scientiâ naturali, neque Mathematicâ, celebres fuere Hebræi : & à se tamen edoctos esse volunt Ægyptios, qui, in his disciplinis, facile

cilè cæteras omnes gentes olim superâsse perhibentur: Hæc non tantùm gratis dicuntur à *Iosepho*, sed etiam contra omnem veri speciem aut similitudinem. Quare, missis his præjudiciis Judæorum, qui sibi deberi volunt; & à se derivari, quicquid est, inter homines, divini aut eximii: depositis, dico, his præjudiciis, ascendamus altiùs in quærendâ origine Philosophiæ Barbaricæ: altiùs, inquam, Mose aut Abrahamo: ad Diluvium usque, & communem Gentium & Judæorum Patrem, *Noachum*. Virum magnum, veri numinis cultorem, & utriusque mundi scientem. Quid ni credamus, ab hoc fonte, ab hoc viro originario, descendisse ad suos posteriores, ad homines nempe postdiluvianos, ea Theologiæ & Philosophiæ capita, quæ apud gentes antiquo-barbaras reperiuntur? Suis liberis & nepotibus fertur tradidisse Noachus *præcepta* moralia, quæ *PRÆCEPTA NOACHIDARUM* dici solent; Quid ni etiam *Dogmata*; quæ eodem jure *DOGMATA NOACHIDARUM* sunt appellanda? Quemadmodum dein illa præcepta non versabantur circa res minutas, aut momenti minoris officia: sed ea spectabant quæ ad vitam ritè instituendam erant maximè necessaria: Ita pariter hæc dogmata respiciunt summos ordines & momenta maxima Mundi Naturalis: unde incepit, quâ formâ & structurâ primùm coaluit: Quas vices, aut motus majores, aut jam subiit, aut olim subiturus est: an dissolvendus: an renovandus: Et quis extremus rerum exitus & meta ultima: In his generalibus, in his maximis, versata est, ni fallor, sapientia Primæva: sive illa ipsius pars quæ *περὶ κόσμου ἡ περὶ φύσεως*, instituebatur. Sunt enim aliæ partes plures, *περὶ θεῶν*, *περὶ ψυχῆς*, *περὶ Ἀδύ*, *περὶ εἰμαρµῆς*, cum reliquis, quæ non sunt præsentis instituti. Hæc & hujusmodi capita complexa est priscorum philosophia;

lōsophia ; Quæ, licet multis maculis conspersa, aut-  
fordibus involuta, ad nos feros homines, ultimam ferè  
Noachidarum progeniem, post aliquot millennia, per-  
venerit : veritate tamen aliunde repertâ & exploratâ;  
has labeles eluere non penitus arduum est ; & in his†  
Antiquorum gemmis, vetustate licet decoloratis, vi-  
vidas adhuc relucere scintillas, non sine admiratione  
sæpius adverti. Sed ad Noachum redeamus.

Æquum est credere, Patres Antediluvianos non fu-  
isse stipites, insulsos, & scientiarum expertes : Horum  
autem communis hæres erat Noachus, plurimis co-  
taneus, & cæterorum literaturæ, facili traditione, par-  
ticeps. Quicquid igitur sapuerunt longævi Patriar-  
chæ, id Noacho innotuisse, maximam partem, proba-  
bile est : cùm, per sexcentos annos, eorum uti potuit  
commercio & studiis. H I C igitur, me iudice, *utri-  
usque mundi incola*, scientiarum lampada ab illis ad hos  
tradidit : & propagavit per terrarum orbem, unâ cùm  
suâ sobole, & primævis populis, quædam semina, tam  
naturalis, quam moralis, doctrinæ. Sed multùm ex-  
ruiisse sequioribus sæculis, utramque doctrinam, & suc-  
crescentibus zizaniis tantùm non suffocatam esse, li-  
bens agnosco. Hæc faciliè redintegrari non possunt ex  
antiquis monumentis : sed potius ex ipsis naturæ, li-  
quidæque rationis, principiis, renovanda sunt omnia,  
& per Theorias ritè constitutas, emendanda pariter  
& stabilienda. Ut, ingruente rerum fine, veritas re-  
diviva, in futuræ renovationis præludium, clariùs elu-  
cescat.

*Finis Libri primi.*



Living with me.

ARCHÆOLOGIÆ  
Philosophicæ :  
SIVE  
DOCTRINA  
ANTIQUA DE  
RERUM ORIGINIBUS.

LIBER SECUNDUS.

Per modum Commentarii ad Telluris  
Theoriam Sacram,  
Ab eodem Authore conscriptam.

L O N D I N I,

Typis R. N. Impensis Gualt. Kettilby, ad Insigne  
Capitis Episcopi in Cœmeterio Paulino,  
MDCXCII.

THE  
LIBRARY  
OF THE  
MUSEUM OF  
COMPARATIVE ZOOLOGY  
AT  
HARVARD UNIVERSITY  
Cambridge, Mass.  
1885

---

1885



## LIB. II.

## CAP. I.

*Introductio & summa Libri Secundi. De  
Chao Antiquo universalis traditio, &  
de ipsius motibus in genere.*

**Q**Uùm non ita pridem exposita fuerit, & in publicum data, *Telluris Theoria*: tota deprompta è suis causis, velut è visceribus Naturæ; eandem jam libet, quo nihil desit instituto operi, autoritate & testimoniis veterum confirmare. Neque tamen ab Antiquis sperare licet, eandem partium integritatem, connexionem, & ordinem, in hoc argumento, cum quibus à nobis exhibetur in illâ compage Theoriæ: Sed discerpta membra recolligemus, Caput, & Truncum, & præcipuos Artus: quæ latent inter antiquitatis rudera.

Hujus Theoriæ nonnulla capita in antiquorum monumentis latuisse, antea ostensum est, in priori ipsius parte. Missis igitur, aut leviter tactis, quæ illic dicta sunt: quæ supersunt dicenda, & ab iisdem antiquis repetenda, in hoc tractatu accumulamus. Hic

*Theor. Sacr.  
l. 2. c. 8. Sec.*

D d

autem

autem tractatus bipartitus est, ut vides: & quemadmodum in præcedenti libro propositum erat, singulas gentes literatas percurrere, & proferre in lucem cujusque Philosophiam & Dogmata, tam quoad Mundum Magnum, quàm Sublunarem: tam quoad Cælum, quàm Terras, & utriusque origines; Ità in secundo hoc libro Tellurem unicè respicimus, & ipsius oriûs, formæque primævæ, quæ restent apud veteres vestigia, seorsim & diligentius quærimus. Restant autem, nisi mea me fallat opinio, non exigua: id quod in sequentibus, allatis exemplis, probaturi sumus.

Veterum doctrinam circa *Telluris originem*, perscrutanti, incipiendum est ἀπὸ τῆς πρωτογόνου χάεθ, velut ab hujusce naturæ, atque Orbis sublunaris, materiâ primâ, aut seminario. Percrebuit autem apud antiquissimos sapientes, tam Theologos & Poëtas, quàm recentioris nominis, Physicos & Philosophos, τὸ Ἀρχαῖον χάεθ: & à Barbaris ad Græcos, à Græcis ad Romanos, & ad omnes gentes quaquaversum manavit illa doctrina. Mundum nostrum, sub eâdem formâ & apparatu quo gaudet hodiè, semper & æternum extitisse, præter Aristotelem, & nonnullos forsan, Pseudo-Pythagoricos, nemo aperte asseruit. Sed id totum quod Terræ Globum appellamus, orbemque habitabilem, informem olim fuisse massam, turbidam & indiscretam, Chaos dictam: mundi orituri quasi rudimentum; omnes sapientes uno ore tradiderunt.

Nondum enim temporis longinquitas rerum initia extinxit: nondum sui oriûs oblitum est humanum genus; apud priscos populos, rerum non ità pridem natarum, recens erat memoria, & quasi recordatio: & apud omnes ferè, Hebræos, Ægyptios, Phœnices, Persas,

Perſas, Græcos denique & Latinos, τῷ ἀρχαίῳ χάρις  
reperire licet reliquias. Quibus teſtantur olim in-  
cœpiſſe Mundum, & à materiâ confuſâ & indigeſtâ  
originem ſuam traxiſſe. Cùmque hoc ſit ipſa baſis  
prædictæ circa Tellurem Theoriæ, operæ pretium  
erit veterum placita & ſuffragia hac in re colligere  
& explicare.

Cùm verò inter literarum monumenta nihil anti-  
quius ſit ſcriptis Moſaicis, exordiendum erit à Moſe,  
Hebræorum Legiſlatore & Prophetâ maximo. Ille  
origines ſuas Telluris deducit à *Chao*, ſive à ſtatu  
materiæ terreſtris confuſo & tenebroſo, quem *Tohu*  
*Bohu* appellat; Hoc autem idem valere ac *Chaos*  
philoſophorum, & res ipſa loquitur, & Interpretes,  
tam Judæi, quàm Chriſtiani,

aſſenſu comprobant. Quin-  
etiam ad *Chaos* Moſaicum re-  
ſpicere mihi videtur Apoſtolus

*Vid. Man. Ben Iſr. de Creat. Je. Abarbam.*  
*de amore Dei, Dial. 2. & 3. Maimon. mor.*  
*Neu. pars 2. c. 26. & 30.*

(*Heb. 11. 3.*) cum ait, μὴ ἐκ φαινομένων τὰ βλεπώ-  
μενα γεγονέναι. Ubi τὰ βλεπόμενα notat *Mundum aſpe-*  
*ctabilem*, qualem jam habemus ante oculos. Et μὴ  
φαινόμενα idem eſt ac ἀόρατα, quod dicitur de *Chao*  
Moſaico (*Gen. 1. 2.*) à Septuaginta interpretibus,  
quos ſequi ſolent Apoſtoli. Eò igitur redit ſermo  
Apoſtolicus ut doceat, hunc mundum aſpectabilem,  
ortum eſſe à cæcâ & informi materiâ, à Moſe memo-  
ratâ.

Quoad Interpretes Chriſtianos, eorum pars longè  
maxima, *Tohu Bohu Moſaicum* de Græcorum aut Bar-  
barorum *Chao* exponunt. Vel potius ſurreptum eſſe  
volunt è Libris Moſaicis hoc Dogma, atque ab ex-  
teris Philoſophis interpolatum, & varias formas in-  
dutum, veras vel larvatas. Sed ipſius origo non hic  
quæritur, quæ ad Noachum & Noachidas referenda



videtur. Satis erit impræsentiarum ipsius auctoritatem, & apud omnes gentes literatas receptionem, notam & testatam facere.

*vid. Theor.  
Tell. l. 2. c. 8.*

De Hebræis & Christianis, & de Chao Mosaico, hæc pauca sufficiant. Pergamus ad Gentes exteras, & earum Chaos: quod non uno modo tractârunt. Alii nudè & Physicè, ut solent Philosophi: Alii *μυθικῶς*, in suis *Theogoniis*, eandem materiam explicuerunt. Apud utrumque genus Scriptorum omnis Archæologiæ gentilis radix & fundamentum est Chaos. Rectè notavit Aristoteles, *secundum Theologos, omnia ex nocte genita erant: secundum Physicos, omnia erant simul mixta.* Καίτοι εἰ ὡς λέγουσιν οἱ Θεολόγοι, οἱ ἐκ νυκτὸς γεννώντες, ἢ ὡς οἱ φυσικοὶ, ὡς ὁ μὲν

*Metaphys.  
l. 14. c. 6.*

πάντα χρεῖματα. Quæ duo eodem redeunt, & eandem rem diversis nominibus exprimunt: nam in Chao, sine nocte *Chaoticâ*, omnia simul miscebantur. Rectè etiam distinxit Aristoteles *Theologos* & *Physicos*: & diversum, quo usi sunt, loquendi modum in rerum originibus explicandis. Sed illud præterea adjiciendum est, è Physicis nonnullos huic materiæ confusæ ipsiusq; motibus, Mentem præfuisse. Alii, temerè & fortuito in mundi formam coaluisse asseriebant. Uterque, ut vides, perinde ac Theologi, in quodam Chao rerum nostrarum origines posuerunt.

*Euseb. præp.  
Evang. l. 1.  
c. 10.*

Sed ut pergamus in proposito. Hebræis succinunt vicini Phœnices, atque suum sibi formant Chaos & exinde omnia. Phœnicum Theologia, inquit *Philo Biblius* ex *Sanchoniathone*, ἢ τῶν ὅλων ἀρχὴν ὑποτίθεται αἶρα ζοφώδης καὶ χαλκ. τολερόν. *Principium rerum omnium ponit aërem tenebrosum, atque Chaos turbidum.* Egyptii itidem hanc elementorum farraginem & miscellaneam molem, pro primo rerum statu, & nascituri mundi exordio, habuerunt, ità refert eorum

rum sententiam *Diodorus Siculus*, κατὰ τὴν ἐξ ἀρχῆς Bibl. Hist. c. 1.  
 τῶν ὄλων σύτασιν, μίαν ἔχειν ἰδέαν ὑφανόν τε καὶ γῆν,  
 μεμιγμένην αὐτῶν τῇ φύσει, μετὰ δὲ ταῦτα διαστάντων  
 τῶν σωμάτων ἀπὸ ἀλλήλων, τὴν μὲν κόσμον περιλαβάν  
 ἅπασαν τὴν ὁρωμένην ἐν αὐτῷ σύνταξιν. Neque aliter  
 ἱερεὺς λόγῳ, qui dicitur *Trismegisti*, Philosophiam  
 Ægyptiacam imitatus, & Chaüs & Abyssi meminit,  
 oriúsque rerum ex istis primordiis.

Græcos & Latinos, non opus est memoremus.  
*Orpheus*, *Hesiodus*, *Menander*, *Aristophanes*, *Euripi-*  
*des*, *Cycli Epici* Scriptores, Antiquum *Chaos* cecine-  
 runt. Præterea, inter Philosophos Græcos, Ionici  
 & Platonici ex massâ confusâ mundi compagem mo-  
 liuntur. Denique Stoici, à Chao ad Chaos suas pe-  
 riodos, & renovationes instituunt. Latinos præter-  
 eo, *Ennium*, *Varronem*, *Ovidium*, *Lucretium*, *Stati-*  
*um*, aliosque. Denique, quorquot genitum statu-  
 unt hunc mundum, in quavis gente aut sectâ, è rudi  
 materiâ suam διακόσμησιν exordiuntur.

Quapropter notandum est, Qui *Cosmogonias* scri-  
 pserunt inter veteres, eos semper agnovisse *Chaos*,  
 & in fundamentum sui operis subtruxisse. Denique,  
 qui *Theogonias* scripserunt, ab eodem Chao suam  
 Mythologiam auspicati sunt. Idem enim valere apud  
 priscos, *Thegoniam* & *Cosmogoniam*, patet, non  
 tantum ab *Hesiodo*, aliisque Græcis : sed etiam inter  
 alias gentes, exemplo Persarum : qui sacra facturi,  
*Thegoniam* cantabant. Locus est apud *Herodotum* cap. 132.  
 in *Clio*, ubi morem Persicum sacrificandi depingit :  
 substratis, inquit, herbis mollissimis, maximè trifo-  
 lio, hostiam in partes concisam superimponunt ; ad-  
 ditque, διαδέντῳ. ὃ αὐτῷ, μάγῳ ἀνὴρ παρὰ τῶν  
 ἑπαίδει Θεογονίην. Itâ depositâ hostiâ *Magnus* astans  
*Thegoniam* accinit. Cum verò Persæ, præter *Solem*,  
 Elementa

Elementa colerent, Ignem, Aquam, & Terram: & pro Diis haberent: inde sequitur, eorum Theogoniam esse Cosmogoniam; sive natales Deorum Persicorum esse natales Elementorum & Mundanorum Corporum. Id quidem vitii aut erroris non rarò occurrit apud veteres, quod Deos *nativos* statuunt, ut verbo Ciceronis utar; atque eadem dent initia Diis & Mundo. Vel fingendo è materiâ suâ numina, vel saltem non, sine ortu, æterna.

Quotquot autem suos è Chao eduxêre Deos, ex eodem multò magis eduxêre Tellurem nostram: cuius pariter natales in suis Theogoniis celebrant. Cum verò passim apud veteres has Theogonias reperiamus, exinde colligere licet, illud dogma, *de ortu rerum ex Chao*, instar communis effati, aut Oraculi, inter priscos receptum fuisse. Neque abs re erit, hujus rei testes, aliquot Antiquorum Theogonias annotare.

*Suid. in Voc.* Theogoniæ Persicæ supra meminimus. Scripsisse etiam dicitur Theogoniam *Aristheas Proconnesius*, qui temporibus Cyri claruit, & de *Arimaspiis Hyperboreis* historiam condidit, cujus plures meminere. Orpheus Theogoniam scripsit: prout refert *Cedrenus*, ex *Timotheo*, antiquo autore. Istam autem Theogoniam idem valuisse ac *Cosmogoniam*, ex reliquiis aut imitationibus Orphicis quæ supersunt, facile patet. Neque aliter *Cyclus Epicus*, cujus non semel meminimus, incipit à mixtione Cœli & Terræ, & exinde Deorum progeniem & mundi ortum profequitur. Neque aliud erant Theogoniæ veterum quàm

*Civ. D. l. 6. c. 2.* *Theologia Physica*: qualem composuit Varro, referente Augustino. Et eodem modo intelligo *Æmilii Macri* Theogoniam, cujus meminit Macrobius.

*Saturn. 2.* Quid memorem *Musæi* Theogoniam antiquissimam: atque



atque alteram *Epimenidis*: utramque apud Laer. In proem.  
 tium. Theogoniam *Dromocydis* vel *Dromocridis*, (viri In Epimen.  
 mihi aliàs ignoti) apud Fulgentium habes: mul- Mythol. l. 2.  
 tosque passim veterum tractatus *περὶ Θεῶν*, qui Theo- c. 17.  
 gonias imitantur. Denique, quoad Cosmogonias,  
 illam *Thamyra Thracis* atque alteram *Lini*, poëta. p. 117.  
 rum inter Græcos vetustissimorum, supra notavimus.  
 Illa autem Hermetis sive Trismegisti apud Ægypti-  
 os, cujus meminit Philo Byblius, omnium erat, post Euseb. præp.  
 Mosaicam, antiquissima. Citat Leo *Hebraus*, sive Ev. l. 1.  
 J. *Abarbanel Pronapidem de Protocosmo*, & exinde c. 10.  
 multa de Chao & mundi origine, quæ huc spectant. Dial. 2.  
 Postremò, *Sileni*, & *Atlantis*, antiquissimorum no-  
 minum, quasdem habes Cosmogonias apud Virgi- Ecl. 6.  
 lium. Illa quidem desinit in fabulas, ut solent Cos- Æn. 1.  
 mogoniæ antiquæ. Altera castior est, cùm in con-  
 vivio Didonis citharâ canitur,

*docuit quæ maximus Atlas :  
 Unde hominum genus, & pecudes : unde  
 imber & ignes, &c.*

Sed de his satis.

Haftenus ortum rerum ex *Chao*, veterum sapien-  
 tum fuisse dogma, duplici modo probatum de-  
 dimus; tam per Theogonias & Cosmogonias, quæ  
 Poëtarum & Theologorum erant maximè: (admi-  
 stis plerumque fabulis) quàm, inter Philosophos,  
 per Chaos Physicum, nudè & simpliciter expositum.  
 Nemo igitur in posterum lites nobis moveat in hac  
 parte Theoriæ Telluris: cum nihil postulemus quod  
 non confirmatur auctoritate, tam sacrâ, quàm pro-  
 phanâ. Idem denique ratum fit à naturâ & à fidâ.  
 ratione, quum hodiernæ Telluris phænomena aliter  
 expli-

explicari, aut ab aliis principiis deducti, non possint.

Posito igitur hoc fundamento, quas subinde mutationes in hoc Chao posuerunt veteres : quas novas formas, quarum interventu transit è confusâ mole in Mundum habitabilem : proximè dispiciendum. — Neque enim fiunt Mundi unico ictu, ut statux fusiles in proplasmate. Sed diuturnâ actione, lentoq; progressu, natura sese extricat & evolvit sensim ex illo statu perturbato, & ad ordinem & ornatum nititur. Nempè primùm ex illâ confusione & misturâ partium dissimilium oritur lis & lucta in totâ massâ : ab illâ autem luctâ & contentione oritur disgregatio, & elementorum dissidentium separatio ad invicem & secessus. Quâ ratione Chaos Mundanum divisum fuit in varios orbes & orbiculos : quasi in tot tabulata aut contignationes elementarium corporum, aliorum aliis superstructorum. Hoc notasse videtur Antiquitas : ità Orpheus, *πρῶτα μὲν ἀρχαίη χάος* *μελίηφαιον ὕμνον· ὥς ἀπάμειψε φύσεις,-----τε διέκρινε τ᾽ ἄλλον ἀπ' ἄλλης.* Nempe cecinit Orpheus in suâ Chaologiâ, sive in explicando mundi ortu ex Chao, varias mutationes, secretiones, diversasque facies, quas identidem subiit illa moles, donec pervenit in formam orbis habitabilis. Atque hoc idem est ac Cosmogoniam instituere. Hos orientis Naturæ vultus suis lineamenti depinximus, in primâ parte Theoriæ, quos juvabit inspicere, quò res præsentior sit animo, ex illâ sui imagine. Videbis illic primùm Chaos Mundanum integrum & indivisum, uniformiter deforme, sive *Tohu Bohu*. Dein divisum in suas regiones, quasi per diversâ strata. Denique, factâ concretionem, in Globum habitabilem dispositum & ordinatum.

L. I. c. 5.

Diximus

Diximus supra, æstum quendam, luctamque, fuisse in primo Chao, ex illâ discordium & dissidentium elementorum mistione. Hoc itidem notârunt veteres, atque maximè *Empedocles*, per suum νεῖκος, sive litem & inimicitiam: quod primum in naturâ rebusque formandis, principium posuit. Neque aliter illud *Hesiodi*, φυσικῶς, & sine allegoriâ intelligo: ἦ δ' ἐτέρην περτέρην μὲν ἐγένετο Νύξ ἐραβεμένη. *Hanc Litem primum genuit Nox tenebrosa*, sive Chaos; idem enim plerumque valent hæc duo in mythologicis. Sed quoad *Empedoclem*, res notissima est. Neque aliud sonuit lyra Orphei, cùm ad demulcendos Argonautas, suum vetus Canticum renovabat.

Ἦειδεν δ' ὡς γαῖα καὶ ἕρανός, ἧδε θάλασσα,  
τὸ πρὶν ἐπ' ἀλλήλοισι μὴ συναρηρότα μορφαῖ,  
Νεῖκος. ἔξ ὁλοοῖο διέκλειθεν ἀμφὶ ἑκάστα.

I.  
*Argon. vers.*  
496.

Ad quem locum ita Scholiastes. Ἐμπεδοκλῆς φησὶν ὅτι συγκεχυμένων ἀπέντων τὸ πρότερον, νεῖκος καὶ φιλία παρεπεμφθέντα, καὶ διακρίσιν ἐποίησαντο· χωρὶς δὲ τῶν ἑδὲν δύ' αὐτὸν γενέσθαι.

Vides denique ex his authoribus, à Lite incœpisse, ab Amore perfectam esse, mundi formationem. Nempe post illam luctam aut dissidium, duo aut plura elementa coaluere, in superficie aquarum: & ex illo complexu, qui Amori ascribitur, genitus est Orbis habitabilis. Hæc veterum Mythologica, vel Allegorica, de orturerum ex Chao, nemo non dilucidè intelligit, qui historiam aut Philosophiam de Telluris origine, in primâ parte Theoriæ traditam, cum illâ veterum doctrinâ mysticâ contulerit. Id quod factum est antea, magnâ ex

E e

parte,



parte, in secundo libro ejusdem Theoriæ, Cap. 8. Et, ne in repetendis ibidem dictis, fastidio simus, eò Lectorem remittimus. Atque hæc breviter de Chao adjecisse sufficiat.

---

## C A P. II.

### *De formâ Telluris Primigeniæ, & de Mundi statu triplici.*

**E**timus hucusque de ortu Telluris ex primo Chao: idque post varios motus & metamorphoses. Nempe ut solent Animalcula ex ovo aut verme in aliud & aliud insecti genus transire, donec formam ultimam attigerint: ita variis subinde mutationibus, & fugitivis formis, ex Chao fit tandem Tellus habitabilis. Sed quærendum proximè, *Qualis esset formæ & superficiei hæc Tellus primigenia*, cum primum compacta fuit ex Chao? an ejusdem cum hodiernâ, vel dissimilis? Respondeo, Constitui non potuit ab initio, in eadem; quâ hodiè est, formâ, Tellus: propter montes & scopulos; & alveum maris, & hujusmodi inæqualitates, quæ immediatè à Chao, sive in superficie massæ fluidæ, oriri non poterant. Id quod in ipsâ Theoriâ abundè monstravimus. Proindè necessum est, Terram primigeniam alterius fuisse formæ & faciei ab hodiernâ.

L. I. C. 4,  
& 5.

In hoc puncto vertitur rei cardo, & qui hanc conclusionem probatam dederit, causam tenet. *Probatam* verò intelligo, non rationibus Physicis, id enim jam factum est loco supra citato: Sed aliud nunc agimus, ut idem scilicet à priscis sapientibus traditum ostendamus: & etiamnum extare, non tam in libris, quàm in fragmentis veterum, aut excerptis, ejusdem rei non obscura vestigia. Atque hoc novum opus non ideò suscipimus, ac si necessarium esset præfatæ Theoriæ, quæ suis viribus nititur: Sed ut liberemus Providentiam ab omni maculâ, & eorum obstinationi occurramus, qui veritatem ipsam, nisi à majoribus sibi commissam & commendatam, nolunt recipere.

Age igitur, rem ipsam aggrediamur: conclusio probanda hæc esto. *Mundum* olim fuisse alterius formæ & sitûs ab hodierno. Per *Mundum* autem intelligo non immensam rerum universitatem: Ejus enim oras aut figuram non novimus, neque partium remotarum ordinem. Sed mundum nostrum, Terram scilicet & Cælos aspectabiles. Proin eò redit assertio nostra, *Terram fuisse olim alterius formæ ab hodiernâ, & alterius ad cælum sitûs*; hoc, primo loco & generatim asserimus. In quo verò positum fuerit istud discrimen, opportuniùs in sequentibus explicabitur, cùm proprietates illius Telluris primævæ seorsim expendendæ sunt.

Interea, ut hoc discrimen generale authoritatibus confirmemus, notandum imprimis, Triplicem esse mundi naturalis, sive Cæli & Terræ, statum, vel ordinem, secundum sacras literas. Nempe Præteritum, Hodiernum, Futurum. Ita enim distinguuntur ab Apostolo *Petro*, οἱ ἑκπαλαι ὑβανοὶ καὶ ἡ 2 *Pet. 3.*  
 γῆ· οἱ νῦν ὑβανοὶ καὶ ἡ γῆ· & versu decimo tertio, v. 5. & 7.

καὶνὸς δὲ ἕρπης καὶ γλῶ καὶνὸς περσοδοκῶμεν. Per Cœlos Terramque præteritos, intelligit Apostolus C. 2. v. 5. Primigenios, ἀρχαίους, ut ipsius verbo utar: quos Diluvio periisse ait. Hodierni sunt, quibus jam utimur, quique fati contrariis expositi, Igne perituri sunt, c. 3. 7. Denique Futuri sunt illi novi Cœli & nova Terra, quæ, peractâ conflagratione, expectamus. Quorum itidem meminerunt *Isaias* Prophetæ, (*Ch. 65. 17. & 66. 22.*) & *Johannes* Apostolus, *Apoc. 21. 1.*

Hunc triplicem Mundi naturalis statum notavit pariter Apostolus *Paulus*, ad *Romanos* capite octavo: aliisque characteribus insignivit. Supponit primò; Mundum, *Vanitati nondum subiectum*. Dein Hodiernum, *vanitati subiectum*. Denique Futurum, à *vanitate redemptum & liberatum*: ab eâ nempe vanitate cui antea subiciebatur. Hæc futura mundi instaurationis, quam Apostolus indicat, dicitur à Sancto *Petro* ἀποκατάστασις: & à Christo παλιγγενεσία: triplicemque mundi statum, de quo loquimur, involvit. Renovatio enim, aut restitutio, fit ad statum aliquem præteritum: Est reditus ad similem, aut eandem, quam res illa olim habuit, formam, aut ordinem. Ad quem verò statum priorem fiet mundi futura restitutio? Non ad hodiernum, is enim vanitati subjicitur, secundum Apostolum; Restitutio autem illa est liberatio, à vanitate & corruptione? ἐλευθερωθήσεται ἀπὸ τῆς δουλείας τῆς φθορᾶς εἰς τὴν ἐλευθερίαν τῆς δόξης ἧς τέκνων τῷ θεῷ. Ex his unâ collatis rectè deducitur, Hodiernum mundi naturalis statum præcessisse alium, eumque fuisse hodierno præstantiorem.

Hæc ideò præmissi, ut sententiam nostram de MUNDORUM successione, sive de mundi naturalis diversitate



sitate & transmutatione, tam præteritâ, quàm futurâ, in sacris literis fundatam ostenderem. At, inquires, forsan, Hic sermo Sancti Pauli non respicit mundum naturalem & inanimatum, sed animatum, genus humanum, atque illam renovationem quam experturi essent homines, ope Evangelii. Itâ quidem Neoterici nonnulli hunc locum Pauli interpretantur. Sed ad locum cognatum Sancti Petri de triplici mundo, supra adductum, quid regerent hi interpretes? Si alterutrum accipiunt de mundo naturali, inutile erit recusare alterum; Nullâ autem vi ad allegorias detorqueri potest illa dissertatio Sancti Petri de triplici mundo: Antediluviano, hodierno, & novo futuro; quippe quòd in unoquoque ordine, Cœlum & Terram, mundi naturalis partes, exprimit Apostolus: & tanquam characterem, mundi, de quo loquitur, descriptioni interferit; loquitur igitur de Cœlesti & Terrestri, sive de naturali.

His interpositis, redeamus ad Sanctum Paulum. Neque enim assentior Neotericis istis, qui vim verborum Apostoli in allegorias dissolvunt, & à mundo naturali ad moralem inflectere satagunt: Invito sacro Authore, ut mihi videtur, & reluctanter Patribus Christianis, qui de rerum naturâ, mundoque inanimato, hunc locum non incelebrem exponunt. Sed digna res est quæ diligentius expendatur.

Verba Beati Pauli hæc sunt. *Nam vehemens expectatio Creatura revelationem filiorum Dei expectat. Vanitati enim creatura subiecta est, non volens, sed propter eum qui subjecit eam in spe. Quia & ipsa creatura liberabitur à servitute corruptionis in libertatem gloriae filiorum Dei.* Scimus enim quod omnis creatura

Rom. 8. 19,

20, 21, 22, 23.

Ἡ δὲ ἀντι-

κρίσις αὐτῆς

ἔστι κατὰ τὴν

ἐλπίδα

ἀποδοῦναι αὐτῇ

τὴν ἐλευθερίαν τὴν

ται. Τῇ *tura ingemiscit, & parturit usque adhuc. Non solum*  
 ἡ μαται- *autem illa, sed & nos ipsi, primitias Spiritus habentes,*  
 ἡ κτί- *& ipsi intra nos gemimus, adoptionem filiorum Dei ex-*  
 σις ὑπετά- *pectantes, redemptionem corporis nostri.*  
 γω, ἔχ

ἐκῶσα,  
 ἀλλὰ διὰ τὴν ὑποτάξαντά ἐπ' ἐλπίδι. Ὅτι ἡ αὐτὴ ἡ κτίσις ἐλευθερώθηκε ἀπὸ  
 τῆ δουλείας τοῦ φθορᾶς εἰς τὴν ἐλευθερίαν τοῦ θείου. Οἱ δὲ τῶν τῶν θεῶν. Οἱ δὲ τῶν  
 πᾶσα ἡ κτίσις συνεδέχθη καὶ συνώδινει ἀχρεῖ τῶν νῦν. Οὐ μόνον ὅ, ἀλλὰ καὶ αὐτοὶ τῇ  
 ἀπαρχῇ τοῦ πνεύματος ἔχοντες, καὶ ἡμεῖς αὐτοὶ ἐν ἑαυτοῖς στενάζομεν, ὑποδεσίου  
 καὶ ἀπολύτρωσιν τοῦ σώματος ἡμετέρου.

Hic agitur manifestò de triplici statu Creaturæ  
 sive τ κτίσεως : statu primævo, vanitati nondum  
 subjecto : statu vanitati subiecto : & denique statu  
 futuræ redemptionis & liberationis à vanitate & cor-  
 ruptione. Hactenùs, opinor, convenit inter omnes  
 interpretes : Sed quærendum ultra, quid *per vani-*  
*tatem* intelligendum sit : & quid per τ κτίσιν, quæ  
 vanitati subicitur : ab eâdem denuò, præstituto  
 tempore, liberanda. Respondeo, per vanitatem hîc  
 intelligi mutabilitatem, inconstantiam, naturam ca-  
 ducam, & fluxilem, & corruptioni facilè obnoxiam,  
 qualis est hodierna. Et *servire* dicitur Creatura,  
 sive servitutem pati, propter labores serviles, tam  
 hominum quàm jumentorum, in hoc sæculo : qui-  
 bus in venturo exonerabuntur. Neque hactenus  
 multa lis est : sed quæritur maximè quid per τ κτί-  
 σιν, quæ diversas hæc subit condiciones, intelli-  
 gendum sit. Siquis animo libero, & à præconceptis  
 opinionibus immuni, hæc verba legat, de *Creatione*,  
 sive externâ rerum naturâ, loqui Apostolum, facilè  
 pronuntiabit ; id enim in fronte ferunt verba Apo-  
 stolica, atque primo intuitu nobis exhibent ; Neque  
 recedendum est à literali verborum sensu & significa-  
 tione, nisi aliis scripturæ locis repugnârit, aut id ma-  
 lè patiatur materiæ subiectæ ratio. Horum autem  
 neutrum

neutrum hic obijci potest: nam hæc triplex mundorum successio, quam innuit Sanctus Paulus, apertius & explicitius asseritur à Sancto Petro, Epistolâ secundâ, capite tertio; nullo alio renitente authore sacro. Et quoad rerum naturam, non modò tacitè consentit, sed conclamat in partes nostras: Hodierne enim Telluris facies, & diluvii universalis phænomena, altâ voce testantur, Terrarum orbem olim fuisse alterius formæ & sitûs partium. Prout fusè demonstratum est libro primo *Theoriæ Telluris*. Dein, suppositâ Conflagratione Terrarum, quam omnes agnoscunt, sequitur, quasi suâ sponte, redintegratio quædam & novus orbis habitabilis: id quod in eadem Theoriâ ostensum est, l. 4. c. 2. Vides igitur, huic interpretationi de triplici mundo, nihil obstare ex utrovis capite: aut nos depellere à genuinâ vi verborum; quam in claris; aut dubiis, sequi tenemur.

Præterea, Patres Christiani qui hunc locum interpretantur, vel obiter attingunt, per *ἡ κτίσις* intelligunt *Creationem externam*, mundum naturalem, sive rerum naturam. Ità Ter-

tullianus<sup>a</sup>, Irenæus<sup>b</sup>, Origenes<sup>c</sup>, Hieronymus<sup>d</sup>, Chrysostomus<sup>e</sup>, alique, tam veteres, quam recentiores. Denique, qui futuram Mundi renovationem recipiunt & ruerunt: id quod faciunt, tam è Græcis, quàm Latinis Patribus, plurimi: propendent omnes in hanc sententiam, & in hanc expositio-

<sup>a</sup> Advers. Hermog. c. 11. & de cor. mil. c. 6. <sup>b</sup> L. 5. c. 36. <sup>c</sup> Contra Cels. l. 4. <sup>d</sup> In Isa. 51. & in c. 2. ad Ephes. & in Habac. c. 3. <sup>e</sup> Ad Rom. Rom. 14. & Rom. 10. ad Antioch.

Toletus in hunc locum Apostoli, cum enumerasset Irenæum, Chrysostomum, Cyrillum Alex. Greg. Nazianzenum, Hieronymum, Ambrosium: quibus addit Theophylactum, Cæcumenium, aliosque: Subjungit, Conveniunt omnes in hoc, quod universi, seu Mundi partes, nomine Creaturæ, significantur; quæ propter hominum, his corruptionibus inserviunt; & ab hac servitute liberabuntur, & in perfectionem promovebuntur in hominum resurrectione. His antiquis adde de recentioribus Interpretibus op-

times, Grotium, Toletum, Estium, Med. J. Cap. Calv. aliosque plurimos.



nem sermonis Paulini, ut per ἡ κτίσιν *Mundum conditum*, vel rerum naturam intelligant. Quæ, per prosofopœiam, huic Apostolo familiarem, avidè expectare dicitur, & quasi *exerto capite*, suam redemptionem : Quinetiam *ingemescere* nobiscum sub hominiano servitutis iugo ; Denique, instar *Parturientis*, ab onere liberari, atque novam prolem videre cupit. Hæc appositè admodum & eleganter ab Apostolo ad rerum naturam applicantur. Neque his dissimile est, quod, ex mente Sibyllæ, cecinit Poëta,

*Aspice convexo nutantem pondere mundum  
Terrasque, tractusq; maris, cælumq; profundum :  
Aspice venturo latentur ut omnia sæclo.*

Sed de hâc re satis. Vides tam ex ipsis verbis, quàm ex autoritate optimorum interpretum, sive veterum, sive recentiorum, ἡ κτίσιν Apostoli referendam esse ad mundum aspectabilem, rerumque naturam. Ad quem significatum magis astringere videtur Apostolus hanc vocem, addendo, αὐτὴ ἡ κτίσις, ver. 21. ac πᾶσα ἡ κτίσις, ver. 22. ne ad sensus figuratos vagaremur. Superest tantùm, ut aliorum interpretationes refellamus, qui relicta verborum viâ rectâ, diverticula quærunt : & alienas affingunt significationes huic voci κτίσις vel κτίσεις, quibus totam Apostoli sententiam pervertunt. Sunt autem in triplici ordine hi Interpretes, Alii enim *per Creaturam* intelligunt *Angelos* : degeneres nempe, & à suâ primavâ puritate delapsos. Alii, *genus humanum*. Alii denique *Gentes* specialiter, seu *Gentiles* : convertendos scilicet at nondum conversos. Sed nodum in scirpo quærunt qui his ambagibus utuntur in re facili : & dum volunt esse subtiles, in nullam incidunt senten-

sententiam aut interpretationem solidam. Nam primò, quoad Angelos, præterquam quod abrum-punt omnem connexionem cum præcedentibus, nulla futura est instauratio Angelorum lapforum : loqui-tur autem Apostolus manifestò de Creaturâ à servi-tute & corruptione liberandâ : quam illa redemptio-nem anhelat & vehementer expetit. Dein quoad genus humanum, id recipi non potest, quoniam *Crea-tura* distinguitur ab hominibus, sive à nobis ipsis, in ipso verborum textu. *Scimus*, inquit Apostolus, quod *omnis Creatura ingemiscit & parturit usque adhuc, non solum illa, sed & nos ipsi*. Aliud igitur est *Crea-tura*, aliud homines : ni velis non esse è numero hominum aut humani generis Apostolos aliosque pios. Quinetiam nos hortatur ad patientiam, & consolatur, ex illo communi nixu rerum omnium ad futu-ram perfectionem. Et licet nonnunquam *κτίσις* aut *καὶ τὴν κτίσις* ad genus humanum aut Christianos re-ferenda esset, id fieri non potest hic loci, ubi ab iis-dem apertè distinguitur, & contraponitur. Deni-que, qui Gentes atque populum Gentilem, nomine *κτίσεως* hìc intelligunt, maximè omnium à verbo-rum usu & à verâ ratione recedunt. Quid enim *τῇ κτίσει* cum gentibus aut gentilibus ? quæ cognatio vocum aut rerum ? sub eodem onere gemuerunt *Creatura* & Christiani, (*ver. 23.*) quod de genti-bus & Christianis haud dixeris. Neque magis aspi-rare potuerunt gentes ad religionem sibi ignotam : nec se tædebat suæ superstitionis & Deorum, quibus maximè delectari populum Ethnicum, atque furere & æstuare, siquis eos læserit, multis exemplis vidi-mus. Prætereà, quâ spe subjectæ sunt vanitati Gentes, aut quis eas subjecit, non suâ iponte ? De-nique, loquitur Apostolus de *futurâ gloriâ* (*ver. 17.*)

tandem revelandâ, quâ nobis ait abundè compensatum iri, quicquid, in hoc sæculo, malorum patimur. Quid hoc igitur ad gentes, aut bona quæcunque hodierni sæculi? Porro, hæc *liberatio Creaturæ* conjungitur (*ver. 21.*) cum *gloriosâ liberatione Filiorum Dei*, veluti Synchrona: Illa autem ad futurum sæculum unice spectat, ergo hæc itidem eodè referenda est. Neque minùs ἀπολύτρωσις τοῦ σώματος (*ver. 23.*) tempus Resurrectionis respicit, ut ex aliis Scripturæ locis fatis patet. (*Luc. 21. 28. Ephes. 1. 14. & 4. 30.*) nec rebus quibuscunque hujuscæ vitæ adaptari potest. Postremò, Quam connexionem haberent ea quæ sequuntur (*ver. 24.*) cum præcedentibus, si de conversione Gentium ageretur? *Spe enim salvamur*, inquit Apostolus: nempe cum dixisset antea nos expectare redemptionem corporis, subjungit nondum re, sed sperantùm, nos salvos esse: vitam futuram indicans. Summa est, sive antecedentia attentas, si consequentia, sive ipsum textum, in eo conspirant omnia, ut venturam felicitàtem denotent, & in futuro sæculo terminentur.

His, opinor, fatis constat, per τῇ κτίσει in hoc sermone Apostolico nihil aliud intelligi posse, quàm, quod vox sonat, *mundum conditum*, sive rerum naturam; prout aliàs accipitur ab hoc autore sacro: (*infra ver. 39. supra cap. 1. 25.*) adeoque frustra esse Neotericos istos, qui ad alienas significationes invitum trahunt hoc vocabulum. Neque minùs incongruum est, *Futuram Gloriam*, quam memorat Apostolus: *liberationem à servitute & corruptione: corporis redemptionem*: ad hodiernum sæculum restringere. Hæc mundum futurum quasi digito demonstrant: quemadmodum vanitatis, servitutis, & corruptionis status,



status, hodiernum. Denique, hanc vanitatem cum rerum natura non habuerit ab initio, sed eò postea prolapsa sit, ex consilio divino, ut innuit Apostolus : patet, duos jam subiisse status, rerum naturam : & tertium, eumque hodierno præstantiorem, subituram esse. Unde conficitur, quod initio diximus, Triplicem mundum, sive triplici mundi naturalis statum & successionem, in hoc sermone Apostolico includi & repræsentari.

Hæc, fundamenti loco, subjecimus ex sacris literis, de triplici mundorum ordine. Quem multipliciorem adhuc è veteribus nonnulli statuerunt. Volunt enim Stoici, alios aliis succedere mundos indefinenter, per Diluvia & Conflagrationes, innumeris vicibus, repetita. Quem errorem alibi notavimus. <sup>Theor. l. 3. c. 3.</sup> Quinetiam è Græcis reliqui, qui de Periodis mundanis philosophantur, earum numerum non definiunt : neque id explicant, quoties renovabit faciem rerum natura, & ubi tandem desinet. Ad doctrinam Christianam cæteris accedit propius illa Zoroastri : quam, ex Theopompo desumptam, antea <sup>Theor. l. 4. c. 5.</sup> exposuimus, Hæc mundum claudit, Morte & Inferno abolitis, cum sanctorum virorum beatitudine, corporibusque cœlestibus : Neque *umbram spargentibus, neq; cibi indigis*. Quæ est vera rerum nostrarum atque mundi nostri consummatio. Sed de his hæcenus.

## CAP. III.

*Forma Telluris primigeniæ, & præcipuæ  
ipsius differentię ab hodiernâ. Harum  
differentiarum manifestę notitię apud  
Antiquos reperiuntur.*

**D**iximus supra, Tellurem primigeniam alterius fuisse formę & sitûs, ab hodiernâ. Idque non tantum rationibus physicis, sed etiam ex Antiquorum monumentis, tam sacris quàm prophanis, innotescere. Exponendum igitur proximo loco, Quę Forma, Quis situs, Quod discrimen, utriusque Telluris : ut illius discriminis vestigia quęramus apud veteres : iisque repertis, sententię nostrę veritatem, diu absconditam, multo tempore exesam, & tenebris obductam, quasi novâ luce detegamus. Orbis Terrarum, hodierni & primævi, multifarię sunt & innumerę differentię : quę tamen revocari possunt omnes ad duo capita : ad *Formam* nempe, & *Situm*, utriusque Telluris. Ab his enim profluunt, tanquam à suis fontibus, alię multę varietates & discrimina.

Forma & situs hodiernę Telluris, notissima sunt : Globus noster est bipartitus in mare & terram : Globus scopulosus, montosus, salebrosus, cavernosus : ac si esset moles disrupta aut confracta. Situs autem hujus Globi, est obliquus ad Solem, sive ad axem  
Eclipticę :

Eclipticæ: unde varias subit temporum vicissitudines, in anni sui curriculo: Hyemem & æstatem, & media æquinoctia. Ita se habent sedes nostræ: Hic vitam laboriosam brevemque trahimus. Jam mutemus Theatrum, & finge tibi, si lubet, scenas partesque contrarias: Terrarum orbem, integrum, continuum, sine mari, aut voragine marinâ: Lavem & æquali ubique superficie, sine montibus, scopulis, cavernis aut cavitatibus. Denique rectâ ad Solem conversum, sive protensum in lineâ parallelâ ad axem Eclipticæ; unde omni careret temporum inæqualitate, & perpetuo vere vel æquinoctio gauderet.

Hæc est Tellus primigenia, vel ipsius imago. Hæ conditiones ipsius primaria, peculiaris *Forma* & *Situs*, quibus ab hodiernâ maximè distinguitur. Observandum deinceps, si quas harum rerum notitias reperire licet apud veteres, ut eorum testimoniis & autoritate vincamus eos qui, à naturâ petitis argumentis non faciliè cedunt. Notandum autem imprimis, Hanc Formam Telluris primigeniæ, secundum sententiam nostram, periisse in Diluvio universalis: & ex illo tempore, atque ex illâ clade, ortam esse hodiernam. Quâ in re sequimur Apostolum *Petrum*, qui primum mundum, nempe primos cœlos, primamque Terram, in Diluvio periisse ait, 2 *Epist.* 3. 6. Loqui enim Apostolum, eo in loco, de mundo naturali, & non tantum de humano genere, dubitari non potest, si antecedentia attendamus: quod enim *Mundum* nuncupat, *versu sexto*: proximè præcedenti *Cælum* & *Terram*, sive rerum naturam, appellarat. Neque Derisorum istorum objectioni, (*ver.* 4.) ab immutabili statu mundi naturalis deductæ, aptè occurrit Apostolus, nisi ad id, de quo erat quæstio, congruat responsum. Quæstio.

autem



autem erat de mundo naturali, & si non eodem referatur responsum, nihil erit ad rhombum. Denique, præcedentem Mundi interitum in Diluvio memorat Apostolus, in argumentum futuri interitus in Conflagratione: nulla autem esset vis hujus argumenti nisi mundus naturalis perierit in Diluvio: cum id probandum fuerit Apostolo, Mundum naturalem in Conflagratione peritum esse. Ita ferè arguit Apostolus contra hos Pseudo-philosophos: Quod factum est, fieri potest. Sed mundus jam periit, Natura semel naufragium passa est: quid ni iterum pereat, quid ni secundò naufragium patiatur.

Sed pergamus in proposito: non tantum enim dicimus Terram primævam periisse in Diluvio, sed etiam diversam fuisse, formâ & qualitibus, ab Hodiernâ. Atque hanc diversitatem comprobare mihi videtur idem Sanctus Petrus in eodem sermone de revolutione Mundi: nisi causam suam deferere, aut, quod nefas est, malè tractasse supponamus. Sed ne fraudem facere videamur sacro authori, æquum erit

ipsum verba apponere, quæ ita se habent. *Venient in novissimis diebus in deceptione Illusores, juxta proprias concupiscentias ambulantes: Dicentes, ubi est promissio, aut adventus ejus? Ex quo enim patres dormierunt, omnia sic perseverant ab initio Creaturæ. Latet enim eos hoc volentes, quod cæli erant prius & Terra, de Aqua & per Aquam consistens, Dei verbo. Per quæ ille tunc*

*mundus aquâ inundatus periit. Cæli autem qui nunc*

*sunt,*

2. Pet. 3. 3, 4, 5, 6, 7.

Ἐλεύσονται ἔτι ἡμέρας ἑμπαλικοῦ, καὶ τὰς ἡμέρας αὐτῶν ὁπθυμίας πορεύσονται. Καὶ λέγοντες, Πῶ ὅτιν ἡ ἐπαγγελία τῆ παραστάς αὐτῶν; ἀφ' ἧς ὃ οἱ πατέρες ἐκοιμήθησαν, πάντα ἔτι διαμένει ἀπ' ἀρχῆς κτίσεως. Λανθάνει ὃ αὐτοὺς τὸτο θέλοντας, ὅτι ἕξονται ἦσαν ἑκπαλικοῦ, καὶ γὰρ. Ἐξ ὕδατος καὶ δι' ὕδατος συνεστάσα, τῷ τῷ Θεῷ λόγῳ. Δι' ὧν ὁ τότε κόσμος ὕδατος κατακλυθεὶς ἀπώλετο. Οἱ ὅτιν ἕξονται καὶ ἡ γὰρ τῷ αὐτῷ λόγῳ τεθησαν εἰς τοὺς πνεύματα, εἰς ἡμέραν κρίσεως καὶ ἀπωλείας τῶν ἀσεβῶν ἀνθρώπων.

*sunt, & Terra, eodem verbo repositi sunt, igni reservati, in diem judicii, & perditionis impiorum hominum.* Vides statum causæ. Negant adversarii ullum futurum esse mundi naturalis excidium aut mutationem. In eam fidem adducti, quod nullam hactenus viderint aut audiverint in Naturâ inconstantiam aut mutationem, ab antiquissimorum Patrum temporibus, ab extremâ hominum memoriâ, ab ipso rerum initio. Quid his reponit Apostolus? Ait eos libenter oblivisci primævi naturæ statûs, sive antiquorum Cœli & Terræ; quæ ex aquâ & per aquam constituta, eam ob causam, sive propter illam constitutionem, in aquarum diluvio perierunt. Hodierni autem Cœli & Terra, inquit, aliter constituti, igne perituri sunt. Iisq; succedent tandem novi Cœli & nova Terra, in quibus habitabunt Justi, *ver. 13.* Hæc est summa responsi Apostolici: quod multis modis arguit Mundum antediluvianum alium fuisse ab hodierno. Primò enim, nisi id supposueris, nulla erit vis hujus responsi, nihil valebit contra argumentum adversariorum: quin id potius roborat & confirmat. Nam si eadem fuit & immutata naturæ facies ante & post Diluvium, eadem semper fuit ab ipso rerum initio: id quod contendebant *οἱ ἐμπαῖκται*. Itaque, ex hac interpretatione, non tantum non refellit, sed concedit Apostolus id quod erat refutandum.

Secundò, exprobrat, ut vides, Apostolus his Pseudo-philosophis suam ignorantiam, *ver. 5.* Cujusce autem rei ignorantiam? non Diluvii in genere: Judæi enim erant, quibus scripsit *Petrus*: idque arguit ipsa hæc phraseologia, *Ex quo Patres obdormierunt*, quæ est purè Judaica. Judæos autem latere non potuit Diluvium Noachi, lætitudinis unoquoque sabbatho libris *Mosis*; Sed ignorabant, vel se igno-

ignorare simulabant, Cœlos Terramq; ante-diluvianos aliter quàm hodiernos, constitutos esse : iisq; per-euntibus in strage Diluvii, τὸς νῦν ὑπανὲς καὶ γῆν successisse, alterius formæ & qualitatum ab antiquis. Hanc iis ignorantiam vel oblivionem exprobrat Apostolus.

Tertiò, Si nulla fuit diversitas inter rerum naturam ante-diluvianam & post-diluvianam, versus ille quintus est supervacaneus & inutilis : frustra que memorantur Cœli & Terra ante diluviani, in exemplum mutabilitatis naturæ (prout argumentum postulabat) si iidem fuerint in utroque mundo, sine ullâ mutatione.

Quartò, ex eâdem suppositione, in versu sexto illatio fit sine fundamento, consequentia sine præ-

\* Δι' ὧν, per quæ Vulgat. Quamobrem, Bez. Quia de causâ, sive quia talis erat qualem diximus constitutio Terræ & Cœli, Grot.

missis. \* Δι' ὧν, inquit Apostolus, ὁ τότε κόσμος ἀπώλετο. Propter quæ verò?

vel propter quas causas, inundatus periit iste mundus? Annon propter illam constitutionem situmque, respectu aquarum, quem versu præcedenti annotârat? Hoc concessio, habes discrimen inter utrumque mundum, & consequentiam ritè deductam : hoc non concessio, nulla est vis consequentiæ aut illationis.

Denique, in versu septimo, opponuntur Hodierni Cœli & Terra ante-diluvianis : οἱ νῦν ὑπανοὶ καὶ ἡ γῆ, τοῖς ἑκπαλαι ὑπανοῖς καὶ γῇ. quemadmodum infrâ (ver. 13.) novi Cœli & Terra distinguuntur ab hodiernis. Quod si prorsus eadem fuisset utraque compages, ante-diluviana & postdiluviana, nullus esset locus huic antithesi, nulla distinctionis ratio. Quin potius vice particulæ adversativæ, dicendum fuisset Apostolo οἱ αὐτοὶ ὑπανοὶ καὶ ἡ γῆ, &c. iidem Cœli & Terra, qui aquis antea demersi fuerunt, igni jam re-servantur.



servantur. Ita enim loquitur de *Logo* vel *verbo Dei*, τὸ αὐτὸ λόγος, inquit, *ver.* 7. eodem nempe, quem memorarat antea, *ver.* 5. Et si Cælum & Terra fuissent utrobique iidem, non minùs quàm Spiritus Sanctus, cur illis notam distinctionis, huic unitatis, præfixit?

Hæc pluribus exposui, quod probè nôrim, hunc locum Sancti *Petri* multis esse lapidem offendiculi: Nos autem super hanc petram Theoriam Telluris potissimùm ædificamus, quoad auctoritatem sacram: & immobile fundamentum hoc semper duximus. Neque prorsus nova est, aut singularis, quam dedimus, hujus loci interpretatio. Nam plures commentatores, vi verborum coacti, fatentur Apostolum hîc loqui de mundo naturali. Et nonnulli Cælos & Terram, ante-diluvianos, periisse: (quoad formam, intelligo) & hodiernos ab iis diversos esse, ex auctoritate hujus sermonis Apostolici asseruerunt. Ita certè Sanctus *Augustinus*, qui, pluribus in locis, Mundum antiquum naturalem periisse ait, & hodiernos Cælum & Terram, alios esse ab antiquis; Quinetiam interitum Mundi in Diluvio, futuro ipsius interitui in Conflagratione, non semel comparat & æquiparat: idque in exponendo hoc ipso argumento Divi *Petri*. Ita de *Civitate Dei*, l. 20. c. 18. hæc habet, *Apostolus commemorans factum ad Diluvium, videtur admonuisse quodammodo, quatenùs in fine hujus sæculi Mundum istum perituum esse credamus. Nam & in illo tempore, PERIISSE dixit, qui tunc erat, mundum; nec solum orbem terræ, verùm etiam cælos.* Dein cum admonuisset, hanc cladem pertingere non potuisse ad supremos Cælos, stellasque altissimas: subdit, *Atque hoc modo (penè totus aër) cum Terrâ perierat; Cujus Terra utique prior facies (nempe ante-*  

G g diluviana.)

*fuerat deleta Diluvio. Qui autem nunc sunt Cæli & Terra, eodem verbo repositi sunt, igni reservandi; proinde qui Cæli & quæ Terra, id est, qui mundus, pro eo mundo, qui Diluvio periit, ex eâdem aquâ repositus est, ipse igni novissimo reservatur. Vides ex his paucis, totum argumentum Apostoli, ad mundum naturalem, ipsiusque in Diluvio dissolutionem, retulisse Sanctum Augustinum. Id quod etiam alibi testatur pluribus in locis: quæ, pro lubitu & otio Lectoris perlegenda,*

*S. August. de C. D. l. in margine apposui.*

20. c. 24.

*Agens contra Porphyrium, qui Mundi æternitatem & immutabilitatem, pariter ac hi Illusores, zuebatur: Locum Prophetæ citat, Cæli peribunt: comparatque hunc locum cum illo Sancti Petri, ubi Cælum & Terra, ante diluvianam, periisse dicuntur, his verbis, Legitur, Cælum & Terra transibunt, Mundus transit, sed puto quod præterit, transit, transibunt, aliquanto mitius dicta sunt, quàm PERIBUNT. In Epistolâ quoque Petri Apostoli, ubi aquâ inundatus, qui tum erat, periisse dictus est Mundus, satis clarum est quæ pars Mundi à toto significata est, & quatenus periisse dicta sit, & qui Cæli repositi igni reservandi. Dein, quæ aut quora pars universi periit in Diluvio, infra explicat: In Apostolicâ illâ Epistolâ à toto pars accipitur, quod Diluvio periisse dictus est Mundus, quamvis sola ejus, cum suis coelis, pars ima perierit. Denique in expositione Ps. 101. ad illa verba jam memorata, coeli peribunt: hoc semel ait contigisse in Diluvio, secundum Apostolum Petrum: Apertè dixit hoc Apostolus Petrus, Cæli erant olim & Terra, de aquâ & per aquam constituti, Dei verbo. Per quod, qui factus est mundus, aquâ inundatus, deperiit. Jam ergo dixit, periisse Cælos per Diluvium, vid. etiam c. 16. ejusdem libri, ubi figuram mundi mutatum iri ait, in conflagratione, ut olim in Diluvio.*

Ita sensit, ita philosophatus est, Sanctus Augustinus. Neque tamen existimo, vel ipsi, vel aliis veterum innotuisse modum interitus aut mutationis antiqui mundi in Diluvio: nec forsan qualis fuit Cæli & Terræ, facies ante-diluviana, quam deletam esse ait in illâ clade. Neque enim ex contemplatione naturæ aut ratiocinatione præeunte, in hanc sententiam descendisse videtur Augustinus, sed autoritas & lumen sacri scriptoris hanc ei extorsere conclusionem; Nonnihil. adjuvante forsan, obscurâ aliquâ, de rebus Diluvianis vel Ante-diluvianis, traditione.

Haftenùs ostendimus distinctionem & diversitatem in genere inter Mundum ante-diluvianum & hodiernum, ex verbis Sancti Petri. Sed in quo constitit illa diversitas aut discrimen, non ità apertè dicitur. Dicitur quidem ille mundus *ex aquà & per aquas, constituisse.* Consistere autem *per aquas*, si ad Terram referatur, idem esse videtur ac *sustentari per aquas*: vel *fundari super aquas*, secundum phrasin Psalmistæ, *Psal. 24. 2.* vel *extendi aut stabiliri super aquas*, prout alibi dicitur ab eodem prophetâ, *Psal. 136. 6.* vel denique, in verbis Sapientiæ, *formari, ut orbis, super faciem Abyssi.* *Prov. 8. 27.* Hæc omnia eodem collimare videntur: nempe ut nobis indicent situm Telluris ante-diluvianæ: *consistentis vel sustentata per aquas, Fundata vel extensa super aquas*, vel quod cæteris disetius est, *parata per modum Orbis super faciem Abyssi.* Hæ locutiones sacrae tam inter se conveniunt, quàm cum Theoriâ nostrâ: quâ, primum terrarum orbem, in superficie aquarum, vel super faciem Abyssi, *Vid. Theor. l. 1. c. 5.* undique construximus.

Atque eo magis placet hæc expositio, quòd huiusmodi situs & constitutio Telluris antiquæ, eam redderent obnoxiam Diluvio: id quod planè innuit Apostolus; Cùm enim dixisset Terram ante-diluvianam *ex aquà & per aquas constituisse*, subdit, *Quamobrem, sive Quam ob causam*, nempe propter illum situm vel constitutionem, *mundus iste Diluvio obruebatur.* Quod pariter multis ostendimus, liquidisque rationibus, in Theoriâ: scilicet Orbem illum Terrarum Abyssos *L. 1. c. 6.* superstructum, obnoxium fuisse dissolutioni: atque ex illâ dissolutione, lapsuque in Abyssum suppositam, ortum esse Diluvium universale.

Hæc de situ Telluris ante-diluvianæ, respectu Aquarum vel Abyssi. Aliud planè est ipsius situs respectu



spectu Solis & Cœli: quem in conclusione illâ, capite secundo propositâ, maximè respeximus. Hunc filet Scriptura Sacra, vel obscurè significat: Sed aucthores exotici hujusce sitûs non pauca retinuerunt indicia, nec obscura: prout infra videbimus. Id tantum querendum hîc restat, Qualis esset, supposito illo situ Telluris ante-diluvianæ respectu Aquarum & Abyssi: Qualis, inquam, esset ipsius superficies? aspera & montosa, vel lævis & æquabilis? æquabilis proculdubiò, si ubique superincubuit Abyssò; Formam enim ipsius sequeretur, ut glacies aquæ suppositæ. Neque ulla esset ratio aut causa inæqualitatis in hoc orbe Terrarum: nulla origo montium, scopulorum, salebrarum, aut quarumcunque asperitatum. Denique, quoad mare, vides inclusum esse in visceribus Terræ, sub nomine Abyssi: latuitque absconditum usque ad disruptionem magnam in Diluvio: *cùm aquâ inundatus periit mundus ille Antiquus.*

Haftenus quadrant omnia ad illam, quam dedimus, Telluris primigeniæ ideam vel descriptionem. Quadrant, inquam, omnia in his authoribus sacris. Sed quid ad hæc alii Aucthores? Fateor apud veteres parcius & tenuius tractari hoc caput de Formâ Telluris primæ: Hanc, fertilem, fœlicem, aureamque dixere, sed formæ ipsius vix meminerunt. Sæpe quidem comparant Ovo: quod, præter alia in quibus conveniunt, superficiem testamve habet lævem & æqualem, sed nihil memini de Montium natalibus

<sup>a</sup> In 2. Pet.  
2. 5. & de  
sex dierum  
creat.

<sup>b</sup> c. 34.

<sup>c</sup> In Gen. 7.  
<sup>d</sup> Interrog.

aut origine apud gentes. Aucthores quidam Christiani, mediæ aut sequioris ætatis, Terram ante Diluvium æquabiliorem fuisse hodiernâ, si non penitus æqualem, ausi sunt affirmare. Ita Beda<sup>a</sup>, Historie<sup>b</sup> Scholastica author, Glossa ordinaria<sup>c</sup>, Alcuinus<sup>d</sup>, Rabanus

*banus Maurus*, aliique. Sed horum autoritas, in se spectata, non est magni ponderis: at quatenus sunt veterum sequaces, & traditione tacitâ receptam, vel ex antiquis & ineditis manuscriptis haustam, deferunt ad nos sententiam, aliunde verisimilem, testes sunt non contemnendi. Sed pergamus ad reliqua.

---

C A P. IV.

*De naturâ, modo, & causis Diluviorum: & potissimum de universali.*

SEquitur disquisitio de Diluvio, cujus hîc meminit Apostolus, eoque periisse ait Mundum Antiquum. Quale autem fuit hoc Diluvium, ex quibus causis originem traxit, quâ ratione obruit terrarum orbem, ardua est, & ab omni ævo agitata, quæstio; Nos ad hunc nodum expediendum, in *Theoriâ Tel-* L. I. c. 23. *luris* tria præstitimus: primò, quantitatem aquæ requisitæ ad Diluvium universale, quod maximorum montium cacumina tegeret & involveret, investigavimus: Comperimusque manifesto calculo, eam superaturam esse molem & magnitudinem octo minimum Oceanorum. Secundò, tantam aquarum vim nullibi reperiri posse, si omnes aquæ thesauros, sive in Cœlo, sive in Terrâ, sive denique subterraneos, exhaustias: claris rationibus ibidem ostenditur. Tertiò, si quomodocunque, aut undecunque, adducta

adducta esset in Terras hæc prodigiosa aquarum massa, eandem amoliendi nulla esset ratio: neque modus cognitus, aut possibilis, absumendi, aut aliunde derivandi, tantam aquarum congeriem. Ex hisce tribus capitibus, unâ collatis, rectè probatur, Hodiernam Terram non esse obnoxiam Diluvio: neque, ratione suæ formæ & sitûs, ejusdem capacem. Secundò, Terram ante-diluvianam alterius fuisse formæ & sitûs ab hodiernâ: aliter istoc genere fati non periisset. Saltem non ob dispositiones suas naturales prout nos docet Apostolus. Denique, suppositâ illâ formâ & situ, sive illa constructione, quam antea dedimus, antiquæ Telluris, super faciem Abyssi: (quæ tam scriptoribus sacris, quàm naturæ legibus rerumque ortui ex Chao, est conformis:) ex illius dissolutione, lapsuque in Abyssum suppositam, oriretur Diluvium universale. Idque tale, quod singulis phænomenis responderet, omnibusq; occurreret objectionibus; Neque enim inopiâ aquarum laboraret hæc hypothesis, neque easdem aquas abducere & amoliri, finiente Diluvio, difficile esset; & quæcunque alia vulgares hypothèses premunt incommoda, in hac nullum locum habent, aut nullam vim exercent.

At dices forsân, hujusmodi hypothésin de dissolutione Terræ, & eruptione Abyssi, respondere quidem omnibus phænomenis, tam Diluvii universalis; quàm hodiernæ Telluris, sed hanc dissolutionem esse fictitiâ, sive gratis dictâ. Respondeo, Hypothésis illa, quæ singulis subjectæ materiæ phænomenis competit & congruit, non habetur fictitiâ, aut gratis dicta; suas partes explet, suo officio fungitur, & in iis rebus naturalibus quæ non subjiciuntur oculis, nulla est alia philosophandi aut veritatem indagandi ratio, quam per hujusmodi Hypothèses. Sed quoad  
dissolu-



dissolutionem Terræ & disruptionem Abyssi in Diluvio, duo sunt præterea observanda: primò, quid de hac re tradidit historia sacra. Secundò, quid historia naturalis Diluviorum, de modo & causis eorundem prodidit: Si Terræ hiatus, si eruptiones aquarum, & similia, in minoribus diluviis, tanquam propria & adjuncta, memorat: in maximis multo magis his causis gravioribus opus esset.

Quoad primum igitur, memorat *Moses* in historiâ Diluvii, disruptam fuisse tunc temporis magnam Abyssum, sive *Tehom-Rabbah*, quod fieri non potuit sine ruptione vel dissolutione Terræ. Præterea, hanc disruptionem statuit causam primariam Diluvii: exierunt itaque vel eruperunt aquæ subterraneæ ex hac Abyssò, quæ terrarum orbem inundabant. Neque tantùm hiâsse Terram, sed etiam prolapsam esse in suppositam Abyssum, id satis arguit, quòd aliàs non expulsæ fuissent è suis sedibus aquæ subterraneæ: multò minùs sese efferre potuissent ad altitudinem maximorum montium, nullo factò in eas impetu aut impulsu. Denique, cùm Diluvium de quo loquitur *Moses*, non esset huic aut illi regioni proprium, sed diffusum per terrarum orbem, inde liquet, ruina illam vel dissolutionem Terræ, quâ emotæ & expulsæ erant aquæ, fuisse generalem: partesque omnes nostræ hypotheseus, narrationem illam *Mosis* paucis complecti & comprobare.

Huic disruptioni *Tehom-Rabbah*, non dissimilis est locus in Historiâ *Jobi cap. 38.* ubi natales Oceani celebrantur, cum prodiit ex utero Terræ; Ita enim intelligo *uterum* illum, unde dicitur erupisse mare: fractis claustris quibus occludebatur. Verba hæc sunt, secundum Septuaginta: ἔφραξα ἡ θάλασσαν πύλαις, ὅτε ἐμαίμαστον, ἐκ κοιλίας μητρὸς αὐτῆς ἐκπορευομένη.

πευρομένη. Conclufi autem portis mare, cum fremeret, ex utero matris sue egrediens. Quæ ita explicuit interpretes: Τὸ ἐμαίματος, ἀπὸ τοῦ, οἷτος ὁρυμνικῶς εἶχεν· καὶ ὡς τι βρέφους ἀποκυνδύναι τὸ ἀβύσσου ἡτέρευτο; *Fremeret vel fureret, id est, violento impetu ferretur, impulsa ad exeundum ex Abyſſo, tanquam infans ad partum.* Conveniunt ferè omnes per *uterum*, hîc intelligi Abyſſum, magnam matrem Oceani: & in Paraphraſi Chaldaicâ legitur expreſſè מן תהומות *de Abyſſo*. Sed cum duplex fuerit, ſecundum nos, Abyſſi ſtatus, laxus & diffuſus, cùm Terræ ſuperficiem undique tegebat, in primâ rerum formatione. Dein, incluſus in utero aut viſceribus Terræ, unde tempore Diluvii erupit: Queritur de quo ſtatu Abyſſi, primo vel ſecundo: aperto vel clauſo, accipienda ſunt hæc verba. Maniſteſtum mihi videtur, cùm de *eruptione maris ex utero* ſermo eſt, id velle, mare fuiſſe clauſum antea, inſtar fœtûs in utero; & exinde prodiiſſe, viis recluſis, vel fractis repagulis. Nam in Abyſſo apertâ, diffuſâ, & fluitante in ſuperficie Globi, nullus eſſet uterus, nulla eruptio ex utero. Rectè igitur vetus interpres *Jobi*, *Hoc factum*, inquit, *cum omnes fontes Abyſſi magnæ aperti erant: proinde vulvam, Terræ matris ſinum æſtimo.* Quod pluribus exponit confirmatque Caſp. Sanctius in locum. Neque fruſtra quidem: neceſſe eſt enim per hunc *uterum*, magnum aliquem ſinum aut receſſum intelligamus, eumque ſubterraneum; unde prorupiſſe dicitur Oceanus, vel tanquam partus, vel proluviaſ aquarum, quæ ſequi ſolet partum.

Quæ prætereâ ſequuntur de ſotu & involutione hujus fœtûs recens nati, eodem ſpectant: cœlique & aëris faciem, æſtuante diluvio, eleganter expriment. *Quum ponerem nubem, veſtimentum ejus:*

& caligine, tanquam fasciis, aut pannis infantia, ob-  
volverem. Durante æstu aquarum Diluvialium, &  
labentis mundi tumultu, nebulis, & nimbis, & ex-  
cussis in altum fluctibus, impletæ erant omnes terris  
vicinæ regiones. Atque his nubibus, & caliginoso  
aëre, quasi mollioribus pannis, involutum erat mare,  
cùm primùm, ex utero magnæ Matris Terræ, non  
dicam in lucem prodiit, sed in auras qualescunque  
prorupit.

Neque minus congruit quod sequitur, vers. 10. de  
hodierno maris alveo, & appositis in litore rupibus  
& vallis, quibus coërcentur ipsius fluctus. Circum-  
dedi illud terminis meis, & posui vectem & ostia. Et  
dixi, usque huc venies, & non procedes amplius: &  
hìc confringes tumentes fluctus tuos. Ita vulgata. Paulò  
aliter Tremellius: Cùm diffregi pro eo Terram de-  
creto meo: & apposui vectem & valvas. Dicens, hu-  
cusque venies, & ne procedito: & hìc opponet se litus  
superbiæ fluctuum tuorum. Eodem res redit ex utrâ-  
vis versione. Terræ marisque post-diluvianorum  
formam & situm hæc verba definiunt, cum laxatas  
& sævientes aquas, ad suos alveos, sub fine Diluvii, re-  
legavit & restrinxit Deus: obicesque posuit & re-  
pagula in oris maritimis, secundum fœdus cum  
Noacho initum, ne denuò inundarent terras.

Alia sunt sacrorum scriptorum loca, quæ dissolutio-  
nem Terræ significare videntur, idque in Diluvio.  
Propheta *Isaias*, mundi cladem & dissolutionem descri-  
pturus, incipit ab iisdem verbis quibus usus est *Moses*,  
in descriptione Diluvii, אֲרֻבוֹת מַמְרֹם נִפְתָּהוּ: nec  
aliter utrobique *Septuaginta*, συρίδες καὶ τὸ ὑπερβαῖν οὐ-  
ώχθησαν. Unde cætera quæ sequuntur in eadem  
descriptione, ad Diluvii formam modumque pariter  
alludere censenda sunt. Verba autem prophetæ sic



se habent. *Cataractæ de excelsis apertæ sunt, & concutientur fundamenta Terræ. Confractiōne confringetur Terra: Contritione conteretur Terra: Commotione commovebitur Terra: Agitatione agitabitur Terra, sicut Ebrius.* Hæc, ut vides, Terræ motus, dissolutiones, concussiones, & omne genus ruinarum, indicant. Quæ, si ad futurum mundi excidium referenda censeas, saltem ex præterito futurum describere videtur Propheta, & in utroque perturbatum & dissolutum Terrarum orbem supponere. In altero ejusdem Prophetæ loco, ubi de Diluvio agitur, ait Deus se fœderi & promissis Noacho factis, semper statutum: neque montes aut colles in posterum commoturum. Verba secundum Septuaginta, hæc sunt. Ἀπὸ τῶ ὕδατος τῷ ὄντι Νῶε, τὸ τό μοι ἐστὶ. Καὶ δότι ὥρσα αὐτῷ ἐν χερσὶν ἐκείνῳ, τῇ γῇ μὴ θυμωθῆσεσθαι ὄντι σοὶ ἐτι, μηδὲ ἐν ἀπειλῇ σε τὰ ὄρη μεταστήσεσθαι, ἔδ' οἱ βουνοὶ σὺ μετακινήθῃσονται. *Ab aquâ quæ fuit sub Noe, hoc mihi est: sicut juravi ei in tempore illo, Terræ nequaquam ultra irasci propter te, neque in comminatione tuâ montes transferre, neque colles tui commovebuntur.* Hoc exemplar innuit, everfas fuisse terras, divulsas, & suis sedibus emotas, in Diluvio: Deumque jurasse ait, hæc nunquam reditura, neque ideò Diluvium.

Sacrorum Authorum loca alia, quæ de subversione aut dissolutione Terræ verba faciunt, Diluvii universalis tempus statumque, tanquam mundi naufragium, atque iræ divinæ monumentum maximum, respicere mihi videntur. Cujusmodi sunt illa dicta Jobi, c. 9. 5, 6. & c. 12. 14, 15. Atque illud Prophetæ, Amos c. 9. 5, 6. *Jehovah tangente Terram, dissolvitur: Consconditque quasi rivus totam, quasi rivus Ægypti, & submergitur, &c.* Illud etiam Haggai (c. 2. 6.)

De duplici Concussione Cæli, Terra, Maris, sicci : Præteritâ & futurâ : quicquid figuratè significet, uti futuram de Conflagratione, ita præteritam de Diluvio, φυσικῶς interpretor. Denique in Psalmis, de concussione Terræ & fundamentorum ipsius, sæpius fit mentio : Et quandoque afflicta & periclitantis Ecclesiæ conditio, quam Arca Noë repræsentabat, verbis, quæ vim & æstus ipsius Diluvii notant, adumbratur. Ps. 42. 7. & 46. 1, 2, 3. maximè verò Psal. 18. ubi per omne genus tempestatum, & cæli & terræ motuum, scena Diluvii, ut mihi videtur, vividè depingitur. Tum commota tellus contremiscere <sup>Ver. 8, 9,</sup> cæpit, & concussa montium moles cohorrescere : namque <sup>10, 11, &c.</sup> iratus ille.

Fumum naribus exhalans, ardentem ignem faucibus ejaculans, & carbonibus exardescens.

Proclinato cælo descendebat, & subjectâ suis pedibus caligine.

In Cherubo iniquitans volabat, seque alis venti librabat.

Circumdederat autem sibi quasi latibulum tenebrarum, atrarumque aquarum, & atherearum nubium quasi umbraculum.

Quibus nubibus adejus præsentie fulgorem discussis, grando & candentes emicabant carbones.

Tum Fovæ supremus de cælis intonare, cumque fragore grandinem & igneos agere carbones.

Telaque sua jaculans illos dissipare, & crebris reddere fulguribus attonitos.

Ad has Fovæ minas, & spirantem ex ejus naribus ventum, aperti sunt aquarum gurgites, & fundamenta Orbis habitabilis patefacta.

Tum ille me desuper recipiendum, & ex tam multis aquis curavit extrahendum.

Hi motus & procellæ, quæ numinis præsentia, (ut solent omnia magna, apud Prophetas) attribuuntur, nullibi occurrunt aut locum habere possunt in historiâ sacrâ, nisi sub tempore sævientis Diluvii: cum ruptâ Abyssu magnâ, & effusis nimborum Cataractis, cælum terris misceri videretur. Neque multò dissimilem Naturæ faciem in Diluvio, tam  
*M. p. 279.* quoad cælum quàm terram, depinxit Philo Judæus, tractatu de *Abrahamo*. Ubi, cum aquarum undique confluxus motusque turbulentos, descripserat, subdit, πάντα τὸ ὑδατὸν βαθὺ καὶ σύνεχες νέφος ἐπαίχε, καὶ πιεύματα ὡς ἐξαίσιά· πάντα γοι ὅ βροντῶν καὶ ἐπλάμψαις ἀστραπῶν, καὶ κεραυνῶν φορεῖ, καὶ καταρρήγνυμιδῶν ὀμβρων ἀπαύτων, ὡς νομίσαι τὰ μέρη τῶ πάσι τοῖς εἰς μίαν φύσιν τὸ ὕδατος ἀναστοιχεῖν ὅλην σπεύδειν· ἔως τῶ μὲν ἀνωθεν καταρρίπταντο, τῶ δὲ κάτωθεν ἐπανίσταντο, μετάρσια ἥρδη τὰ ῥᾶδρα, οἷς ἔμολιον ἢ πεδιάς καὶ ὅση χθαμαλὴ κατακλυθεῖσα ἠφανίσθη, ἀλλὰ καὶ τῶ ὑψηλοτάτων ὄρων αἰκορυφαί. Πάντα γὰρ τὰ μέρη τῆ γῆς ἔδυ καθ' ὕδατος, ὡς πάσαν κατηρπάδαι, καὶ τὸν κόσμον ἀκρωτήρα δέντα μεγάλῳ τμήματι, τὸ παντελὴ καὶ ὁλόκληρον, ὃ μήτε εἶπέν, μήτε νοῆσαι δέμιν, λελοβῆδαι δοκεῖν. Ἀλλὰ γὰρ καὶ ὁ αἶρ ἔξω μένει βραχέως. τῶ κατὰ σελήνην, ἀπας ἀνέλωτο, νικηθεὶς ὑπὸ τῶ τῶ ὕδατος βίας καὶ φορέας. Denique ait, πάντα τὰ τῶ κόσμου μέρη, δίχα τῶ κατ' ὑρανὸν, ἐκινήθη παρὰ φύσιν, ὡς ἂν βαρεῖαν καὶ θανατώδη νόσον νοσήσαντα. Quùm nullibi repererim apud veteres uberiores Diluvii descriptionem, nec imaginem magis vividam: hæc dicta, longiuscula licet, referre non gravabar; quæ ita ferè reddidit Interpretes. Nec aër quiescebat interim, Obrecto cælo toto densis & continuis nubibus, procellis quoque furentibus; simul tonitruum crepitus, micationes fulgurum, ictusque fulminum, & cum impetu dejecti imbres perpetui, faciebant,



bant, ut videretur totus mundus abire & dissolvi in naturam aqueam. Donec è supernis Cataractis, infernisque fluentis, tanta moles undarum succrevit, ut non campi tantum, & depressa loca operirentur, sed & altissimorum montium cacumina. Omnes enim Terra partes submersæ sunt, ut, illâ ereptâ, mundus magnâ sui portione mutilaretur: & qui prius integer illasque fuerat, mancus, (\* quod cogitatu, dictuque nefas est) \* Scilicet esse videretur. Quin & aër, nisi quâ Lunari circulo Philo voluit mundum esse incorruptibilem. vicinus est, pene totus absumptus erat, victus aquarum violentiâ & impetu, quæ regionem ejus penitus invaserant. Denique omnium mundi partium, præter cælestes, natura laxata fuerat, quasi morbo quodam gravissimo & fatali correpta. Multa sunt, ut vides, in hac delineatione Diluvii, sacri Prophetæ verbis cognata & affinia: procellas & turbines, fulgura & fulmina memorat, densosque nimbos, quasi liquefacto cælo, & confusâ mundi compage. Fatendum est tamen, virum eloquentissimum ad prophetici sermonis altitudinem assurgere non potuisse. Neque verbis quidem exprimi potest, aut animo concipi, tristis naturæ imago, durante æstu Diluvii. Quod Cælum, Quas Terras, Quem Aëris vultum, pingemus? Cælum sine Sole aut Syderibus: Fractas aut læsas ubique Terras: hiantem Abyssum: Aërem, aquis, tenebris, & intermicantibus ignibus, horrendum: præter turbines, fluctuum collisiones, & ruentium molium fragores & tonitrua. Denique, hoc modo confusis omnibus, aut primum Chaos, aut supremum Diem, in hoc mundi naufragio videre videor. Sed de Diluvio satis, quoad Autho-

thores sacros.  
 Consulenda est deinceps Historia prophana, & Authores exotici: nempe quid illi prodiderint de modo.

modo & causis diluviorum, quæ scriptis mandârunt, & quorum nobis conservârunt aliqualem memori-  
am, nunc in his, nunc in illis regionibus. Atque  
id ausim dicere generatim, maxima, quæ ab histo-  
ricis traduntur, diversarum regionum diluvia, ab  
iisdem causis provenisse, aut ab eodem causarum or-  
dine, quo Oecumenicum illud jam supra explicui-  
mus. Nempe à disruptione terræ, lapsuque in hia-  
tum suppositum, aquis repletum; unde aquæ illæ  
subterraneæ, ruentis molis impetu expressæ & elisæ,  
Campos aut provincias circumvicinas inundant.  
Præterea, hanc dissolutionem terrarum comitari so-  
let, aut præire, Terræ motus: quo solum concuti-  
tur, & à situ suo impellitur. Denique, regiones ca-  
vernosa, utrique horum, tam Eluvionibus, quàm  
Terræ motibus, præ aliis sunt obnoxia. Hæc sum-  
mam causæ complectuntur, atque horum omnium  
testem adducturi sumus historiam naturalem: & ex-  
emplis inde petitis, quod superius expositum fuit  
in descriptione Diluvii universalis, id sæpius in aliis  
occurrisse, sub minori mole, & quasi minoribus ta-  
bellis depictum videbimus.

Tribus modis in genere, contingere solent Inun-  
dationes: aut irruptione maris in terras humiles,  
dirutis superativæ aggeribus, à naturâ vel ab arte  
factis. Aut immodicis pluviis. Aut denique eru-  
ptionibus aquarum subterranearum. Prima non fit  
nisi in terras humiles, ut dixi: ipsius maris superficie  
depressiores; neque altius assurgunt aquæ, aut lon-  
gius grassantur, nisi æstu aliquo, aut subitâ tempe-  
state propulsæ. Quare hujusmodi Eluviones con-  
tingere non possunt, nisi in regionibus maritimis:  
iisque non arduis aut montosis. Quoad secundum  
genus inundationum, cùm sensim fiant, permagna  
esse

esse non possint; Primarum enim pluviarum aquæ elapsæ sunt, antequam ultimæ aut penultimæ accedunt: ideoque prata tantum, aut fluminibus contiguos campos, aut pagos, obruere solent: neque in iisdem diù morari, cum per fluviorum alveos facile exonerentur, & in mare decurrant. Et notare hîc licet, uti nullâ Oceani exundantiâ, propter ipsius situm, terris humiliorem: ita nec ullis pluviis, oriri unquam posse Diluvium universale; Quoniam, quantumcunque aquarumingas ex terrâ & aquis eductum, cum in pluvias coactum redit ad easdem terras & aquas, non nisi tantundem loci occupabit quantum antea occupaverat: ut nulla inde effici possit generalis inundatio. Verum quidem est, primo impetu, cum terra nondum imbiberit suam partem, erit quædam eluvies: at ubi, factâ distributione, natura ubique suum repetierit, redeunt omnia ad pristinum statum: & pluviis tantum aquæ reficitur, quantum vaporibus exierat. Tertium denique Diluviorum genus, quod à terræ-motibus & eruptionibus aquarum subterranearum oritur, gravissimum est, & funestis cladibus, sive rerum naturam spectes, sive genus humanum, infame. Hinc absorptæ Insulæ quandoque, aut continentis tractus magni submersi, montes in voragines mutati, & Terra firma in mare; Denique, mutationes maximæ & transformationes, quas in hodierni orbis facie oriri cernimus, aut olim ortas novimus, hinc originem trahere. Neque minùs in homines & animalia grassantur hæc diluvia, Civitates cum suis incolis hinc deletæ, agri & sylvæ cum feris, & regiones terræ cum suo qualicunque apparatu: ut, magni & œcumenici Diluvii, quo periit totus terrarum orbis, vera sint compendia.



Theor. sac.  
l. 1. c. 6.

De his igitur diluviis nobis agendum est specia-  
tim, & è multis nonnulla seligenda, ex quorum in-  
tuitu & comparatione cum maximo illo & mun-  
dano, ipsius causas, & modum, & rationes omnes,  
ab ipsâ historiâ edocti, & exemplis cognatis, faciliùs  
agnoscamus. Meminimus alibi, in hac materiâ, sub-  
versionis *Sodoma* & *Gomorrhæ*, & regionis *Pentapolis*,  
horrendæ quidem cladis : quam, uti sulphuris im-  
bribus à cœlo dimissis inchoatam, ità accedente mag-  
nâ terrarum disruptione & aquarum, quæ subtus  
latebant, exundantiâ, perpetratam & perfectam esse  
novimus. Licet enim *Moses* non meminerit expli-  
catè nisi sulphuris & ignis cœlitus illapso-  
rum hisce urbibus & locis, cum ei in usu sit causas maximè mi-  
rabiles & divinas recensere, cæteris silentio præter-

וְהָיָה &  
וְהָיָה

missis ; utitur tamen iis vocibus quæ *subvertere* &  
*subversionem* significant, & quæ à Septuaginta ibi-  
dem & alibi sæpiùs reddi solent per καταστρέφειν.  
Unde Sanctus *Petrus* utriusque ordinis causas con-  
jungere videtur, 2 *Epist.* 2. 6. cùm dicit τεφρώσας  
καταστρεφῆ κατέκεινεν, in cineres redactas subversione  
damnavit. Ambas etiam causas complexus est *Strabo*,  
& uberius exposuit utriusque signa & reliquias,  
in Lacûs Asphaltitis qui inde exortus est, descripti-  
one ; δεικνύσιν, inquit, Πέτρας τινὰς ἑπικεκαυμένας  
πραχεῖας καὶ σύμγλας πολλαχῶς καὶ γλῶ τεφρώδη. Κατοι-  
κίας δὲ ἀνατρίραμυρας σποράδην ὥστε πιεῖν τοῖς  
δρυλλομήτοις ὑπὸ τῆς ἐγχευῶν ὡς ἄρα ὠκύντο ποτε  
πεντακάδεκα πόλεις ἐν ταῦτα, ὧν τῇ μητροπόλει Σο-  
δόμων, σῶζοιτο κύκλῳ ἐξήκοντά περ σταδίων ὑπὸ σεισ-  
μῶν καὶ ἀναφυσημάτων πυρρῶν, καὶ θερμῶν ὑδάτων ἀσφαλ-  
τωδῶν τε καὶ θειωδῶν ἢ λιμνὴ περπέσοι, καὶ πέτραι πυρί-  
ληπτοὶ γένοιτο· αἵτε πόλεις αἱ μὲν καταποθέεν, αἱ δ'  
ἐκλείπειν οἱ δυνάμειοι φηγεῖν.

Ostendunt

Ostendunt petras exustas & asperas & cavernas caecosve meatus, & terram cinerosam, & habitationes hinc inde everfas; quæ cuncta fidem faciunt famæ apud indigenas receptæ: In hoc loco tredecim urbes olim habitatas fuisse, quarum caput Sodoma adhuc sexaginta stadiorum habeat superstitem ambitum: terra autem tremoribus, & ignis aquarumque calidarum & bituminosarum & sulphurearum eruptione, extitisse lacum, saxa ignem concepisse, urbium alias absorptas, alias à fugientibus incolis derelictas.

Hæc fatis explicita sunt, neque plures testes adducere opus est, cum res ipsa loquatur, viditque omnis posteritas, videatque hodiè, in regione illâ Pentapoli sive Asphaltidis, triplicis exitii vestigia, per ignem, aquam, & absorptionem.

De his igitur urbibus, & agris Sodomiticis fatis; Alias jam videamus, quæ ab iisdem causis, nempe Terræ-motibus diluvialibus, ut ita dicam, obrutæ perierunt. Licet enim distinguere Terræ-motus in illa duo genera, Siccis & Diluviales: Diluviales autem sunt Chasmatia, ut dicuntur. Qui grandiori motu, ut verbis Am. Marcellini utar, patefactis subitò L. 17. voratrinis, terrarum partes absorbent, ut, in Atlantico mari, Europæo orbe potior insula: & in Crisæo sinu, Helice & Bura: & in Ciminiâ Italia parte, oppidum Succiniense: profundo hiatu absorpta, aternis tenebris occultantur. Cùmque in profundis terræ cavitatibus semper lateant aquæ, hi motus Chasmatia fere semper sunt Diluviales: si enim Terra rupta propendat & subsidat in suppositam voraginem, proruunt aquæ & impetuosè circumquaque projiciuntur, ut non tantùm præceps ruat quicquid incubuit illi terrarum tractui, sive sylvæ, sive oppida, sive animalia; sed etiam vicinæ regiones integræ licet & infractæ, ex  
I i aqua-

- aquarum, quæ eructantur, impetu & diffusione, damnum cum cæteris sæpe participant. Rectè igitur Neptunum, & diluviorum & terræ-motuum Deum, *Lbi. 15.* finxerunt Antiqui, referente *Diodoro*, qui cùm irato Neptuno subversionem Buræ & Helices, de quibus postea, attribuisse, rationem sententiæ suæ subdit *διὰ τὸ τῶν σασμῶν καὶ τῶν κατακλυσμῶν, τῦτον τὸ θεὸν ἔχειν διελθῆναι ἢ ἐξουσίαν, quod terræ-motus & diluvia Deus iste in potestate habere credatur.* Id etiam observare licet, easdem regiones esse εὐσεΐας καὶ εὐκατάκλυτους, cùm à communi causâ ea proveniant, nempe cavernosâ terræ substructione. Unde non malè *L. 12. p. 378.* observatur à *Strabone* de *Phrygiâ* ipsiusque terræ motibus frequentioribus, ἐμφαίνων ἅμα τὸ πολύτρητον καὶ χῶρας καὶ τὸ εὐσεΐον, addi etiam potuit καὶ τὸ εὐκατάκλυτον: illud enim quod appellat τὸ πολύτρητον cavernosum vel foraminosum utriusque causas continet. Hanc etiam cavernositatem notavit in *Eubæia*, (*l. 10. p. 447.*) atque etiam in *Βαοτιᾷ*. (*l. 9. p. 406, 407.*) Eandem de *Peloponneso* memoravit *Diodorus Siculus*. *L. 15.* Unde regionem Græciæ, & contiguam ex utrâque parte, tam Asiæ quàm Europæ, juxta litora *Ægæi*, & sursum versus *Euxinum* & deorsum secundum oram *Mediterranei*, voraginosè constructam esse faciliè suspicarer. Atque in his terris tam diluvia quàm terræ-motus frequentius contigisse historia testatur.

*Id de Asia  
minori no-  
tat Solinus,*

*l. 43.*

His ità notatis in genere circa terræ-motus, maxime diluviales, horum aliquot exempla jam recensamus, neque multùm refert quo ordine. *Olympiade 88.* contigit ille apud *Locrenses* qui Civitatem *Atalantem* cum suo agro à Continente avulsit & in Insulam convertit. Hujus Historiam præter alios memorat *Diodorus Siculus*, hisce verbis, *τηλικύτους*

*L. 12. m.  
fol. 111.*

*δὲ*



δε συνέβη τὰς σεισμὸς γενέσθαι κατὰ πολλὰ μέρη τῆς Ἑλλάδος, ὥστε καὶ πόλεις τινὰς ἐπιθαλαττίους ὑπεκλύσασαν καὶ θάλασσαν διαφθεῖραι, καὶ κατὰ τὴν Λοκρίδα χειρσότης καθεσώσης, ῥῆξαι μὲν τὸ ἰσθμὸν, ποιῆσαι δὲ νῆσον καὶ ὀνομαζομένην Ἀταλάντην. *Tam horrendæ verò tùm Terra concussiones passim in multis Græciæ partibus acciderunt, ut superinfusa maris unda multis per litora urbibus magnam labem attulerit. Et cum Locridis antea tractus peninsula esset, perrupto violenter Isthmo, Insulam, quæ Atalante nomen gerit, effecerit. Per terræ-motum itidem, in suppositam voraginem, absorpta dicitur à Strabone urbs Eubœia, quæ suæ Insulæ no-* L. 10.  
men gessit.

Terræ-motus quo periit in Bithyniâ urbs *Cyzicum*, cum pulcherrimo ipsius templo, diluvialis erat; referente *Ziphilino* in vitâ Antonini Pii; cum rem ex parte narrâset, subdit περὶ δὲ τὴν μεσόγειον ἄνω κορυφῆς ὅπου διασάσης θαλάσιόν φασιν ἐκχυθῆναι κύμα, ἐπὶ πολὺ τε τῆς γῆς ἐλθεῖν ῥιπιζομένην καὶ ἄλγην ἀκράτε καὶ διαυγῆς θαλάσσης. *In mediterreo sive ipsâ terrâ continente, hiantis montis vertice, ferunt fluctuum marinorum vim effusam esse, spumamque vel asperginem puri et limpidi maris procul inde in terram projectam fuisse. Idem Ziphilius in enarrandâ clade Antiochiæ per terræ-motum, subsidentiâ montium & aquarum effusiones translationesque conjungit, "Ὁρη δὲ ἀλλὰ ὑπὲρ* In vitâ Tra-  
ζησε, καὶ ὕδωρ πολὺ, ἐκ ὧν μὲν πρότερον, ἀνεφάνη, πολὺ *juni, p. 251.*  
δὲ καὶ ῥέον ἐξελιπεῖ. *Subsidere præterea alii montes, (nempe præter Corasium) et aquæ ubi antea visæ fuerant nunquam, extiterunt, contra nonnulla, ubi fluxerant antea, defecerunt.*

Plures memorantur hujusmodi Terræ-motus diluviales apud authores antiquos, præ cæteris autem infamis est illa, quæ, circa Olympiadem centesimam,

totam ferè Achaïam concussit, & duas civitates, Buram & Helicen, abruptis, ut inquit Orosius, locorum hiatibus devoravit. Meminit hujus cladis Diodorus Siculus, L. 15. & pluribus explicat, quorum

m. fol. 363, hinc summam excerpam; Ἐπὶ δὲ τῶν κατὰ τὴν πελο-  
 364. πόννησον ἐγένοντο σεισμοὶ μεγάλοι καὶ ἀνὰ κλυστοὶ χώραι  
 καὶ πόλεις ἄπιστοι, &c. ἐγένετο δὲ τὸ τοῦ πλάτος τὸ  
 Ἀχαιῶν περὶ δύο πόλεις Ἑλικῶν τε καὶ Βούραν, ὧν ἡ  
 Ἑλικῶν τε συνέβαινε μέγιστον τῶν κατὰ τὴν Ἀχαιῶν πό-  
 λεων ἔχειν ἀξίωμα περὶ τῶν σεισμῶν. *Sub his (princi-*  
*pibus) tam enormes in Peloponneso terræ-motus &*  
*aquarum inundationes per regionem illam & urbes ac-*  
*ciderunt, ut res omnem pene fidem excedat. Clades hæc*  
*duas præcipuè urbes Achaïæ Helicem & Buram corri-*  
*pibat, quarum illa maximam inter Achaïæ urbes digni-*  
*tatem ante terræ-motum illum obtinuerat.* Dein hujus  
 causas explicaturus, cùm primò, Irato Neptuno  
 hanc cladem tribuisset, rationem physicam postea  
 subnectit, περὶ δὲ τούτοις τὴν Πελοπόννησον κατὰ βάθος  
 ἔχειν μεγάλα κοιλώματα καὶ συστάσεις ὑδάτων ναματι-  
 αίων μεγάλων, &c. *Ad hæc sunt in Peloponneso magna in-*  
*visceribus terræ cavitates, ubi vasti etiam sunt aqua-*  
*rum hinc inde confluentium & scaturientium lacus aut*  
*conceptacula.* Atque hæc sunt Terræ-motuum & ab-  
 sorptionum & inundationum causæ. Huic exemplo  
 Buræ & Helices subjungit aliud Pausanias in Achai-  
 cis, de Ideâ urbe in Sipylo monte, his verbis, Τοῖς τὸ  
 γε δὴ κατέλαβεν καὶ ἕτερον, τὴν Ἰδέαν ἐν Σιπυλῶ πόλιν ἐς  
 χάσμα ἀφανισθῆναι· ἐξ ὅτε ἡ Ἰδέα κατεάγῃ, τῷ ὄρει  
 ἰδὼρ αὐτόθεν ἐρρύν· καὶ λίμνη τέ ὀνομαζομένη Σαλὼν τὸ  
 χάσμα ἐγένετο. *Tale quid accidit etiam alio loco, cùm*  
*Idea, in Sipylo urbs, in hiatum terræ absorpta evanuit.*  
*Ex quo autem confracta fuit urbs, statim è monte pro-*  
*fluxerunt aquæ, & vorago illa facta est.* *Lacus, vel stag-*  
 num,

*num, dictum Saloe.* Addit dein, καὶ ἐρείπια πόλεως δὴ-  
λα ἦν ἐν τῇ λίμνῃ, πρὶν ἢ τὸ ὕδωρ ἀπέκρυψεν αὐτὰ τῷ  
χειμάρρῳ. *Et in ipso lacu manifestò cernebantur urbis*  
*rudera, donec aquarum limosis torrentibus obducta fue-*  
*rant.* Quod etiam de Helice dicitur. Denique, ut  
plura exempla non addam, notissima est historiæ de-  
mersæ Atlantidis apud Platonem, à Sacerdotibus Æ-  
gyptiacis recepta. Quæ licet fabulosa nonnulla, ut  
solent narrationes antiquæ, admista habeat, alicujus  
regionis permagnæ, per terræ-motum & aquarum  
eruptionem, absorptæ, non fallacem memoriam re-  
tinet. Sed de his satis.

Ab his exemplis facilè transitur ad causam nostram,  
& ad partes nostras: Cum enim in minoribus hisce  
diluviis terrarum hiatus & dissolutiones intervenisse,  
ab historiâ edocti noverimus: In maximo illo,  
de quo agitur, haud æquum est supponere leviores  
causas. Et quemadmodùm his terris aut urbibus  
absorptis & demersis, lacus subterraneos subjacu-  
isse constat: ità si totum terrarum orbem Abyssò  
Magnæ incubuisse, in primâ rerum constructione,  
supponamus: Eumque dissolutum esse, tempore No-  
achi: universalis Diluvii causas non minùs conspi-  
cuas, quàm in minoribus istis, ante oculos habebi-  
mus: effectisque suis atque suis cladibus utrobique  
pares. Denique, peractò Diluvio, hodiernæ Tel-  
luris facies, tam quoad formam, quàm situm, &  
cætera quæcunque Phænomena, ex his aquis, ex his  
ruinis, derepentè emergeret. Id quòd in Theoriæ  
libro primo, capite sexto & sequentibus, plenè &  
perspicuè declaravimus.

Supereſt unicum, quod prætermisimus, idque præ-  
cæteris celebre diluvium, Deucalionis intelligo;  
Quod instar universalis, deletò toto genere humano,



à Græcis exhiberi solet. Est etiam antiquius Deucalioneo Ogygium: sed præter ipsum nomen, & tenuem rei memoriam, nihil ultra retinemus de modo aut causis istius inundationis. Quinetiam *priscus Ogyges* multis esse videtur Noachus ipse, & suum diluvium idem cum Noachico: mutatis nominibus, & mutilatâ chronologiâ & historiâ, quod in rebus pervetustis non rarò accidit. Hoc igitur misso, alterum Deucalionis paulisper expendamus, ut siqua maneant vestigia hiantis & dissolutæ terræ, quod in multis aliis reperimus, in hoc etiam observemus. Terram scissam & divulsam fuisse in diluvio Deucalionis, testatur illud *Apollodori*, τότε δε, de hoc diluvio loquitur, καὶ τὰ κατὰ Θεσσαλίαν ὄρη διέσκη, καὶ τὰ ἐκτὸς Ἰδμῦ καὶ Πελοποννήσου συνεχέσθη πάντα. *Tunc secesserunt*, vel discessum aut hiatum fecerunt, *montes Thessalici, & quæ sunt extra Isthmum & Peloponesum, turbata & confusa sunt omnia.* Scio, Interpretem *Apollodori* aliter reddidisse διέσκη, ac si immunes fuissent à diluvio hi montes, sed notum est διασπῆναι ea dici quæ secessum & hiatum faciunt. Atque ita occurrit supra in descriptione Terræ-motûs in Bithyniâ ex *Ziphilino*: κορυφῆς ὄρους διασπάσης, inquit: *dirempto vel hiantē montis vertice.* Neque aliter rem intelligo de montibus Thessalicis. Secundum illud *Senecæ*, *Ai-*

Nat. QSS.

l. 6. c. 25.

*unt aliquando Ossam Olympo cohesisse, deinde terrarum motu recessisse, & scissam unius magnitudinem montis in duas partes.*

Est prætereà locus notatu non indignus apud *Lucianum*, de hiatu Telluris in Templo Hieropolitano: Sacrisque à Deucalione institutis circa hunc hiatum, in memoriam sui Diluvii. Cùm illius eluvionis historiam secundum Græcos, enarasset *Lucianus*, subdit, *Τὰ μὲν Δευκαλίωνος περὶ, Ἕλληνες ἰστέουσιν.*

Τὰ

Τὰ δὲ ἀπὸ τούτου, λέγεσθαι λόγῳ ὑπὸ τῶν ἐν τῇ ἱερᾷ πόλει, μεγάλως ἄξιον θαυμάσαι, ὅτι ἐν τῇ σφετέρῃ χώρῃ χάσμα μέγα ἐγένετο, καὶ τὸ σύμπαν ὕδωρ κατεδέξατο. Δευκαλίων δὲ, ἐπεὶ τάδε ἐγένετο, βωμὸν τε ἔθετο, καὶ ἱερὸν ὅπῃ τῷ χάσματι, Ἦρης ἁγίον ἐστήσατο.----- σῆμα ὃ τῇ ἰσορίας τάδε πρῶτον· δις ἐκάστῃ ἔτεον ἐκ θαλάσσης ὕδωρ εἰς τὸ ἱερὸν ἀπυκνέεται, φέρουσι ὃ ἐκ ἱερῆς μέτρον, ἀλλὰ πᾶσα Συρίη καὶ Ἀραβίη, καὶ πέραν τῆς Ευφράτης, πολλοὶ ἄνθρωποι εἰς θαλάσσαν ἔρχονται, καὶ πάντες ὕδωρ φέρουσι· τὸ, πρῶτα μὲν ἐν τῷ ἱερῷ ἐκχέουσι, μετὰ ὃ εἰς τὸ χάσμα κατέρχεται· καὶ δέχεται τὸ χάσμα, μικρόν ἐόν, ὕδατος χρημὸς πολλόν. Τὰ δὲ ποιεῖντες, Δευκαλίωνα ἐν τῷ ἱερῷ τὸ δὲ νόμον δέδωκε λέγουσι, συμφορῆς τε καὶ ἐπιεργασίας μνημα εἶναι. ὁ μὲν ὢν ἀρχαῖον αὐτοῖς λόγον, ἀμφὶ τῷ ἱερῷ, τοῖς δὲ ἔστι. *Hec sunt, quae de Deucalione referunt Graeci. De iis verò quae postea consecuta sunt, fertur quidam sermo ab iis qui Hieropolim incolunt; magnâ certè admiratione dignus. Quod in ipsorum videlicet regione hiatus quidam Terra factus fuerit, ac totam illam aquam absorbuerit. Deucalion autem cum hac ita facta essent, Aras constituit, & Templum Junoni sacrum, supra hiatum illum, erexit. Signum autem, quo fidem historiae huic faciant, hoc peragunt. Bis unoquoque anno, ex mari aqua in Templum deferitur; afferunt autem illam non sacerdotes modò, sed tota Syria, & Arabia, & qui trans Euphratem incolunt multi, eunt ad mare, atque omnes inde aquam afferunt. Ac primò quidem in Templo effundunt illam, dein in hiatum defluit, recipitque hiatus ille, quamvis exiguus, immensam vim aquae. Hoc cum faciunt, ritum & legem Templi istam instituisse aiunt Deucalionem, ut cladis pariter, partaque salutis monumentum esset. Talis est vetus de Templo hoc sermo.*

Est quidem hoc insigne monumentum disruptæ Terræ in diluvio Deucalionis: quæ disruptio, tam cladis quàm salutis, author erat. Nam ex illo hiatu proruperunt aquæ, & in eodem, deservescente diluvio, resederunt. Utrumque memòrant Heliopolitani, & quemadmodum Noachus, finito diluvio, *Aram erexit Domino*: ita & aras & templum construxisse dicitur Deucalion, ad celebrandam rei memoriam. Quot denique, & quanti populi confluerunt ad hunc ritum peragendum Heliopoli? plures utiq; quàm Hierosolymas unquam adiêre in maximè solenni festo. Et si totius orbis incolæ eò convenissent, tanto cœtui non impar fuisset occasio: cùm demolito, ut nos credimus, mundo antiquo, mutata fuit naturæ facies. Neque aliter de hâc clade sensisse videntur veterum illi, quorum meminit Seneca: *Nec sine concussione mundi tanta mutatio est* (loquitur de Diluvio universali) *ut quidam putant, inter quos Fabianus est.* Dein capite 29. de eodem argumento hæc habet, *Quidam existimant Terram quoque concuti, & divulso solo, nova fluminum capita detegere, quæ amplius, ut è pleno, vel Abyssò & inexhausto penu, profundant.* Sed de hiatu & dissolutione Terrarum in Diluviis, Hæc sufficiant.



C A P. V.

*De situ Telluris primigeniæ; ad Solem  
recto: & secutis inde proprietatibus;  
Quales sunt, Ver perpetuum, sive pe-  
renne Æquinoctium, per totum ter-  
rarum orbem: Cœlum Impluvium &  
sine Iride. Primorum hominum Lon-  
gævitas.*

**D**istinxiſimus ſuprà Tellurem Primigeniam ab Ho-  
diernâ, duplici modo, *Formâ & Situ.* Situs  
autem ille diverſus, itidem duplex erat, vel reſpectu  
ſuæ fabricæ & positionis ſuper aquas Abyſſi: vel re-  
ſpectu Solis & Cœli. De priori actum eſt: de  
altero, ſive cœleſti, ſupereſt ut agamus. Quod,  
cùm in hâc quæſtione primarium ſit, unde aliæ pro-  
fluunt differentiæ, & conditiones notabiles, eò dili-  
gentiùs quærendum eſt, ſi, præter rationes natura-  
les, ſuppellant teſtimonia veterum, ad illum naturæ  
ſtatum confirmandum.

De Aureo ſæculo, atque ævo Saturni, multa tra-  
didere veteres, à ſæculis noſtris & hodiernâ naturâ,  
planè aliena: Quæ, tam propter cauſarum ignoran-  
tiam, quàm intermiſtas plerumque fabulas, fidem  
rarò impetrabant. Quibus verò perſpectum eſt, quo

fundamento nititur ille rerum status primigenius, & à quibus causis oritur illud discrimen ab hodierno, iis non difficile erit, à fabulosis vera distinguere, & à spuriiis genuina : sepositisque malis, reliqua bono animo amplecti gaudebunt, atque maximi facient, tanquam Historiæ naturalis antiquissimum monumentum.

Primævam Tellurem, quoad rationes Physicas, in secundo libro Theoriæ, satis explicuimus ; Neque hic repetenda sunt istius Theoriæ principia, sed conclusiones ; illa autem de quâ agitur impræsentiarum, hæc est : *Situm Telluris primæva fuisse rectum*, posito, retentoque semper suo axe, in lineâ parallelâ ad axem Eclipticæ. Unde motus cœlorum essent omnes uniformes, cursusque anni simplex & sine temporum differentiis. Quæritur jam, siqua manent vestigia, hujusce formæ anni, hujusce motûs cœli, & mutati deinde rerum statûs in hodiernum.

Ordiamur à Platone, suæ gentis & sæculi ornameto. Qui res divinas plerumque tractat, sed traditiones nonnullas admodum antiquas, de mundo naturali : de ipsius periodis, Catastrophis, & mutationibus magnis : quas, opinor, in Ægypto peregère agens à Sacerdotibus collegerat : sparsim proponit ; præcipuè verò in tribus Dialogis, *Timeo*, *Politico*, & *Phædone*. De posterioribus tantum hic agendum est, & primùm de *Politico* sive de *Regno*. Ubi sub nomine Fabulæ, de Saturni ævo vel regno, geminum Mundi ordinem, primævum ac hodiernum, & utriusque condiciones, exhibet. Ait autem hanc narrationem suam traditam fuisse ab antiquissimis temporibus, & à majoribus nostris qui proximè contingebant primam mundi revolutionem. Ἀπεμνημονεύετο.

m. p. 271. ὃ ὑπὸ τῶν ἡμετέρων προχόνων τῶν πρώτων, οἱ τελευ-  
τώση.

τάση μὴ τῇ προτέρᾳ περιφορᾷ. ἢ ἕξῃς χρόνοι ἐγγειό-  
νται, &c.

In hoc sermone, duplicem ætatem mundi, ut di-  
ctum est : ac duplicem naturæ & rerum humanarum  
statum, distinguit : sub Saturno primum, sub Jove  
alterum. Et quod maximè spectat ad propositum  
nostrum, in ævo Saturni dicit, motum cœlorum fuisse  
uniformem, idque ætatis aureæ, ac fœlicitatis, tam  
naturalis quàm humanæ, causam fuisse & fundamen-  
tum. Postea verò ingravescente hominum nequitia,  
declinasse rerum naturam, in quandam cœlorum  
ἀναρμοσίαν, quod, sub Jovis regno, malorum fons  
& origo extitit. Τότε ὁ θεὸς μετέβαλεν αὐτὸ ὅτῃ τὸ P. 269.  
νῦν ᾗμα. *Tunc Deus universum mutavit in illam quam  
jam habet formam.* Denique hunc duplicem cœlorum  
statum, omnium mutationum, quæ nobis in Terris,  
aliterve contingunt, maximarum, causam esse ait.  
Quare cùm hunc duplicem ordinem explicuisset, sub-  
dit statim, Λογισάμενοι ὅτι ξυνοήσωμεν τὸ πάθος ἐκ P. 270.  
τῶν νῦν λεχθέντων, ὃ πάντων ἔφαμεν εἶναι τῶν θαυμαστῶν  
αἰτίον, ἔστι γὰρ ἢν δὴ τὸτ' αὐτό, ἢ τὸ παντὸς φορὰν το-  
τὲ μὴ, ἐφ' ᾧ νῦν κυκλεῖται, φέρεσθαι, τοτὲ δ' ὅτῃ τάναν-  
τία. *Ex his quæ dicta sunt, rem eam vel passionem,  
quam omnium esse diximus mirabilium causam, ani-  
madvertimus. Est autem hæc ipsa : universi motum  
quandoque ferri, prout nunc volvitur, quandoque con-  
trario modo. Dein rem ultra prosequitur his verbis :*  
Ταύτην ἢ μεταβολὴν ἡγεῖσθαι δεῖ τῶν περὶ τὸ ὕψος  
γίνοντων τροπῶν πασῶν εἶναι μεγίστῃ καὶ τελειοτάτῃ  
τροπῇ, μέγιστας τοίνυν καὶ μεταβολὰς χρὴ νομίζειν γίνε-  
σθαι τοτὲ τοῖς ἐντοῖς ἡμῶν οἰκῆσιν αὐτῇ. *Mutationem hanc  
existimare oportet omnium cœlestium alternationum max-  
imam & consummatissimam. Quocirca æquum est pu-  
tare, tunc maximas circa nos, qui intra ipsum cælum  
habita-*



*habituamus, mutationes contingere.* Sequitur postea sub-obscura commentatio de corporum nostrorum labefactione, mutato cœli cursu : & eorundem renovatione futurâ, ubi cœlum redierit ad suum motum regularem.

Hoc primum caput atque summa rei est : à cœlorum motu, regulari & irregulari, mundi sublunaris pendere statum, fœlicem vel infœlicem. Notandum verò, id quod ille cœlo tribuit, reverâ soli Telluri tribuendum esse : cujus recto vel obliquo situ, oritur in motibus cœlorum illa congruentia vel ἀναρμοσία. Prætereà cùm motus Cœli vel Telluris mutatur, non vertitur in retrogradum, prout fingere videtur : sed ex recto fit obliquus & inclinatus : unde omnia illa phænomena sequuntur, quæ retroactò cœlo attribuit. Sed pergamus ad reliqua.

Ab hoc capite primario alia profluunt, atque illud proximè, *Temporum aequalitas*, sive Annus ἀχέμαϊς, absque ullâ tempestatum differentiâ. Id notavit Plato his verbis : γυμνοὶ δὲ καὶ ἄτρωτοι θυραυλοῦντες τὰ πολλὰ ἐνέμοντο, τὸ δὲ τῶν ὥρων αὐτοῖς ἄλυσον ἐκέκρατο. *Nudi verò, & sine stratis, sub dio plerumque habitabant : nam anni tempora ita erant temperata, ut iis nulla inde esset molestia.* Scio hæc aliter reddidisse Serranum : sed, nec vim sententiæ, nec vim verborum, conservavit. Prætereà, ex loco, in *Phædone* cognato, satis patet, mens Platonis, ubi ait, Τὰς δὲ ὥρας αὐτοῖς κεῖσιν ἔχειν τοιαύτως, ὥστε ἐκείνους ἀνόσους εἶναι. Pro ἄλυσον legit Proclus ἄλυτον : sed eodem sensu, in hæc verba, τὸ δὲ τῶν ὥρων κεῖσιν ἄλυτον ἔχουσι. *Habent enim quatuor anni temporum indissolubile constansque temperamentum.* Denique eodem mihi respicere videtur Plato in *convivio*, Cùm hunc Anni, sive ὥρων, statum κόσμιον vel ordinatum, qui olim obtinuit, Ἀπορί adscribit.

*Theol. Plat.*  
l. 5. c. 7.  
m. p. 260.

m. p. 288.

adscribit temperato: hodiernum verò, sive ἀκοσμίαν, ut appellat, intemperato. Sed in re clarâ non diutius immorandum.

Præterea, spontaneam Terræ fertilitatem: Fera-<sup>P. 271,</sup> rum mansuetudinem: & in regimine Θεοκρασίαν, me-<sup>272.</sup> morat. Characteres insignes, quos ab *Isaia* prophetâ (cap. 65. 17, &c.) desumpsisse videretur. Theocrasiam illam sæpius repetit, unde totum hunc sermonem de rerum mutationibus introduxerat: de Magistratûs origine, variisque ipsius generibus præcipuè disserturus. Ait, in primo rerum statu, Deum ipsum unicè exercuisse imperium. Sed degenerante humano genere, & perverso naturæ ordine, Deum recessisse à mundi gubernaculo, & se quasi abdicâsse magistratu: Permissâ hominibus licentiâ mundum regendi suo modo. Hæc liberiùs dicta sunt: rectè tamen, tam primi sæculi, quàm, mundo renovato, Futuri, *Theocrasiam* indicant. Atque hodierni mundi regimen effrænatum, quasi mali dæmonis instinctu natum, actumque, his tacitè reprehenditur.

Denique, licet in his mundi revolutionibus & catastrophis, nec Diluvij, nec Conflagrationis, meminerit Plato: Ingentem tamen concussionem Cœli & Terræ, sub hac rerum conversione, memorat; at-<sup>P. 271...</sup> que ex illa concussione perturbata omnia, & extincta omne genûs animalia. Quod dissolutioni, cladique, in Diluvio factis, tam mundi animati, quàm inanimis, secundum sententiam nostram, non obscure respondet. Dein, Renovationem mundi futuram, & resumptam Theocrasiam in illo sæculo, hîc apertis verbis celebrat, ὁ Θεὸς πάλιν ἔφεδ' ὅς αὐτῷ τῶν περὶ θαλίῳν γιγνόμενον, τὰ νοσήσαντα καὶ λυθέντα ἐν τῇ καθ' αὐτὸν προτέρα περιόδῳ τρέψας, κοσμήσει, καὶ ἐπανορθώσων, ἀθάνατον αὐτὸν καὶ ἀγήρω ἀπεργάζεσθαι. Deus

*rursum mundi gubernacula repetit, agrotasque & dissolutas in precedente periodo, mundi partes restituens, ornat eas atque emendat: Ipsumque proinde immortalem & senectutis expertem constituit. Hæc, Futurum Sæculum, novos cœlos atque novam Terram, auream ætatem redivivam, manifestò respiciunt; Cùm instaurabitur natura pristina & primæva: eadem Cœli facies, eadem Terræ; &, præsentē Numine, res humanæ, sub divinis auspiciis & regimine, summâ pariter fœlicitate ac pulchritudine gaudebunt.*

Sed de his satis. Id obiter notandum, Periodos & conversiones Mundanas innotuisse quidem Antiquis: sed de earum numero & ordine iis minus constituisse. Ex sacris literis nobis constat, Mundum jam semel periisse, idque in Diluvio: atque iterum semel periturum esse, in conflagratione: neque plures fore pereundi vices; Has autem singulas numerare & distinguere non ità promptum erat Antiquis. Denique ut verum fateamur, in omnibus gentium Archæologiis est quædam confusio & perturbatio: atque in hac ipsâ re, de quâ nunc agitur, id optimè monuit in superioribus Plato: Ταῦτα τοίνυν ἑσιξύμεν πάντα ἐκ ταυτῆς πύθης, καὶ πρὸς τέτοις ἔτεσιν μυρία, καὶ τέτων ἔτι θαυμαστότερα. Διὰ τὸ χρόνον πλῆθος, τὰ μὲν αὐτῶν ἀπίσθηκε, τὰ δὲ διασπαρμύα ἐῖρηται χωρὶς ἑκάστα ἀπ' ἀλλήλων. *Cuncta hæc (loquebatur de conversionibus Mundanis atque ævo Saturni) ab eadem causâ proveniunt, & alia præter hæc permulta, his longe mirabiliora: verum longinquitate temporis, ex iis nonnullorum plane extincta est memoria, alia, dissipata & distracta, seorsim & sine nexu memorantur. Juvabit, non tantum in hoc argumento, sed in aliis etiam rebus priscis tractandis, hoc monitum retinere fideliter, & sæpius revolvere.*



Hæc ex *Politico Platonis*, de regulari & uniformi cœlorum motu, vel Telluris situ, Annique æqualitate, in primis Mundi sæculis. Sequitur in *Phadone* locus non dissimilis, excutiendus. Notandum verò illud, tanquam Theorema primum in hâc materiâ, & dictorum à Platone, tam in *Politico*, quàm *Phadone*, fundamentum, διττὰς εἰς διακοσμήσεις, Duas esse mundi constructiones, formâ & situ diversas. Quam diversitatem in *Politico* explicuit ratione Cœli maximè: hîc autem in *Phadone*, ratione Terræ; & sub nomine Telluris cujusdam puræ, & in æthere positæ, multas proprietates enumerat, quæ hodiernæ Telluri minimè congruunt: Nostræ autem primigeniæ, aut novæ futuræ, quàm optimæ. Illæ verò dictæ proprietates reduci possunt ad duo capita, Situm & Formam: & utroque respectu, Telluri primigeniæ aptè accommodari possunt, hodiernæ repugnant.

Primò, quoad situm, supponit Plato Terram suam Ætheream & Paradisiacam hodiernâ nostrâ, non majorem tantùm, sed etiam multo sublimiorem, & P. 109. quasi in æthere positam. Quemadmodum Patres nonnulli Christiani Paradisum hodiernâ Terrâ altiore Theor. l. 2. c. 9. statuerunt, & ferè ad orbem Lunarem evectum. Hoc nihil aliud mihi indicat, quàm primum orbem habitabilem, super Abyssò constructum, hodierno reverà fuisse altiore, & in puriori cœlo, quasi in æthere, positum. Hanc Terram Platonis, cùm memorat *Proclus*, ait doctrinam illam à sacrâ *Ægyptiorum* famâ In Tim. 81. a. p. 56. traditam esse, ὃ δὲ Πλάτων ἡμᾶς μὲν ἐν κοίλῳ φησιν οἰκεῖν, αὐτὸν δὲ ἢ γλῶσσει ἢ ἄρα ὅλῳ ὑψηλῷ· ὃ καὶ ἡ τῶν Αἰγυπτίων ἰσχυρὰ φήμη παραδέδωκε. Ità etiam *Plato*, sub personâ *Socratis*, initio hujus sermonis, inquit, ὡς ἐγὼ ὑπὸ τινὸς πέπυσμαι: Quemadmodum à quodam edoctus fui. Sed hunc errorem erravit *Plato*, quod.

quod duas Terras successivas in unam confuderit :  
 atque cavitates illas, ubi nos ait habitare, cum illâ  
 Terrâ æthereâ simul. existere cogitaverit ; cùm re-  
 verà, ex primâ illâ æthereâ, fractâ & dissolutâ,  
 Terra altera, quam nos jam incolimus, orta sit.  
 Cujus pars maximè habitabilis sunt campi, valles,  
 & loca depressiora : quæ, respectu montium, aut  
 primæ Terræ sublimioris, sunt quædam cavitates.  
 In hunc ipsissimum errorem inciderunt etiam Patres  
 Christiani, quod senserint Paradisum Terrestrem  
 adhuc extare : Regionem sublimem, lucidam, & amœ-  
 nissimam : quò delatum iri crediderunt piorum ani-  
 mas post obitum. Id quod etiam voluit hîc noster  
 Philosophus. Sed in excutiendis veterum dogmatis,  
 † & antiquitate rimandâ, sive Ecclesiasticâ, sive pro-  
 phanâ, semper animo infideat illud Apostoli, *Omnia*  
*explorete, quod bonum fuerit retinete.* Nisi enim sen-  
 sum attuleris veterum scriptis, nihil magni inde re-  
 ferres : adeò sunt exesa, mutilata, corrupta aut inter-  
 polata omnia. Sed pergamus in instituto.

P. 109.

Secundò Terram suam Ætheream *Æquilibrè* fu-  
 isse ait, & sine omni declinatione ; quod de *situ* ipsius  
*recto*, sine ullâ obliquitate, intelligo. Neque tamen ne-  
 gandum, hoc aliter interpretatum esse Platonem, &  
 ad ipsius situm in medio universi retulisse. Sed illud  
 τὸ ἰσορρόπον, & τὸ ἀκλινές, (cuius & hîc meminit,  
 & antea in ævo Saturni describendo) ipsius axis si-  
 tum respicit, non sedem in medio Cælo. Constat  
 autem Platonem, quicquid senex senserit, Hypothe-  
 sin de quiete Telluris, situque in centro Mundi,  
 cùm hunc dialogum scripsit, secutum esse ; Corri-  
 gendæ sunt igitur, quæ ex illo errore profluxerunt  
 interpretationes, & ad veritatis normam reducendæ.  
 Quod nos non perperam fecisse, ex illâ, quæ proximè  
 sequitur, notâ, magis elucescet.

Tertiò

Polit.  
 p. 270.

Tertiò igitur ait, Τὰς ὥρας αὐτοῖς κερᾶσιν ἔχειν τοιαύτως ὥστε ἐκείνους αἰόλους εἶναι, καὶ χρόνον τε ζῆν πολὺ πλείων τῶν ἐνθάδε. *Anni autem tempestates illam habere illic temperiem, ut & morbis careant illius terra homines, & nostris sint multò longæviores. Anni æqualitatem denotat, ut vides: & Incolarum Longævitatem, in istâc Terrâ. Quorum utrumque Orbi nostro primigenio convenit. Ac uti illa temporum anni æqualitas provenit à situ recto Telluris, ita eandem sequitur, ut effectus suam causam, Incolarum Longævitas. Prout à nobis in ipsâ Theoriâ fusè ostensum est.* L. 2. c. 2.  
& 3.

Hactenus de situ Terræ Platoniciæ; Quæ ad Formam ipsius spectant, juvat etiam breviter recensere, licet non sint propriè hujusce capitis. Supponit primò, Terram illam integram & illæsam esse: Nostram verò laceram, corruptam, & exesam. Dein de Aquis Subterraneis, & ipsarum conceptaculis, commentatur varia: Sed unum præcipuè memorat Barathrum maximum, διαμπερές τετραμήλιον δι' ὅλης τῆς γῆς, *Trajectum penitus per universam Terram: aquas omnes recipiens instar vasis pensilis. Hoc autem Barathrum, sive Tartarus, nisi purum putum figmentum esse velis, oriri videtur ex imminutâ & vitiatâ memoriâ Abyssi magnæ, sive Tehom-Rabbah; quæ primævam Terram interiùs undique circumivit: maximum, quod unquam extitit, aquarum vas & receptaculum. Cætera verò quæ sequuntur, de Fluviis inferni, Poëtarum fabulas redolent.* p. 110.  
p. 111.

Sed de Formâ externâ suæ Terræ, jucundior est sermo. Ait enim superficiem illius Terræ distingui & dispertiri per varias fascias aut zonas, diversis coloribus præditas: quæ procul intuentibus aspectu sunt pulcherrimæ. Hæc regio purpurea videtur, illa aurea,



Ibid.

rea, atque tertia nive candidior : altera denique alterius coloris. Ut pictâ fasciatim veste totum corpus Terræ nitescere videatur. Dein, ubique occurrere gemmas & corpuscula lucida : quæ Sardios, Jaspides, Smaragdes imitantur, aut pulchritudine superant. Hæc, quid sibi velint, si quæras, respondeo, Tellurem primigeniam in suas zonas aut cingulos manifestò distinctam fuisse : quæ, fasciarum instar, totum corpus ambiebant. Earum autem singulæ, pro diversâ qualitate & dispositione suæ materiæ, repercussêre Solis radios, alio atque alio modo : ac proinde eminùs intuentibus, diversâ facie & coloribus unaquæque resplenderet. Hujusmodi fascias nonnullas observare licet in Planetâ Jove, ( Qui mihi videtur adhuc in statu primigenio, suamque nondum subiisse dissolutionem aut Diluvium ) sed propter ingens intervallum, & oculorum nostrorum debilitatem, non nisi Zonas, aqueas, nigras & macularum instar, è Terrâ discernimus. Denique, quod Gemmatam dixerit suam Terram Ætheream *Plato* ; splendidisque corporibus ornatam & repletam : Id forsitan nonnullis lusus ingenii videbitur. Hoc tamen sæpiùs adverti, nec sine admiratione, Prophetas & Authores Sacros, in repræsentando nobis *Paradiso*, sive etiam *novis Hierosolymis*, his semper usos esse loquendi modis, & gemmarum apparatus huic argumento intexisse, ut videre est apud *Mosem*, (*Gen. 2.*) apud *Ezekielem*, (*c. 28. 13.*) & quàm maximè apud Sanctum *Johannem*, (*Apoc. 21.*) Ac si, in illo rerum statu, novâ & eximiâ luce perfusa essent omnia, vel magnâ ex parte pellucida. Ut quemadmodùm in arenis, lapillis, aut animalculis, ope specillorum, quæ Microscopia dicuntur, omnium gemmarum luces & colores conspiciamus : Ità fieri potest, ut, auctâ

oculorum.

oculorum acie, & vi Animæ eisdem conformandi in omnes specillorum figuras, nudis oculis appareant objecta, non minùs splendida, ac coloribus variegata, quam artis & vitrorum ope jam exhibentur. Sed de conjecturis nostris in Platone interpretando, hæc sufficiant.

Id restat unicè ut moneam. Platonem in *Politico* præteritam naturæ faciem, in Saturni regno, descripsisse: in *Phædone* autem, futuram potiùs, in mundo renovato. Cùm verò idem ferè sit utrobique naturæ vultus, secundum Theoriam nostram: in *L. 4. c. 2.* primigeniis cœlis & terris, & in novis cœlis & terris, futuris: ad utrumlibet accommodari possunt ea Phænomena, de quibus in hoc vel altero dialogo philosophatur *Plato*: Ea nempe, quæ ad formam vel situm Telluris spectant. Alia sunt, apud alios authores, bene multa, de hoc eodem argumento: Sed dignus est, qui Solus in scenam prodeat *Plato*, totamque sibi occupet. Cæteris igitur locum parabimus in sequenti Capite.

## CAP. VI.

*De mutato Telluris, Cælive, Situ: olim recto, hodiè obliquo: & secutis inde Phænomenis: aliorum veterum Testimonia.*

**R**eliqui, qui sequuntur deinceps, testes veritatis, in suas classes distribui possunt: cum plures sint, & diversi ordinis. Agmen non immeritò ducunt philosophi: qui de mutato situ Telluris, vel poli declinatione, nos iterum iterumque monuerunt. In hâc classe sunt, *Anaxagoras, Empedocles, Diogenes, Lencippus, & Democritus*: Platone nostro antiquiores vel cœvi. Horum testimonia, satis aperta, in *secundo libro Theoriæ* adduximus. Quæ Lectori memori non opus est repetamus, immemorem verò eò remittimus. Id solum monendum est hoc loco: In citandis his testibus quæritur tantùm de *Facto*, non de *causis facti*; neque rationes mutati sitûs Telluris ab his philosophis petimus, quas ferè ignorabant: sed ut ea nobis testata faciant quæ ab aliis doctis accepere, literatâ quadam traditione, circa mutatum Telluris, polive, situm. Suas autem conjecturas, quæ causæ esse poterant tantæ mutationis, nec poscimus, nec multùm moramur.

Neque temperare mihi possum quo minùs credam, antiquissimam famam de *Zonâ Torridâ inhabitabili*,  
&c.



& interdicto nobis commercio cum alterâ orbis parte, ab hâc origine profluxisse. Quicquid erat terrarum ultra ἡ κεκλιμένην, alium Orbem appellabant veteres: atque Anticthonas illos alterius esse generis à nostris crediderunt. Idque propter interpositam Zonam torridam, quam non tantum inhabitabilem duxêre, sed etiam inaccessam aut impermeabilem. De utrâque re exempla alibi ex antiquis retulimus, *Theor. l. 2. c. 6.* & utriusque causas faciles reddit Theoria nostra. Sunt enim hi errores veteris vestigia veri. Bisectus erat terrarum orbis in primo suo statu, atque Zonâ torridâ, cui semper imminabat Sol, tanquam igneo muro, in duos mundos diremptus: ubi verò Tellus suam ad Solem positionem mutâisset, illa Zona media, & pervia & habitabilis evasit. Mansit autem apud posteros plerosque, mutationis istius ignaros, eadem fama & fides de solitudine æstuq; intolerabili mediarum Terræ regionum; donec navigatione certisque experimentis deprehensum fuit, partes illas terræ multo temperatiores esse quàm communis ferebat opinio: & tam generi nostro, quàm cæteris animantibus, sedes præbere non incommodas.

Inter Astronomorum inventa, celebrantur à veteribus *Zodiaci Obliquitas, Annique tempestates*. Quæ nisi aliquo modo nova fuissent phænomena, eorum observatio nihil laudis meruisset. Utrumque adscribitur Thaleti, viro præstantissimo, Physicorum & Astronomorum Coryphæo. *Τὰς τε ὥρας τῆ ἐναυτῆ φασὶν αὐτὸν εὐρεῖν: Ἀννὶ τεμπεστάτες αὐτὸν εὐρεῖν*: *Anni tempestates eum primum invenisse aiunt*, inquit Laertius, dein alibi inquit, *πρώτος τε καὶ ἡ ἀπὸ τροπῆς ἐπὶ τροπὴν πάρεδον εὑρεῖν*. *Accessum vel cursum Solis à Tropico ad Tropicum, vel à conversione ad conversionem, primus etiam invenit.* Unde Apuleius Thaletem ait, inter alia, in- *Florid. c. 1.*  
venisse

L. 2. c. 8.

L. 1. sub  
fine.

venisse temporum ambitus, siderum obliqua curricula, Solis annua diverticula. Scio observatam primo Signiferi obliquitatem Anaximandro dedisse Plinium: Plutarchum Pythagoræ, invito Oenopide, (*Plac. Philos. l. 2. c. 12.*) Diodorus tamen hunc Oenopidem à Sacerdotibus & Astrologis Ægyptiis, signiferi obliquitatem, inter alia Astronomica didicisse ait, Τὸν τε Οἰνοπίδην ὁμοίως συνδιατέψαντα τοῖς ἱερεῦσι καὶ ἀστρολόγοις, μαθεῖν, ἀλλὰ τε, καὶ μάλιττα τὴν ἡλιακὸν κύκλον, ὡς λοξὴν μὲν ἔχει τὴν πορείαν. Quod plures ambiunt, detur, me iudice, antiquiori: nempe Thaleti nostro; Quem, cùm primus Eclipses prædixisset, constat novisse & Solis & Lunæ vias, & utriusq; flexus & anfractus. Quod si easdem vias tenuissent hæc Sydera à mundo condito, haud latuissent, opinor, incognitæ, usquead Thaletis ætatem.

Inventum Gnomonices & Sciatericorum celebratur etiam ab antiquis. Est enim artis & ingenii opus, rationes umbrarum in obliquo Telluris situ, ad normam revocare: in recto, levioris res negotii: ubi omnes, ut mihi videtur, essent Ascii. Dein Æquinoctia & Solstitia, alternantia: atque ortus occusq; syderum, secundum diversa anni tempora: Hæc & hujusmodi sunt obliquatæ Telluris phænomena, quæ non fuere sic ab initio. Et in hisce novis phænomenis observandis, & ad calculum reducendis, sese maximè occupasse mihi videntur prisca Astronomi: Et eorum, quæ memorantur, inventa, hæc & hujusmodi capita potissimum respiciunt. Sed periit, magnâ ex parte, crescentis Astronomiæ historia, unde harum rerum plenior notitia haurienda esset. Periit *Ἐνδεμὶ τῶν ἀστρολογουμένων ἱστορία*, cujus hîc meminit Laertius in Thalete: Necdum lucem videre Theonis Smyrnæi *Astronomica*: alii que in eodem argumentum

gumento scriptores veteres latent adhuc, vel penitus exciderunt. Denique si ex altera parte, *Doctrinam sphaera antediluviana*, tam cœlestis-quàm terrestris, liquidò deductam, ante oculos haberemus, de multorum phaenomenon novitate certior esset judicandi ratio. Sed ex hoc diverticulo in viam redeamus.

Qui de *Ætate aurea* atque regno Saturni scripserunt, memorant apertissimè Annum uniformem, verque perpetuum, istoc tempore obtinuisse. Illo autem regno & sæculo exeuntibus, Annum pluriformem, vel quadripartitum, qualis est hodiernus: veluti novum regimen naturæ, introductum esse. *Vere erat æternum*, inquit Ovidius, cùm de aureo Saturni sæculo verba faceret. Dein pereunte illo regno, & rerum ordine, inquit,

*Jupiter antiqui contraxit tempora veris,  
Perque hyemes, æstusque, & inæquales Autumnos,  
Et breve ver, spatii exegit quatuor Annum.*

Idem Virgilius, alique cecinerunt: sive ex antiquorum libris, sive sui temporis traditione & sermonibus, accepta.

Neque aliter in suis Elysiis, post hanc vitam, ad exemplar Paradisi nostri, aut suæ aureæ ætatis, compositis, Cœli clementiam & perpetui veris delicias, conjungunt. Neque frigus illic, neque æstus: neque temporum inconstantiam, aut procellas qualescunque permittunt. Ita suum Elysium descripsit: Homerus,

Ἄλλα σ' εἰς Ἠλύσιον πεδίον, καὶ πείρατα γαίης,  
Ἀθάνατοι πέμψουσιν, ὅθι ξάνθῳ Παδάμανθῳ.



Τῇ περ ῥήϊτι βιοτῇ πέλει ἀνδρώποισιν,  
 Οὐ κίφεται, ἔτ' ἄρ' χαμῶν πολὺς, ἔτε ποτ' ὄμβρος,  
 Ἀλλ' αἰεὶ ζεφύριο λιγυπνεύοντάς αἵπτας  
 Ὀκεανὸς ἀνίσιν ἀναφύχει ἀνδρώπυς.

*Sed te ad Elysios campos, & extrema terrarum,  
 Dii dimittent. Ubi fluvius Rhadamanthus :  
 Illic vitâ facili & beatâ fruuntur homines.  
 Neq; nix ibi, aut vehemens hyems, aut unquam imbres.  
 Sed dulcisonos perpetuò Zephyri flatus  
 Oceanus emittit ad recreandos incolæ.*

Hisce affinis est sententia Essenorum, neque aliunde opinor desumpta, de piarum Animarum Elysiis.  
 Fos. de Bel. Ἐπειδ' ἂν ὃ ἀνέδῳσι τῶν κατὰ σαρκὰ δεσμῶν, δῖον δὲ  
 Jud. l. 2. μακρὰς δουλείας ἀπηλλαγμένας, τοτὲ χαίρειν ἢ μετεώ-  
 c. 12. ρος φέρεσθαι· ἢ ταῖς μὲν ἀγαθαῖς, ὁμοδοξῶντες· παισὶν  
 Ἑλλήνων, ἀποφαίνονται ἢ ὑπὲρ ὠκεανὸν δίξιλ' αὖ  
 ἀποκεῖσθαι, ἢ χῶρον, ἔτε ὄμβροι, ἔτε κίφεται, ἔτε καύ-  
 μασι βαρυνόμειον· ἀλλ' ὅν ἐξ ὠκεανῦ πραὺς αἰεὶ ζέφυρος  
 ἐπ' ὤνέων ἀναφύχει. Cum verò fuerint à carnis vincu-  
 lis exolutæ, de animabus loquitur, quasi de longâ servi-  
 tute liberatas, ità ilicò latari eas, sublimesque ferri :  
 Et quidem bonas, ( concinentes in hac re Græcorum sen-  
 tentiis ) pronunciant ultra Oceanum vitam agere, in  
 regione quæ neque imbribus, neque nivibus, neque æsti-  
 bus aggratur. Sed quam lenis Zephyrus, ab Oceano  
 spirans, semper demulcet.

Nec ab his longè recedit Virgilius, de Anima-  
 rum Elysiis.

Æneid. 6.

*Devenère locos letos, & amœna vireta  
 Fortunatorum nemorum, sedesque beatas.*

Largior.

*Largior hinc campos aether, & lumine vestit  
Purpureo : Solemque suum, sua sidera norunt.*

Cùm de Inferis agit Virgilius, id laxè intelligendum est, ut cùm Græci verba faciunt *πρὸς τὸ Ἄδης* : Quod vitâ defunctorum statum potius, quàm locum, significat ; ità inferi apud Poëtam. Quid enim umbris & locis subterraneis cum Sole & sideribus ? cum largo æthere, & lumine purpureo ? Hæc ad aprica & ætherea loca spectant. Atque hinc etiam Platonem imitari Virgilium, ut alibi non rarò : atque Terram Platoniam, Ætheream nempe, de quâ antea dictum est, hinc adumbrari, suspicor. Illa enim majori luce perfusa, & Solem & Cælum sibi proprium, & ab hodierno diversum, habuit. Prout supra ex Platone explicuimus. Audi, in alium locum Virgilii, quid commentatus est *Servius* : *Elysii descriptionem* *Homericam* *Pius Commentator* dicit esse sublatam, secundum *Theologos*, circa Lunarem circulum : ubi aër purior est ; unde ait ipse Virgilius, *Aëris in Campis*. Meminit hujus Commentatoris Homericæ, Πίυ, Etymologicum magnum, vocibus *περὶ τὸν Ἄδης* & *ὡμήρου*, neque alibi mihi occurrit. Sed evectum esse ad *circulum Lunarem*, Paradisum, è patribus Christianis *Vid. Theor.* *l. 2. c. 9.* plures asseruerunt : modus iste loquendi utroque obtinuit. Ita de animarum receptaculis Lucanus.

*Quaque patet, Terras inter Lunaque meatus,  
Semidei manes habitant : quos ignea virtus  
Innocuos, vitâ patientes aetheris imi  
Fecit, & aternos animam collegit in orbes.*

Sed de Poëtis satis. Audiamus porrò Plutarchum de Fortunatis Insulis ( re eâdem cum Elysiis, sed  
M m recen-

In vit. Ser-  
 tot. m. p.  
 571, 572.

recentiori nomine) differentem. Ὅμβροις ὃ χρώμῃαι μετερίοις σπανίως, τὰ ὃ πλεῖστα πνεύμασι μαλακοῖς καὶ δροσβολοῖς, ἢ μόνον ἄρῃν καὶ φευτεῦεν παρέχουσιν αγαθῶν καὶ πίονα χάριον, ἀλλὰ καὶ καρπὸν αὐτοφυῆ φέρουσιν, ἀποχρῶντα πλήθει καὶ γλυκύτητι βόσκειν ἀνεὺ πόνων καὶ πρᾶγματέας χαλάζοντα δῆμον· αἷρ ὃ ἄλυσθαι, ὥρων τὲ κραάσει καὶ μέλας βολῆς μετερίότητι κατέχει τὰς νήσους. *Imbres habent moderatos, idque rariùs: plerumque molles ventos & roriferos, unde regio illi pinguis & comoda non sementi modò & plantis, sed & suâ sponte profundit fructum, qui copiâ & suavitate, sine laboribus aut agricolatione, populum alere otiantem sufficiat. Cælum autem & aër, quæ ambiunt Insulas, adeò sunt temperata & tantillum mutantur, ut nullam unquam incolis afferant molestiam.* En præcipuas Paradisi nostri, aureæ ætatis veterum, & Telluris primigeniæ, aut futuræ, conditiones. Ipsisque ferè Platonis verbis, quibus suam Terram Ætheream descripserat, in his Elysiis ornandis utitur Plutarchus. Dixerat Plato, τὸ γὰρ τῷ ὥρων αὐτοῖς ἄλυσθον ἐκέκρατο. Plutarchus, αἷρ ὃ ἄλυσθαι ὥρων τὲ κραάσει κατέχει τὰς νήσους. Ut minimè dubium sit, eundem locum statumque, utrumque authorem in animo habuisse.

Supereſt locus insignis Diodori Siculi, quem intactum præterire nequeo: ubi ille, sub nomine & historiâ Insulæ Toprabanæ, Paradisum Terreſtrem, Elyſios Campos, Terram vel primam vel novissimam, vividè depinxit. Ἐυχρατότατον, inquit, δ' εἶναι τὴν αἶρα παρ' αὐτοῖς, ὡς αὖν κατὰ τὴν ἰσημέριον οἰκῶντας· καὶ μηδ' ὑπὸ καύματι, μηδ' ὑπὸ ψύχει ἐνοχλυμένους καὶ τὰς ὁπώρας δὲ παρ' αὐτοῖς παρ' ὅλον τὸν καιρὸν αἰκιάζειν· εἶναι δὲ διὰ παιτὸς παρ' αὐτοῖς καὶ ἡμέραν ἴσων τῇ νυκτὶ, καὶ κατὰ τὸ μέσον τὴν ἡμέραν μὴ γίνεσθαι παρ' αὐτοῖς σκιάν, μηδενὸς· διὰ δὲ κατὰ κορυφῶν εἶναι τὴν ἡλι-



ον.-----Διὰ τῆ ἀρετῇ τῆ ἰήσου, καὶ τῆ εὐκρασίαν τῆ ἀίματος  
γεννηθῆναι τροφῇ αὐτομάτως πλείους τῶν ἰκανῶν.-----πο-  
λυχερούς δ' εἶναι τὰς ἀνθρώπους καθ' ὑπερβολὴν, ὡς ἂν  
ἄλλοι τῶν ἑκατον πενήκοντα ἐτῶν ζῶντας, καὶ γινόμενους  
ἀρόστους κατὰ τὸ πλεῖστον. *Optima illic (sub æquinoctio  
enim habitant) temperatura cæli existit. Et nec ab  
æstu, nec à frigore, molestantur. Fructus arborei per  
totum illic annum maturi habentur. Dies ibi perpetuò  
noctem æquat: nec in meridie ab ullâ re cadunt umbræ:  
quia super verticem Sol est. Atque ea Insulæ virtus est,  
et aëris benignitas, ut plus quàm satis annonæ ultro  
proveniat. Longissimæ sunt ætatis Incolæ, ut qui ad  
centum quinquaginta annos, absque omni, ut plurimum,  
morbo, vitam producant.*

Hæc nulli climati, nulli regioni hodiernæ Tellu-  
ris conveniunt. Qui æquinoctio nunc fruuntur per  
totum annum, soli illi sunt qui in mediâ Torridâ,  
& sub lineâ æquinoctiali habitant. Qui quidem est  
locus habitabilis, sed neque sine æstu, neque sine im-  
bribus: quinetiam sævis procellis est obnoxius. Præ-  
tereà, non vivitur diutius sub Torridâ, quàm in cæ-  
teris locis: neque morborum aut egestatis sunt im-  
munes Incolæ. Hæc igitur non nisi universali æqui-  
noctio, sive Telluri in situ recto, conveniunt. Quæ  
suis Elysiis primò, dein aliis regionibus, ad modum  
Elysiorum adornandis, accommodârunt veteres. Ne-  
que illud officit interpretationi nostræ, quod hujus  
fœlicis Insulæ homines *Æscios* faciat hic Author: id  
enim accideret omnibus in Tellure rectâ, quod um-  
bris carerent, quoties Sol esset in eorum meridiano.  
Prout antea notavimus.

Denique, ne te moretur illud, aut negotium fa-  
cessat, quod ea jam superesse velint in rerum naturâ  
hi authores, quæ reverà abierunt, atque dudum ab-

olita sunt. Hunc errorem errârunt tam Patres Christiani, quàm Gentium Scriptores. Nullus jam superest Paradisus Terrestris: nulla ultra Oceanum Elysia: eò tamen amandant piorum Animas, tam hi quàm illi, tanquam ad sedes beatas. Et perinde est, sive de præterito, sive de futuro Paradiso: De primâ ætate aureâ, vel de futurâ redivivâ, hæc gentium Elysia intelligas. Eodem res redit, eadem repetenda est scena, paucis in melius mutatis. Id saltem observare licet, Veteres semper, cùm Paradisos vel Elysia depingunt, fundamenti loco, cœli aërisque statum æqualem & temperatum constituisse.

Hæc de Gentium scriptoribus, Philosophis aut Poëtis. Judæi & Christiani demùm accersendi sunt. Illi verò non de aureâ ætate aut regno Saturni, verba faciunt, sed de *Paradiso & Horto Domini*. Diversi sunt tituli, sed eadem materia: Id quod faciliè comperies, si utriusque phænomena tecum repetens, alia aliis conferas. Exulabant è Paradiso omnia mala aut noxia, & sponte nascebantur omnia Terræ bona. Neque aliter in Regno Saturni atque aureâ ætate. Vivebant homines sine legibus humanis, Θεοκρατικοῖς, in utroque statu. Aperti, nudi, tam animo quam corpore. Denique, in Cœlo sereno vitam longam pacificè ducebant. Hæc facies naturæ atque rerum humanarum in primis mundi sæculis, quocunque nomine hunc rerum ordinem appellaveris. Sed quod ad argumentum nostrum spectat maximè, ver perenne, non interruptum æquinoctium utrobique statuerunt. De Saturni regno hoc antea ostensum est: atque idem de Paradiso testatur, tam Judæi quàm Christiani. Quoad Judæos, consule, si placet, *Is. Abarbanelem in caput secundum Genesios: Aben Ezram in eundem locum; & in cap. 65. Isaia.*

Isaie. Maimonidem in cap. 10. Sanhedr. & Manassem ben Israel de creatione, cap. 17. His adde, si vacat, nuperi authoris, Abrahami Ecchellensis, testimonium, *Hist. Arab.* de Judæis simul & Arabibus; Dicunt Arabes, inquit, *Mundum æquinoctii tempore procreatum fuisse, aut Paradisum sub æquinoctiali situm lineâ: aut utrumque concurrisse. Diem enim perpetuò duodecim horis metiuntur. Hoc idem Judæi tenent. Cùm enim noctes diebus æquales in Paradiso posuissent. Doctores Judæi, neque auctas unquam aut imminutas, idque rectè: ex iis nonnulli in mediâ regione Terræ, sub hodierno æquinoctio, hoc suum Gan-Eden collocârunt; quandoquidem, ob ignotam istius mundi primi dispositionem, perpetuum in Paradiso æquinoctium aliter tueri non poterant.*

Dicunt quidem nonnunquam Judæi Gan-Eden esse in Oriente, sed orientem Æquinoctialem intelligunt, ubi Sol oritur sub initio veris. Illud discimus ex Mose Bar Cephâ, qui rem ità explicuit. *Sunt etiam qui hinc constare existiment Paradisum in Oriente esse, quia, qui templa aut ades construere volunt ad Orientem spectantia, ità describunt, ut ad Solem in mense Nisan (respondet is Luna Aprilis nostri) orientem, obversa sit fabrica. QVIA illo MENSE Sol supra Paradisi locum oriatur. Vides igitur apud eos in hoc argumento Orientis nomine intelligi æquinoctium vernum, vel locum ortûs Solaris in vere.* *De Parad.* *c. 13.*

Hæc breviter de Judæis; Neque incelebris est hæc opinio apud Christianos, de situ æquinoctiali Paradisi. Id quod verbis explicitis nonnunquam testantur, quandoque autem omnes temporum vicissitudines à Paradiso eliminant, atque eo signo, æquinoctium constituunt perpetuum, vel in illâ Terrâ, vel in illâ regione Terræ. *Tatianus* in suâ Oratione contra *Græcos,* *m. p. 159.*



Gracos, cū Paradisum ab hodiernâ Terrâ distinxisset, ab illo omnes aëris annique mutationes remouet, atque instar Terræ Æthereæ Platonis suum mundum Paradisiacum depingit. Τὰ δ' ὑπὲρ τῷτον, αἰῶνες οἱ κρείττους, ἢ μεταβολὴν ὥρων ἔχοντες, δι' ὧν ποικίλαι νόσοι καθίστανται, πάσης δ' ἐγκρασίας μετεληφότες, ἡμέραν ἔχουσι διαμένεσαν, καὶ φέγγει τοῖς ἐντεῦθεν ἀνθρώποις ἀπρόσιτον. *Super cælum inferius mundus est præstantior: cui nulla accidit temporum anni mutatio, ex quâ varii apud nos nascuntur morbi. Sed jucundissimâ temperie præditus, diem habet permanentem, & luce terrenis hominibus inaccesâ resplendet.* Huic respondet quod legitur apud Suidam de Paradiso, unde cunq; desumptum sit. Πάσης τ' γῆς ὑψηλότερος κέρμενος, ἐγκρατὴς δ', ἀέρι λεπτोटάτῳ καὶ καθαρωτάτῳ περιλαμπόρῳ, φυτοῖς ἀειθαλέσι κομῶν. *Omni Terrâ altior Paradisus, & præstantis temperiei, aëre subtilissimo & purissimo undique resplendens, plantisque semper virentibus ornatus.* Facile esset in hujus classis authoribus recensendis abundare, sed in re notâ præstat in unum locum plures contrahere: Id quod antea fecit *Bel larminus*, ad exterminandum Paradisum *Mesopotanicum*, his Verbis. *Accedit ad hæc, quod Paradisus ita describitur à Sancto Basilio, in libro de Paradiso: A Johanne Damasceno, l. 2. de fide, cap. undecimo. A Sancto Augustino, l. 14. de Civ. Dei, cap. 10. Ab Alchimo Avito, & Caud. Mario victore, & aliis supra citatis; Isidoro l. 14. Etymol. cap. tertio, & aliis communiter, ut fuerit in eo VER PERPETUUM. Nulla frigora, nulli astus, nulle pluvie, nives, grandines, nulla etiam nubes. Quod ipsum significat Scriptura, cum dicit primos homines in Paradiso fuisse nudos.---Quò magis Lutherum miror, qui in commen. 2. cap. Genes. scribit, in Paradiso non fuisse Hyemem, sed VER PER-*

In voc.

De Grat.  
pri. hom.  
c. 12.

**PERPETUUM:** & tamen contendit Paradisum fuisse Syriam, Mesopotamiam, Egyptum & Damascum; In quibus regionibus non potest fuisse ver perpetuum, **NISI ALIUS TUNC FUERIT CURSUS SOLIS QUAM NUNC EST.** Rectissime concludit, obtinere non potuisse **VER PERPETUUM**, sive in Mesopotamiâ, sive aliis quibuscunque regionibus extra æquinoctialem, nisi alius tunc fuerit cursus Solis, quàm nunc est: vel, quod eodem redit, alius Telluris situs. Nulla igitur hypothesis veterum Christianorum placitis, de sede Paradisi, respondet, nisi eam statuamus sub æquinoctiali: vel totam illam Terram, rectâ ad Solem positam, fuisse æquinoctialem.

Hæc de vere & æquinoctio perpetuis, in Paradiso & prima ætate, secundum explicita antiquorum verba, maximam partem. Sed aliis præterea indiciis, non minus certis: & quæ nobis cum Scriptoribus exteris sunt communia, æqualitas temporum in primis mundi sæculis demonstratur. Spontaneam Terræ fertilitatem fructusque perennes: ab omni Paradiso, ab omni Elysiò, inseparabiles, hîc non memoro. Et cetera sit indoles rerum istarum, quæ minimè patitur anni nostri vicissitudines, Solemque postulet æqualem & immutatum. Ita pariter spontaneum animalium ortum, ineunte mundo, attribuebant veteres τῇ ἀκρασίᾳ καὶ ἀταξίᾳ τῆ περιέχοντος αἰέρος, τῇ ἐξ ἀρχῆς. Ut est apud Diodorum Siculum. Id voluit etiam Phurnutus, (de nat. Deor. cap. de Promethea) cum, Deo providente, & conspirante naturâ, omnia eduxit è Terrâ, in mundi primordio. Κατὰ γὰρ ταυτὴν τὴν πρόνοιαν τὰ τ' ἄλλα ἐγένετο, καὶ οὐ τὴ γῆς ἐφυσαν οἱ ἄνθρωποι, ὅπτηνδεῖως πρὸς τὸ το ἐχέσθαι κατ' ἀρχαίς τῆ κόσμου συστάσεως. Secundum hanc Providentiam,

L. II.

omnia,

*omnia facta sunt, atque homines è Terrâ prognati: ad hanc rem aptè accommodatâ primâ mundi constitutione.*

L. 2. c. 12. Hoc argumentum pluribus prosecutus est Lactantius; cùmque Philosophis objecisset, homines è Terrâ nasci non potuisse, propter vim frigoris in hyeme, aut caloris in æstate: respondet, ex mente veterum, *non erant, inquit, in principio mundi, hyems & æstas; sed perpetua temperies & ver æquabile.* Hæc erat reverà sententia veterum: Sed rectè instat Lactantius, Hoc ipsum probare, hunc, inquam, ordinem, hanc provisionem: divinam aliquam rationem rerum originibus prædesse. Denique, ut hæc claudam, Finxêre veteres Terram esse Cœli uxorem: & cum adhuc vegeti essent uterque, numerosam sobolem, tam plantarum quàm animalium, sine semine ortorum, procreâsse. Postmodùm verò, ubi exoleverit hæc virtus, Cœlum *castrari* dicebatur; quod nullas, ut pridem, fruges aut animantes suâ vi & sponte proferret; sed omnia deinceps per cultum & semina propagarentur.

Aliud indicium habetur temperati & æqualis cœli, priscorum hominum longævitas, atque rerum omnium stabiles & diuturnæ formæ, in mundo primævo; quemadmodùm nos docent literæ, tam sacræ, quàm prophanæ. Notavit Aristoteles ab inæquali motu cœli, provenire rerum generationes & corruptiones: *ἐκ ἡ πρώτης πορὰ αἰτία ἐστὶ γενέσεως καὶ φθορᾶς· ἀλλ' ἡ κατὰ τὸ λοξὸν κύκλον.* Id quidem rectè quoad rerum interitus potissimùm: ex obliquo enim motu cœli, vel, si mavis, Terræ, oritur rerum omnium, maximè animatarum, vanitas, corruptio, vita caduca. Hunc locum Aristotelis respexit Author Anonymus apud Photium de *vita Pythagoræ*, ὁ ζωδιακὸς λοξὸς κινεῖται, ὡς ζητήσας εὐρεῖν ἔδοξεν Ἀριστοτέ-  
λης,

De gen. &  
cor. l. 2.  
c. 10.

Col. 259.



λῆς, ἐνεκεν τῇ γενέσεως τῆς περὶ γῆν τόπων πρὸς ἀνα-  
 πλῆρωσιν τῶ παντός· εἰ γὰρ καταπαράλληλως ἐκινεῖτο,  
 αἰεὶ ἂν μία ὥρα ᾤ τῷ ἔτους, ἥτοι θεροῖ, ἢ χειμῶν, ἢ ἄλλη  
 τῆς. *Zodiacus motu obliquo fertur, quod Aristoteles suā*  
*investigatione reperisse videtur: ob generationem eorum,*  
*quæ in diversis Terræ regionibus, ad universi complemen-*  
*tum, producuntur. Nam si recto, &, cum reliquo cælo*  
*parallelo motu, ferretur, una semper eademque anni tem-*  
*pestas esset: vel æstatis, vel hyemis, vel alterius cujus-*  
*dam. Ità quidem, sine obliquo Solis vel Terræ mo-*  
*tu, eadem semper esset anni facies: quod à subita-*  
*neis aut anniversariis corruptionibus omnia conser-*  
*varet. Et cū non nisi unius corruptione, alterius*  
*generationi, locus fiat, raræ essent itidem, in illo na-*  
*turæ ordine, rerum novarum generationes. Hoc*  
*crassius explicuit in sequentibus hic author anony-*  
*mus: & cū hoc numeret inter dogmata Pythago-*  
*rica, Aristoteli inventori malè attribuit.*

Veterum Astronomorum sententias, in hâc mate-  
 riâ, explicuit Baptista Mantuanus: & ad rem no-  
 stram de longævitate priscorum hominum ante Dilu-  
 vium, accommodavit. Dicit, Cælos omnes fuisse  
 concentricos, & motu uniformes, ante Diluvium:  
 & Zodiacos primi mobilis, & Firmamenti sive Pla-  
 netarum, in unum coiisse. Unde, istius cæli bene-  
 ficio, & vitâ & virtute vegetioribus prædita erant  
 omnia, tunc temporis, sublunaria. Hæc sunt ip-  
 sius verba. Erant illis, nempe ante-diluvianis, ut  
*Astronomiâ & experimento constat, Cæli propitiores. Vo-*  
*lunt namque Astronomi, duos esse Zodiacos: unum in*  
*nonâ sphaerâ, alterum in octavâ, quod Firmamentum vo-*  
*cant. Et initio rerum & temporum, sic à Deo disposi-*  
*tos, ut Aries Arieti, Taurus Tauro, Gemini Geminis,*  
*jungerentur: & amborum cœuntibus in unum viribus,*  
 N n fortior

*fortior in terris fiebat influxus; unde & herbas tunc salubriores, & fructus terra meliores, & longiores animalium vitas fuisse, non dubium. Postquam verò, solutâ per motum societate, ab invicem discesserunt, totus inferior mundus ægrotavit. Hæc planè consonant supra dictis à Platone, de Regno Saturni & Jovis. Ille enim cœlorum ἀναρμοσίᾳ omnes naturæ debilitates & inferioris mundi ægrotudines, detulit & affixit. Et qui Cœlorum philosophiam intelligunt, facilè nôrunt, varios illos loquendi modos, de motuum cœlestium inæqualitate, incongruentiâ, obliquitate, rectè exponere; Dein, idem significare, Cœli obliquitatem, Zodiaci obliquitatem, Solis vel Solaris cursûs obliquitatem: & factò examine, in unius Telluris obliquitatem, hæc omnia recidere.*

*Hæc de causis longævitatatis in primâ mundi ætate. De re ipsâ, ex aliorum testimoniis, jam satis constitit. Sed cum illa scriberem, exciderat animo testimonium Orphei: quod nobis conservavit Proclus, in explicando Saturni Regno: testesque ejusdem rei adhibet, Theologos, tam Græcos quàm Barbaros:*

*Theol. Plat. l. 5. c. 10. in hæc verba, Τῶν δὲ Θεολόγων τὸ ἀγῆρων τῇ τάξει ταύτην προσήκειν λεγόντων, ὡς οἱ τε Βάρβαροι φασί, καὶ ὁ πρῶτος Ἑλλήνων Θεολόγος Ὀρφεὺς (καὶ γὰρ ἔστιν αἰὲν μελαίναις τὰς τῆ Κερνίης προσώπων τρεῖς καὶ μυτικῶς λέγει, καὶ μηδαμῶς γίνεσθαι πολιὰς) θαυμάζω ὅτι τῆ Πλάτωνος ἐνθεον ἐν ταῖς αὐταῖς περὶ τῆς θεῆς τέτης τοῖς κατὰ ἴχνη αὐτῆς πορευομένοις, ἐκφαίνοντα. Ἐν γὰρ τῇ Κερνίᾳ περιόδῳ τὸ γῆρας ἀφίεναι φησὶ τὰς ψυχὰς, ὅτι δὲ τὸ νέον ἀνακάμπειν, καὶ τὸ πολίον μὴ ἀφαιρῆναι, τὰς τε τρεῖς καὶ μελαίναις ἴχνην----ὅτι γὰρ Ὀρφεὺς τὰ τέτοις ὁμοίαις παρὰ τῆς θεῆς διατάσσεται.*

ὕπὸ τῇ Κερνίᾳ

Ἀθάνατος

Ἀθάνατον αἰῶνα καμῆν, κατὰ τοῦτο γενεῖν  
 ————— διεχῶς χαίτας εὐωδέας, ὕδ' ἔ  
 ————— ἠπεδα νοῖο μιγήμεναι ἄνθ' ἑὶ λευκῶ  
 ————— ἄλλ' ἐρεθιλέα λάχυνον.

*Cum autem Theologi vitam senii expertem, huic ordini convenire dicant, ut & ipsi Barbari dicunt, & ille Græcorum Theologus, Orpheus ( Etenim ille semper Saturnii vultus pilos nigros esse mysticè dicit, & nunquam fieri canos ) miror illam Platonis mentem eadem de hoc Deo dixisse, quæ dixerunt illi, qui ipsius Orpheï vestigia sequuntur accuratè. Nam in Saturniâ periodo dicit homines senectutem abjicere, & ad juventutem redeuntes, canitiem deponere, & nigros pilos habere. Orpheus verò his similia, de isto Deo, disertis verbis tradit,*

*Sub Deo Saturnio dicunt homines  
 Immortale ævum transgisse : puri menti  
 Habentes molles pilos, suavem odorem spirantes, neq;  
 Infirmi canitiem mixtam : sed valde florentem lanu-  
 ginem.*

Hæc autem, ut alia omnia, Proclus, pro suo more, in allegorias dissolvit. Quibus tamen, apud cordatos interpretes, veritas historica non læditur.

Ut huic capiti finem imponamus, notare licet, Quibus gentibus Antiqui longævitatē insolitam tribuerunt, iisdem etiam dedere, in longævitatē causas, & vitæ fomitem, cælum æquale & temperatum. Ut videre est de Brachmanibus, apud Suidam, & Palladium : De Taprobanensibus, apud Diodorum Siculum. De Hyperboreis apud Plinium, Solinum, Strabonem, aliosque plures. Et de suis Macrobiis, in Saturni regno, apud Platonem. Quo more, satis testantur veteres,



Naturam, ex eorum sententiâ, hæc duo conjunxisse, atque aliud ab alio pendere secundum leges universi : ut alterutro posito, alterum sequi aut comitari, facile scias. Neque id, prætereâ, mihi vitio vertat quicquam, quod Paradisum nostrum fecerim eundem cum Elysiis gentium, vel hunc illa peperisse : id enim sæpius repetunt & inculcant Patres Christiani, atque hæc in re, ut in aliis multis, plagii cujusdam accusant authores externos. Audiamus, si placet, pro cæteris, *Nazianzenum* : Ἀἴρος ὁ Μίνως ἐκείνῳ, καὶ ὁ Παδάμανθος· εἰς ἀσφοδελῶν λειμῶνων καὶ ἡλυσίων πεδίων ἡξίωσαν οἱ Ἕλληνες, ἐν φαντασίᾳ τῷ καθ' ἡμᾶς παραδείσῳ γενόμενοι, ἐκ τῶν Μωσαϊκῶν, διμαι, βιβλίων καὶ ἡμετέρων, εἰ καὶ περὶ τῷ κληῖσιν τι διινέχθησαν, ἐν ἀλλοις ὀνόμασι τὸτο παραδηλώσαντες. Pluribus supersedeo : Hæc rei summa est, ut antiquis fabulis aliquid veri subesse solet, loco fundamenti : itâ multis fabulosis narrationibus ansam præbuisse mihi videtur Tellus Primigenia. Res vera, cujus umbram aliquam retinebant, aut creperam lucem, prisca homines : Et ex qualicunque memoriâ rei desideratissimæ, fingeant novas Terras, aut terrarum regiones, ad exemplar & imaginem hujus Terræ Primigeniæ : Idque plerumque in locis inaccessis, extra Oceanum, in aëre, apud Inferos : ne oculatis testibus in errore deprehenderentur. Ita *Ogygia* Insula, apud *Plutarchum*. Supra *Thulen* Insula amœna, in sublimi posita, apud *Ant. Diogenem*. *Hyperboreorum* regio prope Lunam, ab omnibus ferè celebrata. *Sileni* Terra, ex *Theopompo*, ἔξω τέτε τῷ κόσμῳ. Præter Elysia, & pensiles *Alcinoi* hortos : unde Paradisum nostrum desumptum voluit Celsus. Hujusmodi autem Gentium Paradisi, non tantum clariores notas gerunt Terræ nostræ Primigeniæ : nempe ver-

in vit. Bas.  
Mag.

De fac. in  
orb. Lun.  
Phor. Bibl.  
Cod. 266.

Ælian.  
var. hist.  
l. 3. c. 18.

perpetuum, uberes soli proventus, & incolarum longævitatē: sed etiam ē secundariis & minoribus nonnullas: Quales sunt illæ, quod pensilis fuerit ille orbis habitabilis, aliter quàm hodiernus: quod situ sublimior: sudoque semper cœlo, sine nube, sine pluviâ, gauderet. Hæc habent nobiscum communia: adduntque alias, quisque pro suo genio, delicias, ornamenta, & amœnitates. Atque his omnibus, quasi pictis tabulis, nobis exhibent, primæ atque aureæ Telluris effigiem, sed rudiori penecillo delineatam.

---

## C A P. V I I.

*De narratione Mosaicâ circa Paradisum, & circa Naturæ, rerumq̃ humanarum, statum, in Mundo novo.*

**H**Actenus rerum origines, & veram Paradisi notitiam, inter veteres quæsimus: adhibito etiam, quâ licuit, sacrarum literarum lumine. Sed de regione aut loco Paradisi, nihil à nobis definendum est: cùm perinde sit, quoad Theoriam Telluris, ubicunque locorum posueris, modò non sit in Hodiernâ Terrâ. Quod si apud veteres Patres ipsius locum quæsitum eas, aut nullum esse volunt, aut à cognitione nostrâ remotum & absconditum. Eorum  
alii

alii Intelligibilem nuncupant Paradisum, nulli loco astrictum: alii sensibilem: Hic primùm itur in partes. • Dein, qui sensibilem & corporeum credunt, statuunt eum in hâc Terrâ, vel extra hanc Terram: nempe in aëre, vel in orbe Lunari. Qui in hâc Terrâ, aut cis æquatorem, aut sub ipso æquatore, aut ultra æquatorem sive Zonam Torridam, sedes ponunt beatas. Denique, qui nobiscum sentiunt, in Terrâ quidem, sed aliâ ab hodiernâ, verum Paradisum, qui jam transiit, olim floruisse tradunt.

*Theor. I. 2.  
C. 6.*

Hæc sententiarum discrimina alibi pluribus explicuimus: Eamque maximè, quæ ultra Æquatorem, Zonam Torridam, Oceanum, orbemque nostrum Borealem, Paradisum transfert. Non quòd hæc, præ cæteris, mihi placeat opinio, sed quòd veterum calculis comprobetur, & apertè nos doceat, Paradisum Mesopotamiæ affixum, figmentum esse Neotericorum. Intereà, quoad Telluris Theoriam, ea nihil moratur Paradisum Topicum in quâvis terrarum parte: cùm totum orbem habitabilem, in novo mundo, instar Paradisi habeat. Consequenter verò & consentaneè ad hypothesin Mosâicam, quæ genus humanum, quantum quantum, ortum docet ex unico viro & unicâ sceminâ: horum duorum natale solum & primam patriam, Paradisum, si libet, dicito: Locum aquis & arboribus amœnissimum; modò concesseris itidem cæteris ejusdem Terræ regionibus *Ver perpetuum*: & quæ inde sequuntur, fertilitatem spontaneam, & Incolarum Longævitatem. Hæc enim ubique obtinuisse in novo mundo, ex naturâ rei, & veterum fide, probavimus.

At, inquires, Moses non meminit nisi unius Horti, quem *Gan-Eden* appellat, *hortum deliciarum*: cæterasque



rasque Terræ istius regiones, communis esse fortis, & hodiernis non dissimiles, supponere videtur. Respondeo, duplex erat apud veteres, maximè Orientales, Theologiam & Philosophiam tradendi modus, *δημώδης & ἀπορρητός*, popularis & arcanus: atque duplici hoc stylo, in rebus naturalibus explicandis, uti mihi videtur Scriptura Sacra: quandoque sese accommodans ad populi captum, quandoque ad occultiore veritatem. Secum hanc mihi legem imposuerim, ut *Nunquam* recederem à sensu literali, sine necessitate: nunquam, aio, nisi id penitus persuaferit, aut coegerit, rei natura: dispiciendum imprimis, qualis sit, & quid ferat iste sensus literalis, in hoc argumento. Dein, ex alterâ parte, quid ferat & quid ferre recuset materia subiecta. Ut, rectè constitutâ quæstione ex utrâque parte, quæ causa sit potior, & ubi lateat veritas, certiùs dijudicemus.

Historia Paradisi, inde enim exordiemur, ita se habet secundum Mosem. Cùm Deus Mundi creationem absolverat, sex dierum spatio, septimo die requievit, & vacavit ab omni operâ. Uniuscujusque diei pensum Moyses articulatim enarrat: Hominis autem, tam maris quàm fœminæ, historiam tractat seorsim. Missis igitur cæteris, si placet, impræsentiarum, circa hæc tria capita, Adamum, Evam, & Hortum Edenis, cum iis quæ adhærent vel intertextuntur, doctrinam Mosaicam contemplemur. Quoad primum hominem, Adamum, Moyses ait eum formatum esse, non ex lapidibus, aut dentibus Draconum, ut de suis hominibus fabulati sunt alii: sed ex pulvere Terræ, vel è terrâ rufâ. Et corporis statuâ formatâ, *Deus sufflavit in nares ipsius halitum vite*, Gen. 2. 7. *factus est homo Anima vivens.* Alio autem modo,

&

Hæc & huiusmodi ἀ-  
ποδείξεις  
ταῦν ἀπο-  
στέλλει ἀπ-  
ὸ τοῦ Γεν-  
α. 2. 21.

& ex aliâ materiâ condita est Fœmina : nempe ex osse quodam, vel ossiculo, Adami. Scilicet cum somno obrutus jaceret Adamus, execut ei Deus unam è costis : & ex illâ costâ fabricavit fœminam. Sic enim ait Moses, *Injecit Jehovah Deus soporem altum in Adamum, qui obdormivit ; & extractâ unâ de costis ejus, inclusit carnem pro illâ. Extruxitque Jehovah Deus ex costâ illâ quam sumpserat de Adamo, mulierem : Eamque adduxit ad Adamum pro uxore.*

Haftenùs de formatione primi viri & primæ fœminæ, secundum literam. De primâ eorum sede pluribus egit Moses ; ait nempe Deum iis parâsse Hortum quendam celebrem in Oriente, vel, ut plurimi reddunt, ab antiquo : atque hunc iis dedisse, tanquam hærediolum, ad habitandum & colendum. Erat autem hortus ille locus amœnissimus, quatuor fontibus aut fluviis irriguus, arboribus consitus omne genûs, tam frugiferis, quàm umbrâ & aspectu gratis. Steterunt autem inter has arbores, in medio horti, duæ præ cæteris insignes & memorabiles, quarum una dicta est *Arbor vitæ*, altera, *Arbor mortis*, vel *scientiæ boni & mali*. Quamobrem dicta sit *Arbor vitæ*, non certò constat : forsân quòd vescentibus immortalitatem dedisset, ut plurimi conjiciunt. Alterius Arboris effectum funesta nos docuit experientia : hinc illa *lachrymæ & infandus dolor*. Quòd de fructu hujus arboris comederint primi parentes, plectuntur hodiè omnes eorum posterì : atque pœnas luunt peccati, aliquot annorum millia antequam nati essent, commissi. Sed rem totam tibi indicabo.

Vetuit Adamum & Evam Deus, gustare fructum hujus arboris, idque sub pœnâ mortis. Accidit verò, Evam, sedentem sub hac arbore, seorsim à viro, ut accederet Serpens vel coluber, qui, nescio quâ vi aut facultate,

facultate, his vel hujusmodi verbis, si rem ex eventu judicemus, blandè compellavit fœminam, *Serp.* Salve pulcherrima, Quid rerum agis sub hâc umbrâ, sola & seria? *Ev.* Ego hujus Arboris pulchritudinem contemplor. *Serp.* Jucundum quidem spectaculum, sed multo jucundiores fructus: Gustâstin' mea Domina? *Ev.* Minimè verò: Deus nobis interdixit esu hujus arboris. *Serp.* Quid audio! Quis iste Deus, qui suis invidet innocuas naturæ delicias. Nihil suavius, nihil salubrius, hoc fructu. Quamobrem interdicere, nisi per legem ludicram? *Ev.* Quinimò sub pœnâ mortis interdixit. *Serp.* Rem malè capis proculdubiò: Nihil habet mortiferi hæc arbor, sed potius divini aliquid & supra vires communis naturæ. *Ev.* Ego non habeo, quod tibi respondeam, sed adibo virum, & quod illi visum fuerit, faciam. *Serp.* Quid virum interpellas de re tantillâ? utere ingenio tuo. *Ev.* Utarne: Quid pulchrius hoc pomo? quàm suave redolet? sed forsan malè sapit. *Serp.* Est esca, crede mihi, Angelis non indigna: fac periculum, & si malè sapit, rejicito: & me insuper habeto pro mendacissimo. *Ev.* Experiar: Est quidem gratissimi saporis: non me fefellisti. Porrige huc alterum, ut viro afferam. *Serp.* Commodum meministi, en tibi alterum; Adi virum, Vale beatula.----- Ego interea elabor, illa curet cætera.

Dedit Adamo, nimis uxorio, hoc pomum Eva: Ille pariter comedit, eoque comeso, suæ se, nescio quo pacto, utrosque statim pudebat nuditatis: &, consutis foliis ficulneis, fecerunt sibi subligacula, ad tegendum pudenda. His ita peractis, sub horam vespertinam Deus descendit in Hortum: Ausugère parentes nostri, & inter densissimas arbores latibula quærebant. Sed frustra, Deus inclamabat, *ubi es, Adamè?*



*Adame?* Comparuit timidus, dixitque Deo, Cùm te audirem in horto, malè mihi metuebam quod nudus essem, & me abdidi inter umbrosa nemoris. Quis tibi dixit, inquit, Deus, quod nudus esses? Comedistiñ ex istoc fructu quem tibi prohibueram? Illa, Illa, quam mihi dedisti, Fœmina, Illa mihi attulit, & comedi. Probè rem curâstis, Tu & Tua! Heus Tu muliercula: Quid hoc rei est? Mihi miseræ dedit Serpens tuus, & comedi. Magno tibi constabit hoc pomum: neque tibi solum, sed posteris tuis, & toti humano generi. Quinetiam Cœlum, Terram, totamque naturam, propter hoc facinus disperdam & execrabor. Tuque imprimis, Improba Bestia, astutiæ tuæ & mali doli pœnas lues. In posterum pronus ibis in ventrem: & pulverem terræ, non poma, comedes. Tu verò, curiosa & delicatula, in dolore liberos paries: mariti jugum feres, nec discedes unquam ab ipsius latere, nisi impetratâ veniâ. Denique, quod ad te spectat, *Adame*, quoniam auscultavisti uxori tuæ magis quàm mihi, in sudore vultûs ei & liberis ejus parabis victum. Non, ut antea, sponte natos fructus, sed cum labore & molestiâ proventum terræ colliges. Sterilescat deinceps Terra, propter te maledicta: Tribulos, spinas, lolium, herbas noxias, proferat. Et ubi vitam exegeris incommodam & onerosam, *Pulvis es, & in pulverem revertèris*. Interea temporis, exulent ab horto meo hi perduelles, & in alias terras relegantor; nè ex *arbore vitæ* pariter decerpant fructus, & vivant in æternum. Deus autem, ne frigore & incommodis cœli perirent, fecit iis tunicas ex pellibus animalium: atque ità pellicos extruxit è Paradiso. Denique, ad præcludendum reditum, apposuit Angelos ad introitum sui Horti; qui, vibrando flammeum gladium, & in

omnes partes versando, viam, quæ ducebat ad arborem vitæ, custodiebant.

De Paradiso & primorum hominum sorte, hæc est summa narrationis Mosaicæ: Quam, salvo sensu, aliis verbis explicui, quò liberius de re ipsâ, quasi à novo authore conscriptâ, judicemus. Quædam esse Parabolica in hâc narratione, neque penitùs ad litteram exigenda, omnes ferè agnoscunt. Nonnulli etiam totum sermonem esse volunt *ὑποτύπωσις* artificiosam ad explicandas res veras: nempe humani generis novitatem, & degenerationem: Dein, naturæ primæ statum Paradisiacum, & ejusdem degenerationem. Quanquam enim, in principio sermonis, hic status Paradisiacus ad unicam regionem, quæ *Gan-Eden* dicitur, restringi videatur, postea tamen cùm sterilitatis maledictio profertur, tota Terra in censum venit. Non spontaneos feret ultrà proveniuntus Terra, non fruges sine agricolatione & culturâ: sed in sudore vultûs tui, inquit Deus, tibi in posterum ad vitam & victum necessaria comparabis. Proinde ante hanc mutationem, vel maledictionem, Terra tulit spontaneas fruges & fructus, absque sâtu, absque labore: aliter nihil novi effecisset, nihil mutâisset in rerum naturâ, hæc maledictio. Præterea, patet aliunde, non regiunculam aliquam, aut aliquot terrarum jugera, quale quid est hortus, hâc fertilitate, cæterisque privilegiis, tam soli, quàm cœli, unicè esse potita: sed totum orbem habitabilem, in primo rerum statu. Quid enim si innocuus perstisset Adamus? Quis locus fuisset posteris ipsius intra unius horti septa? vel si omnes ibidem includeris, tanquam implumes pullos in nido, quid fieret à reliquis magnæ Terræ tractibus? stetissentne vacui, deserti, & sine incolis? id non patitur natura, neque

O o 2

id

id decet sapientiam divinam. Hisce igitur consequens est, & consentaneum rationi, ut credamus, Mosem, partem pro toto : & exemplum unum pro cæteris; populo ante oculos posuisse; quòd eorum captui & ingenio accommodatius esset, Hortum amœnum concipere, aut singularem agrum, quàm totum terrarum orbem novâ facie, & novâ indole indutum, ab hodiernâ naturâ prorsus alienis. Sed inceptam viam pergamus.

Præfata narratio quinque aut sex partibus constat : Quarum prima est, De ortu & formatione primorum hominum. Secunda est descriptio Horti Edenis. Tertia est historia duarum Arborum, vitæ & mortis. Quarta tractat de serpente confabulante cum Evâ. Quinta est de irâ Dei, & maledictione, propter comestum pomum vetitum. Sexta denique complectitur expulsionem protoplastorum ex horto Dei. Et quo modo Deus iis fecerit tunicas pelliceas, posueritque Angelos, cum flammantibus gladiis, ad introitum sui horti : aliaque his affinia.

Magna vis est consuetudinis & præconceptæ opinionis, in animos humanos. Hos breves commentarios aut historiolas de hominum rerumque primordiis, ex ore Moïsis sine examine, sine morâ, accipimus & amplectimur. Apud alium verò si eandem doctrinam legissemus, putâ apud Philosophum Græcum, apud Doctorem Rabbinicum, aut Mahometanum, hæssisset animus in unaquaque periodo, dubiis & objectiunculis plenus. Hoc discrimen oritur non ex naturâ rei aut materiæ subiectæ, sed ab opinione nostrâ de fide & authoritate scriptoris, utpote divinitus inspirati. Hoc libenter agnoscimus, nec dubitatur hoc loco de authoritate scriptoris, sed quo animo, quo consilio hæc scripserit, quo genere styli  
usus.



usus fuerit, plebeio an philosophico; Plebeio inquam, non fabuloso, quanquam eo nomine uti liceret, si de authore exotico ageretur. Fabularum autem aliæ sunt figmenta, pura puta: aliæ vero nituntur fundamento, sed decorantur additamentis & ornatu affectitio. Præterea, sunt quædam narrationes quibus veritas subest, non autem singulis apicibus, sed quoad summam rei, & propositum authoris. Ut in parabolâ Christi de Lazaro & Divite: & in multis quæ de Die Judicii narrantur, quoad corticem & formam externam. Hujusmodi narrationes, non fabulas, sed quandoque parabolas, quandoque *ἱστορίας δηλωδεις*, nuncupandas esse censeo: Et si in hac classe, narrationem, quæ præ manibus versatur, collocaveris, salvo authoris nomine & honore, non indignabor. Hujus autem, si placet, aliquot articulos expendamus.

Quoad primum; Temporalem ortum humani generis pro certo & indubitato semper habui: idque quinque, & ultra, retrò millenniis, ex fide Chronologiæ Sacræ. Sed è quâ materiâ factus fuerit primus homo, mas vel femina, non tam facile est, nec tanti refert, cognoscere. Si Deus voluit extundere feminam ex costâ Adami, videtur quidem materia minus idonea, sed ex quovis ligno, vel quovis lapide, vel quovis esse; Deus potest effingere feminam. Quærunt hîc curiosi, an supervacanea fuerit Adamo hæc costa, & ultra numerum qui requiritur in justo corpore? Si non, eâ detractâ, mancus esset Adamus, & parte sui necessariâ spoliatus. *Necessariâ* inquam, supponimus enim nihil esse superflui in fabricâ humani corporis: neque os ullum abripi posse, sine labe totius, aut aliquâ suæ integritatis læsione. Quod si alterum dixeris, nempe, supervacaneam re-  
verâ, i,

verà, & inutilem fuisse Adamo hanc costam: & in uno latere tredecim habuisse, in altero duodecim tantum: Hoc monstri simile esse, aiunt: ac si tripes, vel trimanus, factus fuisset primus homo: vel plures oculos, aliave membra, habuisset, quàm fert usus aut integritas humani corporis. Omnia autem *numero, pondere, & mensurâ*, facta fuerunt ab initio.

*Maimon.  
mor. Nev.  
pars 2. c. 30.  
Gen. 1. 27.*

Hanc ego litem non dirimo: id me magis anxium habet, Quomodo ex unicâ costâ extrui poterat tota moles corporis scæminei? Costa enim non adæquat centesimam, vel millesimam, partem totius corporis. Et si reliquum materiæ aliunde desumptum dixeris, ex illâ materiâ alienâ, qualis qualis fuerit, formatam fuisse Evam, quàm ex costâ Adami, veriùs diceretur. Scio, Doctores Rabbimicos rem totam aliter expedire. Nempe aiunt primum hominem fuisse bicorporeum, marem & scæminam; lateribus invicem coherentes, vel, ut alii volunt, tergoribus. Hos autem dissecurasse Deum, atque Evam ità divulsam, Adamo in sponsam dedisse. Hujus fabulæ simillimam habet Plato, in *Symposio*: de primo homine Androgyno, & dein in marem & scæminam bipartito. Alii denique conjiciunt, quod non est improbabile, Mosem hoc modo originem scæminæ explicuisse, quo mutuum amorem, marem inter & scæminam, ingeneraret, quasi ejusdem Totius partes; Atque eâ ratione, institutum conjugii (quo iterum uniuntur) suis efficacius commendaret, quasi in ipsâ naturâ radicatum. Ego verò, his relictis, ad alia propero.

Articulus secundus agit de *Horto Dei in Edene*: quatuor fluvii irrigato, qui ab uno fonte oriuntur. Hunc Hortum Dei apud Mosem eundem esse volunt *Sympos.* nonnulli ac Διὸς κήπον, *Jovis hortum*, apud Platonem; Et eandem esse utrobique historiam vel allegoriam

goriam κατὰ τινὰς ἀπορήτους λόγους Μωσέως, *Secundum arcanos sensus Moſis*: inquit Eusebius. Atque hunc *Præp. Evan. l. 12. c. 11.* sensum arcanum quoad Hortum Edenis, eò libentiùs amplector, quod nullus sit in orbe locus cui omnes notæ & characteres istius Horti convenient; Nam, ut mittam cælum jugiter serenum, & spontaneam loci fertilitatem, de solis fluviis vexatissima est Theologorum, Geographorum, veterum, recentiorum, necdum finita controversia. Fluvii isti à Moſe appellantur *Piſbon, Giſbon, Hiddekel, Perath*: Quos antiqui authores interpretantur de *Gange, Nilo, Tigride & Euphrate*. Idque, opinor, rectè. Neque enim aliud sibi videtur proposuisse Moſes, quàm ut deduceret ad hunc Hortum rigandum, quatuor celebratissimos & fertilissimos Terrarum fluvios.

At, inquires, hæc quatuor flumina non oriuntur ex eodem loco, aut eodem capite; rectè, neque quatuor alii quicunque nominantur ab Interpretibus. Hæc igitur objectio ubique valebit, tam contra recentiores quàm Antiquos. Quin etiam si hæc flumina ad duo restrinxeris, quod faciunt nonnulli, nempe ad Euphratem & Tigrim, neque illi duo fluvii ab eodem fonte, vel ab eâdem scaturigine proveniunt. Sed reverâ subterfugium est, non expositio, plures fluvios ad pauciores redigere, contra historiam Moſis, quo commodiùs ad eandem originem referantur. Hæc sunt verba Moſis, *Fluvius autem procedit ex Edene, ad irrigandum Hortum: & inde sese dividit, ferturque in quatuor capita. Primi nomen est Piſbon, &c.* *Gen. 2. 10.* Hinc clarè patet, aut sub ingressu, aut egressu, horti, quatuor fuisse fluvios: & quatuor illos fluvios ab eodem fonte, in Edene, prorupisse. Jam verò, dic quibus in terris sit illa regio Edenica, ubi quatuor fluvii nascuntur.



seuntur ab uno fonte. Neque dicas, quæso, duos tantum ortos esse ex illo fonte Edenico, reliquosque duos oriri ex Tigride & Euphrate, ubi divaricant prope mare, & finduntur quasi in bivia. Hoc neutiquam respondet verbis Moïsis. Præterea, Moïses memorat primo loco, Pishon & Gishon, dein Tigrim & Euphratem, quasi minores fluvios. Tu è contra, ab his illos derivari velis, tanquam fluvios secundarios. Quæ est manifesta historicæ narrationis distortio.

Sed ad rescindendas has difficultates, vel controversias, de originibus alveisque fluviorum Paradisi, dices forsân ultimò, Mutata esse per Diluvium fluviorum capita, cursusque: Neque jam constare posse, quâ parte emerferint olim, aut quas terras peragrârint. Esto, Ego juxta tecum sentio: modò fractionem & disruptionem Terræ, quales nos supponimus, in Diluvio contigisse fatearis. Sed ex simplici inundatione, aut redundantia aquarum, hujusmodi mutatio oriri non potuit. Præterea, secundum quam Geographiam, vel Hydrographiam, descripsisse velis Moïsem hæc flumina: Ante diluvianam, vel post diluvianam? Si posteriorem sumpseris, nulla contigit insignis terrarum mutatio à tempore Moïsis vel Diluvii. Si priorem, supervacaneam reddis descriptionem Moïsaicam, & inutilem ad situm Paradisi investigandum. Denique, agrè concipi potest, fluvios qualescunque, hos aut alios, extitisse ab ipsâ Terræ origine: sive aquas eorum spectes, sive alveos. Alvei fluviorum fieri solent sensim & diuturnâ attritione: quod si, Terrâ effolsâ & aggestâ, facti fuissent, ut scrobes & sulci, in utrâque ripâ fluvii, vel saltem alterâ, magni ubique extitissent aggeres & terrarum cumuli. Id verò planè fortuitum esse videmus;

demus; decurrunt enim saepe per planities, & cum campis adjacentibus æquales sunt aut æquè altæ fluviorum ripæ. Præterea, unde essent aquæ his alveis in primâ Terræ fundatione? Si dixeris, cùm factus est alveus Oceani, tertio die, facti sunt etiam alveoli fluviorum: & quemadmodum maxima pars aquarum Abyssi delapsa est in voraginem maris, ita reliquæ partes descenderunt in hos canales fluviatiles, primosque fluvios constituerunt. Esto: sed præterquam quod hujusmodi aqua esset falsa, perinde ac marina: nulli essent fontes perennes ad alendos hos fluvios; ideoque ubi defluserat primum flumen, vel primus amnis, cùm nullæ essent à tergo successuræ aquæ, hi fluvii, vel hæc aquilegia, statim aruissent. Dico, cùm nulli essent *fontes perennes*: sive enim oriuntur fontes à pluvîâ, sive è mari, neutro modo oriri poterant tantillo tempore. Non à pluvîâ, nondum enim pluerat; neque fieri potuit ut aquæ Abyssi decurrerent à locis maximè Mediterraneis ad mare, dein redirent per terræ viscera, novas vias tentando, & percolatæ ascenderent ad capita fluviorum, unius dieculæ spatîo. Sed de fluviis satis, pergamus ad reliqua.

Sequitur tertiò, De serpente qui allocutus est Evam, & ad diffidendum Deo pellexit, mira historia. Bestiam illam loqui posse, aut quâcunque voce uti, præter sibila, nondum scimus. Sed quid de eâ re scivisse Evam credemus? Si pro muto animali habuisset, ipsa loquela terruisset sceminam, & ab omni sermonis commercio pepulisset. Quod si loquax fuit, & sermocinator, ab initio serpens, perdiditque loquelam ob hoc facinus, quòd pietatem fidemque Evæ suis blanditiis corruerat, hoc genus pœnæ ne-tiquam tacuisset Moses: neque levius damnum de

*lambendo pulvere*, ipsius loco substituisse. Præterea, vis unicum serpentum genus, vel omnes bestias agri vocales fuisse in Paradiso: ut olim arbores in nemore Dodonæo? Si omnes, Quid commisere cætera, ut usum linguæ perderent? Si unicum serpentum genus hoc gaudebat privilegio: fœdum animal & ab humanâ specie alienissimum, quipoteuit mereri, præ aliis omnibus, sermonis gratiam & beneficium? Denique, cum omnis fermocinatio includat rationis usum, cuicunque animali sermonem dederis, illud animal eo ipso rationale constituis.

Sed facilè credo, hunc nodum aliter soluturos esse sensûs literalis vindices. Aiunt nempe, sub hoc Serpente latuisse Diabolum, vel malum Dæmonem, Qui hujus animalis ore & organis usus, affatus est fœminam voce quasi humanâ. Sed quo teste, quo authore, hoc dicitur? non id præ se fert litera Mo-  
sis, cujus illi sunt adeò tenaces. Quid aliud præ se ferre videtur, & astutiæ naturali hujus animalis id dare penitus, quod Evam deceperit. Sic enim præfatur Moses, *Erat autem Serpens callidior quâvis bestia agri, quam fecerat Dominus Deus.* Dein subdit, *Ille dixit mulieri, etiam ne edixisse Deum, &c.* Præterea, Si, quâvis Cacodæmonis ope loqui audiisset Eva animal naturâ mutum, obstupefacta statim aufugisset à monstro. Illa verò è contra, familiariter excipit: sermones ferunt, confabulant, argutantur: ac si nihil miri, nihil novi, accidisset. Quod si hoc totum ab inscitia & imbecillitate mulieris provenisse dixeris, æquum utique fuisset, ignaræ & imbecilli fœminæ succurrisse, ex alterâ parte, bonos Angelos. Æqui spectatores rerum humanarum haud tulissent tam im-  
parem congressum. Quid enim, si dolo mali Dæmonis, multiscii & in rebus agundis versatissimi, victa fuerit



fuerit imbellis fœmina, quæ solem nondum orientem vel occidentem viderat : recens in lucem edita, & rerum omnium inexperta ? Meruit certè tam charum caput, quod annexam sibi tenuit humani generis salutem : meruit, inquam, custodiam Angelicam.

Sed cavere sibi debuisset fœmina, inquires, ne legem violaret pœnâ mortis sancitam. *Quo die comeditis, moriemini* : Vos & vestri : ita se habuit Lex. *Mori !* Quid hoc rei est, inquit ignara virgo, quæ nihil unquam mortuum viderat, ne florem quidem ; neque mortis imaginem, Somnum, vel noctem, oculis vel animo adhuc senserat. Sed quod de posteris ipsius adjicis, eorumque pœnâ, id non exprimitur in Lege. Nullæ autem leges sunt torquendæ, minimè pœnarix.

De pœnâ Serpentis etiam non levis est quæstio. Si Diabolus rem totam egit sub specie serpentis : vel si coëgit serpentem ut ea ageret vel pateretur : Quid serpens luit pœnas criminis à Diabolo commissi ? Dein quoad modum & formam pœnæ in serpentem irrogatæ, nempe quod in posterum *pronus iret in ventrem*, quid hoc sibi velit non est facile explicatu. Erectum fuisse antea serpentem, aut quadrupedum more incessisse, agrè quis dixerit ; Quod si verò ferebatur pronus in ventrem ab initio, ut hodierni angues, ineptum videri possit, id pro supplicio, & in pœnam singularis facti, huic animali imponi aut attribui, quod semper & à naturâ habuit. Sed de Muliere & Serpente satis, transeamus ad Arbores.

Arbores hîc duas intelligo, in medio Horti, *Arborem vitæ*, atque *Arborem scientiæ boni & mali*. Arbor *vitæ* dicta est, ut aiunt, quod longissimam hominibus vitam datura esset. At, sine hujus arboris

ope, longissimam vitam duxerunt omnes ante-diluviani : ut ex sequentibus in eâdem historiâ patet. Præterea, si ex unâ arbore, vel ipsius fructu, pependisset longævitas vel immortalitas hominum, Quid si non peccâisset Adamus ? Quî potuissent ipsius posterî, per totum terrarum orbem diffusi, fructus repetere ex hoc horto, vel ab hâc arbore ? aut quî potuissent sufficere toti humano generi unius arboris proventus ? Quoad alteram arborem, *scientiæ boni & mali*, ad quid valuerit, aut unde nomen illud adæpta sit, non ita clarè constat. Videtur ingenerâsse, nescio quo succo, vel quâ aliâ virtute, novos sensus pudoris & modestiæ, vel *nuditatis*, ut dicitur ; quasi nullum pudorem habuissent in rebus veneris antelapsum ; hodiè tamen, in rebus istiusmodi, innocuos maximè comitatur pudor. Nescio quid sibi

*Civ. Dei l.*  
*14. c. 26.*

vult Sanctus Augustinus, cum ait, in primo hominum statu & innocentia concepturas & parituras fuisse fœminas sine violatione claustrî Virginalis : immisso semine, & exeunte fœtu, per poros, ut exeunt virginum profluvia : totumque opus veneris peractum iri sine ardore ullo, aut stimulis, ut manus manum fricat. Hæc si exigantur ad naturæ & philosophiæ leges, ægrè poterunt expediri. Sed vim aliam hujus arboris innuit Deus, cum ait, *Ecce Adam quasi unus è nobis factus est, sciens bonum & malum* : nempe vi & virtute fructus istius quem comederat. Quicumque autem impetus aut affectus oritur ex vitio, aut inordinato motu, non Dei similes nos reddit, at dissimillimos. Sed de Arboribus hæc pauca sufficiant, ad reliqua progrediamur.

*Gen. 3. 22.*

Post esum hujus pomi, aut ficûs, aut aliûs qualiscunque fructûs, Parentes nostri fecerunt sibi subligacula : Ita ait Textus, *Consuerunt folia ficulnea, &*  
fece-

*fecerunt sibi subligacula.* En primordia artis futuro-  
riæ. Sed unde illis acus: unde filum; in primo die  
sux creationis? Linificio, vel Arte Ferrariâ non-  
dum inventis. Hæc forsân liberius quæsitâ videan-  
tur, sed res ipsa postulat ut liberè agamus, cum nu-  
dam veritatem quærimus. Quum verò ipsi sibi fe-  
cerant subligacula, Deus iis dedit insuper Tunicas:  
factas nempe ex pellibus animalium. Sed hîc iterum  
incurrimus in difficultates: Ad rem molliendam,  
loco Dei substituiamus Angelum, Angelus igitur ne-  
cuit & excoriavit animalia, vel innocuis & vivis pel-  
les detraxit. Sed hoc Lanii aut Carnificis est, non  
Angeli. Præterea, ex hâc lanienâ periissent inte-  
gra genera Animalium: neque enim plura duobus  
in unoquoque genere, ab initio producta, creditur:  
atque alterum sine altero, sive conjuge, nullam ha-  
buisset progeniem.

His uterunque peractis, Quid sequitur? Parentes  
nostros, ita pellitos, Deus exegit è Paradiso; po-  
suitque, ad introitum Horti, Cherubinos, cum ver-  
satili & flammanti romphæâ, ne beatas sedes vi &  
armis, vel etiam ex improvîso repeterent. Ecquis  
est interpretum qui hæc ad literam astringet? Ange-  
losque, instar satellitum; strictis gladiis, ante fores  
horti, per nescio quot sæcula, stetisse asseret? ut  
Dracones dicuntur à Poëtis Hesperidum Mala custo-  
diisse. Quousque autem durârunt hæc excubiæ An-  
gelicæ? Ad Diluvium, opinor, si non ultra. Ita oc-  
cupatos esse censet Angelos, per sesquimillennium &  
ultra, in custodiendo viridario nocte dieque. *Sic va-  
cat exiguis rebus adesse Deos?* Quàm facilè fuisset,  
in loco riguo, qualis erat Paradisus, rivo vel fluvio  
circumduxisse hortum: quod Adamo & Evæ, qui  
cymbarum, aut navigiorum usum & fabricam adhuc  
igno-



ignorabant, satis superque fuisset obstaculi. Sed hæc & hujusmodi, ne invidiosa videantur, mallet aliis meditando relinquere.

Ita paucis percurrimus historiæ Paradisiacæ summa capita. Restat unicum expendendum, *Quantillo* tempore hæc omnia peracta narrantur: unius diei spatio, vel forsân dimidio. Supponunt Theologi Adamum consummasse suum cum Evâ matrimonium, primâ nocte: Dein aiunt, si Eva, adhuc innocua, primogenitum suum concepisset, eum pariter peperisset innocuum, & ab omni labe peccati primi immunem. Unde suam etiam progeniem, Patrem quod spectat, ab eodem malo intactam conservâisset. Sed nulla est istiusmodi progenies, immaculata, aut semipura: omnes eâdem labe inficimur, eodem morbo laboramus. Quapropter statuamus oportet hæc omnia perpetrata fuisse sexto die creationis, ante cubitum aut genialis lecti amplexus. Quot autem, & quanta, congerenda sunt in hunc unum diem! Hæc breviter, si placet, repetamus. Istoc die Deus creavit omnia pecora, omnes feras & omnia reptilia: Denique creavit Adamum. Et cùm hæc omnia creâisset, adduxit unumquodque genus animalium coram Adamo, ut, pro cuiusque ingenio, nomina iis imponeret. Quam linguam calluit Adamus, primâ suæ nativitatis horâ, vel die, mihi prorsus ignotum: sed utcunque, cùm tot sint classes & familiæ animalium, cuiusque indolem æstimare, aptamque inde nomenclaturam singulis imponere, non exiguum tempus postulare videtur. Finitâ quomodocunque hâc operâ, Deus immisit soporem Adamo, & obdormivit, altum verò dormienti eripuit ei costam, & ex eâ fabrefecit fœminam: Eodem die conjugium ineunt, mas & fœmina recens nati: sine sponsaliis,

sponsaliis, aut frigidis procorum ambagibus. Eodem die nova nupta, nescio quo proposito, vagata inter arbores nemoris, incidit in Serpentem: Ille Serpens colloquium instituit cum fœminâ: argumenta jaciunt, hâc, illâc, de quâdam arbore, aut quodam fructu, edendo vel non edendo. Illa tandem rationibus aut lenociniis victa, fructum comedit; Neque id tantum, sed eundem defert marito, qui pariter comedit. Magna inde mutatio, alter in alterius nuditatem conjiciunt oculos, erubescunt ambo, & confutis foliis ficulneis conficiunt sibi subligacula; quod aliquot saltem horarum opus esset. Rebus sic stantibus, sub vespere Deus descendit in hortum: aufugiunt fontes, & sese abscondunt inter arbores & frondosam opacitatem. Sed frustra, Deus citat reos, comparent, factoque examine totius causæ, in Virum, in Fœminam, in Serpentem, debitas pœnas discernit. Denique, ad explendâs omnes pœnæ partes, ejiciuntur ex Paradiso parentes nostri, in exilium aguntur: & præpositis Angelis ad omnes aditus horti, vagantur soli per sylvas, & pernoctant inter feras.

Intra unius diei spatiolum hæc omnia confecta legimus: magna & multifaria negotia. Sed ardeo dolore, cum tantillo tempore, omnia inversâ & perturbata video: totamque rerum naturam, vix dum compositam & adornatam, ante primi Solis occasum ad interitum ruere & deformari. Mane diei Deus dixit, *Omnia esse bona*: sub vespere omnia sunt execrabilia. Quàm fluxa est rerum creaturarum gloria! Opus elaboratum per sex dies, idque omnipotenti manu, infâmis Bestia totidem horis perdidit.

Hæc est rerum & temporum ratio, in historiâ primi hominis & Paradisi. Quæ cùm singula mecum revolve, æquo animo, & in omnem partem flexili, quâ

quâ ducit ratio & veritatis amor : succensere non possum, ex Patribus & authoribus antiquis, illis, qui in symbola, aut parabolas aut sermones populares, hæc convertere studuerunt. Succenseo autem Celso, qui anilem fabulam, *μύθον τινα ὡς γεαυσι διηγέμενον*, hanc narrationem appellat. Ubi rectè monet, per

*Orig. contra  
Cels. l. 4.  
p. 186, 187.  
§ p. 191.  
ἀπὸ τῶν  
πασι νη-  
πιοῖς ἐμυ-  
νολόγησεν.  
Ibid.*

modum responsi, *Origenes*, ὅτι μετὰ *τροπολογίας* ταῦτα εἰρησαι. Quin ipse Celsus testatur in sequentibus, æquioris judicii Interpretes, tam Judæos, quàm Christianos, pudere sensûs literalis, & ad allegorias hæc accommodare, οἱ ὁπαικέττεροι Ἰουδαίων τε καὶ χριστιανῶν ὅτι τέτοις αἰχυνόμενοι, περιῶνται πως ἀλληγορεῖν αὐτά. Hinc vides in primis Ecclesiæ Christianæ sæculis, quibus vixit Celsus : Et apud Judæos etiam ante Christum natum, æquiores interpretes à literâ narrationis Mosaicæ recessisse.

Id utique videtur gravissimum & asperrimum in hac narratione, quod Gentem humanam, plexisse, imò perdidisse, dicatur Deus, ob rem exiguam, & foeminilis ingenii levitate perpetratam. Quapropter sentiunt nonnulli, quibus non refragor, ideò in leviusculum, ut videtur, peccatum, tantam pœnam conjecisse Mosem, quò Legibus suis, quæ de rebus sæpè minutis, neque sua naturâ, aut bonis, aut malis, graviter decernunt : vim & authoritatem conciliaret. Quis enim non vereretur, minimam violare præceptiunculam, quæ Dei venit nomine, si unius pomi vetiti esus perniciem attulit humano generi. Sed de his, cæterisque Mosaicæ narrationis articulis, quisque suo fruatur sensu, modò fundamentum non subruat. Fundamentum autem hic appello, Doctrinam de ortu temporali humani generis, & hujusce Telluris : & de utriusque degeneratione : Hominesque redemptum iri femine mulieris. In errorem  
sumus



sumus omnes proclives in hoc cæco mortalitatis statu, & inter charitatis officia non minimum est, alios aliis labentibus indulgere aut succurrere. Ego interea, Deum testor, qui corda & cogitationes scrutatur, nihil mihi aliud propositum esse, in hoc vel in alio quocunque scripto, quàm ut pietatem promoverem, in veritate fundatam. Neque in hac dissertatione circa primos homines & Paradisum, quicquam affirmatè & asseveranter dico, sed modestè & submissè, ut cordationum judicia experiar. Qui si mecum perpendere velint, primorum sæculorum usum & genium, præcipuè Gentium Orientalium: quibus moris erat, per symbola, similitudines, & parabolas, sua placita & doctrinas tradere, res antiquissimas eo modo explicanti, si non consentient, saltem non irascentur. Atque hæc hæctenus.

---

## C A P. VIII.

*De rerum originibus in primo capite Genesew expofitis: & de modo interpretandi Hexaëmeron Mosaicum.*

**E**A quæ præcedenti Capite differuimus, de rerum originibus; respiciunt maximè humanum genus, eorumque causas & primævum statum. Sed non minùs adversari videtur Telluris Theoriæ rerum

inanimatarum & Universi origo, quemadmodum describitur à Mose in primo capite Genesess. Hanc igitur Cosmogoniam Mosaicam, cæteris omnibus, quarum antea meminimus, antiquiorem habitam, expendere debemus diligentius, atque has lites ita componere aut diluere per amicam interpretationem, ut veritas interim, quod utriusque æquè interest, facta tecta conservetur.

Conveniunt quidem Hexaëmeron & Theoria in primis rerum staminibus, ut ita dicam: quòd utrumque supponat Chaos pro substratâ mundi materiâ. Conveniunt etiam in ordine generali, quod mundum inanimem primò, dein animatum constituent. In cæteris autem, ut in formâ & limitibus mundi producti, in modo, tempore, aliisque, non parùm discrepant. Quæ jam pluribus sunt examinanda.

Observandum igitur primò, Quam mundi formam, Quos limites, proposuerit sibi Hexaëmeron. Notum est, jactari inter eruditos & plebeios duplex mundi systema: quorum unum, Solem habet pro centro: alterum, Terram. Quæritur idcirco, utro nitatur systemate, hoc an illò, Hexaëmeron Mosaicum. Constat quidem Mosè opus suum inchoasse à Terrâ, tanquam totius machinæ basi aut fundamento: Solemque non produxisse nisi quarto, ut ait, die: Terrâ, marique, jam constructis & absolutis. Non erat itaque centrum totius operis, Sol, cùm, non nisi post opus semiperfectum, extiterit. Præterea, tam Sol, quàm sydera reliqua, à Mosè exhibentur in usum Telluris condita, tanquam corpora serva, ut dies, & annos, & reliqua tempora, nobis metiantur. Ex altera autem hypothesi, Sol & Fixæ non tantùm sunt corpora maxima, sed etiam nobilissima: totius universi partes primariæ, & magnæ molis fundamenta.

Liquet

Liquet igitur, utrâque ratione, Mosem secutum esse plebeium systema: Quod populo placet, quod ad blanditur sensibus, quod creditur, & capitur, aut capi videtur, à pluribus. Qua in re rectè consuluit salutem publicam, & neglectam philosophiam, gravioribus consiliis, & majoris momenti rationibus, adhæsit.

Secundò, Quùm pateat Terram fuisse centrum hujusce Chaüs Mosaici, quærendum proximè, Quousque se protenderit sursum hæc massa cæca & confusa. Videtur quidem supponere Hexaëmeron, hoc Chaos implèsse & occupasse totum Universum, quantum: Cælos omnes & regiones æthereas quaquaversum diffusas. Quinetiam lucidissimas stellas ex hac materiâ Chaoticâ compositas esse, neque extitisse ullas ante ortum & natales Telluris nostræ. Hæc præ se ferre videtur litera Hexaëmeri: Sed reluctante rerum naturâ, & rationibus philosophicis.

Constat Fixas esse corpora ignea: neque omnes in eadem hæreere superficie: sed alias aliis esse remotiores à Terrâ, & profundius in cælum immerfas; ac propterea nullum communem esse omnium umbilicum. Saltem, Terram nostram, particulam universi cæcam & fordidam: singulis Fixis, tam mole, quàm dignitate, minorem: Hanc, inquam, immensi corporis esse cor, partem maximè nobilem, maximè vitalem: à naturâ rerum & ab omni ratione alienum est. Dico iterum indignanter, Hanc Terram, facem & crementum naturæ, caput esse rerum & quasi primigenitum omnis creaturæ, sine opprobrio aut contumeliâ, tam in opus, quàm opificem, dici aut cogitari vix potest. Præterea, Si Chaos illud terrestre protensum fuisset per immensam rerum universitatem, Tellusque esset unicum centrum, quod omnes partes crassiores confluebant: Illa Tellus,



sive illud corpus medium, commune receptaculum omnium partium crassarum, evasisset in molem infinities majorem hâc nostrâ Terrellâ. Sufficit enim Chaos sublunare, sive ad Lunam protensum, ad constituendam hanc Terram; Et si insuper adjicias totum cœlum aspectabile: &, quæ sensus nostros fugiunt, omnemque imaginationem, spatia supercœlestia: neque Sol, neque ullum Corpus visibile, tantæ est magnitudinis, quantæ foret illud corpus in medio Chao compositum.

Præterea, Mundum, tam incorporeum, quam corporeum, antiquiorem esse hâc Terrâ habitabili, probari potest aliquo modo, ex authoribus Ecclesiasticis, si penitiùs rem excutiamus. Plures è Patribus Christianis Angelos extitisse ante Terram, vel ante Mundum Mosaicum, per ignota nobis sæcula, statuerunt; Aliqui etiam cœlos supremos, vel cœlum Empyreum. Sed de Angelis constantior est, & à pluribus celebrata, sententia. Ut mittam Origenem, hoc Sanctus *Basilius* in *Hexaëmero*: *Chrysostomus*, περὶ τῆς σκανδαλιδένιας, c. 7. πολλῶ ταύτης ἡ κτίσεως πρεσβύτεροι, &c. *Gregorius Nazianzenus* Orat. 38. & alibi. *Johannes Damascenus*, l. 2. Orth. fid. c. 3. *Joh. Philoponus*, de Creatione Mun. l. 1. c. 10. ult. *Olympiodorus* in *Job* 38. aliique è Græcis, docuere. E Latinis etiam non pauci eidem sententiæ adhæserunt. *Hilarius*, l. 12. de Trin. *Hieronymus*, *Ambrosius*, (in *Hexam.* l. 1. c. 5.) *Isidorus Hispalensis*, *Beda*, aliique. Hieronymi verba libet apponere, Sex mille necdum nostri orbis implentur anni, & quantas priùs æternitates, quanta tempora; quantas seculorum originēs fuisse arbitrandum est, in quibus Angeli, Throni, Dominationes, ceteraque virtutes servierint Deo. In Libro de Trinitate, sive Novatiani, sive Tertulliani

Hom. 1.

In Tit. 1. 2.

sit, tam mundus Angelicus,quàm super-firmamentarius, conditus dicitur ante mundum Mosaicum; his verbis, *Quaquam etiam superioribus, id est, super ipsum quoque solidamentum, partibus, Angelos prius instituerit, spirituales virtutes digesserit, Thronos, Potestatesque praefecerit, & alia multa caelorum immensa spacia condiderit, &c.* Ut hic mundus novissimum magis Dei opus esse appareat, quàm solum aut unicum. Ad quem locum ita Pamelius; Fuit non modò Novatiani hac sententia, sed etiam Beati Hieronymi, tum Graecorum omnium, *Quod Angeli prius, (id est, ante omnem creaturam mundi nostri) instituti fuerint.* Denique, Catholicorum hanc communem fuisse sententiam, notat Cassianus suo tempore, nempe saeculo quinto in-  
eunte. *De quâ, inquit, nemo fidelium dubitat.* Et cum hoc dogma plenius exposuisset, subdit, *Ante illud Genesews temporale principium, omnes illas potestates caelestes Deum creasse, non dubium est.* L. 8. Col-  
lat. c. 7.

Et quo minùs dubitent de hâc praeexistentia Angelorum, faciunt verba Domini ad Jobum, c. 38.4, &c. *Ubi eras quando ponebam fundamenta Terræ: cum me laudarent stellæ matutinae & jubilarent omnes Filii Dei?* Ubi subdit Olympiodorus, ἀπὸ τέτυθ' ὁ λόγος, ὅτι πρῶτοι οἱ Ἄγγελοι τῷ κόσμῳ γεγέννηται. *Angelos in creatione mundi primò conditos fuisse, ex hoc loco manifestum est.* Constat scilicet ex his verbis, ante jacta Terræ fundamenta, extitisse Angelos, & laudes Deo cecinisse in primâ orbis nostri molitione. Dein, si Stellæ matutinas ad literam accipias, constat hinc Sydera & caelos Telluris nostræ foundationem antecessisse. Præterea, rerum intellectualium existentiam antemundanam eruit Hieronymus ex iis sacrarum literarum locis, ubi aliquid agi dicitur περὶ χρόνων αἰώνων, ut Tit. 1.2. 2 Tim. 1.9. vel περὶ τῶν αἰώνων, 1 Cor.

2. 7. ante sæcula hujus mundi. Neque minus includitur in illâ locutione, *περὶ καταβολῆς τῆ κόσμου*, 1 Pet. 1. 20. Ephes. 1. 4. Joh. 17. 5. & 24. *ante jacta mundi fundamenta*. Quod non denotat nudam æternitatem, sed hujusce mundi periodos & fundationem. Quorum utrique præ-existit Anima Messiz, & œconomiz Christianæ mysterium. Sed ad Angelos redeamus.

Denique, ut oraculis sacris, & authoritate Patrum, ita ratione & argumentis, idem licet evincere. Lapsi sunt Angeli ante mundum nostrum conditum, ergo prius creati, idque per aliquot sæcula. Neque enim verisimile est, eâ imbecillitate factas esse præstantissimas creaturas, ut in malum & miseriam prolaberentur statim ab ortu & natalibus; Neque id convenit Deo optimo, maximo, rerum omnium intelligentium Patri benigno, ut sui operis partem nobilissimam loco adeò lubrico collocaret, ut statim, amotâ Conditoris manu, præceps rueret in perniciem: in extremas pœnas, & tristissima Tartara, æternum damnanda.

Quæ cùm ita sint, ab Angelis ad mundum corporeum transeamus. Ubi illud primò notandum, si nulli prorsus materiæ uniti fuissent Angeli, nullam inde voluptatem, aut perceptionem qualemcunque habuissent, vix fieri potuit, ut à suis sedibus & primævo statu, detorquerentur. Ubinam locorum habitârunt Angeli ante-mundani? In cœlo & luce habitâsse, ait *Basilius*. Ex antiquis multi, ut notum est, *σώματα λεπτά*, atque sui generis: non crassa & terrestria, instar nostrum, Angelis attribuant: Et Concilium *Nicanum* secundum, hanc doctrinam, ex libro Johannis, Episcopi Thessalonicensis propositam, ratam esse voluit. Itâ se habent verba, *De Angelis*,

*Hier. 2.*

*Act. 5. edit.  
2644. Paris.  
rif.*



Et Archangelis, Et eorum potestatibus; quibus Et nostras Animas adjungo. Ipsa Catholica Ecclesia sic sentit. Esse quidem intelligibiles, sed non omnino corporis expertes, Et invisibiles: ut vos Gentiles dicitis; verum tenui corpore preditos, Et aërio, sive igneo: ut scriptum est, Qui facit Angelos ipsius, Spiritus: & ministros ejus, ignem urentem. Sic autem multos Sanctorum Patrum sensisse cognovimus: quorum est Basilius, cognomento Magnus: & B. Athanasius, & Methodius, Et qui stant ab illis\*. Non id volunt, Angelos esse corpora, sed habere corpora, ut habent Animæ humanæ. Non tamen ejusdem luti cum nostris hodiernis, sed tenuia instar aëris aut ignis: & eorum similia quæ habituri sumus, cum erimus ἰσαγγελοι. Denique, qui locum illum, Gen. 6. 2, &c. de congressu Angelorum cum filiabus hominum, interpretantur: id quod faciunt è Patribus, aliisque, non pauci<sup>a</sup>: necesse est asserant Angelos habere corpora, suæ naturæ propria & cognata. Ex quibus omnibus colligitur, unâ cum Angelis materiam aliquam cœlestem Telluri præextitisse.

\* S. August. multis in locis, quos vid. apud Sin. Sen. l. 5. Annot. 8. Vid. Casarium Dial. 1. R. P. tom. 4.

<sup>a</sup> Præter Philon. & Joseph. Just. Mart. Apol. ad Sen. R. m. p. 44. Athen. Leg. p. 27. Origenes.

Clem. Alex. multis in locis. Euseb. præp. Evan. l. 5. c. 4. Methodius apud Phot. cœd. 234. E. Latinis, Tertullianus de hab. mul. c. 2. Et aliis in locis. Lactan. l. 2. c. 14. Cyprian. de disc. & hab. Virginum. Ambros. l. de Nee. Sulp. Sever. hist. sac. l. 1. c. 3.

Sed quæcunque aut qualiscunque fuerit illa materia lucida, subtilis & tenuis, non extitit seorsim & ante reliquam massam materiæ. Omnis enim materia simul & semel è nihilo producta est. Neque concipere licet actionem creationis in partes & distantia sæcula divisam: manentibus interim vacuis reliqui mundi plagis & regionibus. Si mica materiæ extitit ante Epocham Mosaicam, tota moles universi, me iudice, ante eandem extitit. Ac proinde si materia

teria illa Angelica, vel Angelorum vehicula, præcessere originem Telluris, ut philosophantur Patres Græci: omnis materia aliquo modo præcessit. Ejusdem verò dispositio & ordinatio, secundum varias partes, regiones, & formas, alio atque alio modo & tempore, ad præscriptum Providentiæ, obtinuit.

Haftenus de Angelorum præ-existentiâ, & ipsius etiam materiæ, in quantum cum Angelis connectitur, ex auctoritate Patrum egimus. Redeamus jam ad rerum naturam, & mundum aspectabilem; Neque enim desunt argumenta plura in mundo corporeo, quæ eandem Materiæ antiquitatem confirmant: atque Epocham Mosaicam, præter propter, sexmillennem, non totius universi originem, comprehendere, sed Telluris nostræ sæcula, & tempus formationis è suo Chao, satis testantur. Si phænomena cælorum perlustremus iterum, Syderumque, tam Errantium quàm Inerrantium choros: faciliè credemus, tam numerosam progeniem, & meliori dignam parente, non unius Chaüs Terreni sobolem esse; neque pati posse, ut intra exigui temporis cancellos eorum ætates & historiæ includantur. Perpendamus, si placet, quod jam constat omnibus, Tellurem esse Planetam: multosque esse Planetas, præter Tellurem, ejusdem indolis, similisque materiæ & formæ: Quos omnes, probabile est, eundem habuisse suæ originis modum & principium: nempe, unumquemque ortum esse è suo Chao. Ex quo autem facta est Terra, nullius novi Planetæ natales vidimus: ac proinde, aut omnes sunt antiquiores Terrâ, aut coævi. Si prius, res confecta est: sin coævus feceris, tot oportebit supponere Chaos, quot sunt primarii Planetæ. Constat enim Jovem, exempli gratiâ, qui suos circumrotat satellites, sibi esse centrum, neque pendere

pendere qualitercunque è Terrâ nostrâ ; uti quidem nec reliqui ; præter Lunam.

Præterea, Stellæ Fixæ videntur antiquiores Planetis, & unamquamque esse sui orbis aut vorticis centrum. Tot itaque systemata constituenda sunt in cœlo, quot sunt Fixæ : quæ cum sint, numero & mole, maximæ, absorbent hoc punctum Telluris, quasi minus nihilo : neque inde repetendas esse earum origines, aut eò deberi gratias, faciliè ferent cœlorum amici, aut quivis Dei operum æqui æstimatores.

Denique, verisimile est Planetas olim fuisse Fixas : Terramque ipsam in eodem censu & ordine numerandam esse. Planetarum origines ex aliâ quacunque hypothese, haud faciliè expedit. Saltem si ignem habent in Centro, quod admodum probabile est. Præterea, vidimus Solem, densis maculis quandoque faciem obductum : legimusque per aliquot dies pallidum, obscurum, & quasi extremâ jam in morte luctantem ; Is autem qui ægrotat, potest mori : & quod uni accidit, aliis ejusdem generis (congeneres autem sunt omnes Fixæ) accidere potest. Fixæ igitur sunt extinguibiles : extinguitur autem Fixa, cum, crasso macularum cortice, quem perumpere non potest, oblecta, in corpus obscurum & opacum degenerat : Quale quiddam est Planeta.

Postremo, Stellæ novæ, quæ nuperis annis apparuerunt in cœlo, nullum habuere cum Terrâ, quoad origines suas, nexum aut cognationem. Neque magis ullum habent Cometæ : qui, licet, in nonnullis, dubiæ sint & difficilis explicationis, nihil aliud esse mihi videntur, quàm Fixarum cadavera, ut ita dicam : nondum sepulta, nondum ad requiem composita. Vagantur per varias cœli regiones, Umbra-  
rum instar, donec invenerint sedes aptas ; Quibus  
R r  
reperitis.



reptis, fugam sistant, & in Planetas conversi, circa aliquod astrum motus suos obeunt. Quod si; ex aliâ hypothesi, pro corporibus originariis habeantur Cometae, tam immensos peragunt circulos & periodos, ut, eundem nobis unquam bis visum esse, in eâdem sui circuitûs parte, à nemine probari potest.

Hæc & hujusmodi cœlorum phænomena, ad Epocham sexmillennem, salvis naturæ legibus, ægrè revocari possunt. Quin fatendum erit potius non eandem fuisse originem, neque coævam; Telluris nostræ & totius Universi: sive Intellectualis, sive Corporei. Neque mirum videri debet hæc non distinxisse Mo- sem, aut Universi originem non tractasse seorsim ab illâ mundi nostri sublunaris: Hæc enim non distinguit populus, aut separatim æstimat. Maxima pars hominum reliquum naturæ & Universi pro quâdam habet Orbis nostri aut Telluris appendice, quæ nihil valet ex seipsâ, sed attexitur in usum humani generis, & ut commodis nostris inserviat. Rectè igitur Legislator sapientissimus philosophis reliquit id negotii, ut ubi maturuerit ingenium humanum, per ætatem, usum, & observationes, opera Dei alio ordine digererent, perfectionibus divinis atque rerum naturæ adaptato. Sed de hoc Capite satis, pergamus ad alia.

Tertiò, memorat Moses in suo Hexaëmero celebre phænomenon, quod nullibi rerum comparet. *Aquas* intelligo *supercælestes*: quibus condendis, aut suis sedibus disponendis, Deus impendisse dicitur integrum diem: non minus scilicet temporis quàm condendo Soli, & Lunæ, & toti cœlorum exercitui! Hæc corpora præclara meritò sibi vendicant viginti quatuor horarum labores, sed rei obscuræ & incognitæ tantundem operis invidemus. Age verò, quæ-

ramus.

ramus has aquas invisibiles : quibus hærent sedibus, aut olim hæserunt. Ait Moyses, supra Firmamentum positas esse: Solem verò & reliqua sydera in Firmamento. Eâ ratione aquas illas collocat super omnes Stellæ, aut cælum stellatum; Harum nihilominus centrum, omniumque rerum, constituit Terram; Cùm verò graviores sint aquæ materiâ cœlesti, ipsoque aëre, quæ possunt hære in altissimâ sede, nullis corporibus intermediis crassioris sili, suffultæ? Nos vetat recurrere ad omnipotentiam divinam, in hâc materiâ, Sanctus Augustinus: qui in tractando hoc ipso argumento, ita nos monet, graviter & ap-positè. *Nec quisquam dicat secundum omnipotentiam Dei, cui cuncta sunt possibilia, oportere nos credere aquas tam graves quàm novimus atque sentimus, cœlesti corpori, in quo sunt sydera, superfusas: nunc enim, quemadmodum Deus instituerit naturas rerum, secundum scripturas ejus nos querere convenit, non autem quod ipse in iis, aut ex iis, ad miraculum omnipotentia sue velit operari.* Huic concinit, quod generalius nos docuit alibi, *Sic Deus administrat omnia quæ creavit, ut ipsa proprios motus exercere & agere sinat.* Penes has regulas esto judicium.

*L. 2. de Gen.*

*ad lit.*

*Civ. Dei. I.*

*7. c. 30.*

Præterea, si extitissent supra altissimos cœlos hujusmodi, nescio quales, Aquæ: quid interfuisset populi hoc nôsse mysterium? Alienum est à more & proposito Moysis, res invisibiles & absconditas, & inutilis notitiæ, memorare in suo Hexaëmero: quod mundi aspectabilis phænomena tantum prosequitur: utpote quæ omnium oculos feriunt, & Creatorem desiderant; Quæ verò nullibi comparent, nullo indigent authore, nullâ explicatione.

Quare nonnullis visum est, has aquas supra Firmamentum positas, de nubibus aquosis interpretari, atque

duplex ideò statuerè firmamentum, superius & inferius: Illud, in quo resident stellæ: hoc, in quo fluctuant vapores, nubes, & meteora: nempe spatium quod interjacet Terram & mediam aëris regionem; Firmamentum appellant. Sed ex hâc interpretatione, quid est, quæso, quod Deus creavit secundo die? aliquantulum spatii? hoc intervallum quod est inter nos & nubila? At istud intervallum extitit antea: non ad mediam aëris regionem tantum, sed ad supremum utque cœlum, protensum: sive Lucem primigeniam, sive Chaos, interpositum supponas. Quid igitur rei est, quæ sententia, creare intervallum: dein creare intervallum secundo die, quod extitit primo? Neque sepimentum aliquod solidum in cœlis fluidis jam admittitur.

Sed ad refellendum ulteriùs hanc interpretationem, audiamus verba Moïsis: Secundo die, inquit, *Deus dixit, Fiat Firmamentum in medio aquarum, & disterneret aquas ab aquis.* Nempe superiores ab inferioribus. Extiterunt igitur hæ aquæ, tam superiores quàm inferiores, ante factum hoc Firmamentum interaqueum. Terminus enim, vel determinatio, est rerum jam existentium. Dic igitur quænam erant, vel ubinam locorum, hæ aquæ superiores ante factam hanc separationem. Videntur fuisse prius massa continua, atque hâc contignatione bipartiri. At pluvix non extiterunt antea, neque nubes. Has itaque si haberi velis pro aquis superioribus, non respondet interpretatio verbis Moïsaicis. Denique præposterum esset, nubes condere ante Terram: vel tanti facere hæc vaporum coagula, quæ fiunt & pereunt singulis diebus, ut sextam partem magni Dei operis occuparent.



Res cõredit : Generationem naturalem pluvix per vapores densatos, non capit populus : sed pluviam cœlo divinitus missam credit, sive immediatè à Deo ; Huic ut opinioni saveret Moses, statuit commune receptaculum Aquarum super cœlos : ut Deus, pro lubitu, laxatis vel occlusis Cataractis, pluviam dimittat vel retineat. Hæc mihi videtur mens & consilium sacri authoris, quoad Aquas supercœlestes. Atque hoc modo dignitati Mosis optimè consulitur, si, quoties recessum est à veritate physicâ, id fieri supponamus, κατὰ συγκατάβασιν, ad vires usumque populi suam Cosmopœiam accommodando.

Eodem modo cùm de *Luce primigeniâ* agitur, in primo die creationis, id phænomenon est pariter inexplicable ratione physicâ ; sed ne Deus videretur in tenebris operari per triduum, opportunum visum est Mosis, sub ipso initio operis, *Lucem* proferre. At qualem Lucem ? Lucem sine fonte, sine scaturigine. Lux autem, si philosophemur, profluit ab aliquo centro, ubi cor & principium sui motus. Prodit autem Lux in hâc Cosmopœiâ ante omnem distinctionem cœlorum in orbes aut vortices. Præterea, secundum literam, videtur Deus intermisisse opus suum nocturno tempore, ut solent homines : Sed non video quâ perfici poterat alterum Hemisphærium (cœleste vel terrestre) si ulla fuit operis intermissio, & Deus non ageret nisi ubi lux esset. Cæterum has minutias non curat populus, neque Antipodas somniat, aut alterum hemisphærium : sed mundum concipit instar Tentorii, cujus tectum est cœlum : & planities Terræ, fundamentum. Jsa. 40. 22.

Succedit Tertiæ diei opus, ubi origo Oceani ἀρχὴ τοῦ ὁκεανῆος & ἀδεωπήτως, ad captum vulgi describitur : his verbis, *Congregentur Aquæ*, inquit Deus, *in unum locum,*

*locum, & appareat Arida. Aridam autem vocavit Terram, & congregationem aquarum, Maria. Hæc collectio aquarum ad discooperiendam Terram, quæ sub Abyllo latuit, duobus tantum modis fieri potuit: vel accumulatione aquarum certis in locis, ut nullæ manerent in reliquis: vel excavatione Terræ subabyllinæ, certis in locis, ut aquæ eò subsiderent. Sed accumulatio illa non efficeret alveum Oceani, itaque omnes Interpretes aiunt, excavatione Terræ factum esse alveum Oceani, còque deductis, aut aggregatis, aquis, denudatam esse Terram in cæteris locis. Præterea, eâdem operâ factos esse montes, aiunt: nempe ex Terrâ egestâ ex hâc fossâ marinâ, & variis in locis exaggeratâ.*

*Quid luculentius hâc originatione Oceani & Montium, si calculis & severiori examine abstineas. Hæc itaque debent placuisse & satisfecisse populo, qui se non torquet argutiis. Quibus verò animus est harum rerum examen strictius instituire, consulant, si placet, quæ scripta sunt, Theoriæ l. 1. c. 8, 9. & ultimo. In quo ultimo Capite, per rationes multiplices, & indicia manifesta, monstratur, neque alveum Oceani, neque Montes, neque primam Aridam habitabilem, ab hâc origine provenire potuisse. Eadem verò hic repetere, aut plura addere, haud operæpretium esset.*

*Hæc de primo triduo Creationis Mosaicæ. In quâ, si primi & secundi diei opus præterisset Author, nempe Lucem illam vagam, & Aquas supercælestes: versumque nonum proximè subjunxisset secundo, suo mundo, vel o. bi habitabili, nihil defuisset. Sed quoniam diem septimum, saltem ut mihi videtur, pro Sabbatho habere & consecrare decreverat, protrahendum erat opus Creationis in sex dies: ut unâ cum*  
*memoriâ*

memoriâ mundi absoluti, & exemplo Dei requiescentis ab omni operâ, septimus dies perpetuò celebraretur. Sed admodum inæqualia sunt hõrum dierum pensa: Primi diei opus icu oculi peractum fuisset: atque, ita opinor, secundi. Sed Diei tertii magnum esset molimen & diuturnum. Primò excavare fossam tantam, quanta est illa Alvei marini; Dein, Aquas omnes, quæ superficiem Terræ operiebant, derivare, vel potius detrudere, in illam fossam. *Detrudere*, inquam, quandoquidem non sponte irent versus mare, cùm nulli essent adhuc fluviorum Alvei, neque terrarum declivitas. Ubi appliciti erant novi montes, aut egestæ terræ cumuli, iis in locis excuterentur aquæ, & tantundem proflueret in fossam: sed in reliquis locis nisi vis alia accederet, hærerent immotæ super faciem Terræ. Utcunque si decurrisse supponas rapidè instar fluviorum, è locis nonnullis Mediterraneis ad mare, aliquot dierum iter esset. Quarta diei pensum videtur non minùs operosum: Solem, Lunam, Sydera; Deus bone, quot & quanta corpora, una dies parturiit & perfecit. In singulis autem Planetis condendis sex dies impendendi essent, non minùs quàm in nostro; cùm eadem ferè sint formâ, nec dissimili, quantum constat, supellectile & apparatu. Præterea, aggregandi erant omnes, secundum ordinem rerum, ad Tertium diem, cùm sint corpora Terrestria. Luna maximè, quæ à suo centro, Terrâ, agrè se divelli patitur, & in aliam classẽ transferri. Sed Moses sequitur Philosophiam vulgi, Lunamque copulat cum Sole, quasi similis essent indolis & magnitudinis. Quinti denique, & sexti diei opera erant multifaria. Omnium Avium & avicularum: Piscium & pisciculorum: Bestiarum, & bestiolarum, corpora, fabre-



facta fuere in hoc biduo: ex aquis & è Terrâ producta. Tardiùs hodiè proceditur in concinnandis corporibus Animalium: Neque id miror, cùm tanti sint artificii. At cùm cujusque animalis & animalculi corpus adeò accuratè formatum & compositum sit, corpus Telluris, communis omnium Matris, adeò deforme, hiulcum, & ruinosum fuisse ab origine mundi, ac est hodiè, nunquam inducar, ut credam. Sed hoc obiter.

Voluit Sanctus Augustinus, hæc omnia, quæ dicuntur opera sex dierum, unico momento creata fuisse: quæ disperseuit Moses in classes & diversa tempora, quo magis juvaret imaginationem populi, in concipiendis rerum originibus. Deus, ut mihi videtur, omnem substantiam, sive intellectualem, sive corpoream, unico momento, & indivisibili actu, è nihilo produxit. Neque eâ ratione à scopo aberravit Augustinus: Sed non hîc agitur (secundum rei veritatem) de universâ substantiâ, sed de mundo Terrestri tantùm: nec de ipsius creatione, sed formatione. De creatione rerum omnium ex nihilo, sive ex nullâ præ-existente materiâ, dubitari non potest, neque id fuisse ab æterno. (Creatura enim æterna à nobis concipi non queat) sed limites sex-millennes, Epocham breviusculam, Creationi divinæ præscribere nunquam ausus sum. Id, cum multis aliis, inter arcana Dei libentiùs relinquo.

Hæc breviter annotata ad Genesin rerum à Mose propositam, arguere videntur, non id consilii fuisse sacro auctori, ut mundi ortum explicaret secundum veritatem physicam: quod inutile fuisset populo philosophiæ indocili; sed origines rerum eâ methodo proponere, quæ facilis esset conceptu, animisque hominum pietatem ingeneraret, & veri numinis cultum.

Et

Et cum singulæ Gentes antiquæ, Ægyptiæ, Phœniciæ, Chaldaicæ, aliæque, suas habuerint Cosmogonias, in exordio plerumque historiarum, vel suæ Theologiæ, præmissas; opportunum duxit Moses, Legibus & institutis, quæ scripturus erat Israelitis, præfari, aut prætexere, non tantum suæ gentis originem, sed etiam totius Mundi. Quum verò fabulis læpeneret, & nescio quot Diis & Deabus, refertæ essent illæ gentium Cosmogoniæ: non sine gravi Religionis corruptelâ; His omnibus expunctis, castè & innocuè argumentum tractavit. Et quò Idololatriæ radices evelleret, Cælum, Solem, Lunam, Sydera, aliarum gentium maxima numina, non ut æterna, neque sui gratiâ condita, exhibuit: Sed ut huic orbi sublunari, atque usibus humanis inservirent \*.

\* S. Basil.

Hom. 5.

*princ.* Διὰ τὸτο πρῆστον πρῆστον τὴν ἡλίαν ἢ τὴν γῆν διακόσμησις, ἵνα καὶ τὰ στοιχεῖα τῆς φύσεως ὡς αὐτὸν τὴν αἰτίαν τῆς ζωῆς παρεχόμενον, οἱ πεπλανημένοι ταύσαντο, ὥς. *Dein, hom. 6.* ἡλιος δὲ ἔστω γῆς, ὥς. *In eundem sensum vid. etiam Philoponi κοσμοσ. l. 4. c. 1.* πολλὰ μὲν εἶπον ὡς εἰσαγαγόντων, ὥς.

Hoc mihi videtur Sacri Scriptoris fuisse propositum. Quod si nudam veritatem ac Theoriam physicam, quæramus, alia tela texenda est. Nempe statuendum, si rectè judico, Mundum, qui exortus est sex abhinc prope millenniis, non aliud fuisse quàm Orbem Sublunarem, sive Tellurem nostram cum suo cœlo. Atque illud Chaos unde ortus est, non universale, aut per immensâ cœlorum spatia diffusum esse, sed intra præfatos limites contentum, totum scilicet infra Lunam. Dein ex illo Chao prodiit Tellus primigenia: non eâ formâ, quam depinxit Moses: Ille enim formam istam delineavit, quæ populo ante oculos obversabatur, hodiernam scilicet, & post-diluvianam; Nec sine longâ verborum ambage &

S f

argumen-

argumentorum serie, ad primam formam ascendere potuisset, & utriusque filum ad sua tempora deducere. Denique, nec Sol, nec Sydera, composita sunt ex hoc Chao Terrestri: Sed cùm Hominem, quasi rerum apicem, & sub Deo, supremum Dominum, constituisset Moses, ipsius gratiâ totum Universum conditum & constructum exhibuit. Hæc mihi videtur ratio utriusque Cosmopœiæ, Physicæ & Ethicæ: ita enim appello Mosaicam: cùm non tam *φυσικῶς* quàm *ἠθικῶς*, institui & ordinari videatur. Interea, si aliis aliter visum fuerit, ego neminem vexo, aut de suâ sententiâ deturbare cupio. Quisque suâ luce, atque suo sensu, gaudeat. Eâ autem omnes tenemur uti ratione, quam Deus singulis indulsit, donec quid clarius de cœlo affulserit.

---

## C A P. IX.

*Dubiis & objectionibus occurritur, quæ ab iis, qui literæ Hexæëmeri adhærent, contra præfatam expositionem urgeri poterunt.*

**H**IS ità expositis, magnam objectionum molem obstare video; Quam tamen, pro viribus, amovere conabor, atque causam conservare integram apud æquos iudices; Quorum utpote officium esse ducimus,



ducimus, ex amore veritatis, & rationum momentis, non ex inveteratâ opinione, sententiam ferre. Rem autem, quàm potero, adductis utrinque rationibus, paucis expediam.

Aiunt imprimis hujus expositionis adversarii, A-  
LIUD esse Creationem, Aliud rerum jam creata-  
rum Formationem: Loqui autem Moſem de Crea-  
tione rerum ex nihilo, cujus Epocham ſtatuit paucis  
retrò millenniis; Nos autem id totum interpretari—  
de Formatione rerum, ſive de materiæ confuſæ in  
mundum habitabilem diſpoſitione. Statum quæſti-  
onis accipimus: ſed neque à verbis Moſis, nec aliun-  
de, probari poteſt quod obtenditur. Vox כרא apud—  
Hebræos, κτιζειν apud Græcos, creare apud Latinos,  
vim iſtam non habent. Nec in quacunque Linguâ,  
quod ſciam, productio rerum ex nihilo; unicâ voce  
comprehenditur. Viſ & uſus dictarum vocum in  
tribus iſtis linguis, ſatis nota ſunt: Et quoad Hebrai-  
cam ſpeciatim, uſumque in ſacris literis, vocem כרא  
aliis actionibus effectivè applicari, quàm primæ re-  
rum productioni, apud omnes in conſeſſo eſt. Ab  
iſtoc igitur vocabulo nihil probari poteſt. Neque,  
inquam, aliunde, vel à ſacris literis, vel à ratione,  
ſuſtentari poteſt hæc obſectio. Ait quidem Apoſto-  
lus, πίττει νοῦμῶν κατηρτίδαι τὰ αἰῶνας, ῥήματι θεῶ,  
εἰς τὸ μὴ ἐκ φαινομένων τὰ βλεπόμενα γεγονέναι. Κατηρ-  
τίδαι (adaptari, compingi, conſtrui) non ſignificat—  
productionem rei ex nihilo: ideoque non dicit Apo-  
ſtolus, μὴ ἐξ ὄντων, ſed μὴ ἐκ φαινομένων, κατηρτίδαι  
τὰς αἰῶνας. Ex non apparentibus: ſive quod jam eva-  
nuerint, in aliam formam mutata: ſive quod olim  
etiam erant tenebroſa, & ἀόρατα. Nempe intelli-  
git, quod antea notavimus, molem illam cæcam &  
indigeſtam, quam כרה תהו appellavit Moſes. Hanc  
S f 2 molem,

Heb. II. 3.

molem, hoc Chaos, in ordinem speciemque mundi habitabilis digessit Deus, & partes ipsius adaptavit, quasi membra corporis, è massâ femineaeducta, formata, & coagmentata.

Denique quoad Rationem & exterioris mundi phænomena, nihil est in rerum naturâ quod novitatem Materiæ arguit : sed novitatem Formæ, multa. Quinimò circa cœlos nonnulla notavimus in præcedenti capite, quæ ætatem plusquam sexmillenem non obscurè indicant. Omnis autem materia, ut antea diximus, est cœtanea : &, ni fallor, omnis substantia creata. Angelos porrò præ-existisse Mundo Mosaico, in superioribus probatum dedimus : Animasque humanas suis corporibus Terrestribus præ-existisse, docuit antiquitas, tam Orientalis, quàm Occidentalis. Vides quàm multa faciunt in partes antiquitatis rerum, sed ex nullo Capite probari potest, Chaos Mosaicum, tunc temporis, è puro puro nihilo prodiisse.

Secundò objicitur, quærendo, si materia Chæus existit ante Mundi Mosaici principium, Quid fuit, quem in finem existit, aut ubinam loci, ante illud tempus? Respondeo, Hæc non esse sollicitiùs quærenda, cùm magnâ ex parte notitiam nostram fugiant. Sed vidimus quandoque novas stellas in cœlo oriri, quæ nunquam antea apparuerant, quas tamen præ-existisse sub aliquâ formâ, & alicubi locorum, æquum est, credamus. Præterea, Cometas sæpe in cœlo advertimus, quorum origo & primæ sedes nos latent. Denique, neutiquam fingendum est, cœlos esse incorruptibiles ; Corpora cœlestia perinde ac Terrestria, suas habent vicissitudines & transmutationes ; Atque ipsæ Fixæ in Planetas, mediante Chao, *con*verti possunt : & vicissim Planetæ, excussis for-

dibus, in Fixas reviviscere. Ea est rerum omnium creaturarum instabilitas & reciprocatio. Hæc de materiâ Mundi.

Tertiò obijcitur, quoad Formam, ordinem, & genera, rerum conditarum, Mosem, ex hypothesi nostrâ, recessisse à veritate, & à rerum naturâ: quò confuleret, ut fingitur, utilitatibus populi, & vulgaris ingenii modulo. At veritas, inquiunt, est res sacra & inviolabilis, quam nullo prætextu lædere, aut ipsius dignitatem infringere: nullas ob causas penitus abdicare licet, maximè viro sacro, & in tractandis rebus sacris.

Hæc est decumana objectio, quæ omnium ferè vires complectitur: & si huic obsistendæ vel superandæ pares fuerimus, minùs metuendum erit à reliquis. Fatemur imprimis, Mosem recessisse à veritate physicâ in suâ Cosmopœiâ: Fatemur etiam, veritatem esse rem sacram: sed in sacris sunt varii gradus & ordines, quorum alii aliis sunt magis aut minùs inviolabiles. Hic de veritate physicâ agitur, non morali aut divinâ: nihil autem usitatius est in sacris literis, quàm, neglectâ veritate physicâ, rerum naturas λαοδογματικῶς exhibere: hoc est, secundum opinionem, affectus, & judicia, populi. Ita Terram planam, & quadrangularem, exhibet sacra Scriptura: Cælum solidum, & expansum instar tabernaculi: Lunam inter maxima sydera: Solem ab Oriente in Occidentem quotidie cursitantem: Oceanum litoribus altiore; Hæc de Mundo Corporeo. Dein Angelos alatos & linguatos: Animasque sanguineas & post mortem dormituras: Denique, Dei ipsius, Optimi Maximi, aures, oculos, manus, digitos, memorat, & reliqua membra; Præterea, Infiniti Numinis motus locales, affectus, & passionēs. Hæc vera esse dixeris,



dixeris, vel ad captum vulgi accommodati? Quod si in tot tantisque rebus non refugit aut reformidat Scriptura sacra à veritate recedere, quid ni licuerit Mofi eâdem uti libertate in tradendis rerum Originibus? cùm istiusmodi reverà fuerint, ut earum explicationem nudam & philosophicam, populus, nec scire, nec ferre potuisset.

Neque apud Sacros Scriptores tantum, sed etiam Gentium philosophos, moris erat, populum, ἡ πολὺν ἐξημερώσαντων, ut illi loquuntur: vel etiam Discipulos νεοφύτους: crasso modo erudire. Et non nisi peracto quodam Tyrocinio literario, ad interiores rerum sensus admittere. Hunc duplicem docendi modum inter Philosophos sæpius notavimus in præcedenti libro: secundum illud dictum Parmenidis, διπλῶν ἐστὶ τῶν φιλοσοφίαν, ἢ μὴ καὶ ἀλήθειαν. ἢ ὅ κατὰ δόξαν. *Duplicem esse philosophandi modum, secundum veritatem, unum: alterum, secundum opinionem communem.* Sed non uno modo celârunt veritatem Antiqui: quandoque sermone symbolico, parabolico, vel aliàs figurato: quandoque sermone populari & plebeio: quandoque res explicando κατὰ τὸ θεῖον, vel κατὰ τὴν πρόνοιαν, non ad naturæ leges. Horum omnium modorum exempla habemus in sacris codicibus: neque ideò mirandum, aut hos aut illos secutum esse Mosem, in explicando mundo naturali, ipsiusque origine.

Diximus supra, in rebus sacris, alias aliis esse facratiores: & quantum ad *veritatem*, hanc sequimur, celamus, aut dissimulamus, pro rationum momentis, quæ inde pendent. Cui unquam, viro probo, viro pio, religio est, ægrotos, pueros, aut mentis malè compotes, in suum ipsorum commodum fallere & decipere? Et quid ni numeremus in hoc sensu rudem

& indocilem plebem eodem modo tractandam? nempe cum res postulat, & majoris boni adipiscendi ratio. Malo dolo uti in alterius damnum, nefas est: sed ob commune bonum, & ad succurrendum infirmis, fallimus & fallimur sine crimine. Est aliquid magis sacrosanctum & inviolabile in ratione Boni, quàm in ratione Veri; Quæ cùm pariter conciliari non possunt, cedit posterius priori.

Ut hæc ad propositum, Mosemque nostrum, applicemus; Convenimus libenter, non temerè aut levi de causâ recedendum esse à vero. Sed verum quod effertur sine fructu, est superfluum: quod autem non sine gravi damno, est noxium. Nostro autem Mosi ita comparatum erat cum suo populo, ut neque cum eorum fructu, nec sine damno, exquisitas rerum origines iis exponere poterat. Quid si proposuisset Moses, in exordio suæ Cosmopœiæ, verum mundi systema: dixissetque suis Israelitis, Scitote, Patres Fratresque, Terram, quam pedibus terimus, quæque nobis videtur immota, & rerum omnium stabile fundamentum, gyrare perpetuò, moveri celerimè, & per integrum sui orbem singulis diebus circumrotari: dein, singulis annis, ferri per altum æthera circa Solem, immensâ ferè orbitâ. Sol intereà, qui nobis videtur strenuissimus cursor, & duodecim horis, plus minus, ingens cœli nostri stadium conficere, nos fallit & ludit oculos. Ille enim hæret otiosus in suâ sede, per diem noctemque: atque id operis commendat Terræ, ut diem & noctem, & diversa annitempora, suo motu constituat & metiatur. Si hoc modo sermonem suum auspicatus esset Moses, annon, ut absurda narrantem, & à communi sensu aliena, cum risu aut fastidio accepisset populus! & non sine gravi suo damno, virum sacrum, tanquam nugiven.

nugivendum, rejecisset? Hæc tamen vera sunt, licet non utilia aut idonea vulgo: & quæ eorum loco substituit Moses, licet ad literam non vera, maximi erant emolumenti, & ingeniis aptata sui populi. In his igitur mutandis vicibus, cum res id extorquebat, viri Cordati & φιλαθρώπου officium præstitisse mihi videtur.

Liceat alterum exemplum, argumenti confirmandi causâ, & ad vindicandum Mosem, adjicere; Fingamus Theoriam Telluris, à nobis propositam, esse veram: Fingamus inquam, dicis gratiâ, Tellurem primigeniam aliam fuisse ab hodiernâ: constructamque eo modo & formâ, quibus in dictâ Theoriâ describitur: Operæ pretium fuisset Mosi, aut dignum munere Prophetæ aut Legislatoris, has minutias physiologicas exponere populo? Quinetiam surdis cecinisset suam philosophiam; neque enim hi laterum coctores, spirantes adhuc porrum & cœpe Ægyptiacum: Qui vitulum fusilem à Deo, Optimo Maximo, discernere non poterant: potuissent unquam, prima Dei opera, rerum principia, leges & motus naturæ, recognoscere, & ad veritatis normam exigere. Asini ad Lynam, ut inquit diverbium. Quare frustra fuisset Moses in erudiendis his Philosophis: Nec frustrâ tantum, sed etiam existimationem suam apud populum minuendo, novæ religionis, quam instituturus erat, vim & auctoritatem pariter fregisset. Omni itaque modo necessum fuit, illi, stylum demittere in hoc argumento: & ignaro populo favere, quò magis prodesset.

Quartò objicitur, si Cosmopœiæ ad veritatem physicam conformatæ, populum incapacem habuerit Moses, honestius, consultiusque illi fuisset, tacere illud caput de Creatione rerum, vel intactum præterire, quàm



quàm dolosè aggredi, & falsum pro vero substituere. Respondeo, Illud argumentum de Mundi origine, aut rerum creatione, penitus omittere, non erat integrum Mosis, neque tutum. Habuerunt Gentes circumvicinæ suas Cosmogonias, suam Historiam, aut Physiologiam, de Mundi origine : in plerisq; vitiosam, & veræ religioni inimicam. Atque has, similesve, Traditiones, aut Mythologias, secuti fuissent, nisi aliter edocti, Israelitæ. Si nuptum non dederis filiam, ipsa sibi maritum quæret, è famulis forsân, aut humili plebe : & nisi populo dederis suam fidem, dogmata, & opiniones, ipsi sibi fingent, quisque pro suo ingenio, pro suo affectu, aut pro suis vitiis.

Prætereâ, quod hic Mosis objectum velis, perinde potest objici Christo & Apostolis. Vita Futura, sive in cælo, sive inferno : & supremum iudicium, non possunt à vulgo rectè concipi, & secundum rei veritatem : ideone silentio premenda, aut sicco pede prætereunda, Christo & Apostolis ? Aliud planè testantur scripta Evangelica & Apostolica, ubi hæc sæpius depinguntur : non quidem accuratè, sed per imagines populares memoriæ firmiter inhæsuras, & movendis affectibus accommodatas ; Ità, delitiis Paradisi, & Coronis gloriæ, adumbratur cælum. Infernum verò, Igni inextinguibili, & frigore & tenebris extremis : vermibus denique cutem & carnem arrodentibus. Nec minùs, Dies Iudicii, per clangorem Tubæ, reserata sepulchra, Libros rationum expositos, & erecta tribunalia, describitur. Sic visum est Spiritui Sancto, res sacras humanitùs tractare, etiam in summâ luce Evangelii : Et quæ nudè proposita, & exactâ ratione, à nobis concipi non poterant, non proptereâ silenda duxit, sed in novas formas mutanda. In alias, inquam, formas, quæ

magis vivæ & conspicuæ essent omnibus, hominesque ad pietatem impellerent, & à malo fortiter deterrent. Hæc ad vindicias Mosis faciliè converti possunt, qui, eodem actus consilio, doctrinam de Mundi origine, vulgo inexplicabilem in suâ puritate, non idcirco prætermisit : sed eâ methodo digessit & explicuit, quæ religioni maximè esset profutura, nec multum oneraret intellectum populi.

Ultimò obijcitur, si à literâ Mosis recedere licet in primis capitibus Genesæ, quidni in reliquis etiam? ubinam sistendum : quo limite, quâ lege? ne, levitate scilicet ingenii, pereat ubique sensus Historicus & Literarius. Respondeo, communem & notissimam legem esse Interpretum, *Nullibi recedendum à literâ sine necessitate*. Hoc duce, tuti erimus : & si ullibi hanc legem violaverim, quæcunque ita dicta sunt, indicta velim. Illud præterea notandum, Cum de Mundo naturali agitur in sacris Scriptis, liberiùs receditur à sensu literali in his quàm in aliis locis : quandoquidem mille exemplis patet, in hâc materiâ ἀνθρώπων παθῶς, vel λαοδογματικῶς, locutos esse sacros authores. Lumen naturale est Dei donum, neque subter modio, aut in sudario, abscondendum ; sed quoties huic locus est in veritate indagandâ, ipsius ope uti debemus, in sacris oraculis enucleandis. Id non malè mihi dictum videtur, *Philosophiam esse scripturæ interpretem in rebus naturalibus* : sed philosophiam intelligo non aridam & jejunam, otiosi cerebri figmentum : sed quæ naturæ phænomenis, repetitis experimentis, solidisque rationibus, respondet. Denique in omnibus, sive Theologorum, sive Philosophorum partes agimus, animo æquo & moderato, summâque in numen reverentiâ & pietate, uti temur.

Hæc mihi videntur præcipua dubia, aut objectio-  
num capita, quæ remorari poterunt Lectorem, vel  
forſan arcere à ſententiâ noſtrâ amplectendâ. *Sen-  
tentiâ*, putâ, quæ ſtatuit, Moſem, prætermiſſâ ple-  
rumque veritate phyſicâ, rationes morales, ut itâ di-  
cam, vel Theologicas, ſecutum eſſe, in ſuâ de Mun-  
di ortu narratione. Deum unicum eſſe Mundi Au-  
thorem: & ab ipſius providentiâ regi & conſtitui re-  
rum omnium origines, motus, & fines: hoc imprimis  
ſtabilivit Moſes. Et quoad modum originationis, aut  
ordinem, licet à ſcientiarum tramite deſlexerit, non  
prolapſus eſt ad fabulas, ad nugas, aut craſſas ſu-  
perſtitiones, ut ſolent Coſmogoniæ gentium. Qui-  
bus omnibus multo caſtiores eſſe Moſaicam ſi con-  
tuleris, facilè cognosces. *Græcicam ex Heſiodo*,  
aliisq;e, noſtri; *Phœniciam*, ex Philone Biblio. *Æ-  
gyptiacam* refert *Diodorus Siculus*: aliasq;e alii. At-  
que his jam libet præterea adjicere, ut ſingularum  
indolem videas & diſtinguas, *Arabicam & Mahome-  
tanam*.

Aiunt Arabes, Deum Opt. Max. univerſitatem  
rerum conditurum omnium primùm *Tabulam quan-* Ecceheli.  
*dam ampliffimam & calamum*, creâſſe; ut ſingula *qua* Hiſt. Arab.  
*futura ſunt uſque ad finem mundi, in illam referret.* cap. 9. Hoc  
facto, album Margaritum procreavit: quod, cùm oculo  
majestatis conſpexiſſet, in aquas liquefactum eſt, unde  
*Abyſſus* emerſit. Hac ſubſecuta eſt aëris productio:  
tum *Animarum*, & *Angelorum*. Cateras autem Crea-  
turas moliens Deus, album unionem creavit, qui ſtatim  
ab intuitu divino liquefactus eſt, ac ebullire, ſumumque  
ſurſum emittere, cæpit, atque ſpumare. Quo facto,  
Terras ſeptem conſtituit, ex ejus ſpumâ, Deus: nec non flu-  
ctus & montes. Ex fumo verò, totidem cælos. Atque ita  
completa ſunt Cælum & Terra, ſecundum traditiones  
Arabicas.



His adhuc multo absurdior est Cosmopœia Mahometana: quæ occurrit in *Libro subtilitatum de cognitione veritatum*, atque hoc modo procedit. *Omni-um primùm Mahometi Læx à Deo creata est, Pavonis referens speciem & formam. Hanc in candidissimâ posuit Deus margaritâ, quam in pulcherrimâ appendit arbore, ubi Creatorem, annis circiter mille, summis laudibus celebravit. Mahometi autem conspectâ hâc luce, totus sudore perfusus est: Tunc ex sudore capitis ejus, condidit Deus Angelos: ex sudore vultûs, solium, Tabulam, Calamum, Solem, Lunam, Cælum, Stellas, & quicquid in cælis est. Denique, ut cætera mittam absurdissima, ex sudore pedum Terram universam, & quicquid in eâ est.*

Hujusmodi sunt gentium exoticarum Cosmogoniæ, futes & sordidæ. His nihil habet cognatum aut concolor, Moses: Qui, si à naturâ recessit, & a veritate physicâ, honestè & pudicè id fecit: ut pietatis cultor, & salutis publicæ studiosus. Solonis dictum supra memoravimus, Qui, interroganti an optimas leges Atheniensibus condidisset, respondit, *Optimas quidem quas illi accepturi erant.* Quod non minùs verum est de Legislatoris Hebræi doctrinâ & institutis, Quærentique, si optimam Cosmopœiam Israëlitis struxit Moses, respondendum itidem, Optimam quam illi ferre aut capere poterant. Id quod simpliciter optimum est, in rebus humanis sæpe attingi non potest: sed quod practicum, vel, sit verbo venia, practicabile, optimum est, id pro fine & scopo habet vir prudens & cordatus. Neque quicquam reperio in scriptis factisve Mosâicis, quod ab hâc regulâ discordat aut aberrat. Ac proinde veterum sapientum & prophetarum maximus, me iudice, semper haberi meruit & merebitur.

Neque

Neque tamen nos latet, Origines Mosaicas malè audire apud Authores extèros, & à nonnullis ferè ludibrio haberi. *Celsus anilem fabulam appellat. Simplicius aliquantò modestiùs, Fabulosam traditionem, ab Ægyptiis desumptam.* Hæc regerit Philopono. Scripserat nimirum Proclus pro mundi aternitate: cui respondet Philoponus: Dein Procli vindex, Simplicius, reponit Philopono, origines Mosaicas memoranti, hæc verba, 'Εἰ δὲ τὸ πρῶτον Ἰουδαίων νομοθέτην ἐνδείκνυσθαι, λέγοντα, 'Εν ἀρχῇ ἐποίησεν ὁ Θεὸς τὸ ἐρανον καὶ τὸ γλῶσσι· ἡ δὲ γῆ ὡς ἀόρατος καὶ ἀκατασκεύαστος· καὶ σκοτός ἐπάλω τὸ αἶθρον· καὶ πνεῦμα Θεοῦ ἐπεφέρετο ἐπάνω τῷ ὕδατι· εἶτα ποιήσαντος αὐτῷ τὸ φῶς, καὶ διαχωρίσαντος ἀνά μέσον τῷ φωτός, καὶ ἀνὰ μέσον τῷ σκοτός, ἐπήγαγε, καὶ ἐκάλεσεν ὁ Θεός τὸ φῶς ἡμέραν, καὶ τὸ σκοτός νύκτα· καὶ ἐγένετο ἑσπέρα καὶ ἐγένετο πρωὶ ἡμέρα μία· εἰ δὲ ἐν ταύτῃ τῷ χρόνῳ νομίζει γενέσθαι, τὴν ἀπὸ χρόνου ἐννοεῖται, ὅτι μυθική τις ἔστιν ἡ παραδοσις, καὶ ἀπὸ μύθων Ἀιγυπτίων εἰκυσμένη. Si *Judaorum Legislatorem hic indicat Philoponus, ita loquentem*; In principio fecit Deus Cælum & Terram: Terra autem erat invisibilis & incompressa: tenebræque in superficie Abyssi, & spiritus Dei superincubuit aquis. *Dein facta à Deo Luce, & à luce distinctis tenebris, additur, Lucem vocavit Deus Diem, Tenebras verò Noctem. Sic vesper & mane fuerunt una dies. Quod si hunc esse mundi ortum putet, eumque temporalem, sciat velim, hoc nihil aliud esse, quàm fabulosam traditionem, ab Ægyptiis, putà, fabulis extractam.*

Convenit quidem Mosis, non tantum cum Ægyptiis, sed etiam cum cæteris gentibus, quoad materiam substratam sui mundi, nempe Chaos: Antiquum Chaos, quod omnes gentes celebrârunt. Sed

in modo constructionis non conveniunt; neque ulla mihi adhuc occurrit Cosmogonia vel inter antiquos Physicos, vel Theologos, quæ Telluris Primi-geniæ, vel primi orbis habitabilis, constructionem rectè instituit, vel idoneam reddidit rationem, cur Terra, Elementum gravissimum, altior esset aquâ, multo leviori. Quapropter *Strabo*, velut in re aliâs desperatâ, ad Providentiam recurrit: atque ipsius ope Terram ab aquis liberat, quas naturæ viribus excutere non poterat. Locus est commemoratione non indignus, quem paucis, si placet, enarrabimus.

*Geogr. l. 17.  
p. 809, 56.*

In construendâ Terrâ, vel mundo Terrestri, duplicem operandi modum exhibet, κατὰ φύσιν, & κατὰ πρόνοιαν. Et, quod nodum illum solveret, Cur Aquæ, suâ naturâ superiores Terrâ, infra ipsius superficiem subsidant, ad providentiam specialem confugit. Quâ in re sequitur quidem Mosem, (quem antea multis, & cum laude memoraverat, in descriptione Judææ) sed è sapientibus exteris, nullum pro-  
duce habet. Rem ferè hoc modo exequitur. Per naturam, ait, Aqua situ altior erat Terrâ, eamque circumdedit totam, in initio rerum, ad modum sphaeræ. Cùm verò providentia constituisset animalia condere, atque maximè hominem, Animal non aquatile, Terram excitavit multis in locis, & intumescere fecit: aliisque depressit & excavavit: ut, hîc latentibus aquis, illic extaret Arida, sedesque præberet hominibus & animantibus. Ut videre est in verbis hîc apposisis.

*Sirab. l. 17.  
m. p. 809,  
810. Νῦν*

δ' ἐπὶ τοσούτον ὑπομνήσεων τῆ φύσεως ἅμα καὶ τὸ τὴ πρόνοιαν ἔργον εἰς ἓν συμφέρον-  
τας. Τὸ μὴ τῆ φύσεως, ὅτι ἤν' πάντων εἰς ἓν συννεύοντων τὸ πᾶν ὅλη μίσην, καὶ  
σφαμερμύων περὶ τέτρα, τὸ μὴ πυκνότερον καὶ μεταίτατον εἶναι ἢ γῆν, τὸ δ' ἥττον  
τοῦτο, καὶ ἐρεξῆς ὕδωρ· ἐκάτερον δ' ὁμοῦσα. Τὸ δ' τῆ πρόνοιαν, ὅτι βεβέλην καὶ  
αὐτὴ ποικιλοτέρα τις εἶσαι, καὶ μυελὼν ἔργων δημουργός, ἐν τοῖς πρώτοις ζῶα γεν-  
γῶν, ὡς πολὺ διαφέρῃσι τῇ ἄλλων. — Ἀλλ' ἐπειδὴ τῇ γῇ κεῖται τὸ ὕδωρ.



ἐκ ἔστι δ' ἐνυδρον ζῶον ὁ ἀνδρωποῖος, ἀλλὰ χερσαῖον καὶ ἐναίριον. καὶ πολλοῖς κοινω-  
τικὸν ζῶον. ἐποίησεν ἕξοχάς ἐν τῇ γῇ πολλὰς, καὶ εἰσοχάς, ὥς' ἐν αἷς μὲν ἀπο-  
λαμβάνειν τὸ σῦμπαν ἢ τὸ πλεον ὕδωρ, ἀπὸ κρύπτου καὶ ὑφ' αὐτῶν γλῶ, ἐν αἷς δ' ἕξο-  
χῆν καὶ γλῶ, ἀπὸ κρύπτου ὑφ' αὐτῇ τὸ ὕδωρ, πάλω δὲ οἰν χρησμάτων πρὸ ἀνδρωποῖο  
γενεῖ, καὶ τοῖς περὶ αὐτὸ ζῴοις καὶ φυτοῖς.

Hoc providentiæ opus appellat, non naturæ. Pro-  
videntiam intelligit extraordinariam : ordinaria enim  
eadem est cum lege & ordine naturæ. Ipsissimam, ut  
vides, insistit. viam hic Author, quâ prævit Moses.  
Nihil habet mali hæc explicatio : peccat tantum in  
regulam Philosophorum, *Non recedendum esse à Na-  
turâ, sine necessitate.* Nulla enim est necessitas, vel  
terras elevandi, vel aquas in fossas & scrobes dedu-  
cendi, ad extruendum primum orbem habitabilem.  
Prout alibi à nobis ostensum est. Sed ob alias causas, *Theor. l. 1. c. 5.*  
quas sæpiùs indicavimus, necessum fuit Mofi, ad im-  
mediatum imperium Numinis, nutumque Provi-  
dentiæ, sui mundi partes, totumque apparatus,  
disponere.

Hæc ex *Strabone* obiter perstrinxi, ut ostenderem  
Cosmopœiam Mosaicam non esse fabulam Ægyptia-  
cam, quod voluit *Simplicius* : Sed methodo sibi pro-  
priâ concinnatam. Hanc postea imitati sunt alii,  
parciùs vel pleniùs : Et quod nobis refertur à *Suidâ*,  
de Cosmopœia *Hetruscâ*, ab Hexæmëro nostro, *Voc. Τυρρη-  
νία.*  
paucis mutatis, transcriptum credo. Erat quidem  
pervetusta Hetruscorum philosophia, omni Græciani-  
câ, ni fallor, antiquior : sed miscetur non rarò  
cum recentioribus, & interpolantur, veterum dog-  
mata ; id quod in illo centone *Suidæ* sæpiùs acci-  
dit.

Denique R. Moses Maimonides crepat multoties  
suos *Zabios* vel *Zabistas* : quos non Mose tantum,  
sed Abrahamo etiam antiquiores habet ; Et in eorum  
libris

Mor. Nev.

pars 3. c. 29.

libris ait reperiri multa de Adamo, de Serpente, de Arbore Scientiæ boni & mali, de vestimentis primis. Quæ tamen à Judæis surrepta, mavult supponere, quàm iis data : sed pro fabulis habenda utcunque, si literaliter accipiantur. Audi ipsius verba, *Id verò quod narrant, nempe Zabaiistarum Libri, de Adamo primo, de Serpente, de Arbore Scientiæ boni & mali, de vestimentis, quod antea non in usu fuerint, Cave, ne intellectum tuum abripiat, & existimes illa verè Adamo, vel alii contigisse. Illa enim reverà nunquam fuerunt in rerum naturâ. Verùm si leviter tantum & superficialiter rem consideres, deprehendes quod falsa sint ea omnia quæ in hac fabulâ narrantur, & conficta ab illis, posteaquam Lex nostra gentibus innotuit, & historiam operis BERESCHITH, h. e. Creationis, audiverunt. Tunc enim illi statim omnia secundum sensum literalem acceperunt, & fabulas illas effixerunt. Narrationes de Adamo, de Serpente, de Arbore Scientiæ, de Tunicis pelliceis, pro fabulis habere videtur, si sensum tantum literalem attendas. Ut cum Deus dicitur, sub auram vespertinam descendisse in Hortum ad deambulandum. Quasi Deus, more hominum langueret nimio æstu, adeoque in frigidulis arborum opacarum umbris, ut auram captaret, deambulare consuesceret. Hujusmodi sermones crudos ad*

*vim literæ nollet exigendos esse Maimonides : uti nec Aquas supercælestes, aliæque in primo capite, quæ ad literam alligata, absurda appellat. In his à viro docto non dissentio, sed quoad Zabios suos, eorumque antiquitatem, cum de istâ gente tantillum*

*Si enim sumatur ( Aqua illa supercælestis ) secundum sensum literalem, & crasso sensu, tum erit omninò Non-Ens : nam nulum est corpus inter nos & cælos inferiores nisi Elementa ; neque sunt Aquæ super aërem : multò minus cogitari potest, quod Expansum, & id quod supra illud est, sint supra cælos. Proinde hoc pacto res longè esset difficilior & absurdior quàm ut posset apprehendi. Pars 2. c. 30. m. p. 278.*

illud supersit apud alios auctores, nihil dicendum habeo.

Denique disceptari solet, an Traditione acceperit à quocunque, has suas Origines, Moses, vel ipse primus instituerit. Non video quo pacto hoc possit certo definiri: sed multò verisimilius mihi videtur, hanc Cosmopœiam, sive institutionem elementarem in Naturalibus: perinde ac suam Legem, sive institutionem elementarem in Moralibus, Mosi primum datam vel excogitatam fuisse: nec istiusmodi quicquam à quavis gente antea receptum, à quovis philosopho aut Legislatore constitutum. Sed de dubiis & objectionibus satis.

---

C A P. Ult.

*Quæ præterea consideranda sint, tam rerum momenta, quàm authorum testimonia, ut in hac causâ æquum iudicium feramus.*

**Q**UÆ liberius dicta sunt, ex amore veritatis, in originibus Mosaicis explicandis, ne quis malè capiat: aut ad conflandam auctori invidiam iis abutatur: oratos velim æquos rerum æstimatores, ut hæc pauca capita, aliàs satis nota, paulisper mecum recolant, & recolligant. Primo, Sapientum Orientalium



talium usum & stylum. Secundò, populi Israëlitici, quo tempore hæc scripta sunt; mediocre tardumve ingenium. Tertiò, quæ viri docti de his rebus antea commentati sunt. Quartò, quid Deo dignum aut indignum: & qualiter cogitandum est de Summo Numine.

Quoad primum, notissimum est, Priscos Sapientes & Philosophos veritatem rarò nudam & apertam, exhibuisse: sed variis modis velatam, aut depictam: per symbola, Hieroglyphica, allegorias, typos, fabulas, parabolas, sermones populares, aliasque imagines. Hoc, ut satis vulgatum in genere, prætereo. Sed illam doctrinam duplicem, popularem & arcanam, quibus usi sunt sapientiæ veteres magistri, in discipulis suis erudiendis, quanquam sapius ipsius meminerim in præcedentibus, non abs re erit paucis recolere. Pro ratione hujus instituti, discipulos suos in duas pluresve classes distribuere solebant, rudiores & magis instructos; Atque etiam sua scripta in *ἐξωτερικά* & *ἀνεραματικά*: Hæc, accurata erant ad veritatis normam, Illa, ad captum populi accom-

La 5. de Fin.  
ben. sec. 5.

modata. Id notavit in Moralibus, Cicero: his verbis, *De summo autem Bono, quia duo genera librorum sunt, unum populariter scriptum, quod ἐξωτερικὸν appellabant: alterum limatius, quod in commentariis reliquerant: non semper idem dicere videntur.* Ità Author

Cap. 6. princ.

Libri de Mûndo, ait, sibi necessarium fuisse, ratione sui argumenti, de causâ primâ agere, *εἰ καὶ μὴ δι' ἀναγκαίαν, ἀλλ' ὅτι γὰρ ὡς εἰς τυπώδη μάθησιν.* Si minùs accuratè, tamen ad vulgarem institutionem, vel crassioris doctrinæ formulam. Non immeritò distinxit Varro,

August. de  
C. D. l. 4.  
c. 33.

Triplicem Theologiam apud veteres, Fabulosam, Civilem,

vilem, Philosophicam. Philosophica inutilis erat populo: Fabulosa, noxia: quare mediam instituerunt, *περὶ τῶν εἰς τὸν νόμον καὶ τὸ συμφέρον, χρῆσιν* ut inquit *Metaph. I. 14. c. 8. fin.* Aristoteles. In usum commodumque populi & vitæ humanæ. Rectè dixit Plato, *Τὸν μὲν ποιητὴν καὶ παῖδα* *In Tim.* τῷ δὲ τῷ παντός εὐρεῖν τε ἔργον, καὶ εὐερίᾳ εἰς πάντας ἀδύνατον λέγειν. *Universiopificem patremque invenire, difficile est: ad vulgus explicare impossibile.* Quod etiam de operibus Dei, verum est.

Sed ut redeamus ad Discipulorum classes & partitionem: id quod in scholâ Pythagoræ notissimum erat. Novitiis suis, aliis bienne, aliis quinquenne silentium indixit: quos idè ἀκεστικὸς vel ἀκυσματικὸς appellari voluit. Duo erant pariter philosophiæ genera, formæ, aut modi: quorum alterum provecioribus & clarioris ingenii viris, *μαθηματικοῖς* dictis: alterum tyronibus, aut tardioribus, propositum. Ita facilè credo utrumque mundi systema, vulgare & mathematicum, docuisse scholam Pythagoræ: Hoc inter Mystas: Illud, inter rudiores. Constat enim Pythagoram in mundi nostri medio Solem statuisse: & tamen apud Jamblicum, & Laërtium, *C. 4. 6.* in vitâ Pythagoræ, quædam sunt quæ planè redolent vulgarem hypothesein: Et quod factum est in tradendâ mundi formâ, in ejusdem origine, itidem fieri potuit; duplicemque eâ de re constitui hypothesein, Philosophicam & vulgarem: Hâc populo exhibendâ, illâ sapientibus reservatâ.

Aiunt Judæi Doctores, *Legem loqui linguâ filiorum hominum*: stylo, notitiisque vulgaribus. Sed habuisse præterea suam Cabalam Mosem, vel doctrinam arcanam: quam seorsim sapientibus & cordatis impertivit. Fuerit olim, necne, hujusmodi Cabala Hebræa, veræ & genuinæ scientiæ thesaurus, non

certò novi. Sed moris fuisse priscis sapientibus, aliud in Adytis, aliud in propatulo, docere, extra dubium est. Idque ne suas margaritas, secundum dictum proverbiale, porcis projicerent.

Neque hoc prorsus alienum erat à scholâ Christianâ: ubi, discretis Catechumenis ab Illuminatis, non ad eadem sacra aut mysteria, cum his illos admitterebant. Pariter in ratione doctrinæ, Infantes lacte, Adultos cibo solidiori, nutriebant Apostoli: Denique Christus ipse multa celavit discipulos suos, propter eorum imbecillitatem: *Adhuc, inquit, multa vobis dicenda habeo, sed quæ ferre non potestis hoc tempore.* Boni Magistri aut Mystagogi est, non quæque subito & promiscuè ingerere, sed pro tempore & captu discipulorum, nunc hæc, nunc illa, paratis animis infundere. Hæc ad propositum nostrum & vindicias Mosis, faciliè accommodantur: Sed de Mose plura in sequentibus. Nunc ad secundum monitum transeamus.

Secundò, populi Israëlitiçi, quo tempore suas Origines, suasque Leges, scripsit Moses, tardum & rude ingenium considerare oportet. Ex Hebræorum legibus & œconomiâ Mosaicâ judicare licet, crassam hebetemque fuisse populi istius indolem: neque rebus naturalibus contemplandis, aut divinis percipiendis, idoneam. Tot ritibus externis, tot ceremoniis infrugiferis, tot minutiis & observatiunculis, viros philosophos, aut cœlestium dociles, nequaquam onerasset sapientissimus Legislator. Nihil intellectu-ale, aut à sensibus abstractum, neque propriarum Animarum immortalitatem, suis institutis & religioni intexuit; pariterque in præmiis & pœnis, ad legem corroborandam propositis, nihil pollicitus aut minatus est ultra hujus vitæ terminos, atque bona



aut mala temporalia; Idque non ob suam, sed populi istius ignorantiam, & animorum, ut ita dicam, crassitudinem,

Neque hæc dico ingentis opprobrium: præcul abfit: sed ex Judæorum ore excipio; Ità Manasses ben *De Resur.* Israel, *Si multa in lege istâ, de Mosaicâ loquitur, mentio futura vitæ, facta fuisset, ridicula ea populo visa fuisset.* Neque aliter R. Moses Maimonides, qui hoc *Mor. Nev. pars 1.* argumentum fusius tractat, *cap. 33. & 34. lectu di-* gnissimis. Quod si sub hæc pædagogîâ & rudimentis *Gal. 3. 24. & 4. 3.* elementaribus, ut verbis Apostoli utar, instituendus erat populus, ad mores animosque formandos: tantò magis à Theoriis philosophicis, tunc temporis, abstinendum erat. Si vitæ futuræ & immortalitatis, quas, ut sciant, magni interest omnium, non ausus est Moses aperire fontes, ne suis esset fastidio aut contemptui; Quanto minùs decuisset virum sapientem, ob dogmata physiologica, neutiquam necessaria, & quæ pariter fastidisset populus, se atque leges suas iisdem incommodis aut periculis exponere.

Sed hodierni homines æquum esse censent, Mundum illicò nasci senem: neque illarum affinem esse rerum, quas fert naturæ novitas aut infantia. Sunt autem *ut hominum, ita & populorum; ætates:* ut inquit Scriptor Romanus. Ac ut aliorum omnium, *Flora.* suo modo, & pro ratione temporis: ita, præ cæteris, hujusce populi, inculta & semibarbara erat conditio. Utpote quibus, plusquam quadringentorum annorum servitus, non solum mores & disciplinam, sed tantum non ipsam humanitatem exuerat. Dicam, sed absque invidiâ, erat colluvies quædam hominum: Cætus mancipiorum, ex ergastulis Ægyptiacis nudius tertius eductorum. Qui nullas artes, præter lateritiâ:

lateritiâ: nullas literas, nullum animi cultum, possidebant. Neque hoc tantum, sed dedocendi erant multa, quæ in gente Idololatricâ imbibebant! Judicium igitur, fidemque vestram, appello, si in hanc turbam subito effundenda essent naturæ mysteria, & quæ de rerum principiis, ortuque Universi, disceptantur adhuc inter eruditos, Theoremata.

Tertiò notandum, Qui hoc argumentum tractârunt, tam inter Judæos Doctores, quàm Christianos, multi, in originibus Mosâicis explicandis, à literâ discedendum esse, non dissitentur. Quoad Judæos, Authores Cabalisticos prætereo, qui verba scripta vel nihili faciunt, vel nimii; nimii putâ, cum ex eorum literis, syllabis, & numeris, sensus mysticos, tenui acu, exculpunt. Mitto etiam Philonem Judæum, quòd allegoriis totus scateat. Sed R. Mosi *Ægyptio* nihil imputandum habeo, quo minus sit restis idoneus. Ille autem sæpius in exercitationibus suis circa sacram Scripturam, monet probatque, non ubiq; inhærendum esse sensui literali: maximè verò in opere *Bereschith*, sive in historiâ creationis. Præter Authoris præfationem, consule, si placet, *partis primæ capita 17. 33. & 34.* Dein, *partis secundæ cap. 30.* Libet unum atque alterum dictum, præter ea quæ adduximus in præcedente capite, hîc annexere. Prope finem capituli 29. *part. 2.* duas attexit propositiones, quarum hæc est prima: *Non omnia secundum literam intelligenda & accipienda esse, quæ dicuntur in opere Bereschith seu creationis, sicut vulgus hominum existimat.* Dein hanc regulam pluribus explicat & confirmat. Nam aliàs, inquit, non præcepissent Sapientes illa occultari, neque tantâ curâ in iis abscondendis & parabolis involvendis usi fuissent: neque etiam tam studiosè prohibuissent, ne de iis sermo fieret coram imperitiis

imperitâ plebe. Sensus enim illorum literales vel gignant pravas cogitationes, imaginationes, & opiniones, de naturâ Dei Opt. Max. vel certè fundamenta legis everunt, hæresinque aliquam introducunt. Ideòque non sunt in imaginatione vel cogitatione solùm consideranda, & sine artium aliarum literalium cognitione; Neque, sicut concionatores & commentatores arbitrantur, res comparata est: qui existimant cognitionem explicationis vocabulorum magnam esse scientiam, summamque perfectionem, si multis verbis & longo sermone explicentur. Verùm consideranda & intelligenda sunt secundum veritatem intellectûs, post adeptam in scientiis demonstrativis, & mysteriorum prophetiæ cognitionem, perfectionem.

Non dissimilis sermo est in capite 33. partis primæ, in hæc verba, versus principium. Et hac quoque causa est, propter quam Lex loquitur Linguâ filiorum hominûm, sicut exposuimus: quia hæc ratio commodâ & facilis est; ut ab eâ incipiant & discant pueri, mulieres, & communis plebs: in quorum viribus non est, res secundum veritatem ipsarum apprehendere. Quamobrem etiam hoc modo sufficienter ipsis traditum est de omnibus quæ credenda sunt, & de omni conceptione quæ dirigere potest intellectum ad cognoscendum, quod Deus sit & existat, quamvis non ad veritatem quidditatis ejus. Si verò quis fuerit perfectior & sublimioris ingenii, ut cognita habeat secreta Legis: sive ea ab alio didicerit, sive à seipso, ut ab uno ad alterum fuerit incitatus, is ad eum gradum pertinet ut sententias illas veras ac reales credat per vias fidei veræ; nempe vel per demonstrationem in iis, de quibus demonstratio haberi potest, vel per alia argumenta firma & solida, in iis, in quibus fieri id potest, atque ita formaliter cognoscet & intelliget veritatem & substantiam earum rerum, quæ ipsi sunt

per



*per similitudines. & parabolis tradite.* Monet, ut vides, Doctor Hebraus, non semper terminandas esse cogitationes in cortice Scriptorum Mosaicorum (*Legis* enim nomine omnia Mosaica comprehendunt *Judæi*) quæ ad usum populi & promiscuæ multitudinis adaptantur. Sed quid feret rerum natura, Quid severa demonstratio: Quis denique scopus authoris: ante latam sententiam, attendendum.

In eundem sensum accipio verba *Flavii Josephi*, in suo proœmio ad *Archæologias Judaicas*; Quæ commentatus est Moses, inquit, in prolegomenis suæ Legis, de Deo, & mundo condendo, eo consilio vincta esse, ut pietatem in animos sui populi instillaret: Et ex iis nonnulla velo obduxit, aliâ disertè explicuit, pro ratione argumenti. *Τὰ μὲν αἰνιττοῦν τῷ νομοθέτῃ ἀξίως, τὰ δ' ἀλληγοροῦσι. μετὰ σεμνότητι. ὅσα δ' ἐξ εὐθείας λέγεσθαι συνέτρεχεν, ταῦτα φητὶς ἐμφανίζουσι.* Τοῖς μὲντοι βυλομυθίοις ἢ ταῖς αἰτίας ἐκαστὸν σκοπεῖν, πολλὴ γένοιτ' ἂν ἡ θεωρία. *Quadam Legislator enigmaticè significavit, pro rei dignitate: Quadam per Allegorias, sed honestè & verecundè. Denique quæ ad literam exprimere convénit, ea nudè & sine ambagibus enarravit. Horum autem singulorum causas si quis vellet expendere, longa oriretur Theoria, vel speculatio.*

Præterea, *Aristobulus*, Hebraus & philosophus, in Commentariis explanationum in Mosem, ad Regem *Ptolomæum* conscriptis: datâ occasione ab *Anthropopathiis* Biblicis, de stylo & scriptis Mosaicis in genere, hæc habet. *Πολλαχῶς γὰρ ὁ βέλεται λέγειν ὁ Νομοθέτης ἡμῶν Μωσῆς ἐφ' ἑτέρων πραγμάτων λόγους ποιῶν, λέγω δ' τῶν κατὰ τὴν ἐπιφάνειαν, φυσικὰς διαθέσεις ἀπαγγέλλει, ἢ μεγάλων πραγμάτων κατὰσκευάς.* Οἱς μὲν ἔν παρῆσι τὸ καλῶς νοεῖν, θαυμάζουσιν.

ἔτσι ἢ περὶ αὐτὸν σοφία, καὶ τὸ θεῖον πνεῦμα, καὶ ὁ  
καὶ περὶ αὐτοῦ ἀνακεκήρυκται.---- Τοῖς δὲ μὴ μετέχουσιν δυ-  
νάμει καὶ συνέσει, ἀλλ' τῷ γραπτῷ μόνον περσκειμένοις,  
ὅ φανέται μεγαλεῖον τι διασαφῶν. Quæ ità reddidit  
interpres; Solet enim Moses, Legislator noster, animi  
sensa multimodis exprimere; dum rerum aliarum, qua-  
tenus in sensum cadunt, voces ac nomina mutuatus, na-  
turales quasdam affectiones, magnarumque rerum moli-  
tiones, commemorat. Et quidem, quorum acrior in-  
telligendi vis est, ii, cum sapientiam hominis singula-  
rem, tum divinum illum Spiritum, cujus afflatu Pro-  
pheta nomen & famam assecutus est, magnoperè admi-  
rantur. At quibus facultas & ingenium angustius est,  
ii, dum ad unicum Scriptura corticem adhærescunt, nihil  
angusti admodum, aut excellentis, ab eo narrari arbi-  
trantur.

Hæc habes apud Eusebium, qui, in fine capitis, Præf. Ev. l. 8. c. 10.  
suam adjungit sententiam, non utique dissimilem:  
his verbis, Ἐπεὶ δὲ διεληλύθαμεν τὰ τε τῶν ἱερῶν νό-  
μων παραγέλματα, τὸν τε τρόπον τῷ ἀλληγορημένης παρ'  
αὐτοῖς ἰδέας, ἕξῃς ἂν εἴη, καὶ τόδε ἐπισημῆνασθαι, ὡς τὸ  
πᾶν Ἰουδαίων ἔστιν εἰς δύο τμήματα διηρηθῆναι· καὶ τὸ μὲν  
πληθύν, ταῖς τῶν νόμων κατὰ τὴν ῥητὴν διάνοιαν παραγ-  
γελλόμεναις ὑποθήκαις ὑπῆγε· τὸ δ' ἕτερον τῶν ἐν ἕξει  
τάγμα, ταύτης μὲν ἡφία, θεοτέρῃ δέ τι καὶ τῶν πολλῶν  
ἐπαναβεβηκυῖα φιλοσοφία προσέχειν ἡξίον, θεωρεῖα τε  
τῶν ἐν τοῖς νόμοις κατὰ διάνοιαν σημαιομένων. Nunc  
verò quoniam & sacrarum legum mandata, & ipsorum  
allegoriis inclusum sensum expressimus; opera pretium  
deinceps fuerit, illud etiam animadvertere: Gentem hanc  
Judaorum universam duas in partes sectam ac divisam  
fuisse. Nam multitudinem quidem, ritibus illis omni-  
bus, quomodo legum ipsarum verbis concepti erant, ob-  
strictam Moses teneri jussit: at ceteros quorum mens

esset virtusque constantior, cum eo cortice liberatos esse, tum ad discriminiorem aliquam, & hominum vulgo superiorem philosophiam assuescere, atque in altiore Legum sententiam mentis oculo penetrare voluit.

L. II. c. 7.

p. m. 822.

His adde quæ habet inferiùs idem Author, de modo tractandi res philosophicas utriusque mundi apud Judæos. Διχῇ δ' ἡ περὶ τῶν διατριβῶν λόγος, ἥ μὲν τῶν αἰδητῶν, ἢ εἰς ἄκρον ὥρτο δὲ εἰς πολλὰς ἐκφέρειν, ἢ δὲ γὰρ αἰτίας τῆ φύσεως αὐτῶν τὸ δημῶδες πλὴν ἐκδιδάσκειν, πλὴν ὅσον εἰδέναι, ὅτι τε μὴ ἀπυτομάτιται τὸ πᾶν, μηδ' εἰκὴ ἡ ὡς ἔτυχεν, ἐξ ἀλόγου φορᾶς ὑφίστηκε· ἀγέῃαι δ' ὑφ' ἡνιόχῳ Θεῷ λόγῳ, ἡ δυνάμει σοφίας ἀρρήτως διακυβεῖται, &c. Caterum illi, cum hujus tractationis duo capita statuerent, alterum illud, quod res sensibus objectas complectitur, non subtiliter & enucleatè vulgò explicandum, nec singularum naturæ causas plebeia multitudini aperiendas, putaverunt, nisi quantum necesse erat, ut omnes intelligerent, universum hoc, neque per sese, nec casu ac temerè, fortuito quodam impetu extitisse : at summi moderatoris Dei ratione, & ineffabilis sapientiæ numine, gubernari, &c. In hunc modum de mundo naturali philosophatus est Moses, ut expediebat populo, ad pietatem, non ad scientiarum studia. Plura sunt in hoc autore loca his cognata, sed ab Eusebio ad alios Patres Christianos dilabamur.

Quotquot è Patribus Paradisum sensibilem & Corporeum non recepere, eo ipso, quasi altâ voce, pronunciant, non adhærendum esse literæ & cortici Narrationis Mosaicæ. In hoc autem censu & sententiâ non pauci fuere, præter Origenem & Origenistas. Nota est tripartitio opinionum apud veteres,

Gen. ad lit. res, circa Paradisum : quam refert Sanctus Augustinus, l. 8. in it. nus. Alii intelligibilem tantum : Alii tantum sensibilem.



libilem & terrenum : Alii denique utriusque generis Paradisum, statuerunt. Hoc ad angustiores adhuc terminos reduxit S. *Ambrosius* : nam, interrogatus In Enarr. ad Sabin. à Sabino per literas, quid de Paradiso sentiret, respondit, se de eâ re librum integrum scripsisse, & commemoratis aliorum sententiis, in eo convenire omnes dicit, quod *Spiritualis* sit. Denique *Anast.* BB. PP. tom. 6. m. f. 663. *Sionita* in Hexaëmeron, authores enumerat non paucos, qui, ante sua tempora, Paradisum allegoricè interpretati sunt. Sed his non immoramur. Id tantùm notatum velim, non iras aut inimicitias excitâsse hæc opinionum discrimina circa Paradisum : quandoquidem, ut monuit S. *Augustinus*, De Grat. Christi contra Pelag. c. 23. illasâ fide & bonis moribus : ideoque illasâ amicitia, circa Paradisum variè opinamur. Sed pergamus ad alios.

Cùm Christianis objecisset Celsus, eorum oracula esse nimis obscura & dubia, rectè respondet Origenes, in iis quæ spectant ad mores emendandos & utilitatem communem, adeoque ad omne genûs homines, nihil esse dubii in Scriptis Sacris : quæ verò sunt altioris studii & non vulgaris usûs, ea plerumque, variis sermonis umbris, præterquam sapientibus, occultari. Οἱ μὲν ἔν περὶ ᾧται ὅσα ὡς αὐτόθεν νοηθῆναι τοῖς ἀκέεσι χρήσιμα, καὶ συμβαλλόμενα τῇ τῶν ἡθῶν ἐπανορθώσει, χωρὶς πάσης ὑπεκρύψεως, κατὰ τὸ βέλημα, τῷ θεῷ, εἰρήκασιν· ὅσα δὲ μυτικώτερα ὡς, καὶ ἐποπτικώτερα, καὶ ἐχόμενα θεωρίας τῇ ὑπὲρ τῆ πάνδημον ἀκολῶ, ταῦτα δι' αἰνιγμάτων καὶ ἀλληγοριῶν, καὶ τῶν καλεμῶν σκοτεινῶν λόγων, καὶ τῶν ὀνομαζομένων παραβολῶν ἢ παροιμιῶν, ἀπεφῆναντο. *Propheta igitur quæcunque auditoribus utilia cognitu jam inde esse poterant, & moribus emendandis apta, sine ullis involucris, Deo sic volente prolocuti sunt. Quæcunque verò abstrusiora*  
X x 2 erant,

erant, & iis tantum tradi digna, quibus intima patebant mysteria: quæque Theoriam aliquam vel speculationem, supra captum vulgarem, continebant: Hæc per obscuros sermones, per enigmata & allegorias, per parabolas & paræmiâs explicârunt.

L. 2. ad 4.  
object.

Ut Origenes Celso, ita ferè Cyrillus respondet Juliano: comparanti scilicet & præferenti, Cosmopœiam Platonice Mosaicæ: nempe quod Mosaica vulgaris esset, & Deo parùm digna. Hæc nobis improbranti, respondet Cyrillus: Ὁ Θεσπείσι Μωσῆς ἐπρέσβετο φυσιολογεῖν ἰσχυρῶς, ἥ γε φάναι τι περὶ τῶν λεγομένων πρώτων ἀρχῶν, ἢ τῶν ἐξ αὐτῶν στοιχείων· περὶ ἐργότερα γὰρ οἶμαι ταῦτα καὶ ταῖς τιμῶν διανοαῖς ἐχέαι λώσιμα, σκοπὸς δὲ γένοιεν αὐτῶν, ὅτι τῶν τῆνικαδενῶν, τοῖς δὲ ἀληθείας ἐπετίῃσαι δόγμασι. Γεωλαῖν ἦτο γὰρ καὶ τὸ δοκεῖν ἕκαστον· περὶ κυνῆτες ἡλίσκοιο, καὶ δὲ ἓνα καὶ φύσει θεὸν ἐξ ἀμαθίας δὲ ἄγαν ἡγιοηκότες, λελαῖρευκασι τῇ κτίσει. Καὶ οἱ μὲν θεὸν ἐπεγέροντο δὲ θεῶν, ἕτεροι δὲ τὴν ἡλίαν κύκλον· εἰσι δὲ οἱ καὶ σελήνη, καὶ ἄστεις, καὶ γῆ, καὶ φυτοῖς, καὶ τῇ τῶν ὑδάτων φύσει, πῆνροῖς τε καὶ ζώοις ἀλόγοις, καὶ δὲ αἰωτάτω φύσεως δόξαν ἀποτέμεν ἐσπέδαζον. Καταγμένων δὲ τῶν πραγμάτων εἰς τὸ αὐτοῖς, καὶ δὲ ἔτω δεινῆς ἀρρώστιας κατανεμειθείσης ἅπαντας, τὸς ἐπὶ τῇ γῆς, ἐπὶ κερὸς ὡς ὁ Μωσῆς, καὶ τῶν καλλίστων ἀπασι μαθημάτων εἰσηγητὴς ἀνεδείκνυτο, εἰς μὲν ὅτι κατὰ φύσιν ἔστιν ὁ τῶν ὄλων δημιουργὸς διαρρήδην ἀνακεκραγὼς, ἀφιστὰς δὲ τῶν ἄλλων αἰ καὶ δὲ αὐτῷ παρήχθη πρὸς τὸ εἶναι τε καὶ ὑπάρχειν ὅλως. Χρειδέςατα τοῖνυν, καὶ μάλα σαφῶς τὸ πολὺ λίαν ἰσχυρομυθεῖν παρελάσας, ἐπὶ δὲ τῶν ἀταγκαιοτέρων κεχώρηκε λόγον. *Divino Mosis non propositum erat subtiliter philosophari, nec de primis principiis, aut inde natis elementis differere. Nam curiosiora hæc sunt, nec ab omnibus capi possunt. Scopius autem ejus erat, animos hominum istiustemporis ad vera dogmata:*

mata adducere. Errantes enim, & adorantes singuli quod cuique videbatur, oculis capti erant: atque unum, verè & naturâ, Deum, ob nimiam ruditatem ignorantes, colebant creaturam. Et alii quidem Cælo, alii Solis circulo, Deorum titulos inscripsere. Erant autem, qui Luna & Stellis & Terra, ac plantis, & aquarum naturæ, volatilibus & animalibus brutis, suprema naturæ gloriam attribuere studebant. Cùm igitur reseorum eò pervenissent, & tam gravis morbus omnes qui super terram erant, depasceret, adest Moses opitulator, optimarum doctrinarum author & institutor, qui clamavit voce clarâ, UNUM ESSE RERUM OMNIUM CONDITOREM, secundum naturæ ordinem: Eumque distinxit ab aliis omnibus, quæ ipsius vi extitère, & in universum subsistunt, propterea utilissimè & sapientissimè, missis minutiis & subtilitatibus, ad ea quæ magis necessaria erant, sermonem vertit. His longiusculis licet, non possum non adjungere quæ infra subdit, Πῶς ἐκ ἀν ἀγάσαιο τις τῆ Μωσαϊκῆς εὐτεχνίας τὸ ἀκριβές, περιέργων μὲν, ἥ βαδύ, καὶ ἐκ εὐπαράδεκτον, τοῖς τμητικὰς λαλῶσις ἐδέν, ὁκείνα δὲ μᾶλλον τὰ δι' ὧν ὡ δύνασθαι μεταφοιτᾶν αὐτὸς ὅπῃ τὸ ἔχον ὀρθῶς, καὶ ἀπειθύνειν εἰδὸς εἰς ἀμώμητον δόξαν, καὶ ὅπῃ γε φημὶ τῶ πάντων κρατῶντι θεῷ, &c. Omnia nempe supervacaneæ sedulitatis omisit Moses quò ad bonos mores, summumque Deum, suos homines rectè perduceret.

In administrandâ Mundi republicâ, Deus, pro ratione temporum & populorum, mutat vices, diversis utitur institutis & disciplinâ, quò salutis omnium maximè prospiciat. Συμμετρεῖ τοῖς ἰλιχίαις. παραφέρει παιδεύματα. ὁ θεός· inquit Theodoretus.

Har. sub.  
Quod L. S. C. III.



Quod ab aliis non minus observatum est; Ita Chrysostomus, Ὁ Θεὸς ὦν ἀτρεπὶς & ἀναλλοίωτος, ἀρμόζεται πρὸς τὴν ἀδένειαν ἀνθρωπίνην. Λαλεῖ ὁ Θεός, καὶ νομοθετεῖ πολλάκις, ὥς αὐτὸς δύναται, ἀλλ' ὥς ἡμεῖς ἀκέννυ δυνάμεθα. *Deus in seipso immotus & immutabilis, sese attemperat ad imbecillitatem humanam. Sape loquitur Deus, & leges constituit, non ut ipse potest, sed ut nos capere valeamus.* Verum inutile, tacendum: noxium, dissimulandum. Atque Boni, aut Optimi, semper habenda est ratio.

Denique, ut plura simul comprehendam, secundum doctrinam Patrum multa in sacris literis dicta aut facta sunt κατ' οἰκονομίαν vel οἰκονομικῶς, ut loqui amant. Itā sæpius explicare solent quædam duriuscula, & à nudâ veritate aliena, quasi *dispensativè* dicta, vel per modum accommodationis ad utile aliquod propositum: cùm res, de quâ agitur, ita postulat. Hoc genus explicationum ad varios casus adaptant Patres:† Ita cùm Christus ait se ignorare diem Judicii, id dictum aiunt οἰκονομικῶς. Οἰκονομεῖ γὰρ Χριστός, inquit Cyrillus Alex. μὴ εἶδέναι λέγων τὴν ὥραν ἐκείνην, καὶ μὴ ἀληθῶς ἀγνοεῖ. *Dispensatione quâdam utitur Christus, nescire se dicens horam illam cùm reverà non ignoret.* Neque aliter Photius, *Epist.* 228. de eodem sermone Christi, Τὸ μὴ βέλεσθαι τοῖς μαθηταῖς εἰπεῖν, ἅπερ αὐτοῖς ἐκ τοῦ τέως συμφέρον μαθεῖν, ἐστὶ τὸ τοῦ φιλανθρώπου περνοίας ἢ μέθοδος παραίτεται· μεθοδεύοιτο δ' αὖν, ἐξ οἰκονομίας χρηματιζομένη τὴν ἀγνοίαν. *Noluisse eum discipulis dicere, quia iis scitu nondum erant utilia, ne hac quidem methodus à benignâ providentiâ Dei erga homines abhorret. Artificiosè egit, per dispensationem præ se ferens & pratexens ignorantiam.*

Denique Sanctus Basilii de eâdem re eandem similmève habet explicationem. Διὰ σέ, τὴν ὥραν καὶ τὴν ἡμέραν

† Theaur.  
λογ. 22.  
sub fine.

† Epist. 141.

ἡμέραν τῇ κρίσεως ἀγνοεῖ, καὶ τοὶ ὕδεν ἐλάνθανε τὸ ὄντως σοφίαν ---- ἀλλὰ τὸτο οἰκονομεῖ διὰ τὴν σωτῆρα ἀδένειαν, ἵνα μήτε τῷ γενῶ τῇ προθεσμίας οἱ ἁμαρτήσαντες τῇ ἀθυμίᾳ κατὰπέσωσιν, ὡς ἐκ ἀπολελειμμένου καιροῦ μετανοίας, μήδ' ἐν πάλιν οἱ πολεμῶντες μακρὰν τῇ ἀντικειμένη δουλίᾳ διὰ τὸ μῆκος τῷ χρόνῳ λειψοῦσιν ἀκτῆσωσιν. Ἐκατέρως τοίνυν διὰ τὴν προπονήτικῆς ἀγνοίας οἰκονομεῖ. *Propter te, horam & diem Judicii ignorat, quanquam nihil latuit veram illam Sapientiam. Verum id ita dispensat Christus propter tuam infirmitatem: ne, vel ii qui deliquerunt, per angustiam praescripti temporis adigantur ad desperationem, velut non relicto resipiscentia tempore: vel rursus ii, qui in militia Christiana decertant, per temporis prolixitatem, ad deserendam aciem impellantur, si viderint sibi bellum fore diuturnum cum adversa potestate; itaque utrisque per simulatam ignorantiam consulit.*

Quod si mentem suam, ipsamque veritatem, diffiniret Christus, κατ' οἰκονομίαν, ut aiunt: Quidni? Mose etiam licuerit, in mundo condendo, à veritate physicà recedere, aliâque uti œconomiâ, ad instruendum populum magis idoneâ? Ex gr. Si cum Sancto Augustino supponamus, Mundum reverà creatum fuisse puncto temporis indivisibili: & partitionem operis in sex dies factam esse οἰκονομικῶς, quò melius & distinctius à populo caperetur. Quid mali aut criminis haberet hic rerum ordo, aut scribendi ratio? Vel si, ex alterâ parte, cum philosophis supponamus, Formationem Telluris ex Chao, fuisse opus diuturnum, per multiplices processus & mutationes deductum, hoc autem contraxisse Mosem ad spatium sex dierum, idque, ordine ad usum populi magis accommodato: Hoc, inquam, si fecerit Moses, non veniam tantum, sed etiam laudem meruisse

ruisse mihi videtur. De suo *Gnostico*, hoc est, viro verè sapienti, inter alia eximia, hoc rectè dixit *Clemens Alexandrinus*: Ἀληθῆ τε φρονεῖ, ἀμα καὶ ἀληθεύει· πλὴν εἰ μὴ ποτὲ ἐν θραυσείας μέρει, καθάπερ ἰατρός πρὸς νοσούντας ἐπὶ σωτηρίᾳ τῶν καμνόντων ψεύσεται, ἢ ψεύδεται, ἐρεῖ, κατὰ τὰς σοφιστάς. *Vera sentit, simul & loquitur: nisi quando, loco medicinae, ut Medicus ad egrotantes, ob eorum, qui infirmi sunt, salutem, mentietur, vel falsum dicet, ut distinguunt Sophistæ.* Atque hunc infra appellat φιλόανθρωπον καὶ φιλόθεον παιδεύων, *Dei hominisque amantem praeceptorem.*

Rectè autem monuit *Clemens*, hæc adhibenda esse loco *Medicinæ*; non enim temerè, aut ex levitate ingenii, sed cùm res ita postulat ob causas graves, recedendum est à vero. Atque hoc modo permisisse mihi videtur *Deus*, non tantùm primos inter Patres Christianos, sed etiam ipsos Apostolos, in suis, de mundi fine, calculis & cogitatis, à vero aberrare; nempe per *modum Medicinæ*, vel κατ' οἰκονομίαν, quò magis expergefaceret supinos, ad pietatem incitaret, in tolerandis laboribus aut tormentis indefatigabiles redderet: denique, ad subeundam mortem aut martyrium, alacres, infractos, interritos. Quis enim *Lucem fugacem*, & *Mundum crastino perituro*, in delitiis haberet? aut spem cœli, vitæque futuræ, tantilli venderet? Sed pergamus in proposito.

Quæ supra attulimus ex *Clemente Alexandrino*, eorum admodum affinia sunt quæ statuit *Plato* de usu veri & falsi, apud sapientes, Magistratus, & Legislatores. Dicit in genere, falsiloquio non utendum esse, nisi ἀποθερπῆς ἕνεκα, ὡς φάρμακον, *ad propulsandum malum, ut medicina, aut pharmacum.* Hujusmodi autem pharmaca magistratui esse necessaria,

&

*Strom. 7.  
m.p. 730.*

*Ibid.*

*De Repub.  
l. 2. in fine.*



& in salutem populi, sæpiusculè adhibenda, dicit ;  
 συγχῶ τῷ ψεύδει καὶ τῇ ἀπάτῃ κινδυνεύει ἡμῖν δεήσειν  
 χρῆσθαι τοῖς ἀρχοντας ἐπ' ὠφελείᾳ τῶν ἀρχομένων, ἐφα- De Repub.  
l. 5. m. p. 459  
 μιν δὲ πρὸς, ἐν φαρμάκῳ εἶδει πάντα τοιαῦτα χρήσιμα εἶναι.  
*Non rarò mendacio & simulatione utendum est Magistratibus ad subditorum utilitatem ; diximus autem huiusmodi omnia, veluti pharmaca, salutifera esse. Denique, in secundo de Legibus, his itidem habet gemina aut* m. p. 663.  
*cognata, idem philosophus. Νομοθέτης ὃ εἴ τι καὶ συμ-  
 κερὶν ὀφελῆται, εἰ καὶ μὴ τῷτο ὡς ἔτις ἔχον, ὡς καὶ νῦν αὐτὸ  
 ἡμεῖς ὁ λόγος ἔχειν, εἴπερ τι καὶ ἄλλο ἐτόλμησεν ἂν ἐπ'  
 ἀγαθῷ ψεύδεσθαι πρὸς τοὺς νέους· εἴτιν ὅτι τότε ψεύσθαι  
 λυσίτελέεσθαι ἂν ἐφευσσάτο ποῖε, καὶ θυράμηνον μάλλον  
 ποιεῖν μὴ βία, ἀλλ' ἐκόντας πάντας πάντα τὰ δίκαια ;  
 καλὸν μὲν ἢ ἀλήθεια, ὃ ξένη, καὶ μόνιμον· εἰκοὲ μὲν ἔ  
 ῥάδιον εἶναι πείθειν. His subjungit Eusebius, μυρία* Præp. Evam.  
l. 12. c. 31.  
*δ' αὖ ἐυρήσεις τοιαῦτα καὶ ἐν Ἑβραίων γραφαῖς. Hæc  
 ita simul reddidit Eusebii interpres : Legislator qui  
 non nihil prodesse voluerit, etiamsi non eo se modo res  
 haberet, quo sese habere jam evicimus, si quid unquam  
 apud juniores, utilitatis causâ, falsi dicere potuit, estne  
 quod utilius unquam potuerit, aut quò facilius efficiat,  
 ut omnes ad omnia equitatis officia, non vi, sed ultrò  
 ac sponte, adducantur? Veritas quidem mi Hospes,  
 pulchrum quid ac stabile est, at eam persuadere, non ità  
 promptum. HIS tu affinia Hebræorum in literis sex-  
 centa reperies, inquit Eusebius. Sed ex Platone satis :  
 adde tantùm dictum Philonis Judæi, qui Platonizare Quod Deus  
fit imm. m.  
p. 236.  
 dicitur, his verbis, τῷ ἀριστα νομοθετήσαντι τέλει ἐν  
 δεῖν ποιεῖσθαι, πάντα ὠφελεῖσθαι τοῖς ἐντολυχαρόντας.  
*Optimum Legislatorem oportet unicum habere propositum,  
 ut prosit omnibus in quos inciderit. Hæc, Platonis  
 doctrinæ consona, ad vindicandum Mosem, Legi-  
 slatorem Hebræum : & sacrarum literarum styllum,**

applicuit Philo. Redimus itaque ad Mosem.

In Hexa-  
ëm.

De cujus Hexaëmero, quod præ manibus est, hanc tulit sententiam Philoponus, ex philosopho Christi-  
anus; σκοπὸς ὡς Μωσαῖ, ἔτε φυσιολογῆσαι, ἔτε ἀστρο-  
νομῆσαι. ἀλλ' εἰς Θεογνωσίαν, καὶ ἐπὶ τῇ κοσμογονίᾳ,  
ἀνθρώπους ἀγαγεῖν καὶ παραστῆσαι. Non propositum erat  
Mosi, aut Physicum agere, aut Astronomum: sed homi-  
nes ad Dei cognitionem, etiam in origine mundi exhi-  
bendâ, adducere & apparare. Idem sentit supra lau-  
datus Eusebius, de Mose & Authoribus sacris; Μωσῆς δὲ καὶ τὰ Ἑβραίων λόγια, τέτων (de rebus na-  
turalibus, & phænomenis cœlestibus loquitur) ἡδὲν  
πολυπραγμονεῖ. καὶ εἰκότως: ὅτι μηδὲ πρὸς βίαν κατόρ-  
θωσιν, τοῖς περὶ ταῦτα ἀχολυμφοῖς λυσιτελεῖν ἐνομι-  
σθη. Moses & Hebraeorum Oracula, ista, naturæ sci-  
licet, & cœli phænomena, non multum curavere, nec  
immeritò: cùm, eorum studiosos nihil ad vitæ emenda-  
tionem, inde juvari posse judicaverint.

Præf. Ev.  
l. 15. c. 8.  
ἐν fine.

De vulgari stylo Cosmopœiæ Mosaicæ, κατὰ συγ-  
κατάβασιν, facile esset plura numerare & afferre  
suffragia: sed nè nimius videar, adjiciam tantum  
Sancti Basilii & Chrysostomi, eâ de re, sententias.  
Ille in Hexaëmeron sermone primo, hæc habet: ὡς  
γὰρ τίς, ὡς εἰοικε, καὶ πρὸ τῶ κόσμου τέτε, ὃ τῇ μὲν διανοίᾳ  
ἡμῶν ἔστι θεωρητόν, ἀνιζόρητόν δὲ κατελείφθη, διὰ τὸ  
τοῖς εἰσαγομφοῖς ἔτι, καὶ νηπίοις κατὰ τὴν γνῶσιν ἀνεπι-  
τήδειον. Equum est credere, fuisse quiddam ante mun-  
di Mosaici constitutionem. Quod quidem animo con-  
templari possumus: Ejus autem nullam fecit mentionem  
Moses, nullam reliquit memoriam, quòd istis parvulis, &  
vix dum initiatis, tanta rei cognitio impar esset & ini-  
donea: \* Hoc pluribus profecutus est. S. Chrysosto-

\* Iterum  
bom. 9.

Μᾶλλον οὐδέπω τῇ μὴ ἀπαρολήσαντᾳ τῇ νῦν ἡμῶν ἐπὶ τὰ μέγιστα, ἀλλὰ πάντα εἰς  
ἐκκοσμητὴν καὶ καθαρισμὸν τῆς ψυχῶν ἡμῶν γεγενηναι οἰκονομήσαντα.

mus:

mus: "Ορα τ̃ συγκαταβάσεις τ̃ ὑπερβολῶν· ἐδὲν περὶ <sup>In Gen. λόγ. 6.</sup>  
 τῷ ἀρεάτων δυνάμειον διαλέγεται Μωσῆς· ἐχ' ἀπλῶς,  
 ἐδὲ εἰκῆ, ταύτην ἡμῖν ἔτεμε τ̃ διδασκαλίας τῶν ὁδόν·  
 ἐπειδὴ γὰρ Ἰουδαίοις διελέγετο, τοῖς περὶ τὰ παρόντα  
 ἐπὶσημένοις, καὶ ἐδὲν· νοητὸν φαντασθῆναι δυναμένοις, ἀπὸ  
 τῷ αἰσθητῶν τέως αὐτῶς ὀνάγει πρὸς τ̃ τῷ ὅλων δημι-  
 υργόν. Et postea, καὶ μὴ ξενισθῆς ἀγαπητὲ, εἰ Μωϋσῆς  
 ταύτην ἔρχεται ὁδόν, ἐν ἀρχῇ καὶ ἐν περιουσίαις τοῖς πα-  
 χυτάτοις Ἰουδαίοις διαλεγόμενον·-----ἐδὲ γὰρ ὡς εὐλογον  
 τοῖς ἔτι γαλακτοτροφῆσθαι δεομένοις, ἑρεῶς μέλασθῆναι  
 τροφῆς. Καθ' ἅπερ γὰρ οἱ διδασκαλοὶ, &c. Utitur ex-  
 emplo præceptoris in instituendis pueris: quo uti- <sup>Contr. Ful. l. 2. ad objec. 4.</sup>  
 tur etiam Cyrillus, alique Patres, in hac causâ.  
 Summa dictorum à Chrysostomo hæc est, Moses, in  
 proœmio suæ Legis instruendo, cūm probè nôrit qui-  
 buscum ei res esset, hebetis nempe, & inexercitati  
 ingenii Judæis, κατὰ συγκατάβασιν temperavit & de-  
 misit sese ad populi captum: atque eo modo differuit  
 de Mundi origine & Conditore, quo potuit maximè  
 ingredi & occupare pectora imperitæ multitudinis:  
 ac, per viam facilem, ad Deum verum, unicum, &  
 omnipotentem, perducere.

Denique, ut hoc argumentum absolvamus, reduc  
 exemplum ad nostra tempora, & penes unumquem-  
 que sit iudicium. Siquis jam functurus esset officio  
 Prophetæ aut Apostoli apud *Indos*, aliosve populos  
 infideles, quoties incideret occasio de Cælo & Stellis,  
 de Sole, Lunâ, & Terrâ, verba faciendi, annon po-  
 pulari doctrina, styloque, ei utendum esset, & per-  
 orandum juxta receptas apud istas gentes opiniones,  
 de cursu Solis & Cælorum motu, de luce & magnitu-  
 dine Planetarum, de stabilitate Terræ aliisque?  
 quanquam etiam id omninò apud se resciverit & per-  
 suasum habuerit, opiniones illas Astronomorum &



Philosophorum rationibus & calculis non respondere. Nec enim id illi negotii creditum erat, barbaros illos docere theoremata aut argutias philosophiæ, sed religionem, & veri Dei cultum & præcepta. Hæc non minùs olim conveniêre Mosi nostro, quàm hodierno Indorum Apostolo : quinetiam multò magis, si tempora & populos conferamus. Sed de hoc argumento satis.

Quartò & ultimò, Qui literæ & verbis Mosaicis tenaciter adhærent in omnibus, monendi sunt, nequid Deo indignum, aut religione nostrâ, admittant : vel divini numinis majestatem suâ irreverentiâ lædant. Nos utique Christiani summum numen colimus, Deum optimum maximum : vel, quod dici solet, *Ens infinitè perfectum*. Nihil igitur in Theologiâ nostrâ Deo tribuendum, quod dedecet *Ens infinitè perfectum*. Visne autem dicamus, *Ens infinitè perfectum* descendisse de cœlo, & deambulâsse in horto sub Vespere : & inclamâsse Adamum, latitantem inter arbores ? *Ens infinitè perfectum* fecisse *Tunicas pelliceas*, & induisse eas viro & fœminæ ? cum cæteris quæ in colloquio illo *Entis infinitè perfecti*, cum Adamo, cum fœminâ, cum serpente, referuntur.

Cùm Deo affigimus, non verbis tantùm sed re ipsâ, ea quæ repugnant naturæ divinæ, peccatur in dignitatem Numinis. Quod, si malo animo factum esset, & in materiâ gravi, non contumeliæ tantùm, sed speciem aliquam haberet blasphemix. Cavendum est igitur in utrâque parte, ut neque leviter & sine jure à verbis & literâ dissiliamus : nec, ex alterâ parte, quæ ἰδιωτικῶς dicta sunt, supersticiosâ imbecillitate in damnum Numinis interpretemur. Rectè dixit Clemens Alexandrinus, ἡ θεοπρέπεια

ἔστι τὸ πρέπον τῷ θεῷ σῶζουσα. Θεοφιλὴς ὁ θεο-  
πρεπὴς μόνος. Unicus Dei amicus est, qui Deo  
conservat quod suâ naturâ dignum est.

Neque minùs Religionis nostræ conservanda est  
dignitas. Ansam arripere solebant nominis Chri-  
stiani hostes, ex scriptis Mosæicis, crassiùs expositis,  
fugillandi vel irridendi religionem Hebræam no-  
stramque, tanquam idioticam, aut fabulosam. Ex-  
empla dedimus antea in *Simplicio*, & in *Celfo*: qui,  
præter alia, generationem mundi Mosæicam appel-  
lat μάλα εὐηδικτὴν, *admodum stolidum*. Nunc au-  
diamus *Julianum*, eâdem chordâ sæpiùs oberrantem.  
De Colloquio *Euxæ* & *Serpentis* verba faciens Ju-  
lianus, Τί διαφέρει, inquit, τῶν παρὰ Ἑλλήσι πε-  
πλασμένων μύθων, τὰ τοιαῦτα; *Quid differunt hæ fa-*  
*bulæ ab illis quas Greci sinxerunt?* Et de *Horto Edén*,  
& *Fœminâ datâ Adamo in adjutorium*, quæ tamen  
decepit eum ante vesperam, audenter & apertè di-  
cit, ταῦτα γὰρ ἐστὶ μυθώδης παντελῶς. *Hæc prorsus*  
*sunt fabulosa*. Denique, De ejectione *Adami ex*  
*Paradiso propter comesum pomum, nelignum vitæ*  
*gustando, Deus fieret, hæc habet, τέτων τοιούτων ἕκα-*  
*στον, εἰ μὴ μύθος εἴη, ἔχων ἀπόρρητον θεωρίαν, ὅπερ*  
*ἐγὼ νερόμικτα, πολλῆς γέμευσιν οἱ λόγοι περὶ τῆς θεῆς*  
*βλασφημίας*. *Horum unumquodque, nisi fabula sit, ar-*  
*canam habens speculationem, id quod ego existimo, mul-*  
*tâ in Deum blasphemiam repleti sunt illi sermones*. Vi-  
des quanta hinc orta sit offensio apud exteros, quòd  
ea quæ scripta sunt à Mose in his narrationibus,  
ἀθεοπρεπῆς, & religione cœlitùs missâ, prorsus in-  
digna judicaverint: nimirum si in verborum cute  
& cortice hæreamus. Ea igitur laudanda mihi videtur  
interpretatio, quæ hæc scandala, hoc odium, à re-  
ligione nostrâ amolitur.

Denique,

Denique, ita interpretandus est Moses, ut neque secum discordet, neque cum cæteris authoribus sacris, in suis originibus tradendis. Hoc enim necesse est cedat in damnum & dedecus religionis nostræ, si inter se dissideant ipsius oracula. Ita, si Moses in suo Hexaëmero exhibeat nobis Terram Hodiernam, loco Primigeniæ: postea verò ea introducat phænomena, quæ conciliari non possunt Terræ hodiernæ: Qualia sunt, Ante diluvianorum longævitas, Disruptio Abyssi in Diluvio, & origo Iridis post diluvium: ita exponendum est Hexaëmeron, ut Moses non desciscat aut dissideat à seipso. Prætereà, si Regius Propheta celebret, inter miranda Dei opera, *Terram super aquas fundatam* (Ps. 24. 2.) *Terram supra aquas extensam* (Ps. 136. 6.) *Sapientia itidem memoret* (Prov. 8. 27.) *Orbem circumductum Abyssò. Sanctus Petrus* denique, Terram ante diluvianam, ita *constitutam ex aquâ & per aquam, verbo Dei*, ut exinde fuerit aquarum obnoxia diluvio, 2 Pet. 3. 5, 6. Hæc, inquam, omnia, ita tractanda sunt & componenda, ut dictio vulgaris Hexaëmeri non obruat, & authorem ipsum, & ejusdem sacræ classis plures alios. Præsertim cùm unius capitis commodâ interpretatione, multis nominibus aliàs necessariâ, Moses & sibi & cæteris conciliari possit.

Hæc autem in medium afferò, quasi adversâ acie disposita, non quod mihi volupe sit Scriptores Sacros inter se committere, Prophetas & Apostolos: ut concitato pulvere inter tantos viros, ipse intereâ elabor & effugiam. Sed cùm nos premunt pondere unius loci aut Scriptoris, æquum esse videtur, alterum pluresve, in oppositâ lance, substituere: ut causa redeat ad æquilibrium saltem, si non in partes nostras propendeat. Sed de his rebus satis.

Ut



Ut huic tandem Tractatui finem imponamus, paucis monendum est, Quæ de Originibus Mosaicis commentati sumus, nobis licet persuasissima, ab aliis utcunque, non nisi *Tentaminis* loco, haberi vellem. Cæcutimus sæpe in propriis, perspicaces in alienis erroribus advertendis; proinde nec secundas cogitationes, nec aliorum monita, negligam aut aspernabor. Interea, quod reliquum est, claudamus omnia, fufis ad Deum precibus, ut erroribus nostris ignoscere dignetur, sicut nos ignoscimus alii aliis. Ut memor sit & misereatur angustiarum & caliginis, quibus opprimuntur, in hac carne, in hoc carcere, Animæ humanæ; ut suo lumine nos indies magis magisque illustret, eoque præeunte, ad suum Regnum cœleste tandem perducatur, per Dominum nostrum, Jesum Christum.

---

## APPENDIX.

*De Brachmanis hodiernis apud Indos,  
eorumque dogmatibus.*

I. I. C. 3.

CUM supra meminerimus Brachmanum hodiernorum apud Indos, Quos ex antiquâ stirpe propagatos esse, multa indicia, ac rerum & studiorum cognationes, fidem faciunt, non ingratum erit, opinor, nec à proposito alienum, de eorum dogmatibus circa rerum Origines & revolutiones, per modum Appendicis, quædam hîc attexere. Quæ quidem dogmata plerisque neglectui esse solent, quòd mythologicè tradantur, & crassis fabularum umbris veritatem obscurent.

Indorum autem nomine hîc complectimur præter Imperium Sinenſe, Regnum *Indoſtan*, ſive magni Mogolis: Regnum *Siamenſe*, *Malabaricum*, *Chinquashina*, *Choromandel*, & ſiqua ſunt alia in Oriente nobis nota, quæ barbariem aliquatenus exuerunt. In his ſingulis eſt quoddam genus Philoſophorum aut Theologorum, & in regno *Indoſtan*, *Siam*, aliſque vicinis, veterum Brachmanum videtur eſſe progenies: moribus, vitæ iſtituto, doctrinâ & linguâ ſibi propriâ, à reliquo populo ſecreta & diſcriminata. Habent illi Cabalam quandam, ſive doctrinam traducem ab aliis ad alios, atque vulgo ignotam. Hæc autem doctrina non ſingula capita aut minutias Philoſophiæ perſequitur, ut moris eſt hodiernis Philoſophis :

phis: sed, instar Theologiæ naturalis veterum, tractat de Deo, de Mundo, de rerum origine & exitu, de periodis Mundanis: de primævo naturæ statu, & repetitis renovationibus. Hæc dogmata traduntur à nonnullis apertiùs, ab aliis obscuriùs & fabulosiùs: sed sparſa fuisse primitùs inter has gentes, quæ supersunt adhuc eorum vestigia, manifestè docent; Libetque, speciminis loco, quædam capita hujusce hodierno-barbaræ Theologiæ vel Philosophiæ ex nuperis Itinerariis breviusculè notare.

Nihil refert à quo Regno aut Regione ordiamur. Permagnum est illud Mogolis, *Indostan* dictum, quod ex Europæis plures invisère, testes idonei & fide digni. Sunt in hoc regno, præter Mahometanos, Gentiles vel Pagani: Et inter Gentiles est quædam Tribus vel ordo hominum, qui Sapientum, Sacerdotum, aut Philosophorum, titulum gerunt, & funguntur officiis. Habent sibi Linguam peculiarem, quam *Hanscrit* appellant, seu Linguam puram. Hæc conscriptos tenent Libros quosdam antiquissimos, quos nuncupant *Sacros*, & magno Prophetæ *Brahmæ*, à Deo datos esse aiunt: ut olim erat Mosis Lex Israelitarum.

Hujus Linguae Brachmanicæ Alphabetum habes apud Athan. Kircherum, descriptum manu P. Hen- *Chin. Illustr.*  
rici Roth, qui per plures annos Literaturæ Brachma- *pars 3. c. 7.*  
nicæ apud Indos, studium impendit. Et in hæc linguâ non tantùm suam Theologiam, sed omne genûs instituta Philosophica, conscribunt & occultant.

Præter *μετεμψύχωσιν* & *ἐποχὴν ἐμψύχων*, antiquissima dogmata: De creatione universi, & ejusdem fine vel abolitione, priscorum instar philosophantur: cùm hæc explicant per egressum vel ef-



fluxum rerum omnium à Deo, & in eundem regressum vel retractionem. Hoc autem more Cabalistico vel Mythologico exprimunt. Fingunt enim immensam quandam Araneam esse primam rerum Causam: Quæ, materiâ è suis visceribuseductâ, hujusce universi telam contexuit, & mirâ arte ordinavit. Sedet Illa intereâ in arce sui operis, & cujusque partismotum sentit, regit, & moderatur. Tandem cùm satis lusit in suâ telâ adornandâ & contemplandâ, retrahit, quæ evolverat, fila, atque ita omnia resorbet in seipsam, totaque rerum creaturarum natura in nihilum evanescit. Hoc modo Mundi ortum, ordinem, & interitum, repræsentant hodierni Brachmanes: Neque hæc multùm abludunt à sententiis veterum supra memoratis (*l. i. c. 7. p. 63, 64, &c.*) si, fabuloso cortice adempto, nucleum adeamus. Plura de Gentilibus Indostanis, si vacat, legere licet apud Henricum *Lord, F. Bernier*, aliosque peregrinantes, qui eorum literaturam diligentius quæsierant.

In Regno Siam, vel Siamenſi, Imperio Mogolis contermino, est eadem Brachmanum progenies. Guido Tachard, è Societate Jesuitarum, Legatum Gallicum comitatus ad Regem Siamenſem, de eorum Philosophiâ vel Theologiâ hæc nobis retulit. *Voyage de Siam, p. 39.* Primos homines, aiunt, majores fuisse hodiernis, longæviores, & multa sæcula vixisse morborum immunes. Terram hodiernam, longo æstu & ardore arefactam, igne consumptum iri. Exiccato Oceano, liquefactis montibus, & adæquatâ totâ Telluris superficie. Hæc mihi occurrunt apud dictum Authorem. Plura autem apud alios, quæ compegit & ludendo explicuit nuperus Poëta his versiculis;

*Stolidus Regni Myſta Siami,*  
*Oſtoginta dat perituro*  
*Sacula Mundo. Tunc qui tantum*  
*Jam furi uno fervidus oculo,*  
*Septem pandet lumina Phæbus,*  
*Quæis aquoreas ebibet undas.*  
*Quæis immenſum vindice flammâ*  
*Deſtruet Orbem. Sed duo calidis*  
*Quæ reſtabunt tectâ favillis*  
*Binos homines Ova creabunt.*  
*Qui fæcundo ſemine cultum*  
*Iterum poterunt reddere mundum.*  
*Quem non ſaliſis Neptunus aquis;*  
*Alluet unquam, tantum rigui*  
*Undique Fontes, dulceſque Lacus;*  
*Irrorabunt molliter herbas.*  
*Et perpetuo vere Beatos*  
*Spargent variis floribus Agros.*

*Zevectot,*  
*in Frag.*  
*Mar. Græc.*

Non tantum hodiernam Terram perituram eſſe,  
 idque Igne, docent Brachmanes Siamenſes : Sed fore  
 etiam, ut ex ipſius cineribus nova Terra enaſcatur.  
 Terra *ſine mari*; qualem vidit Johannes Propheta : *Apoc. 21.1.*  
 Et ſine temporum viciffitudinibus annuis, *perenni*  
*Vere Beata*; qualem deſcripſimus Theoriæ libro *cap. 2.*  
 quarto. Mirari quidem licet gentem ſemibarbaram,  
 hæc dogmata retinuiſſe uſque à Noachi temporibus;  
 neque enim aliunde, quam à traditione, in harum  
 rerum notitiam illis pervenire licuit; neque aliunde  
 profluere potuit, aut primordia capere, hæc Traditio,  
 quam à Noacho, & Sapientibus antediluvianis. Sed  
 ex quo Authore, aut Itinerario Siamenſi, hæc de-  
 ſumpſit Poëta, mihi nondum innotuit.

Præterea

Præterea, Regnum *Choromandel*, in orâ meridionali Indiæ, suos habet Brachmanes: quorum mores & doctrinam non indiligenter exploravit Abrahamus Rogerus, qui *Januam apertam ad arcana Gentilismi* conscripsit, multos annos ibidem commoratus. Asserunt autem plures esse mundos, in diversis universi regionibus, simul existentes: & plures etiam successivos: eundem nempe Mundum destrui & renovari, secundum certas temporum periodos. Mundum nostrum Terrestrem ab ætate quâdam aureâ incœpisse, atque igne perituum esse. Denique, doctrinam de *Ovo mundano*, retinent, Mundum ovo comparantes; ut solent veteres, tam Græci quàm Barbari.

Denique, Regno *Choromandel* contiguum est Regnum Malabaricum: ubi P. Robertus Nobilius, missionis, ut dicitur, Maudarensis fundator, partem non exiguam suæ vitæ peregit; doctus linguam, tam vulgarem Indicam, quàm Brachmanicam. Scripsisse dicitur multa de *Theologiâ Brachmanum*: sed quâ linguâ, nescio: neque enim ex ipsius scriptis quicquam mihi hætenus videre contigit; nec de hæc, reliquisve, quæ supersunt, Indiæ regionibus, suppetunt mihi commentaria aut fideles narrationes, quibus ediscam eorum traditiones aut dogmata, ab oculatis auritisve testibus.

*Sinensum* etiam meminimus supra, populi perantiqui, sed apud veteres, in re literariâ, ignoti. Id habent cum cæteris Orientalibus commune, quod Mundum Ovo comparent, & ex eo ortum velint. Atque primum suum Hominem, *Puoncum* dictum, pariter prognatum statuunt ab Ovo: sive id de Chao interpretaris, sive de Tellure Primigeniâ. Et licet à Brachmanis non videantur mihi suam traxisse philosophiam aut historiam, eorum tamen literas & Alphabetum

Vid. part.  
2. c. 5.

Vide Ale-  
gamb.

M. Mart.  
Hist. Sin.  
c. 1.  
Nieuhof.  
Leg. Bat.  
p. 51.



phabetum arcanum tanti faciunt, ut, veluti quid sacrum & antiquissimum, suis idolis ea inscribere soleant.

Denique Mahometanos, latè diffusos per Orientem, sub aliis atque aliis dominiis, intractos pratero: utpote homines novos & ἀφιλοσόφους. Quod olim dixit Soloni Sacerdos Ægyptius, *Vos Græci semper pueri estis: Senex Græcorum est nullus.* Mutatis nominibus multo magis hîc locum habet. Nec malè sui dicti rationem reddit Ægyptius, Νέοι ἐστὶ τὰς ψυχὰς πάντες· ἐδεμίαν γὰρ ἐν αὐταῖς ἔχετε, δι' ἀρχαίαν ἀκολῶ, παλαιὰν δόξαν, ἐδὲ μάθημα χρόνῳ πολὺν ἐδέν. *Juvenes estis animis: in illis enim nullum, ex antiquâ traditione, priscorum dogma: nullam doctrinam vetustate canam retinetis.* Hæc quadrant quàm maximè in Mahometanos, ubicunque sparsos. Nihil retinent antiquæ sapientiæ, & dominandi cupiditas omnem illis ademit bonarum literarum amorem aut studium.

In ipsâ Perside, ubi olim floruit magni Zoroastri & Magorum Philosophia mystica, nihil superest hodiè commemoratione dignum. Narrat Henricus Lord, quem supra nominavimus, cùm Saraceni inundârint Persidem, victo & occiso Rege Jezdegirde, circa annum Christi 628. è Persis nonnullos, qui novæ servitutis & novæ religionis jugum ferre non poterant, conscensis navigiis in Indiam se & sua transtulisse: Regibusque Indis juratâ fide, suam quemque religionem, cultumque veterem, impunè exercuisse. Horum Indo-Persarum refert idem author nonnulla dogmata, circa ortum, ætates, finemque Mundi: sed tot fabulis referta, ut repetitu parùm digna videantur.

Atque illud in genere notandum est de Gentilibus hodiernis, superesse quidem apud eos nonnunquam antiquissi-

antiquissimorum dogmatum πατερπαράδοτων, circa Mundum naturalem, quædam vestigia: at situ, squalore, fordibus obducta: plerumque etiam additamenti fictitiis, ad nauseam usque, onerata; ut nullius sint numeri aut ponderis, cum argumentis virilibus res agitur. Miseret me quidem Terrarum Orientalium, primæ sapientum sedis, florentissimi olim bonarum literarum Emporii, à multis retro sæculis in sædam barbariem conversarum.

Tantane Animis cœlestibus iræ?

Faxit Deus, ut easdem non subeamus vices, neque retrahat iratus, id luminis, quo gaudemus in Occidente; sed in omnes partes magis magisque diffundat, donec *Scientia Dei repleverit Terram, ut Aqua replent mare.*

---

FINIS.

---

A Ballad made upon =

= Dr. Throckmorton Dean of St. Paul's in London,  
Dr. South Prebend of Christ Church College in  
and Dr. Barnett (author of this Book) and  
of y<sup>r</sup>. Charterhouse in London. ~ ~  
Go y<sup>r</sup>. Tune of a Soldier & a Sailor  
 stanza y<sup>r</sup>. 1. ~

A Dean and Prebendary,  
Had once a new Prebendary,  
Which made a doubtfull strife y<sup>r</sup>.  
Who led y<sup>r</sup>. better life y<sup>r</sup>.  
and was y<sup>r</sup>. better Man.

2 d. ~

The Dean he said y<sup>t</sup>. truly,  
Since Bluff was so unruly,  
He'd prove it to his face y<sup>r</sup>.  
That he had y<sup>r</sup>. most Grace y<sup>r</sup>.  
and so the strife began.

3 d. ~

The Preb. he ~~roard~~ like thunder,  
And ~~more~~ it was no wonder  
That Gods y<sup>r</sup>. Dean had th<sup>r</sup>er y<sup>r</sup>.  
And more by two then he y<sup>r</sup>.  
for he had got but one.

(Tune 1008)



consul: plutarchi libellum de superstitione.

th

4:

But while these two were prating,  
And in Disputes debating,  
The Master of y<sup>r</sup>. Charter  
Said both had caught a Tartar  
for Gods that there were none.

th

And all y<sup>r</sup>. Books of Moys,  
Were nothing but supposes  
And he deliver'd words s<sup>r</sup>.  
That writ y<sup>r</sup>. Pentateuch s<sup>r</sup>.  
Was nothing but a Sham.

th

And as for father Adam,  
And Mrs. Eve his Madam,  
And all y<sup>r</sup>. Serpent spoke s<sup>r</sup>.  
Was nothing but a joke s<sup>r</sup>.  
a well invented Plam.



th

But while these three were raging,  
And in Disputes engaging,  
The Dame for whom they strove s<sup>r</sup>.  
Could neither of them love s<sup>r</sup>.  
for all had given offence.

8<sup>th</sup> ~

He therefore slyly waiting,  
Left these three Fools debating,  
And being in a fright for  
Religion took her flight for

and never was heard of since,



THE UNIVERSITY OF CHICAGO

THE UNIVERSITY OF CHICAGO